

ივ. ჯავახიშვილის სახელობის ისტორიის ინსტიტუტი

დ. გოგოლაძე

კაპიტალისტური საწარმოები
სოფლის მეურნეობასა და მრეწველობაში
რეფორმამდე საქართველოში

(1830 — 1864 წწ.)

წინასიტყვაობა

წინამდებარე ნაშრომის მიზანს შეადგენს გვიჩვენოს რეფორმამდელ საქართველოში, ძველი ფეოდალური ურთიერთობის წიაღში, ახალი, ბურჟუაზიული ურთიერთობის ჩასახვა და განვითარება. საკითხის შესწავლისას ჩვენ ვეყრდნობით მარქსისტულ მოძღვრებას საზოგადოების განვითარების კანონების შესახებ. მარქსიზმი გვასწავლის, რომ „კაპიტალისტური საზოგადოების ეკონომიური სტრუქტურა წარმოიშვა ფეოდალური საზოგადოების ეკონომიური სტრუქტურიდან“¹. აღებული თემის შესწავლისას ჩვენ განსაკუთრებით ვეყრდნობოდით იმ სახელმძღვანელო დებულებებს, რომლებიც მოცემულია მარქსის „კაპიტალში“ და ლენინის შრომაში — „კაპიტალიზმის განვითარება რუსეთში“.

ნაშრომის პირველ თავში განხილულია მეფის რუსეთის ეკონომიური პოლიტიკა საქართველოში; მეორე თავში — სასაქონლო მეურნეობის განვითარება და ნატურალური მეურნეობის რღვევა რეფორმამდელ საქართველოში; მესამეში — საბატონო მეურნეობის ბურჟუაზიული ევოლუცია და ბურჟუაზიული მეურნეობანი სოფლად, მეოთხეში — კაპიტალისტური სამრეწველო საწარმოები და მათი განვითარება, რეფორმამდელი ხანის სამრეწველო საწარმოთა სოციალ-ეკონომიური ბუნება და სხვა საკითხები.

კაპიტალისტური საწარმოების შესწავლას რეფორმამდელი საქართველოს სოფლის მეურნეობასა და მრეწველობაში დიდი მნიშვნელობა აქვს, რადგან ჩვენ იგი გვეხმარება რეფორმის შემდგომ დროინდელ საქართველოში კაპიტალიზმის განვითარების საკითხის სწორად გაშუქებაში. შესასწავლი პერიოდი მოიცავს XIX ს. მეორე მესამედს — 30-იანი წლებიდან საგლეხო რეფორმამდე (1830—1864 წწ.). შესასწავლი მონაკვეთი 30-იანი წლებიდან იმიტომ დავიწყეთ, რომ ამ დროს, 30-იანი წლების დასაწყისისათვის რუსეთი წარმატებით ამთავრებს ომებს სპარსეთთან, თურქეთთან და ადგილობრივ სამთავრო-სახანოებთან ამიერკავკასიაში გაბატონებისათვის. ამიერიდან აქ ხელსაყრელი მშვიდობიანი პირობები იქმნება ქვეყნის ეკონომიური განვითარებისათვის. სწორედ ამ დროიდან —

¹ კ. მარქსი, კაპიტალი, ტ. I თბ., 1954, გვ. 898.

XIX ს. 30-იანი წლებიდან გაცილებით მძლავრად იჩენს თავს ახლო საწარმოო ძალები წინა ხანასთან შედარებით.

ნაშრომი ძირითადად ემყარება საარქივო მასალებს, რომლებიც ინახება საქართველოსა და ლენინგრადის ცენტრალურ სახელმწიფო საისტორიო არქივებში. ამას გარდა შრომაში გამოყენებულია რიგი გამოქვეყნებული სტატისტიკური კრებულები და პერიოდული გამოცემანი, ასევე სპეციალური ლიტერატურა — ისტორიკოსთა და ეკონომისტთა შრომები, რომლებიც აღებულ საკითხს შეეხებიან.

რეფორმამდელ საქართველოში კაპიტალისტური ურთიერთობის ჩასახვისა და განვითარების საკითხი თავისთავად ახალი არ არის. ამ საკითხს სწავლობენ ისტორიკოსები და ეკონომისტები. ჯერ კიდევ 1934 წელს აკად. ნ. ბერძენიშვილი შეეხო საქართველოში კაპიტალიზმის განვითარების გენეზისის საკითხს და იგი სავსებით სწორად გააშუქა (იხ. „სამღებროთა შესახებ XVIII ს. საქართველოში“). საქართველოში კაპიტალიზმის წარმოშობისა და განვითარების საკითხზე XIX საუკუნეში, წლების მანძილზე სისტემატურად მუშაობს პროფ. პ. გუგუშვილი, რომელმაც აღნიშნულ პრობლემას სპეციალური მეცნიერული გამოკვლევები მიუძღვნა. აღებულ საკითხს ეხებიან აგრეთვე რიგი მკვლევრები: შ. ჩხეტია, ა. კიკვიძე, ა. ანთელავა, შ. მესხია, მ. დუმბაძე, ზ. ანჩაბაძე და სხვები. ცხადია, საკითხის შესწავლისას ჩვენს მიერ გამოყენებული იქნა მათი შრომები.

შრომაში ჩვენ არ შეგვეძლო მიზნად დაგვესახა კაპიტალისტური ურთიერთობის ჩასახვისა და განვითარების მთლიანი პროცესის მოცემა, როგორცაა ფეოდალური სისტემის რღვევა, ე. წ. კაპიტალის პირვანდელი დაგროვება — უშუალო მწარმოებლის საწარმოო საშუალებებისაგან მოწყვეტა, გლეხობის დაშლა და მათთან დაკავშირებული მთელი რიგი საკითხები და სხვ. ჩვენი შრომის მიზანია ვუჩვენოთ რეფორმამდელ ხანაში სასაქონლო წარმოებისა და ვაჭრობის განვითარების შედეგად, ქვეყნის ეკონომიკაში ნიადაგის თანდათანობითი მომზადება წარმოების კაპიტალისტური წესისათვის. ვუჩვენოთ კაპიტალისტური საწარმოების წარმოშობა სოფლის მეურნეობასა და მრეწველობაში, მათი რიცხოვრივი გადიდება, დაქირავებული შრომის თანდათანობითი გავრცელება და აქედან გამომდინარე კაპიტალისტური ურთიერთობის ზრდაც. შრომის ერთ-ერთი ძირითად მიზანს შეადგენს რეფორმამდელი ხანის სამრეწველო საწარმოთა (ძირითადად მანუფაქტურების) სოციალ-ეკონომიური ბუნების დახასიათება.

რეფორმამდელი ხანის შედარებით მსხვილი კაპიტალისტური საწარმოების შესწავლის გვერდით, მოგვიხდა აგრეთვე შეგვესწავ-

ლა ზოგიერთი რაციონალიზებული საბატონო მეურნეობანი, რომლებიც კაპიტალისტური ევოლუციის გზას ადგნენ და მსხვილი სახანონო საწარმოები. რიგი სტატისტიკური წყაროების (საარქივო) საფუძველზე, შრომაში ნაჩვენებია სამრეწველო საწარმოთა და მათ მიერ გამომუშავებული პროდუქციის ზრდა საქართველოში ბატონყმობის გაუქმებამდე; ასევე დაქირავებული შრომისა და სავაჭრო-სამრეწველო მოსახლეობის ზრდა. ნაშრომის ბოლოს ვეხებით კაპიტალიზმის წარმოშობისა და განვითარების გზებს რეფორმამდელ საქართველოს მრეწველობაში.

მონოგრაფიაში ხაზგასმულია, რომ რეფორმამდელ საქართველოში კაპიტალისტური ურთიერთობის ჩასახვისა და განვითარების მიუხედავად, მიუხედავად იმისა, რომ ფეოდალურ-ბატონყმური სისტემის ირღვეოდა და კრიზისს განიცდიდა, ეს ძველი ურთიერთობა ჯერ კიდევ ვაბატონებულ ძალას წარმოადგენდა ქვეყანაში და ხელს უშლიდა ახალი მწარმოებლური ძალების განვითარებას. სათანადო მასალებით ირკვევა, რომ ბატონყმობის გაუქმების წინ, საქართველო, სოციალ-ეკონომიური განვითარებით, რუსეთის იმპერიაში შეშავალ ოლქებს შორის ერთ-ერთი დაწინაურებული ქვეყანა იყო. 50-იანი წლების ბოლოსა და 60-იანი წლების დასაწყისში საქართველოში მომწიფებული იყო ნიადაგი ბატონყმური წყობის ლიკვიდაციისათვის.

რეფორმამდელ საქართველოში კაპიტალისტური ურთიერთობის ჩასახვა-განვითარების საკითხზე მუშაობა დავიწყე 1953 წელს, მეცნიერ-ხელმძღვანელის, აკად. ნ. ბერძენიშვილის უშუალო რჩევით. მისი მითითებანი დიდ დახმარებას მიწევდა აღნიშნული საკითხის შესწავლაში, რისთვისაც ჩვენ მას უღრმეს მადლობას მოვახსენებთ.

დაბოლოს, საჭიროდ მიგვაჩნია აღვნიშნოთ, რომ ჩვენ პრეტენზიას არ ვაცხადებთ აღებული საკითხის ამომწურავად შესწავლა-გაშუქებაზე. რეფორმამდელი საქართველოს სოციალ-ეკონომიური განვითარების შესწავლის საქმეში ჯერ კიდევ ძალიან ბევრია გასაცხებელი. ამიტომ ვიმედოვნებთ, რომ მომავალი კვლევა-ძიების პროცესში აღნიშნული საკითხი კიდევ უფრო მეტი მეცნიერული სიღრმით შეისწავლება.

რუსეთის ცარიზმის კოლონიალურ-ეკონომიური პოლიტიკა საქართველოში

ჯერ კიდევ შეერთებამდე რუსეთის პოლიტიკური მოღვაწეებმა საქართველოს იცნობდნენ, როგორც მდიდარსა და ნაყოფიერ ქვეყანას, სადაც ბუნება უხვად აჯილდოებდა ადამიანის შრომას. მათი წარმოდგენით სიმდიდრე ამ ქვეყანაში კიდევ უფრო გაიზრდებოდა მშვიდობიანობის დამყარებისა და რუსეთის მთავრობის „მზრუნველობის“ მეოხებით. ისინი ეკვის გარეშე იმედს გამოთქვამდნენ, რომ საქართველო გადაიქცეოდა რუსეთის ინდოეთად, ხოლო ზოგიერთმა მათგანს საქართველო წარმოდგენილი ჰქონდა „ახალ ელდორადოდ“. რუსეთთან შეერთების შემდეგაც მათ ოდნავაც არ შეუცვლიათ ასეთი შეხედულება საქართველოს მიმართ. 1828 წელს თბილისის სამხედრო გუბერნატორი, გენერალი სიპიაგინი, მთავარმართებელ პასკევიჩისადმი წარდგენილ ბარათში აღნიშნავდა, რომ „საკუთარი ჩვენი პროვინციები (საქართველო და ამიერკავკასია — დ. გ.) შეადგენენ ნედლ მასალათა ამოურწყველ წყაროებს და ჩვენ ამ მხრივ არასოდეს არ დაგეჰქირდება უცხო ქვეყნები, თუ მათ აღმოჩენას მიექცევა სათანადო ყურადღება“¹. ასევე, იმპერიის ფინანსთა მინისტრ კანკრინისადმი გაგზავნილ მიმართვაში იგი აღნიშნავდა, რომ „საქართველოს საუცხოო კლიმატი, ჩინებული ნიადაგი და ბუნების მდიდარი ნაყოფი აქ უხვად აჯილდოებს შრომას“².

რუსული მმართველობის შემოღების პირველი დღიდანვე რუსეთის ცარიზმი საქართველოს თვლიდა თავის კოლონიად, მაგრამ გარკვეული პოლიტიკური და დიპლომატიური მოსაზრებებით იგი ამას ოფიციალურად არ აცხადებდა მე-19 საუკუნის პირველი მესამედის მიწურულამდე.

მე-19 საუკუნის 30-იან წლებამდე რუსეთი ამიერკავკასიაში მეტწილად გართული იყო განუწყვეტელი ომებით, როგორც სპარსეთთან და თურქეთთან, ისე ადგილობრივ ფეოდალურ სამთავრო-სახანოებთან. 30-წლიანი ბრძოლა ამიერკავკასიისათვის რუსეთის

¹ Акты, т. VII, стр. 128.

² იქვე, стр. 156.

გამარჯვებით დამთავრდა. მან შეძლო ამ პერიოდში ძირითადად დაემთავრებინა ამიერკავკასიის შემოერთება. ვიდრე რუსეთი აწარმოებდა განუწყვეტელ ომებს ამიერკავკასიაში მისი შემომტკიცების მიზნით, ვიდრე იგი ვართული იყო საგარეო საკითხების გადაწყვეტით ახლო აღმოსავლეთში, მას არ შეეძლო საქართველოს ეკონომიური ათვისების ამოცანა დაესვა. თურქმანჩაისა (1828 წ.) და ადრიანეპოლის (1829 წ.) ზავით რუსეთმა მტკიცედ მოიკიდა ფეხი ამიერკავკასიაში, განმტკიცდა მისი პოლიტიკური და სტრატეგიული მდგომარეობა.

ამიერკავკასიის პოლიტიკური დაპყრობის შემდეგ, რუსეთის ცარიზმმა და მისმა ოფიციალურმა წარმომადგენლებმა სისტემად ჩამოაყალიბეს მეფის რუსეთის კოლონიალურ-ეკონომიური პოლიტიკა საქართველოსა და ამიერკავკასიის მიმართ.

პირველად საქართველოსა და ამიერკავკასიაზე, როგორც „კოლონიაზე“, თავისი შეხედულება ოფიციალურად გამოთქვა ფინანსთა მინისტრმა კანკრინმა. 1827 წლის აპრილში მან სახელმწიფო საბჭოში წარადგინა პროექტი (კანონი საქართველოს შესახებ), სადაც ნათლად არის აღნიშნული ის, თუ როგორ უნდა უყურებდეს რუსეთის მთავრობა ამიერკავკასიას და როგორი მიზნები უნდა ჰქონდეს დასახული მის მიმართ. ეს პროექტი იმპერატორ ნიკოლოზ 1-ის მიერ დამტკიცებულ იქნა იმავე წელს. კანკრინი წერს: „ამიერკავკასიის პროვინციები არ შეიძლება უსაფუძვლოდ იწოდოს ჩვენს კოლონიად, რომელმაც სახელმწიფოს უნდა მოუტანოს სამხრეთის ჰავის ნაყოფებით ფრიად მნიშვნელოვანი სარგებლობანი. თუმცა აქამდე ამ მიზნის მისაღწევად მნიშვნელოვანი ნაბიჯები არ გადადგმულა, რამდენადაც დროის სიმოკლით, ამდენადვე სხვა მთელი რიგი მიზეზების გამოც“¹. „სხვა მთელ რიგ მიზეზებში“ იგი უმთავრესად გულისხმობდა იმ შფოთსა და არეულობას, რომელიც წლების განმავლობაში ხდებოდა საქართველოსა და ამიერკავკასიაში რუსეთის შემოსვლის დროიდან და იმ ბრძოლებსა და ომებს, რომელსაც რუსეთის მთავრობა აწარმოებდა ამიერკავკასიის სამთავრო-სახანოებისა და ირან-თურქეთის წინააღმდეგ. რაც საშუალებას არ აძლევდა რუსეთს ამიერკავკასიის ეკონომიურ ათვისებაზე ეფექტა. იგი მოითხოვდა გაეზარდათ მხარის სახალხო დოვლათი: განევითარებინათ მიწათმოქმედება, მეაბრეშუმეობა, მოეშენებინათ ბაზბა, ბრინჯი, ზეთოვანი ხეები და ჰავის შესაფერი სხვა მცენარეები; ყურადღება უნდა მიექციათ სახაზინო ქონებათა მოწყობის საქმისათვის, სამთო

¹ ПСЭРИ т. II, собрание второе 1827, СПб, № 1019.

საქმისათვის და სხვ. ამრიგად, საქართველო „ექსპლოატაციის სათანადო პირობებით“ „რუსეთის ინდოეთად“ უნდა გადაქცეულიყო.

ფინანსთა მინისტრის შეხედულებას სავსებით დაუჭირა მხარი საქართველოს მთავარმართებელმა პასკევიჩმა. მან უფრო აშკარად და გარკვევით გამოთქვა თავისი შეხედულება მეტროპოლიისა და კოლონიის როლისა და ადგილის შესახებ.

1830 წლის 5 ოქტომბრის მიმართებაში იგი ფინანსთა მინისტრს კანკრინს სწერდა: „ქარხნებისა და ფაბრიკების დამაარსებელთათვის ზოგიერთი პრივილეგიების მინიჭება საეჭვოა რომ საჭირო იყოს; რადგან მე გადაუწყვეტელი მგონია საკითხი — საქართველოში ფაბრიკებისა და ქარხნების (განსაკუთრებით ზოგიერთთა) წახალისების სარგებლიანობის შესახებ. განა არ უნდა ვუყურებდეთ საქართველოს, როგორც კოლონიას? რომელიც ჩვენს ფაბრიკებს მოაწვდიდა ნედლ მასალას (აბრეშუმს, ბამბას და სხვ.), ხოლო რუსეთისაგან მიიღებდა მანუფაქტურულ ნაკეთობას. წინააღმდეგ შემთხვევაში საქართველოში ასეთი მანუფაქტურების დაარსებით ბუნებრივად ხომ არ შესუსტდება მისი კავშირი რუსეთთან?“¹

ზემოთ მოყვანილ კანკრინისა და პასკევიჩის შეხედულებებში ნათლად ჩანს ის როლი, რომელიც საქართველოს უნდა ეთამაშა მეტროპოლიის მიმართ: იგი უნდა დარჩენილიყო სოფლის მეურნეობის ქვეყნად, რომელიც მეტროპოლიის (რუსეთის) გადამმუშავებით მრეწველობას მიაწვდიდა ნედლეულს. რუსეთის მთავრობას საქართველოში არ უნდა განეფიქრებინა საფაბრიკო-საქარხნო წარმოება, „განსაკუთრებით ზოგიერთთა“, რომლებიც მეტოქეობას გაუწევდნენ მეტროპოლიის მრეწველობას და გაუძნელებდნენ მას კოლონიაში სამრეწველო საქონლის გასაღებას. სამრეწველო საქონელი, საქართველოს რუსეთისაგან უნდა მიეღო, რაც კიდევ უფრო გაზრდიდა მის დამოკიდებულებას რუსეთისადმი.

ფინანსთა მინისტრი თავის პასუხში სავსებით ეთანხმებოდა პასკევიჩს და წერდა, რომ იგი წინათაც სავსებით ასეთი აზრისა იყო².

ასეთივე აზრებია გატარებული მთავარმართებელ პასკევიჩისა და სენატორების — კუტაისოვისა და მეჩნიკოვის მონაწილეობით შედგენილ, ე. წ. „ამიერკავკასიის მმართველობის სისტემის გარდაქმნის პროექტში“, რომელიც ეკონომიური პოლიტიკის მხარესაც შეიცავს³. განსაკუთრებით ხაზს უსვამდნენ საქართველოს

¹ Акты, т. VII, стр. 140,

² იქვე, стр. 144.

³ Колониальная политика российского царизма в Азербайджане в 20—60-х гг. XIX в., ч. I, 1936 г. М.-Л., стр. 272—236.

კოლონიზაციას (მისი უცხო ელემენტებით დასახლებას), რომელიც თითქოს დიდად შეუწყობდა ხელს ქვეყნის სამეურნეო განვითარებას¹.

კანკინის, პასკევიჩისა და მათ მომხრეთა შეხედულებებმა საქართველოში ცარიზმის ეკონომიურ პოლიტიკაზე, შემდგომი განვითარება მიიღო სენატორ განის მიერ 1837 წელს შედგენილ მოხსენებით ბარათში, რომელიც ნიკოლოზ 1-ს წარედგინა. მისი აზრითაც საქართველო რუსეთის კოლონია უნდა იყოს და მთავრობის პოლიტიკა მის მიმართ მეტროპოლიის ინტერესებიდან უნდა გამომდინარეობდეს.

განის ხელმძღვანელობით შემდგარ კომისიას უნდა შეედგინა ამიერკავკასიის მხარის მმართველობის დებულებანი, რომელთა საფუძველზე უნდა გარდაქმნილიყო მისი მმართველობის სისტემა. მოხსენებით ბარათში დასახულია მომავალი ეკონომიური ღონისძიებანიც, რომელიც მისი აზრით მთავრობას ცხოვრებაში უნდა გაეტარებინა.

განი მიუთითებს, რომ საქართველო და ამიერკავკასია გამოსადეგია ტროპიკული და ჩრდილოეთის მცენარეთა გაშენებისათვის და შესაძლებელია გაათავისუფლოს რუსეთი უცხოეთის ნაწარმთა დიდი ნაწილის მიღების აუცილებლობისაგან². განი იმედს გამოთქვამდა, რომ რუსეთს დიდ სარგებლობას მოუტანდა ეს „მშვენიერი მხარე“.

სენატორი განი გადაჭრით სვამს საკითხს იმის შესახებ, თუ მეურნეობის რომელი დარგი უნდა განავითაროს რუსეთმა ამიერკავკასიაში. მისი აზრით, საქართველოსა და ამიერკავკასიაში უნდა განავითაროს „მ ხ ო ლ დ და მ ხ ო ლ დ“ სოფლის მეურნეობა. ფაბრიკებისა და მანუფაქტურების დაარსება იქ ძალას წაართმევს და შეასუსტებს სოფლის მეურნეობის განვითარებას და ზიანს მიაყენებს რუსეთის მრეწველობასა და ვაჭრობას³. რაც შეეხება ამიერკავკასიაში მოყვანილ ნედლეულს, მისი გამოყენება და გადამუშავება მხოლოდ რუსეთის მრეწველობას შეუძლია, ხოლო იქ გადამუშავებული ნედლეული საქონლის სახით, მისი აზრით, უნდა მიეღო საქართველოსა და ამიერკავკასიას⁴.

იმისათვის, რათა განხორციელებულიყო რუსეთის მიერ საქართველოს ეკონომიური ათვისება და ცარიზმის ეკონომიური პოლი-

¹ იქვე, გვ. 286.

² იქვე, გვ. 303.

³ იქვე, გვ. 314.

⁴ იქვე.

ტიკა იმ სახით, როგორსაც მას მისი ოფიციალური წარმომადგენლები თავაზობდნენ, საჭირო იყო ქვეყნის სოციალ-ეკონომიური შესწავლა, სად რა ბუნებრივი სიმდიდრენი არსებობდა და სად რა შეიძლებოდა განვითარებულიყო.

ამ მიზნით, ფინანსთა სამინისტრომ ამიერკავკასიაში გამოწვევა სპეციალური ექსპედიცია ლეგკოპიტოვის, ზუბარევისა და ცარიზმის სხვა მოხელეთა შემადგენლობით. კომისიას უნდა შეესწავლა მხარის სახალხო მეურნეობის მდგომარეობა და გამოველინებინა რუსეთის მანუფაქტურული და ფაბრიკული მრეწველობისათვის საჭირო რესურსები. ამ კომისიის გამოკვლევის შედეგად 1836 წელს გამოქვეყნდა 4-ტომიანი ნაშრომი: „რუსეთის სამფლობელოთა მიმოხილვა ამიერკავკასიაში“ („Обозрение Российских владений за Кавказом“), რომელსაც, მიუხედავად მთელი რიგი ნაკლოვანებისა. დიდი მნიშვნელობა ჰქონდა, რადგან ერთ-ერთი პირველი ცდა იყო ამიერკავკასიის სოციალ-ეკონომიური გამოკვლევისა.

მთელ რიგ ნაკლოვანებებთან ერთად, ერთი დიდი ნაკლოვანება ამ შრომისა, როგორც ამ წიგნზე „შენიშვნების“ ავტორი მიუთითებს, ისაა, რომ სულ არ არის მოხსენებული და შესწავლილი ამიერკავკასიის ისეთი მნიშვნელოვანი ნაწილები, როგორცაა იმერეთი, გურია და სამეგრელო, ამიტომ „უფრო სწორი იქნებოდა ამ წიგნისათვის ეწოდებინათ „რუსეთის ზოგიერთ სამფლობელოთა მიმოხილვა ამიერკავკასიაში“.

წიგნში გატარებულია ცარიზმის ოფიციალური წარმომადგენლების — კანკრინის, პასკევიჩისა და სხვათა დებულებების დამახაბუთებელი რეაქციული ინტელიგენციის შეხედულებანი. შრომის ავტორები აღნიშნავენ იმ უდიდეს სარგებლიანობას, რაც რუსეთს ხვდა ამიერკავკასიის დაუფლებით: „ამიერკავკასიაში რუსეთის მფლობელობის განმტკიცებით იგი მაგარ ფეხებზე დადგა აზიაში და მით მოიპოვა გადამწყვეტი პოლიტიკური ზეგავლენა ორ ძლიერ მეზობელ სახელმწიფოზე: სპარსეთზე და თურქეთზე“². აქაც, ზემოთ აღნიშნული „ზოგიერთი შენიშვნების“ ავტორი სამართლიანად მიუთითებს იმის შესახებ, რომ აქ აღნიშნული არ არის აგრეთვე ის დიდი და მისი აზრით მთავარი სარგებლობა, რომლითაც რუსეთი ამიერკავკასიის ფლობით სარგებლობდა: „ამიერკავკასიის პროვინციათა დაუფლებით ღონის კაზაკთა ქვეყანა შიდა გუბერნიად იქ-

¹ Некоторые замечания на книгу «Обозрение Российских владений За-Кавказом». Санктпетербург, 1840. гл. 135.

² «Обозрение Российских владений За-Кавказом» ч. I, 1836, гл. 6—7.

ცევა: სიწყნარე და უშიშროება განმტკიცებულა კავკასიის ოლქში. და ასტრახანისა და ეკატერინოსლავის გუბერნიებში; რუსეთს რომ ამიერკავკასიის პროვინციები არ ეკუთვნოდეს, მაშინ მისი სამხრეთი გუბერნიები დღემდე საფრთხეში იქნებოდნენ მთიელი მტაცებლების თავდასხმებით, როგორც XV და XVI საუკუნეებში¹.

„რუსეთის ამიერკავკასიის სამფლობელოთა მიმოხილვის“ ავტორები სავსებით დარწმუნებულნი არიან იმაში, რომ ამიერკავკასიისა და საქართველოს სავსებით შეუძლიათ უზრუნველყონ რუსეთის მრეწველობა საჭირო ნედლეულით². წიგნში განვითარებულია შეხედულება, რომ რუსეთის მთავრობა ამიერკავკასიას უნდა უყურობდეს, როგორც კოლონიას, და ამ თვალსაზრისიდან უნდა გამომდინარეობდეს იქ მისი ყოველგვარი მოქმედება³.

რუსეთის ცარიზმმა თავისი ოფიციალური წარმომადგენლებისა და რეაქციული ინტელიგენციის შეხედულებანი სახელმძღვანელოდებულებებად გაიხადა თავის კოლონიალურ-ეკონომიურ პოლიტიკაში.

ცარიზმის რეაქციული წარმომადგენლების გარდა საქართველოს ეცნობიან და მასზე წერას იწყებენ იმდროინდელი მოწინავე; საზოგადოებრიობის წარმომადგენლები — პოლიტიკური და დიპლომატიური მოღვაწეები, ლიტერატორები, მოგზაურები, სწავლულნი და სხვ. ესენიც თავიანთ მხრივ გამოთქვამდნენ შეხედულებებს საქართველოს მიმართ და შემდეგ წერილების, ოფიციალურ მოხსენებათა თუ სხვა სახით წარუდგენდნენ მთავრობას.

მათ შორის ყველაზე უფრო გამოირჩევა გრიბოედოვისა და საქართველოს სამოქალაქო გუბერნატორის ზავილეისკის მიერ შედგენილი „რუსეთის ამიერკავკასიის კომპანიის დაფუძნების პროექტი“⁴. ეს იყო ამიერკავკასიისა და საქართველოს ეკონომიური და კულტურული გარდაქმნის ფართო პროგრამა. პროექტი შედგენილ იქნა 1828 წელს და იმავე წელს განსახილველად წარედგინა საქართველოს მთავარმართებელს გენერალ გრაფ პასკევიჩს. თვით „რუსეთის ამიერკავკასიის დაფუძნების წესდების პროექტი“, როგორც ჩანს, დაკარგულია, გადაარჩენილია მისი ნაწილი — შესავალი წესდების პროექტისათვის.

გრიბოედოვი და ზავილეისკი პასკევიჩისადმი წარდგენილ მოხსენებით ბარათში წერენ, რომ „ამიერკავკასიის ყურადღებით და-

¹ «Некоторые замечания...», გვ. 3.

² «Обозрение...», გვ. 65.

³ იქვე, გვ. 13.

⁴ რუსი მწერლები საქართველოს შესახებ, თბ., 1949, გვ. 67—90. |

თვალთვლებისას, ყველა დარწმუნდება, რომ იქ ბუნებას ყოველივე გაუმზადებია ადამიანისათვის¹, რომ ამიერკავკასიის დოვლათიან პროვინციებში მელენიობის, მეაბრეშუმეობის, მებამბეობის, კოლონიალურ სამღებრო და სხვა პროდუქტის წარმოების შემოღებისა და გაუმჯობესების მიზნით მათ შეადგინეს კომპანიის დაარსების გეგმა, რათა ამ გეგმის განხორციელებით რუსეთის სახელმწიფომ აღნიშნული პროვინციებიდან მიიღოს უდიდესი სარგებლობა.

აქამდე რუსეთს, „ფრიალ მნიშვნელოვანი მიზეზების გამო“ (ევროპული და აზიური ომების გამო — დ. გ.), არ შეეძლო გაეშალა თავისი სამეურნეო მოღვაწეობა აქ, რადგან „როდესაც რუსებმა კავკასიონს გადააბიჯეს, უწინარეს ყოვლისა ზრუნავდნენ, რათა მაგალიად მოეკიდებინათ ფეხი საქართველოში...“². რუსეთის მიერ ამიერკავკასიაში წარმოებულმა ომებმა დიდად შეაფერხა მხარის სამეურნეო განვითარება. განსაკუთრებით ომის მძიმე ტვირთი, ავტორების სიტყვით, ყველაზე მეტად ზიდა საქართველომ, რომელმაც „1826 წლიდან დღევანდელ დრომდე... პურით, სასაბაღნე და გამწვევი პირუტყვით, გადამრეკებით და სხვა საერთო ანგარიშით მეტი დახარჯა თავისი ქონებიდან, ვიდრე ამის გაკეთებას შესძლებდა რუსეთის ყველაზე უფრო აყვავებული ოლქთაგანი“³. ეს გარემოება არ აძლევდა საშუალებას ამიერკავკასიის მცხოვრებთ თავისი მეურნეობის გაუმჯობესებაზე ეფიქრა.

იმისათვის, რომ მრეწველობისა და ვაჭრობის საქმე მაღალ საფეხურზე იქნას აყვანილი, ავტორების აზრით, საჭიროა მთავრობისა და ერთ საზოგადოებაში გაერთიანებულ მწარმოებელთა ძალის შეერთება; საჭიროა „ერთ საზოგადოებაში გაერთიანდეს საცმო რიცხვი მწარმოებელ კაპიტალისტებისა, რომლებმაც ხელი უნდა შეუწყონ ერთი მეორეს თავისი ცოდნით, ფულადი სახსრებით და შრომით. ამისათვის საჭიროა დაარსდეს სამიწათმოქმედო, სამანუფაქტურო და სავაჭრო კომპანია, რომელიც შესძლებს შეუდგეს ბუნების ყველა იმ სიმდიდრეთა მოპოვებას, რომელთა წარმოება დამუშავება და გაუმჯობესება და აგრეთვე გასაღება შორეულ სახელმწიფოებში ყოველ ცალკეულ კერძო პირის საშუალებებს აღემატება“⁴.

ავტორები ამ კომპანიისათვის მთავრობისაგან ითხოვდნენ მთელ რიგ პრივილეგიებს: სამეურნეო საწარმოთა და ფაბრიკების მოწყო-

¹ იქვე, გვ. 67.

² იქვე, გვ. 74.

³ იქვე, გვ. 76—77.

⁴ იქვე, გვ. 81.

ბის საქმეში, სათანადო მიწების შექმნისათვის, კომპანიის მიერ დამზადებული საქონლის ქვეყნის შიგნით და უცხოეთში გასაღებისათვის და სხვ. კომპანიის მოქმედება, მათი აზრით, ააყვავებდა მხარის სოფლის მეურნეობასა და მრეწველობას. ამიერკავკასიის სამეურნეო განვითარება კი უდიდეს სარგებლობას მოუტანდა რუსეთის სახელმწიფოს¹.

გრიბოდოვისა და ზავილეისკის შეხედულებანი ამიერკავკასიისა და საქართველოს ეკონომიური და კულტურული გარდაქმნის შესახებ, რომელიც „რუსეთის ამიერკავკასიური კომპანიის დაფუძნების პროექტშია“ მოცემული, შედარებით ყველა დანარჩენ შეხედულებებთან, რომლებიც ამ საკითხზე ოფიციალურ მოხსენებათა, ბარათების, შრომებისა და სხვათა ფორმით გამოიქვეყნა, გაცილებით პროგრესულია.

პროექტის ავტორებს განზრახული ჰქონდათ განეითარებინათ საქართველოში მებაბრეშუმეობა, მეთამბაქოეობა, მეღვინეობა, ბამბის წარმოება, მოეშენებინათ სამღებრო და სააფთიაქო მცენარეები. დაენერგათ სოფლის მეურნეობაში ტექნიკური ჩვევები, ამასთანავე ითვალისწინებდნენ მსხვილი კაპიტალისტური საწარმოების — ფაბრიკებისა და ქარხნების აშენებას, უცხოეთიდან მანქანების შემოტანას, გადამამუშავებელ მრეწველობაში ტექნიკის სრულყოფას, ახალი გზების გაყვანას, კულტურულ-საგანმანათლებლო მუშაობასა და ღონისძიებებს: სკოლების გახსნას, მოსახლეობის კულტურული ღონის ამალვებას — ყველაფერი ეს პროგრესულ ხასიათს ატარებდა, რომელსაც შეეძლო გამოეწვია ამიერკავკასიაში საწარმოო ძალების სწრაფი ზრდა, რაც თავის მხრივ დააჩქარებდა ახალი საზოგადოებრივი ფორმაციის განვითარებას.

ცარიზმის ბატონობის პირობებში ამ პროექტს განხორციელება არ ეწერა. გრიბოდოვისა და ზავილეისკის მიერ შედგენილი ამიერკავკასიის საწარმოო ძალების განვითარების პროექტი შეეჯახა ცარიზმის კოლონიალურ-ეკონომიურ პოლიტიკას, რომელიც გარკვევით ჩამოაყალიბეს და გამოთქვეს ცარიზმის ოფიციალურმა და რეაქციული ინტელიგენციის წარმომადგენლებმა: კანკრინმა, პასკევიჩმა, ხოლო შემდეგ „რუსეთის ამიერკავკასიის სამფლობელოთა მიმოხილვის“ ავტორებმა და სენატორმა განმა, რაც იმაში მდგომარეობდა, რომ რუსეთს საქართველოში არ უნდა განეითარებინა მრეწველობა — არ უნდა აეგო ფაბრიკები და ქარხნები, რომლებიც მომავალში კონკურენციას გაუწევდნენ მეტროპოლისის

¹ იქვე, გვ. 87—88.

მრეწველობას; ამიტომ საქართველო ამ პოლიტიკით უნდა დარჩე-
ნილიყო სოფლას მეურნეობის ქვეყნად, რუსეთის მრეწველობისათ-
ვის საჭირო ნედლეულის მიმწოდებელ ქვეყნად და მისი საქონლის
კოლონიალურ ბაზრად. ცარიზმის მოხელეები (პასკევიჩი, უუკოვსკი)
მტრულად შეხედნენ გრიბიოდოვისა და ზავილეისკის პროექტს და
მან ცარიზმისა და კოლონიალური რეჟიმის პირობებში პრაქტიკული
განხორციელება ვერ ჰპოვა.

ქართველ მოწინავე საზოგადოებრივ მოღვაწეთა შორის, რომ-
ლებიც საქართველოს სამეურნეო განვითარების საკითხზე თავიანთ
შეხედულებებს გამოთქვამდნენ, აღსანიშნავია პოეტი ალექსანდრე
კავჭავაძე. მან დაწერა „საქართველოს მოკლე ისტორიული ნარკვე-
ვი და მდგომარეობა 1801-დან 1831 წლამდე“ და წარუდგინა რუსე-
თის იმპერატორ ნიკოლოზ 1, 1836—1837 წლებში. ამ პატარა ისტო-
რიული ნარკვევის ბოლოში იგი ეხება საქართველოს იმდროინდელ
სამეურნეო მდგომარეობას და სახავეს მისი განვითარების გზას.

„ნარკვევში“ აღნიშნულია ის უდიდესი სარგებლობა, რაც რუ-
სეთმა საქართველოს შეერთებით მიიღო: „ამ ქვეყნის შემოერთება,
ჯერ ერთი, ამიერკავკასიაში რუსეთის მფლობელობის კანონიერების
საფუძველს ჰქმნის; მეორე მხრით, ამიერკავკასია ერთადერთი სამ-
ხედრო პოსტია სპარსეთსა და ოსმალეთზე უშუალო გავლენის მო-
სახდენად; მესამე მხრით, საქართველოს შეერთებით, რუსეთმა ალყა
შემოარტყა კავკასიის მთიელებს, რომელნიც აუცილებლად მის
ქვეშევრდომთა რიცხვს გაამრავლებენ, ხოლო წინანდელ მდგომარე-
ობაში რომ დარჩენილიყვნენ, საშიშარნი შეიქნებოდნენ იმპერიის
სამხრეთი ნაწილებისათვის; მეოთხე ისაა, რომ ამკავკასია ფრიალ
მნიშვნელოვანია რუსეთისათვის საფინანსო მხრით თავისი უზომო
სტატისტიკური საშუალებებითა და ვაჭრობის დარგებით“¹. ახლა,
როდესაც რუსეთის მიერ წარმოებული ომები ამიერკავკასიაში წარ-
მატებით დამთავრებულია და განმტკიცებულია მისი საერთაშორისო
პოზიცია ახლო აღმოსავლეთში, უკვე აღარაფერი ელოდება წინ
მთავრობას თავისი მუშაობა წარმართოს „სოფლის მეურნეობის და
ვაჭრობის გასაუმჯობესებლად იმ დალოცვილ ქვეყანაში, სადაც ადა-
მიანის შრომა უხვად ჯილდოვდება მიწათმოქმედების ახლანდელი
მდგომარეობის დროსაც კი“².

აღ. კავჭავაძე გარკვევით მიუთითებს იმ გარემოებაზე, რომ
ქართველ ხალხს გააჩნია საკმაო უნარი ქვეყნის სამეურნეო და კულ-

¹ ალექსანდრე კავჭავაძე, თხზ., თბ., 1940, გვ. 253—254.

² იქვე, გვ. 254.

ტურული განვითარებისათვის, თუ საამისო პირობები იქნება; რომ კოლონიზაციის გარეშე შეუძლია საქართველოს სამეურენო-ეკონომიური აღორძინება: „აქავკასიაში — წერს იგი — ფრიად ნაკლებია დასამუშავებლად გამოუსადეგარი ადგილები; მის მიწათა უმეტესობაზე შესაძლებელია ტროპიკულ მცენარეთა გაშენებაც კი. მაგრამ მის ნაყოფიერ სივრცესთან შედარებით, მუშახელის ნაკლებობა ფრიად გასაოცარია. რუსეთიდან მიწათმოქმედთა გადმოსახლება ვერ დააკმაყოფილებს უმთავრეს მიზანს, ვინაიდან ისინი ვერ შესძლებენ ტროპიკულ ნაწარმოებთა დამუშავებას, რომელნიც ხარობენ ჩრდილოელ მცხოვრებთათვის დამლუპველ, ფრიად სიცხიანი ადგილებში. ამ სასარგებლო საქმისათვის ადგილობრივი მცხოვრებნი უნდა გამოვიყენოთ“¹. იგი დარწმუნებულია, რომ „მრეწველობა, რომლის კვალიც კი გამქარალა გამუდმებული ომიანობის გამო, საბოლოო მშვიდობიანობის დამყარებისთანავე კვლავ აღორძინდება“². როგორც ჩანს, არც ალ. ჭავჭავაძის მოსაზრებებს გაუწვია ანგარიში მთავრობამ.

უცხოელ „კაპიტალისტურ მეთაოსნეებს“ შორის, რომლებიც საქართველოსა და ამიერკავკასიის ეკონომიური ათვისებისა და კოლონიალური ექსპლოატაციის საქმეში ცარიზმის მრჩეველის როლში გამოდიოდნენ, აღსანიშნავია ფრანგი მორენასი. გენერალ-ადიუტანტმა ჟომინიმ იმპერატორ ნიკოლოზ 1-ს წარუდგინა პარიზში მცხოვრები მორენასის პროექტი — ამიერკავკასიის ოლქებში მტკვრისა და რიონის ნაპირებზე ინდიგოს, ბუყდენდის, შაქრის ლერწმის, თუთის ხის, ბამბის, ჩაის, ყავის, ფორთოხლის, ზეთის ხის და სხვ. ტროპიკულ მცენარეთა გაშენების შესახებ³. რუსეთში მორენასის პროექტი სასარგებლო საქმედ ჩათვალეს და საჭიროდ ცნეს მისი განხორციელება. იგი ასევე მოიწონა თბილისის სამხედრო გუბერნატორმა, გენერალმა სიბიაგინმა. ამის შემდეგ, მორენასი მოიწვიეს რუსეთში. იმპერატორის ბრძანებით იგი გამოგზავნილ იქნა ამიერკავკასიაში. მასთან ერთად ამიერკავკასიაში მივლინებული იქნა ფინანსთა სამინისტროს მოხელე პელჩინსკი.

მორენასს უნდა მიმოეხილა ამიერკავკასიის მხარე, გაცნობოდა საქართველოს და თავისი შენიშვნებით წარედგინა მოხსენებითი ბარათი. მას მისცეს სათანადო ინსტრუქცია და აღჭურვეს მოქმედების ფართო უფლებებით.

¹ იქვე.

² იქვე.

³ РСЗРІ т. IV, собранные второе, № 2706, СПб 1830, гл. 136.

მორენასი და პელჩინსკი საქართველოში ჩამოვიდნენ 1829 წ. და იმავე წელს ისინი თბილისიდან გაემგზავრნენ ამიერკავკასიის პროვინციებში.

1830 წლის 5 ივნისს მორენასმა მთავარმართებელ პასკევიჩს წარუდგინა მოხსენებითი ბარათი¹. მასში მორენასი აღნიშნავს, რომ ამიერკავკასიის პროვინციები თავისი ბუნებრივი სიმდიდრეებით უდიდეს სარგებლობას მოუტანს რუსეთს. ამისათვის საჭიროა მთავრობის გაბედული და მიზანშეწონილი მოქმედება. მისი აზრით მთავრობამ უხვად უნდა გაიღოს ხარჯები მხარის განვითარებისათვის. არ უნდა შეჩერდეს გაღებული თანხების დანაჯარგის წინაშე. მთავრობა კრედიტორი არაა — წერს იგი — თანხას აძლევდეს. საწინდრის ქვეშ. იგი ვალდებულია მხარის გაუმჯობესების მიზნით ხარჯების რისკი გასწიოს². შეიძლება ხშირად, ქვეყნის სამეურნეო განვითარების მიზნით გაღებულ ხარჯებს ნაყოფი არ მოყვეს, მაგრამ ამან ოდნავადაც არ უნდა შეაშინოს და შეაჩეროს მთავრობა, რადგან ეს ჩვეულებრივი მოვლენააო. მორენასს ამ მხრივ მოჰყავდა მაგალითები საფრანგეთის ისტორიიდან.

შემდეგ იგი მიუთითებს საქართველოში მეაბრეშუმეობის განვითარებაზე, ტროპიკულ მცენარეთა მოშენების აუცილებლობაზე, ვაჭრობის, მიწათმოქმედების და ფაბრიკების განვითარების მნიშვნელობაზე და სხვ. მორენასს საქართველოში უნდა გაეშალა ფართო სამეურნეო მოღვაწეობა, მაგრამ მოგზაურობის დროს იგი 1830. წლის 25 ოქტომბერს გარდაიცვალა სამეგრელოში.

საქართველოს გეოგრაფიული, ბუნებრივი პირობების, სიმდიდრეების და სამეურნეო მდგომარეობის მთელი რიგი მიმოხილვისა და შესწავლის და მასთან ერთად მისი კოლონიალური ექსპლოატაციის პროექტების შემუშავების შემდეგ, რუსეთის მთავრობამ მიიღო პირველი ზომები საქართველოში სოფლის მეურნეობის და განსაკუთრებით მისი ისეთი დარგების განვითარებისათვის, რომლებიც მეტროპოლიის მრეწველობას საჭირო ნედლეულს მისცემდა. აწარმოებენ ცდებს საქართველოში ბამბის, ინდიგოს, შაქრის, ლერწმის, თამბაქოს და სხვა კულტურის მოშენებისათვის, ცდილობენ სასოფლო-სამეურნეო იარაღების გაუმჯობესებას და სხვ.

1833 წელს თბილისში მთავრობა აარსებს „სოფლის მეურნეობის, მანუფაქტურული მრეწველობისა და ვაჭრობის წამხალისებელ საზოგადოებას“. ამის შემდეგ მალე დაარსებულ იქნა კიდევ „მეაბრეშუმეობის და სავაჭრო მრეწველობის გამაგრებლებელი საზოგა-

¹ Акты, т. VII, гл. 195.

² იქვე.

დოება ამიერკავკასიაში“. მაგრამ მეფის მოხელეების მექრთამეობისა და გულგრილობის შედეგად ამ ღონისძიებებს მნიშვნელოვანი შედეგები არ მოჰყოლია და ეს „საზოგადოებანი“ დაშლილ იქნენ.

სოფლის მეურნეობის განვითარებისა და გაუმჯობესების მიზნით, ვორონცოვის მმართველობის დროს, 1850 წელს დაარსებულ იქნა „ამიერკავკასიის სოფლის მეურნეობის საზოგადოება“. მის წევრებად უმთავრესად ირჩევდნენ გამოცდილ და მეურნეობის მცოდნე მემამულეებს. საზოგადოება გამოსცემდა სამეცნიერო და პოპულარულ ლიტერატურას, გააჩნდა თავისი ჟურნალი (ЗКОСХ). ამავე დროს აწყობდა სასოფლო-სამეურნეო გამოფენებს.

მიღებულ იქნა მთელი რიგი ღონისძიებანი სოფლის მეურნეობის განვითარებისა და ახალი ტექნიკური კულტურების მოშენებისათვის. საზოგადოება ცდილობდა განეეითარებინა საქართველოში მევენახეობა, მეაბრეშუმეობა, მეთამბაქოეობა, მებამბეობა, მოეშენებინა სამღებრო მცენარეები. იგი იწერდა საზღვარგარეთიდან გაუმჯობესებულ სასოფლო-სამეურნეო იარაღებს (გუთანს, საღეწს და სხვ.) და ცდილობდა დაენერგა მისი გამოყენება სოფლის მეურნეობაში. მან შექმნა სათესლე დეპო, რომლის საშუალებით იგი ამარაგებდა მოსახლეობას სხვადასხვა მცენარეთა თესლეულით.

მთავრობის ღონისძიებებმა საქართველოს სოფლის მეურნეობის განვითარების საქმეში, მიუხედავად ცარიზმის საერთო კოლონიალური პოლიტიკისა, დადებითი, პროგრესული როლი შეასრულა.

ცარიზმის კოლონიალურ-ეკონომიური პოლიტიკის ერთ-ერთ მთავარ მზარეს საქართველოში მისი კოლონიზაცია შეადგენდა. ცარიზმი საქართველოში ასახლებდა რუს სექტანტებსა და რასკოლნიკებს, გერმანელებს, თურქეთიდან გადმოსახლებულ სომხებსა და ბერძნებს, სამხედრო ბეგარამოხდილ ჯარისკაცებს, კაზაკებს და სხვ. კოლონისტებს საქართველოში ასახლებდნენ საუკეთესო მიწებზე და თანაც, მათ მიწებს დიდი რაოდენობით აძლევდნენ, მიუხედავად იმისა, რომ თავისუფალი მიწების ფონდი ცოტა იყო და ადგილობრივი მოსახლეობა, განსაკუთრებით გლეხები, ძლიერ საჭიროებდნენ მას. გარდა ამისა, გერმანელ და რუს კოლონისტებს მთავრობა აძლევდა მთელ რიგ შეღავათებს გადასახადის გაწერის, კრედიტის მიცემისა და სხვა საქმეში, მაშინ როცა ადგილობრივი მოსახლეობა ყოველივე ამას მოკლებული იყო. ამასთან ერთად, ხდებოდა „თავისუფალი“ მიწების დატაცება ცარიზმის მალალი ბიუროკრატიული მოხელეების მიერ, ანდა ჩალის ფასად მათი გაყიდვა (ასე მაგალითად, უცხოელ ვაჭარ გამბას მთავრობამ 16.000 დესეტინა მიწა მიყიდა: 1 დესეტინა 25 კაპიკად).

ცარიზმის აზრით, საქართველოში დასახლებულ კოლონისტებს უნდა გაეუმჯობესებინათ და განევითარებინათ სოფლის მეურნეობა, მოეშენებინათ ახალი კულტურები და დაენერგათ მიწის დამუშავების სრულყოფილი ხერხები. მაგრამ მთავრობის იმედები ამ მხრივ არ გამართლდა, რადგან ზოგიერთი კოლონისტი, როგორც მაგალითად, თურქეთიდან გადმოსახლებული სომხები და ბერძნები სამეურნეო და კულტურული განვითარების დონის მხრივ ქართველებზე დაბლა იდგნენ. რაც შეეხება გერმანელებს, მათ მიერ სოფლის მეურნეობაში და სასოფლო-სამეურნეო პროდუქტების გადამუშავების საქმეში შეტანილი გაუმჯობესება მე-19 საუკუნის რეფორმამდელ ხანაში მეტად უმნიშვნელო იყო და ისიც მხოლოდ მთავრობის უშუალო ხელმძღვანელობით, მატერიალური დახმარებისა და პრივილეგიების მინიჭების შედეგად ხდებოდა. ხოლო ხშირ შემთხვევაში, კოლონისტები თვით ქართველებისაგან სწავლობდნენ მეურნეობის წესებს. გერმანელი ავგუსტ ჰაკსტჰაუზენი, რომელმაც საქართველოში 1843 წელს იმოგზაურა, წერს, რომ გერმანელმა კოლონისტებმა ბევრი სასარგებლო და კარგი რამ გადაიღეს ქართველებისაგან; „იქ, ჩემდა გასაკვირვებლად ვნახე ლეწვის ქართული ხერხი, კოლონისტების მიერ გადაღებულ“¹. გერმანელმა კოლონისტებმა ქართველებისაგან ისწავლეს სასოფლო-სამეურნეო პროდუქტებისა და იარაღების კეთება, გადაიღეს ქართული „კეკრი“ და სხვ. რაც შეეხება გერმანელების მიერ მოხდენილ ზეგავლენას ადგილობრივ მოსახლეობაზე, ჰაკსტჰაუზენი წერს, რომ „აქამდე გერმანელმა კოლონისტებმა ცოტა გავლენა მოახდინეს მათ გარემომცველ ქართველებზე და თათრებზე განათლების საქმეში“-ო.² ასევე ფერმერი ბარონ ნიკოლაი 1856 წელს აღნიშნავდა, რომ ადგილობრივ მოსახლეობას გერმანელი კოლონისტებისაგან არაფერი არ გადაუღიათო.³ ცარიზმის იმედები იმის შესახებ, რომ დასახლებული კოლონისტები საქართველოში განავითარებდნენ სოფლის მეურნეობას, მოაშენებდნენ მხარისათვის უცნობ კულტურებს, გამოიყენებდნენ ახალ სასოფლო-სამეურნეო იარაღებსა და მიწის დამუშავების გაუმჯობესებულ წესებს და ასეთი საშუალებებით გავლენას მოახდენდნენ და აამაღლებდნენ ადგილობრივი მოსახლეობის სამეურნეო და კულტურულ დონეს, არ გამართლდა.

ამგვარად, 30-იანი წლებიდან რუსეთი შეუდგა საქართველოს

¹ П. Гугушвили, Сельское хозяйство и аграрные отношения, т. I, 1938, გვ. X.

² იქვე.

³ ЗКОСХ, 1857, გვ. 29.

ეკონომიური ათვისების ამოცანის განხორციელებას. ამ პერიოდში გარკვეულ სისტემად ჩამოყალიბდა ცარიზმის კოლონიალურ-ეკონომიური პოლიტიკა, რის თანახმად, საქართველო მეტროპოლიის მრეწველობისათვის უნდა ყოფილიყო გასაღების ბაზარი და ნედლეულის ბაზა.

ამიტომ, ცარიზმი დაინტერესებული იყო საქართველოში სოფლის მეურნეობის განვითარებით, განსაკუთრებით მისი ზოგიერთი დარგების, რომლებიც რუსეთის მრეწველობას საჭირო ნედლეულს მიაწვდიდნენ.

ცარიზმი არ იყო დაინტერესებული საქართველოში მრეწველობა განვითარებინა. იგი თანხმდება მხოლოდ ნედლეულის ნაწილობრივ გადამუშავებაზე. განსაკუთრებით იგი ხელს უშლიდა აქ მრეწველობის ზოგიერთი დარგების განვითარებას, რომელთაც შეეძლოთ მომავალში მეტოქეობა გაეწიათ მეტროპოლიის მრეწველობის ასეთივე დარგებისათვის. ამის მკაფიო მაგალითები იყო რუსეთის მთაწარმის დამოკიდებულება თბილისის შაქრის ქარხნისა და განსაკუთრებით დრეის შაუდის ფაბრიკისადმი.

მიუხედავად ამისა, ცარიზმის სურვილებისა და კოლონიალური პოლიტიკის დამოუკიდებლად, ახალი საწარმოო ძალები საქართველოში მაინც იზრდებოდა და ვითარდებოდა. ვითარდებოდა არა მარტო სოფლის მეურნეობა, არამედ მრეწველობაც, რაც იმის მაჩვენებელი იყო, რომ ცარიზმის კოლონიალურ-ეკონომიური პოლიტიკა საქართველოში, ადგილობრივ მწარმოებლურ ძალებთან და მისი ზრდის ტენდენციებთან შედარებით სუსტი აღმოჩნდა და საბოლოოდ მან მარცხი განიცადა.

**სასაქონლო მუხრანობისა და ვაჭრობის განვითარება.
ნატურალური მუხრანობის რღვევა**

XIX საუკუნის 30-იანი წლებიდან, მშვიდობიანობის დამყარებისა და მდიდარი ბუნებრივი პირობების შედეგად ქვეყნის მეურნეობა სწრაფად დაწინაურდა. გაფართოვდა და განვითარდა ვაჭრობა, გაიზარდა სასაქონლო წარმოება. ვაჭრობა და სასაქონლო წარმოება საქართველოში იზრდება XIX საუკუნის 30-იანი და განსაკუთრებით 40-იანი წლებიდან. პირველ რიგში აღსანიშნავია მარცვლეულის, მეღვინეობის, მეაბრეშუმეობის და მეურნეობის სხვა დარგთა განვითარება. იზრდება. ბაზარზე მარცვლეულის (პური, ქერი. სიმინდი), ღვინის, არყის, აბრეშუმის, ბამბის, თამბაქოს, ენდროს, ბოსტნეულის გამოტანა და გაყიდვა.

ვაჭრობა გაიზარდა როგორც ქვეყნის შიგნით, ასევე საზღვარგარეთთან. გაიზარდა საქონლის შემოტანა და გატანა. გატანილ ნაწარმთა შორის პირველ რიგში აღსანიშნავი იყო პური, სიმინდი, ღვინო, აბრეშუმი, ენდრო და სხვ.

სასაქონლო წარმოების, საშინაო და საგარეო ვაჭრობის ზრდასთან ერთად, თანდათან ირღვეოდა ნატურალურ-კარჩაკეტილი მეურნეობა. ნატურალური მეურნეობის რღვევა აშკარა ხდება, როგორც აღმოსავლეთ, ისე დასავლეთ საქართველოში.

მარცვლეული მეურნეობის განვითარებას საქართველოში ჯეროვანი ყურადღება ექცეოდა და იგი სათანადო სიმაღლეზე იდგა. განსაკუთრებით დიდ ყურადღებას აქცევდნენ პურის მოყვანას, რადგან იგი ხელსაყრელად იყიდებოდა, როგორც ქვეყნის შიგნით ისე საზღვარგარეთ. მიუხედავად იმისა, რომ მას ადგილობრივი ხაზინა დიდი რაოდენობით ყიდულობდა არმიის მომარაგებისათვის, რიგ წლებში პურს გატანილ საქონელთა შორის პირველი ადგილი ეკავა. ასე მაგალითად, 1847 წ. გატანილ საქონელთა შორის პურმა პირველი ადგილი დაიჭირა კავკასიაში. ამ წელს იგი გატანილ იქნა 170.916 მანეთისა, მაშინ როდესაც, 1846 წელს — 94.689 მანეთისა¹, ე. ი. წინა წელთან შედარებით პურის გატანა თითქმის 2 ჯერ გაი-

¹ ЦГИАЛ, ф. 1268, оп. 2, д. 977, л. 8.

ზარდა. თბილისის სამხედრო გუბერნატორი, გენერალ-ლეიტენანტი ანდრონიკაშვილი გუბერნიის 1849 წლის ანგარიშში მარცვლეული მეურნეობის შესახებ აღნიშნავდა: „В настоящее время более внимания как помещиков, так и крестьян, обращено на распространение хлебопашества, ибо хлеб здесь составляет верный источник наличного дохода и народного богатства. Хлеб кроме сбыта подрядчикам для поставки на продовольствие войск вывозится для продажи за границу“¹.

1845 წელს თბილისის მაზრაში პური მიიღეს 267.113 ჩეტვერტი², აქედან გაყიდულ იქნა 58,680 ჩეტვერტი — 131.708 მანეთისა. ქერი მიიღეს 132.407 ჩეტვერტი, აქედან გაყიდულ იქნა 32.148 ჩეტვერტი — 47.122 მანეთის³.

გორის მაზრაში 1843 და 1845 წლების ცნობებით მცხოვრებნი პურს ყიდდნენ კომისიონერებზე და გაჰქონდათ თბილისის, ქუთაისისა და ახალციხის მაზრებში⁴.

თელავის მაზრაში 1845 წელს მიიღეს 171.295 ჩეტვერტი პური, აქედან გაყიდეს 19.852 ჩეტვერტი 59.556 მანეთის. ქერი მიიღეს 24.070 ჩეტვერტი, აქედან გაყიდეს 5.343 ჩეტვერტი 10.686 მანეთის⁵. აქ უფრო მეტად პური იყიდებოდა სხვა ნაწარმთა შორის, რადგან მას ხაზინის მოიჯარადრეები ყიდულობდნენ: „Легче всего сбыть хлеба, потому что в большом количестве закупается оный у жителей казенными подрядчиками“⁶. ასევე დიდი რაოდენობით იყიდებოდა პური სიღნაღის მაზრაში⁷.

ახალციხის მაზრაში აღნიშნულ წელს მოიყვანეს 40.300 ჩეტვერტი პური. გაყიდეს 1148 ჩეტვერტი — 2296 მანეთისა. ქერი მოიყვანეს 35910 ჩეტვერტი, გაყიდეს 4010 ჩეტვერტი — 4.880 მანეთის⁸.

ქუთაისის მაზრაში 1845 წელს მიიღეს 56.343 ჩეტვერტი პური. აქედან გაყიდეს 11.343 ჩეტვერტი 45372 მანეთისა⁹.

საქართველოში პურისა და ქერის გარდა, დიდი რაოდენობით მოჰყავდათ სიმინდი და ღომი, განსაკუთრებით დასავლეთში. მოთხოვნილების წარდასთან დაკავშირებით იზრდებოდა მისი საქონლიანობა, ბაზარზე გატანა.

¹ ЦГИАЛ, ф. 1263, оп. 41, д. 2203, л. 874.

² ჩეტვერტი დაახლოებით უდრის 9 ფუტს.

³ საქ. ცსსა, ფონდი 16, საქმე 8888, ფურც. 45—47.

⁴ საქ. ცსსა, ფონდი 16, საქმე 6244, ფურც. 104, საქმე 8888, ფურც. 6.

⁵ საქ. ცსსა, ფონდი 16, საქმე 8888, ფურც. 61.

⁶ იქვე, ფურც. 58.

⁷ იქვე, ფურც. 15—16.

⁸ იქვე, ფურც. 75—76.

⁹ იქვე, ფურც. 132.

1845 წელს ქუთაისის მაზრაში მოიყვანეს 59.000 ჩეტვერტი სიმინდი, აქედან გაყიდეს 7.600 ჩეტვერტი — 17.500 მანეთის. ღომი მიიღეს 50.000 ჩეტვერტი, აქედან გაყიდეს 3.000 ჩეტვერტი — 15.000 მანეთის¹.

გურიის მაზრაში მოიყვანეს 93.270 ჩეტვერტი სიმინდი, გაყიდეს 3.000 ჩეტვერტი — 6.000 მანეთის. ღომი მოიყვანეს 30.000 ჩეტვერტი, გაყიდეს 100 ჩეტვერტი — 300 მანეთის². გურიიდან სიმინდი გაჰქონდათ საზღვარგარეთ, თურქეთში³. გურიაში (ოზურგეთში) სიმინდის საყიდლად ყოველწლიურად მოდიოდნენ თურქები⁴. ღომი გურიიდან გასაყიდად მიჰქონდათ გორსა და თბილისში⁵.

სიმინდი და ღომი საზღვარგარეთ გაჰქონდათ აგრეთვე სამეგრელოდან: „Доставляемые Мингрелией произведения от земли: кукуруза, гоми, орехи, хурма, деревья: ореховое, пальмовое и чинар составляют промысел Редут-кальских торговцев — все эти произведения вывозятся за границу“⁶. სამწუხაროდ, ზემოთ აღნიშნული 1845 წლის სტატისტიკური მონაცემები სამეგრელოს მიმართ არ გავაჩნია.

1846 წელს დასავლეთ საქართველოდან სიმინდი დიდი რაოდენობით იქნა გატანილი ირლანდიაში⁷. 1847 წელს რედუტ-კალედან და შეკვეთილიდან საზღვარგარეთ გატანილ იქნა 320.000 ფუთი სიმინდი — 112.000 მანეთისა⁸.

კიდევ უფრო გაიზარდა სიმინდის გატანა საზღვარგარეთ 50-იან და განსაკუთრებით 60-იან წლების დასაწყისში. იგი გაჰქონდათ არა მარტო მეზობელ თურქეთში, არამედ ევროპაშიც. 1862 წელს გურიიდან და სამეგრელოდან ევროპაში გატანილ იქნა მილიონი მანეთის სიმინდი. „ჩვენი კორესპონდენტი გვწერს, რომ შარშან ანგლიოსათვის გაუტანიათ გურიითგან და სამეგრელოთგან ერთი მილიონის მანეთის სიმინდი. ეს დიდი საქმეა ამ მხარისათვის“⁹ — წერდა ივ. სერებრიაკოვი „გუთნის დედაში“ 1863 წელს. „თუ გურია და სამეგრელო ამისთანა მუშტარი დაიმკვიდრა, როგორც არის ანგლია, მაშინ იმათ ველარ შეედრება ვერც ერთი კავკასიის მხარედგანი მიწის გამორჩომითა და სხვა ყოვლისფერის წარმატებითა“¹⁰. 60-იან

¹ იქვე.

² იქვე, ფურც. 100—102.

³ ЦГИАЛ, ф. 1268, оп. 1, д. 250, л. 18.

⁴ საქ. ცნსა, ფონდი 16, საქმე 8093, ფურც. 16.

⁵ ЦГИАЛ, ф. 1268, оп. 1, д. 250, л. 18.

⁶ ЦГИАЛ, ф. 1268, оп. 1, д. 242, л. 15.

⁷ «Кавказский календарь», 1853, გვ. 310.

⁸ ЦГИАЛ, ф. 1268, оп. 2, д. 977, л. 8.

⁹ „გუთნის დედა“, 1863 წელი, № 4, გვ. 69.

¹⁰ იქვე.

წლებში შავი ზღვის აღმოსავლეთ ნაპირებიდან საზღვაოგარეთ წლიურად გაჰქონდათ მილიონ ფუთამდე სიმინდი. აქედან ნახევარი სამეგრელოზე მოდიოდა.¹ უმთავრესად სიმინდს აგზავნიდნენ ირლანდიაში და შოტლანდიაში. დიდ ბრიტანეთში სიმინდზე მოთხოვნის ზრდამ გაზარდა სიმინდის წარმოება სამეგრელოში².

უნდა აღინიშნოს, რომ საერთოდ მარცვლეულის მოსავლიანობის ზრდა რეფორმამდელ საქართველოში უმთავრესად ხდებოდა ნათესი ფართობის გადიდების შედეგად. მაგალითად, აღმოსავლეთ საქართველოში 1821—1841 წლებში ნათესი ფართობი გაიზარდა 2-ჯერ, ხოლო 1861 წლისათვის 3, 3-ჯერ.

მოსავალი 1841 წელს 1821 წელთან შედარებით მიღებულ აქნა 2,5-ჯერ მეტი, ხოლო 1861 წელს 3,2-ჯერ მეტი³.

მარცვლეულის ნათესი ფართობი და ასევე მოსავლიანობა აღნიშნულ ხანაში იზრდება აგრეთვე დასავლეთ საქართველოში⁴.

ზემოთ მოყვანილი სტატისტიკური მონაცემებიდან ჩანს, რომ 40-იან წლებიდან საქართველოში მარცვლეულ მეურნეობას აშეარად ემჩნევა სასაქონლო ხასიათი, რომ მოყვანილი მარცვლეულის მნიშვნელოვანი რაოდენობა, დაახლოებით $\frac{1}{4}$ ნაწილი, ბაზარზე გადის და იყიდება.

მ ე ღ ე ი ნ ე ო ბ ა საქართველოში ოდითგანვე ფართოდ იყო განვითარებული. საქვეყნოდ ცნობილია ვაზის მრავალი ქართული ჯიში. განსაკუთრებით ამ მხრივ, როგორც ყოველთვის გამოირჩეოდა კახეთი. მე-19 საუკუნის 30-იან წლებში მარტო თელავის მაზრაში 2 მილიონამდე ვედრო ღვინოს აყენებდნენ⁵, აქედან 1300000 ვედრო ღვინოს ყიდდნენ⁶, მეტწილად თბილისში, რომლის 23000 მოსახლეობა წლიურად 700000 ვედრო ღვინოს ხარჯავდა⁷. ამავე წლებში თელავის მაზრაში ხდიდნენ 75000 ვედრო არაყს⁸. მაგრამ ღვინოს დაყენების და არაყის გამოხდის ოდენობა სხვადასხვა წლებში მეტ-ნაკლები იყო და მერყეობდა. ასე მაგალითად, 1841 წელს თელავის მაზრაში დაუყენებიათ 1.300.000 ვედრო ღვინო და გამოუხ-

¹ «Кавказ», 1862, № 99.

² იქვე.

³ Э. Хоштария, Наемный труд в Грузии во второй половине XVIII в. и в первой половине XIX в. 1955, автореферат кандидатской диссертации, გვ. 7.

⁴ იქვე.

⁵ Обзорение Российских владений за Кавказом. ч. 1, СПб, 1836, გვ. 52, 375. საერთოდ კახეთში მე-19 საუკუნის რეფორმამდელ ხანაში საშუალო წლიურად მოჰყავდათ 2 მილიონამდე ვედრო ღვინო.

⁶ იქვე, გვ. 383.

⁷ იქვე, გვ. 52—53.

⁸ იქვე, გვ. 52.

ლიათ 25.000 ვედრო ქაქის არაყი, ე. ი. წინა წლებთან შედარებით ნაკლები.

თელავის მაზრის დიდ ნაწილში მოსახლეობა მხოლოდ მეღვინეობას მისდევდა: ყვარელში, კონდოლში, რუისპირში, ფშაველში, გულგულში, ახმეტაში, წინანდალში და სხვ.²

სიღნაღის მაზრაში მეღვინეობას ყველაზე მეტად მისდევდნენ კარდანახსა და ველისციხეში, სადაც ღვინოს დიდი რაოდენობით აყენებდნენ გასაყიდად.³ 1858 წლის ცნობით, ამ წელს სიღნაღის მაზრაში გაყიდულა 1.350.000 ვედრო ღვინო — 1.350.000 მანეთის და 100.000 ვედრო არაყი — 180.000 მანეთის⁴.

კახური ღვინო მთელ მაზრაში საღებოდად⁵. 40-იან წლებიდან კახურ ღვინოზე მოთხოვნილება ყოველწლიურად იზრდებოდა და ამის შედეგად ბაზრებზე მისი გატანა. ასევე ყოველწლიურად იზრდებოდა კახური ღვინის გატანა რუსეთში.⁶ ღვინით ვაჭრობა კახეთში დიდხანს შემსყიდველების ხელში იყო, მაგრამ თანდათან ამ საქმეს ხელი მოჰკიდეს თვით მემამულეებმაც და თბილისში საკუთარი საწყობები მოაწყვეს⁷. 40-იან წლებში ღვინის ასეთი საწყობები ჰქონდათ თბილისში თავად ალ. ქავეკავაძეს,⁸ თავად სოლომონ გურგენიძეს⁹ და სხვებს. მიუხედავად ამისა ღვინის შემსყიდველები კახეთში კვლავ დიდი რაოდენობით რჩებოდნენ.

ღვინოს დიდი რაოდენობით ამზადებდნენ დასავლეთ საქართველოშიც, მაგრამ ბაზარზე იგი შედარებით ნაკლებად გაჰქონდათ. 50-იან წლებში იმერეთიდან გასაყიდად გაჰქონდათ 50.000 ვედრო ღვინო. იგი უფრო მეტად გაჰქონდათ ქართლსა და ახალციხეში. ღვინო დიდი რაოდენობით საღებოდადა ქ. ქუთაისში, რომლის მოსახლეობა წლიურად საშუალოდ 60.000-მდე ვედრო ღვინოს ხარჯავდა.¹⁰ ასევე, 50-იან წლებში, სამეგრელოდან გასაყიდად გაჰქონდათ 50.000-მდე ვედრო ღვინო.¹¹ აფხაზეთში იმავე წლებში, ასევე გასა-

¹ ЦГИАЛ, ф. 1268, оп. 1, 235, л. 36.

² Обзорение Росс..., გვ. 377—378.

³ იქვე, გვ. 342.

⁴ საქ. ცსსა, ფონდი 26, აღწერა 6, საქმე 119, ფურც. 52—53.

⁵ «Кавказ», 1849, № 19.

⁶ Акты, т. X, გვ. 835.

⁷ «Сборник статистических сведений о Кавказе, т. I, 1869, отд. 1, გვ. 70.

⁸ «Кавказский календарь» 1846, გვ. 236.

⁹ საქ. ცსსა, ფონდი 16, საქმე 6774, ფურც. 16, 100—111.

¹⁰ «Кавказский календарь» 1853, გვ. 311.

¹¹ Статистическое описание губернии и областей Российской империи, т. XVI, ч. V. СПб, 1858, გვ. 89.

ყიდათ ამზადებდნენ 50,000-მდე ვედრო ღვინოს¹. აქედან 10—12 ათასამდე ვედრო ღვინო რუსეთში იგზავნებოდა². აქ ღვინოს გასაყიდათ ამზადებდნენ შემსყიდველები დაქირავებული მუშების საშუალებით, რომლებიც მოსახლეობისაგან შესყიდულ ყურძენს წურავდნენ³.

შემდგომ წლებში მიმოსვლის საშუალებათა გაუმჯობესების შედეგად ქართულ ღვინოზე მოთხოვნა და მისი გასაღება განუხრელად იზრდებოდა. განსაკუთრებით იზრდებოდა მისი გატანა რუსეთში.

მე ა ბ რ ე შ უ მ ე ო ბ ა საქართველოში ძველი დროიდანვე განვითარების ძალად ღონეზე იდგა და მოსახლეობა მეურნეობის ამდარგს კარგად იცნობდა. ჩვენში აბრეშუმს წარმატებით აშენებდნენ როგორც აღმოსავლეთ ისე დასავლეთ საქართველოში. წარმოებული აბრეშუმი ქართველ ვაჭრებს ძველ დროშივე დიდი რაოდენობით გაჰქონდათ უცხოეთში.

XIX საუკუნის პირველ ნახევარში მეაბრეშუმეობა ჩვენში ახალ განვითარებას აღწევს. განსაკუთრებით დიდ წარმატებას მიაღწია მან დასავლეთ საქართველოში, საიდანაც განუხრელად იზრდებოდა აბრეშუმის გატანა საზღვარგარეთ. უფრო მეტად 40-იან წლებიდან. მეტწილად იგი ნედლეულის (პარკი და ამოხვეული ძაფი) სახით გაჰქონდათ. გურიისა და სამეგრელოს აბრეშუმი 40-იან წლებში რედუტ-კალედან იქნა გატანილი:

| | | | | |
|-------------------|-------------|-------------|---|----------------|
| 1845 წელს | 954 ფუთი და | 30 გირვანქა | — | 64.545 მანეთის |
| 1846 | 1652 | 25 | — | 97.325 |
| 1847 | 947 | — | — | 48.320 |
| 1848 | 551 | 29 | — | 25.397 |
| 1849 | 955 | 18 | — | 51.391 |
| 1850 ⁴ | „ 1018 | — | — | 63.540 |

სულ აღნიშნული პუნქტიდან 1845—1850 წლებში გატანილ იქნა 6.095 ფუთზე მეტი აბრეშუმი — 349.516 მანეთის.

ამის გარდა, შეკვეთილის საკარანტინო საბაჟო პუნქტიდან 1845—49 წლებში გატანილ იქნა 208 ფუთი და 20 გირვანქა აბრეშუმი — 8.360 მან. ოზურგეთიდან (სახმელეთო გზით) 1845—49 წლებში გატანილ იქნა 444 ფუთი და 30 გირვანქა — 18930 მანეთისა.

¹ ЗКОСХ. 1855, გვ. 72.

² იქვე, გვ. 75—76.

³ იქვე, გვ. 69—70.

⁴ 1850 წლის 10 აპრილამდე.

⁵ «Кавказ», 1853, № 32.

სულ ზემოთ აღნიშნული სამი პუნქტიდან 1845—1850 წლებში გურიიდან და სამეგრელოდან გატანილ იქნა 7.748 ფუთი და 32 გირ. აბრეშუმის — 376.806 მან. ღირებულების¹.

განსაკუთრებით აღსანიშნავია აბრეშუმის წარმოების ზრდა იმერეთში მე-19 საუკუნის 50-იან წლებში. იგი აქ მეურნეობის ერთ-ერთ მთავარ საგნად იქცა. 40-იან წლებში იმერეთში აბრეშუმი შედარებით ნაკლები მზადდებოდა და შესაბამისად საზღვარგარეთ მცირე რაოდენობით გაჰქონდათ². 50-იან წლებში კი აქ საგრძნობლად გაიზარდა აბრეშუმის წარმოება და ამის შედეგად მისი გატანაც. გაჰქონდათ, როგორც ამოხვეული აბრეშუმი, ისე პარკის სახით. 1856 წელს იმერეთიდან ამოხვეული აბრეშუმი საზღვარგარეთ გატანილ იქნა 5147 ½ ფუთი — 459070 მანეთის; პარკი გაიტანეს 120³ ფუთი — 8000 მანეთის; სულ 5267 ½ ფუთი აბრეშუმი — 467070⁴ მან. ღირებულებისა⁵. 1848—50 წლებში კი საშუალოდ, მთელი ამიერკავკასიიდან წლიურად გაჰქონდათ 3.566 ფუთი აბრეშუმი⁶.

რაოდენობრივ ზრდასთან ერთად, იზრდებოდა აბრეშუმის ხარისხი და შესაბამისად მისი ფასიც. 1848—50 წლებში ამიერკავკასიის ფუთი აბრეშუმის საშუალო ფასი იყო 47 მანეთი, ხოლო 1856 წელს იმერეთისა და სამეგრელოს ფუთი აბრეშუმი გაყიდულ იქნა 100 მანეთამდე, ე. ი. ორჯერ მეტად, ხოლო ფუთი საუკეთესო აბრეშუმი მოსკოვსა და მარსელში იყიდებოდა 150—200 მანეთად⁷.

ამ მეტად მნიშვნელოვანი მონაცემების გამო, ქუთაისის სამხედრო გუბერნატორი გუბერნიის ანგარიშში აღფრთოვანებით აღნიშნავდა, რომ ამიერკავკასიის აბრეშუმი მალე შეცვლის რუსეთის ფაბრიკებში ევროპის აბრეშუმის ნაწილს, ხოლო სპარსეთისა და თურქეთისას მთლიანად, რომელიც რუსეთს წლიურად 3 მილიონ 600 ათას მანეთამდე უჭედება⁸.

აბრეშუმის წარმოება შემდეგ წლებშიც ვითარდებოდა: „Воз-
делывание вина и шелка, а в особенности последнего, начинает

¹ ი. ქ. ვ. ე.

² ЦГИАЛ, ф. 1281, оп. 8, д. 132, л. 26.

³ ЦГИАЛ, ф. 1268, оп. (1858 г.) д. 101 л. 163.

ეს ციფრობრივი მონაცემები აღებულია რედუტ-კალეს საკარანტინო-საბაჟო-სამმართველოს წიგნიდან. საზღვარგარეთ აბრეშუმის გატანის აღნიშნულ რაოდენობას 50-იან წლებში, დაახლოებით სწორად ადასტურებს „კავკასიის სოფლის მეურნეობის საზოგადოების“ ნამდვილი წევრი ფედოტ ბობოლევი (იხ. ЗКОСХ, 1856 г. გვ. 342).

⁴ ი. ქ. ვ. ე., ფურც. 164.

⁵ ი. ქ. ვ. ე., ფურც. 165.

⁶ ი. ქ. ვ. ე., ფურც. 166.

заметно развиваться¹. აღნიშნულია ქუთაისის გუბერნიის 1862 წლის ანგარიშში.

საერთოდ, მეაბრეშუმეობამ ფართო განვითარება ჰპოვა საქართველოში. აგრონომ დეიჩმანის გამოკვლევით 60-იანი წლების დასაწყისში კახეთში ლებულობდნენ 1200 ფუთ აბრეშუმს, იმერეთსა და სამეგრელოში 16000 ფუთს (რვა-რვა ათასს ფუთს)². 50-იან წლებში ამიერკავკასია, ცნობილი მეაბრეშუმე რაიკოს განცხადებით, აწარმოებდა 30000 ფუთ აბრეშუმს³; მთელ კავკასიაში კი ლებულობდნენ 50000 ფუთზე მეტს⁴. მაშასადამე, როგორც ვხედავთ საქართველოს წილი აბრეშუმის წარმოების დარგში დიდი იყო.

მეაბრეშუმეობის ფართოდ განვითარებამ რეფორმამდელ ხანაში გამოიწვია საქართველოში რიგი აბრეშუმსახევეი საწარმოების, „ფაბრიკების“ დაარსება, რომლებსაც შემდეგ შეეცხებით.

ფართოდ განვითარდა საქართველოში მეთამბაქოეობა. თამბაქოს სხვადასხვა ჯიშების დანერგვა ჩვენში იწყება გასულ საუკუნის 40-იანი წლებიდან. აქ ნიადაგი მის გასაშენებლად საუცხოო აღმოჩნდა. მის დანერგვას ხელი შეუწყო მთავრობის ღონისძიებებმა, რადგან მოსკოველი მრეწველები დიდად საქირობდნენ თამბაქოს ნედლეულს.

საქართველოში მისი გავრცელების მიზნით, 40-იან წლებში, სახელმწიფო ქონებათა სამინისტრომ გამოიწერა ვირჯინიის, მარლანდის, ხენტუსკის, ჰაეაის, კუბის, მაკედონიის, ალბანეთის, პერგამის, მაგნეზიისა და სხვა ქვეყნების თამბაქოს ჯიშების თესლეული და იგი დაურიგეს მთელ რიგ ქართველ მემამულეებს: სამეგრელოს მთავარ დადიანს, აფხაზეთის მფლობელ შერვაშიძეს; დიასამიძეს, მამაცაშვილს, ერისთავს, ივ. აბაშიძეს, ზაქრო ციციშვილს, ესტატე თარხნიშვილს, ამილახვარს (გორის მაზრა); ორბელიანს, ქაიხოსრო მუხრან-ბატონს, ზაქრო და ყარაამან მელიქოეებს (თბილისის მაზრა); გრიგოლ ვაჩნაძეს (სიღნაღის მაზრა), ქობულაოვს (თელავის მაზრა), ჯორჯაძეს (ელისავეტპოლის მაზრა), ნიკო ჩიჯავაძეს (ქუთაისის მაზრა), მიხეილ ერისთავს (ოზურგეთის მაზრა) და სხვებს. მოსავლის შედეგები კარგი აღმოჩნდა. სავაჭრო მიწათმოქმედების ეს კულტურა თანდათან გავრცელდა ჩვენში და 50-იან წლებში ვაჭრობის ერთ-

¹ ЦГИАЛ, ф. 1268, оп. 10 (1862, г.), д. 134, л. 109.

² საქ. ცსა, ფონდი 10, საქ. 4479, ფურც. 7. „კავკასიის სოფლის მეურნეობის საზოგადოების“ მიერ 1864 წელს შედგენილ ბარათში მეაბრეშუმეობის საყობსმეო აღნიშნულია, რომ ეს რიცხვი (16.000 ფუთი აბრეშუმში) „გადაუქარბებლად არის მოცემული“, პირიქით, იგი „უფრო შემცირებულია“-ო.

³ «Кавказ», 1854, № 61.

⁴ საქ. ცსა, ფონდი 10, საქ. 4479, ფურც. 7.

ერთ საგნად იქცა. 50-იანი წლებიდან ეწყობა თამბაქოს დიდი და პატარა საწარმოები („ფაბრიკები“), სადაც ახდენდნენ მის გადამუშავებას. მრავლად გაჩნდნენ თამბაქოს დიდი და პატარა დუქნები, სადაც ხდებოდა მისი გაყიდვა.

თბილისის მაზრაში, სტატისტიკური ცნობებით, 1859 წელს თამბაქო მოიყვანა 475 კაცმა — 9.705 ფუთი. აქედან მწარმოებლებმა თავისთვის დაიტოვეს 2.087 ფუთი, ხოლო 7.618 ფუთი გაყიდეს (უფრო მეტად თბილისში) — 45.708 მანეთის.¹ თიანეთის ოკრუგში აღნიშნულ წელს მოიწიეს 1.638 ფუთი თამბაქო². სულ თბილისის გუბერნიაში (ელისავეტპოლის მაზრის ჩათვლით) 1859 წელს მოიყვანეს 11.772 ფუთზე მეტი. აქედან მწარმოებლებმა გაყიდეს 7.944 ფუთი თამბაქო,³ აღნიშნულ წელს თბილისის გუბერნიაში მეთამბაქოეობას მისდევდა 1600-ზე მეტი კაცი⁴.

წარმატებით განვითარდა მეთამბაქოეობა კახეთში, განსაკუთრებით 60-იანი წლებიდან. 1864 წელს კახეთში მოყვანილი იქნა 10.000 ფუთზე მეტი თამბაქო, რომლის ნაწილი გაიყიდა თბილისში, ნაწილი კი კახელმა მემამულეებმა გაგზავნეს მოსკოვში გასაყიდად⁵. „გუთნის დედა“ 1864 წელს აღნიშნავდა, რომ „ახლა თითქმის ყველაფერი მომზადებულია. რომ ოსმალოდან აღარ შემოვიდეს ჩვენში თამბაქო“. კორესპონდენტს საჭიროდ მიაჩნდა კახეთის ერთ-ერთი კუთხე — „წინამხარი“ გადაქცეულიყო „თამბაქოს პლანტაციად“ და თავი დაენებებიათ იქ პურის თესვისათვის. იგი მოითხოვდა ვაჭრებსა და „მეპაპიროსეებს“ ადგილობრივი თამბაქო შეეძინათ, ხოლო მთავრობისაგან ითხოვდა — დაედო „მძიმე ბაჟი ოსმალის თუთუნზე“⁶.

წარმატებით და ფართოდ ვითარდებოდა მეთამბაქოეობა დასავლეთ საქართველოშიც: იმერეთში, აფხაზეთში, სამეგრელოსა და გურიაში. 40-იანი წლებიდან აქაც დაიწყეს თამბაქოს სხვადასხვა ჯიშების მოშენება. მოსავლის შედეგები თითქმის ყველგან⁷ კარგი იყო. საინტერესოა ამ მხრივ აფხაზეთის მთავარ შერვაშიძის წერილი მოხელე საფონოვისადმი. იგი წერდა: „თამბაქოს ძლიერი, საუცხოო აღმოცენება მე იმედს მაძლევს, რომ იგი წარმატებით გაშენდება აფხაზეთში და დროა დრო გახდება მომავალი მრეწველობის ერთ-ერთი მთავარი დარგი, მით უფრო, რომ აქაური მეურნენი

¹ საქ. ცსსა, ფონდი 225. საქ. 1479, ფურც. 55—56.

² იქვე, ფურც. 64—65.

³ იქვე, ფურც. 66—69.

⁴ იქვე.

⁵ «Кавказ», 1865. № 41.

⁶ „გუთნის დედა“, 1864 წელი, № 24, გვ. 184.

ქველი დროიდანვე მისდევდნენ თამბაქოს გაშენებასა და დამუშავებას¹.

სტატისტიკური ცნობებით 1859 წელს ქუთაისის გუბერნიაში მეთამბაქოეობას მისდევდა 1000-ზე მეტი კაცი. თამბაქოს მოსავლის უმეტეს ნაწილს ყიდდნენ².

იმერეთში უფრო მეტად თამბაქო მოჰყავდათ ქუთაისის მაზრაში, განსაკუთრებით ბაღდადის უბანში და სოფელ ხონში. 50-იან წლებში სოფელ ხონში იგი მეურნეობისა და ვაჭრობის მთავარი საგანი გამხდარა: „Жители селения Хони занимаются, почти исключительно разведением табаку для продажи“³. ეს ფაქტი მეტად მნიშვნელოვანია, რადგან იგი სავაჭრო მიწათმოქმედების ისეთ ჯანვითარებაზე მიუთითებს, როდესაც ხდება მიწათმოქმედების სპეციალიზაცია. ამ შემთხვევაში სოფლის მეურნენი სპეციალურად ამა თუ იმ კულტურას მისდევენ, მისი გაყიდვის მიზნით. თამბაქოს გაყიდვის მიზნით 1850 წელს ხონში იხსნება „თამბაქოს იარმუკა“.

ყველაზე უკეთესი ხარისხის თამბაქო ქუთაისის გუბერნიაში მოდიოდა, ქუთაისის მაზრის ბაღდადის უბანში და ოზურგეთის მაზრის ჩოხატაურის უბანში, ერისთავების მიწებზე⁴.

დიდი რაოდენობით მოჰყავდათ თამბაქო სამეგრელოში. 40-იან წლებში აქ ინერგება ამერიკული თამბაქო. მოსკოველი მრეწველები აქ მოყვანალ თამბაქოს მაღალ შეფასებას აძლევდნენ⁵. ყველაზე მეტად თამბაქო სამეგრელოში მოჰყავდათ ჭვრის ოკრუგში, სადაც 50-იან წლებში, უხვმოსავლიანობის დროს, წლიურად მოდიოდა 20.000-მდე ბათმანი თამბაქო⁶. უკეთესი თამბაქო მოჰყავდათ წალენჯიხაში, ჩხოროწყუში და მუხურში⁷. თამბაქო სამეგრელოდან გაჰქონდათ თბილისში, რუსეთსა და საზღვარგარეთ. ოფიციალური ორგანო „კავკას“-ი იმედს გამოთქვამდა, რომ სამეგრელოს თამბაქო შეცვლიდა ამერიკულს⁸.

მეთამბაქოეობა გაცილებით უფრო ვითარდება საქართველოში რეთორმისშემდგომ ხანაში.

¹ Акты, т. X, гл. 161.

² საქ. ცსსა, ფონდი 255, საქ. 1467, ფურც. 50—51, 66—69.

³ ЦГИАЛ, ф. 1268, оп. 9 (1858 г.), д. 101, л. 190.

⁴ ЦГИАЛ, ф. 1268, оп. 10 (1865 г.), д. 127, л. 145.

⁵ საქ. ცსსა, ფონდი 4, აღწ. 5, საქმე 9, ფურც. 38.

⁶ Статист. опис. губ. и обл. Росс. имп., т. XV, ч. V: СПб, 1858. გვ. 95—96.

⁷ «Кавказ», 1862, № 99.

⁸ «Кавказ», 1849, № 21.

რეფორმამდელ საქართველოში მნიშვნელოვნად იყო განვითარებული მებაძგეობა. ბაშბის მოსავლის ნაწილს მწარმოებელი მოსახლეობა-თავისთვის იტოვებდა საკუთარი საჭიროებისათვის (გლეხურ ოჯახებში მისგან ქსოვდნენ ხამს), ნაწილს კი ჰყიდდა.

საქართველოში ბაშბა უფრო მეტად მოჰყავდათ დასავლეთში. საგლებო რეფორმამდე აქ იგი მეტწილად მოჰყავდათ ქუთაისის მაზრის დაბლობ ადგილებში, შორაპნის მაზრის არგვეთისა და ჩხარის უბნებში, ოზურგეთის მაზრის ლანჩხუთისა და ჩოხატაურის უბნებში¹ და სხვაგან.

40-იან წლებში თავადმა გურიელებმა ეგვიპტური ბაშბის მნიშვნელოვანი პლანტაციები გააშენეს და ამ საქმისათვის ეგვიპტიდან გამოცილილი ხალხი გამოიწერეს².

50-იან წლებში იმერეთში წლიურად მოჰყავდათ 5000-მდე ფუთი ბაშბა³. აქედან მარტო ხონში წლიურად იყიდებოდა 1000 ფუთამდე⁴. 60-იან წლებში კი ბაშბის წარმოება და მისი გაყიდვა საგრძობლად გაიზარდა. 1864 წელს გაყიდულ იქნა 150000 მანეთის ბაშბა⁵. გუბერნიის ანგარიშში ამის შესახებ ვკითხულობთ: „Хлопок производится здесь отличного качества, в Озургетском, Кутаисском и юго-западной части Шорапанского уездов. Всю продажу состоявшуюся в 1864 году оценивают до 150.000 руб. серебр“⁶. ფუთი ბაშბა იყიდებოდა 10-დან 18 მანეთამდე. თუ საშუალო ფასად ავიღებთ 15 მანეთს, მაშინ, 1864 წელს იმერეთში გაუყიდიათ 10.000 ფუთი ბაშბა ადგილობრივ მოყვანილი. მხედველობაში თუ მივიღებთ იმას რომ მწარმოებლები მოსავლის ნაწილს, ერთ მესამედს მაინც თავისთვის დაიტოვებდნენ, მაშინ 1864 წელს იმერეთში მოუყვანიათ 15.000-მდე ფუთი ბაშბა, ხოლო მთელ საქართველოში ცხადია გაცილებით მეტი. იმერეთის გუბერნიაში საუკეთესო ხარისხის ბაშბა მოჰყავდათ სიმონეთში, ამაღლებაში (დღევანდელ ვანის რაიონშია სოფელი), სებეკასა და ვარციხეთში⁷. საქართველოში მიღებულ ბაშბას ყიდდნენ როგორც ადგილობრივ ბაზრებზე, ასევე საზღვარგარეთ.

საქართველოში მნიშვნელოვანი რაოდენობით მოჰყავდათ

¹ ЦГИАЛ, ф. 1268, оп. 10 (1865 г.), д. 127, лл. 144—145.

² ЗКОСХ, 1855, гл XXXIV.

³ Статист. опис. губ. и обл. Росс. имп., т. XVI, ч. V, гл. 96; «Кавказ» 1862. № 66.

⁴ Статист. опис. губ. гл. 96.

⁵ ЦГИАЛ, ф. 1268, оп. 10 (1865 г.), д. 127, л. 145.

⁶ ЦЗВ.

⁷ ЦЗВ.

აგრეთვე ენდრო (საღებავი), რომელსაც წარმატებით ასაღებდნენ ადგილობრივ და უცხოეთის ბაზრებზე.

30-იან და განსაკუთრებით 40-იან წლებიდან მნიშვნელოვნად ვითარდება მებალეობა და მებოსტნეობა. საქართველოში ამ მხრივ წინ იდგნენ თბილისისა და გორის მაზრები. 40-იან წლებში თბილისის მაზრაში ყოველწლიურად იყიდებოდა 500-მდე ურემი კომპოსტო და 150-მდე ურემი კარხალი¹, გორის მაზრასა და იმერეთში — 16000-მდე ფუთი კომპოსტო და 13.000-მდე ფუთი კარტოფილი². 40-იან წლებიდან საქართველოში დაიწყეს კარტოფილის თესვა, 50-იან წლებში იგი ქუთაისის გუბერნიის ყველა მაზრაში მოჰყავდათ³.

დიდი რაოდენობით იყიდებოდა საქართველოში სხვადასხვა ხილი. ქალაქების ზრდასთან დაკავშირებით მებალეობა და მებოსტნეობა საქართველოში ყოველწლიურად ფართოვდებოდა და ვითარდებოდა.

სოფლის მეურნეობის ერთ-ერთ მთავარ დარგს საქართველოში წარმოადგენდა მესაქონლეობა. რეფორმამდელ ხანაში იზრდებოდა მსხვილფეხა და წვრილფეხა პირუტყვის გამოყვანა ბაზარზე გასაყიდად⁴. ასევე, იზრდებოდა მესაქონლეობის სხვადასხვა პროდუქტის გაყიდვა, როგორც იყო ყველი, ერბო, კარაქი, ქონი, მატყლი, ტყავი და სხვ. მესაქონლეობის ნაწარმი საქართველოდან საზღვარგარეთაც გაჰქონდათ.

ზემომოყვანილი მონაცემებიდან კარგად ჩანს საქართველოში სოფლის მეურნეობის ძირითადი დარგების განვითარება XIX საუკუნის მეორე მესამედში. ბაზარზე უკვე გაჰქონდათ მიღებული პროდუქციის მნიშვნელოვანი რაოდენობა, რაც ნატურალური მეურნეობის რღვევის მაჩვენებელი იყო. აქვე უნდა შევნიშნოთ, რომ საერთოდ სტატისტიკური მონაცემები სრული არ არის და ზემო-მოყვანილი ცნობებიც ამ მხრივ გამონაკლისი არაა.

ჩვენ ხელთ გვაქვს რეფორმამდელი ხანის თბილისისა და ქუთაისის გუბერნატორთა წლიური ანგარიშები, რომლებიც მიუხედავად დიდი ნაკლოვანებებისა საშუალებას გვაძლევს გავერკვეთ იმდროინდელი საზოგადოების ეკონომიური ცხოვრების ვითარებაში. გუბერნატორების ანგარიშებში რიგ საკითხებთან ერთად მოცემულია სტატისტიკური ცნობები საქართველოში სოფლის მეურნეობის,

¹ საქ. ცსსა, ფონდი 16, საქმე 8093, ფურც, 17.

² იქვე, ფურც. 31—32.

³ ЦИИАЛ, ф. 1268, оп. 10 (1860 г.), д. 170, л. 87.

⁴ П. Гугушвили, Сельское хозяйство и аграрные отношения, т. I, Тб., 1938, გვ. 114—118.

მრეწველობისა და ვაჭრობის მდგომარეობის შესახებ. მათში გარკვევით ჩანს სასაქონლო წარმოებისა და ვაჭრობის ზრდა-განვითარება ადებულ ხანაში.

გუბერნიის ანგარიშები და სხვა სტატისტიკური მონაცემები ჩვენ უფრო მოგვეპოვება 40-იანი წლებიდან. მდიდარი სტატისტიკური ცნობები გვაქვს 1845 წლისა, მაგრამ აქ აღწერილი ქვეყნის ძირითადი სამეურნეო საქმიანობა დამახასიათებელი იყო მთელი რეფორმამდელი ხანისათვის. სასაქონლო წარმოებისა და ვაჭრობის სურათი აქ ცალკეული მაზრების მიხედვით არის მოცემული და ჩვენც მას ასე განვიხილავთ.

მე-19 საუკუნის 40-იან წლებში საქართველოში საშინაო ვაჭრობის მთავარი საგნები იყო სხვადასხვა მარცვლეული (პური, ქერი, სიმინდი, ღომი), მესაქონლეობის პროდუქტები (რძე, ყველი, ერბო, კარაქი), ღვინო, არაყი, ნედლი აბრეშუმში, ბამბა, ხილი და სხვადასხვა ბოსტნეული; ხელოსნური და „შინამრეწველური“ ნაწარმიდან: სხვადასხვა შალეული, ნოხები, ბამბისა და აბრეშუმის ქსოვილები და სხვ.

თბილისის გუბერნიის თბილისის მაზრის მცხოვრებთა მთავარ საქმიანობას შეადგენდა მიწათმოქმედება, მებალეობა, მევენახეობა, მესაქონლეობა. ამავე დროს სახლებში ქსოვდნენ ნოხებს, გლეხურ მაუდს, ტილოს და სხვ. ვაჭრობდნენ პურით, პირუტყვით, ღვინით, ხილით, ბოსტნეულით, „შინამრეწველური“ ნაწარმით და სხვ. 1845 წელს მაზრაში მოწეული პური და ქერი გაიყიდა 90.828 ჩეტვერტი — 178910 მანეთის (როგორც აღნიშნული გვაქვს ამ წელს თბილისის მაზრაში მიღებულ იქნა 267113 ჩეტვერტი პური, აქედან გაყიდეს 58.680 ჩეტვერტი. ქერი მიღებულ იქნა 132.407 ჩეტვერტი, აქედან გაყიდეს 32148 ჩეტვერტი), ღვინო გაიყიდა 106090 ვედრო — 53400 მანეთის, არაყი — 75600 ვედრო, (ვედრო არაყი ღირდა დაახლოებით 2 მანეთამდე), ყურძენი — 93000 ფუთი 21070 მანეთის, მესაქონლეობის ნაწარმი გაიყიდა 23541 მანეთის, ბოსტნეული — 16654 მანეთის, დიდი რაოდენობით გაიყიდა აგრეთვე ხილი. სულ, 1845 წელს ზემოაღნიშნული ადგილობრივი პროდუქტები გაყიდულ იქნა 403013 მანეთისა¹.

რა თქმა უნდა, ამით არ შემოიფარგლებოდა მთელი ვაჭრობა. აქ არ შედის ხელოსნური და „შინამრეწველური“ ნაწარმი, (გლეხური მაუდი, ტილო, ნოხები, აბრეშუმის ქსოვილი და სხვ.).

¹ საქ. ცსსა, ფონდი საქ. 8888, ფურც. 45—47.

ამ სტატისტიკურ მონაცემებში არ შედის მაზრის ცენტრი — თბილისი. ვაჭრობა კი რეფორმამდელ ხანაში ყველაზე მეტად იყო განვითარებული თბილისში, რომელიც არა მარტო საქართველოს, არამედ მთელი ამიერკავკასიის სავაჭრო ცენტრი და საერთო ბაზარი იყო. თბილისში ბაზრობა ყოველდღიურად იმართებოდა. ფულადი-სავაჭრო კაპიტალის დიდი რაოდენობა აქ იყრიდა თავს. 1846 წელს თბილისში არსებულ სავაჭრო კაპიტალის რაოდენობას 5-მილიონ მანეთამდე ანგარიშობდნენ: „В Тифлисе его (სავაჭრო კაპიტალი — დ. გ.) можно предполагать на сумму 5 миллионов руб. серебром“¹. 1851 წელს თბილისში ითვლებოდა 5—6 მსხვილი ვაჭარი, თითოეულ მათგანს გააჩნდა 100.000 მანეთი². წვრილი და საშუალო ვაჭართა რიცხვი კი თბილისში ათეულობით ითვლებოდა. 1862 წლის ანგარიშში თბილისის პოლიცემისტერი წერდა: „Торговля постоянно развивается“, „Лица принадлежащие к сословию дворян и почетных граждан более занимаются подрядами и поставками на значительную сумму“³. თბილისში ამ წელს 15- გილდიის ვაჭარი ითვლებოდა. 1862 წელს თბილისში ვაჭრობის საერთო ბრუნვა 2 მილიონამდე მანეთს აღწევდა (1988200 მანეთს)⁴. ვაჭრობისა და საქონელწარმოების მხრივ საქართველოში ყველაზე წინ იდგა თბილისის მაზრა ქალაქ თბილისით. თბილისში დამზადებული ნაწარმი გაჰქონდათ ქუთაისის, შემანის, ღერბენდის⁵ და სხვა გუბერნიებში, აგრეთვე საზღვარგარეთ.

გორის მაზრაში მეურნეობის მთავარი დარგები იყო მიწათმოქმედება, მებალეობა, მესაქონლეობა და მებოსტნეობა. ეს უკანასკნელი, მაზრაში განსაკუთრებით ვითარდება 40-იანი წლებიდან. მას მისდევდა თითქმის მთელი გლეხური მოსახლეობა. წარმატებით მოჰყავდათ კომბოსტო და კარტოფილი. ბოსტნეულს ყიდდნენ თვით გორის მაზრაში და იმერეთში. 1845 წელს გაყიდულ იქნა 180000-მდე ფუთი კომბოსტო და 4000-მდე ფუთი კარტოფილი⁶.

პურს მნიშვნელოვანი რაოდენობით ჰყიდდნენ ხაზინის კომიხიონერებზე და თბილისში. მაზრაში მზადდებოდა და იყიდებოდა ხელოსნური და „შინამრეწველური“ პროდუქცია. ბაზარზე გაჰქონდათ აგრეთვე მესაქონლეობის პროდუქტები, ხილი და სხვ.

¹ ЦГИАЛ, ф. 1268, оп. 2, д. 775, л. 14.

² ЦГИАЛ, ф. 1268, оп. 8, (1854 г.), д. 21, л. 33.

³ საქ. ცსსა, ფონდი 17, საქ. 8957, ფურც. 144.

⁴ იქვე, ფურც. 214.

⁵ ЦГИАЛ, ф. 1281, оп. 4, д. 134, л. 19.

⁶ საქ. ცსსა, ფონდი 16, საქ. 8888, ფურც. 6.

გორელი ვაჭრები ხშირად მიემგზავრებოდნენ რუსეთისა და საზღვარგარეთის ბაზრებზე და იქიდან მოჰქონდათ სხვადასხვაგვარი საქონელი. ვაჭრების ნაწილს კი გაჰქონდა ადგილობრივი საქონელი. 40-იან წლების დასაწყისში მათ სავაჭრო ბრუნვაში მნიშვნელოვანი კაპიტალი ჰქონდათ მოქცეული. „Из горийских жителей — ккит-ხულობთ გორის მაზრის 1842 წლის ანგარიშში — иные производят торговлю мануфактурными изделиями, ведут коммерцию частью с Лейпцигом, Москвою, Закавказскими провинциями, Персиею, отчасти с Турциею; ежегодно ездят на Макарьевскую ярмонку и доставляют отсюда разные товары, имея в обороте капитала до 250 т. рублей серебром; другие занимаются продажей местных товаров“¹.

1845 წლის ცნობით გორში ითვლებოდა 196 ვაჭარი. ყველა ისინი ადგილობრივი მცხოვრებნი იყვნენ. აქედან საზღვარგარეთ ყოველწლიურად მიემგზავრებოდა 10-მდე გორელი ვაჭარი. ისინი მიდიოდნენ თურქეთში, სპარსეთში, ლაიპციგში, ლონდონში და სხვაგან; რუსეთში—მოსკოვისა და ნიჟეგოროდის ბაზრებზე მიდიოდა 50-მდე ვაჭარი². საზღვარგარეთიდან და რუსეთიდან მათ მოჰქონდათ სხვადასხვა სამრეწველო ნაწარმი: შალი, მაუდი, ტილო, აბრე-შუმის ქსოვილები, ჩითი, შაქარი, შაქრის ყინული, ყავა, თამბაქო, გალანტერიული ნივთები, მინისა და ბროლის ნაკეთობანი და სხვ. 1845 წელს გორელმა ვაჭრებმა საზღვარგარეთიდან და რუსეთიდან მოიტანეს 55.750 მანეთის საქონელი. აქედან გაყიდეს 41527 მანეთის საქონელი³. ვაჭრების ნაწილს მახლობელი მაზრებიდან მოჰქონდათ და ჰყიდდნენ აგრეთვე ადგილობრივ საქონელს.

40-იან წლებიდან გორის მაზრაში წელიწადის გარკვეულ დროს იმართებოდა ე. წ. „იარმარკები“ („არბოობა“). იარმუკები იმართებოდა მეჩვრისხევეში, არბოში, სალოლაშენში, რუისში და სურამში. აქ ყიდდნენ მაუდს, ნარმას, სასმელებს, სურსათ-სანოვაგეს და სხვ.; ვაჭრობდნენ მთიელებთან⁴. 1845 წლის სტატისტიკურ ცნობებში აღნიშნულია ვაჭრობის ზრდა გორის მაზრაში, „წინა წლებთან შედარებით“⁵.

ისე როგორც თბილისის მაზრაში, აქაც ვაჭრობა და სასაქონლო წარმოება ყოველწლიურად იზრდებოდა.

თ ე ლ ა ვ ი ს მ ა ზ რ ა შ ი მეურნეობის მთავარი დარგები იყო მიწათმოქმედება და მეღვინეობა. ვაჭრობის მთავარ საგნებს

¹ ЦГИАЛ, ф. 1268, оп. 1, д. 245, л. 27.

² საქ. ცსსა, ფონდი 16, საქ. 8888, ფურტ. 7—8.

³ იქვე, ფურტ. 104—107.

⁴ იქვე, ფურტ. 112—113.

⁵ იქვე, ფურტ. 107.

მაზრაში შეადგენდა პური, ღვინო, არაყი, პირუტყვი-საქონელი და აბრეშუმები. ღვინის გარდა, რომელიც შემსყიდველებს მიჰქონდათ, დიდი რაოდენობით ხდებოდა პურის გაყიდვაც, რადგან მას ხაზინის მოიჯარადრეები ყიდულობდნენ. ასევე იყიდებოდა პირუტყვი-საქონელი, მას პოლკის მარკიტანტები და ვაჭრები ყიდულობდნენ.

1845 წელს თელავის მაზრაში მოწეული პური და ქერი გაიყიდა 25195 ჩეტვერტი 70242 მანეთისა¹ (როგორც აღნიშნული გვაქვს, ამ წელს თელავის მაზრაში მიღებულ იქნა 171.295 ჩეტვერტი პური, აქედან გაყიდეს 19852 ჩეტვერტი, ქერი მიიღეს 24070 ჩეტვერტი, აქედან გაყიდეს 5343 ჩეტვერტი), ღვინო, არაყი და ხილი გაყიდულ იქნა 84282 მანეთის², თამბაქო (მოიყვანეს 81 ჩეტვერტი, აქედან გაყიდეს 21 ჩეტვერტი), ენდრო (მიიღეს 43 ჩეტვერტი), ბოსტნეული და მიწათმოქმედების სხვა პროდუქტები გაყიდულ იქნა 8996 მანეთის³, მესაქონლეობის პროდუქტები გაიყიდა 34.780 მანეთის, მეფუტკრეობის (თაფლი) — 5.720 მანეთისა⁴. სულ, ზემოაღნიშნული ადგილობრივი წარმოების პროდუქტები გაყიდულ იქნა 204.029 მანეთისა.

მაზრაში განვითარებული იყო ხელოსნობა და შინამრეწველობა. აქ იყვნენ სხვადასხვა დარგის ხელოსნები: ბამბისმქსოველები, აგურისმკეთებლები, ოქრომკვედლები, მკვედლები, ზეინკლები, მეჩემქმეები, მეპურეები, მეღვინეები და სხვ. ვაჭრობითა და ხელოსნობით გამოირჩეოდა მაზრის ცენტრი — თელავი. ქ. თელავში მცხოვრებთა მეტი ნაწილი მისდევდა ვაჭრობასა და ხელოსნობას („Большая часть жителей принадлежат к торговому и ремесленному сословию“)⁵.

1845 წელს ხელოსანთა რიცხვი თელავის მაზრაში შეადგენდა 438 კაცს, აქედან ქ. თელავში ითვლებოდა 54 ხელოსანი; „მუშების“ რიცხვი მაზრაში შეადგენდა 1028 კაცს (ეს „მუშები“ შესაძლებელია იყვნენ ნებითდაქირავებულნი სახელოსნოებში და გლეხურ სარეწებში, თუმცა საქმეში მათი ვინაობის შესახებ არაფერია ნათქვამი). მათ აღნიშნულ წელს დაამზადეს 52.297 მანეთის სხვადასხვა ხელოსნური ნაწარმი⁶. ე. წ. „სოფლის ნაწარმი“—ნობები, გლეხური მაუდი, შალეული, ტილო და სხვა, მაზრაში გაყიდულ იქნა 4.512 მანეთის⁷.

¹ იქვე, ფურც. 61.

² იქვე, ფურც. 62.

³ იქვე, ფურც. 61.

⁴ იქვე, ფურც. 62—63.

⁵ ЦГИАЛ, ф. 1268, оп. 1, д. 235, л. 30.

⁶ საქ. ცსსა, ფონდი 16, საქ. 8888, ფურც. 64—65.

⁷ იქვე, ფურც. 65.

1845 წელს მაზრაში ვაჭართა რიცხვი შეადგენდა 250 კაცს¹. ვაჭრებს მოჰქონდათ უცხოური და უფრო მეტად რუსული საქონელი, რომელიც თბილისიდან შემოდის.

სიღნაღის მაზრა რეფორმამდელ ხანაში თავისი მიწათმოქმედებით, მევენახეობით, ხელოსნობით, შინამრეწველობითა და ვაჭრობით ერთ-ერთი დაწინაურებული კუთხე იყო საქართველოში. დიდი რაოდენობით იყიდებოდა აქ პური, ქერი, ღვინო, არაყი, ხელოსნური და „შინამრეწველური“ პროდუქცია და სხვ. 1845 წელს მაზრაში ვაჭრობიდან მიღებული ფული შეადგენდა 491961 მანეთს² (თითქმის ნახევარ მილიონს). „ვაჭრობა“ სიღნაღის მაზრაში „საუცხოო მდგომარეობაშია“³, აღნიშნულია სტატისტიკურ ცნობებში. ვაჭართა რიცხვი ათეულობით ითვლებოდა. აქ იყვნენ წვრილი, საშუალო და მსხვილი ვაჭრები. 1851 წელს მსხვილ ვაჭართა შორის გამოირჩეოდა 4 კაცი, თითოეულ მათგანს გააჩნდა 100.000-მდე მანეთი ფულადი კაპიტალი. ამათ რიცხვში არ შედიოდნენ მრეწველი კაპიტალისტები, რომელნიც მაზრაში 8—9 კაცი ითვლებოდა 300.000 მანეთით⁴.

ვაჭრობა და სასაქონლო წარმოება კიდევ უფრო იზრდება და ვითარდება სიღნაღის მაზრაში 50-იან წლებში. 1858 წლის სტატისტიკური მონაცემებით ამ წელს მაზრაში გაიყიდა: ღვინო 1350000 ვედრო — 1350000 მანეთის, არაყი 100.000 ვედრო — 180000 მანეთის, ძმარი — 5000 ვედრო — 3000 მანეთის, აბრეშუმი — 250 ფუთი — 18250 მან. ბამბა — 250 ფუთი, ენდრო — 300 ფუთი, თამბაქო — 250 ფუთი, ტყავი გაიყიდა 20000 მანეთის, აგური — 31200 მანეთის, სპილენძის ჭურჭლეული — 10000 მანეთის და მრავალი სხვ. 1858 წელს სიღნაღის მაზრაში სხვადასხვა სამიწათმოქმედო, ხელოსნური და „მანუფაქტურული“ ნაწარმი გაიყიდა 2.023.150 მანეთის⁵. ე. ი. 1845 წელთან შედარებით ვაჭრობა 4-ჯერ და მეტჯერ გაზრდილა. ზემოთ აღნიშნული პროდუქტები და ნაწარმი ძირითადად ადგილობრივი წარმოებისაა.

ზემოაღნიშნულის გარდა მაზრაში იყიდებოდა მარცვლეული, შალი, ტილო, საპონი, ზეთი და სხვ. ასე მაგალითად, 1862 წელს მაზრაში პური გაიყიდა 40.000 მანეთის, შალი — 27000 მანეთის,

¹ იქვე, ფურც. 61.

² იქვე, ფურც. 15—16.

³ იქვე, ფურც. 15.

⁴ ЦГИАЛ, ф. 1268, оп. 8, (1854 г.), д. 21, л. 33.

⁵ საქ. ცსა, ფონდი 26, აღწერა 6. საქ. 119, ფურც. 52—53.

საპონი — 15000 მანეთის¹ და სხვ. რა თქმა უნდა, სტატისტიკური მონაცემები სრული როდია, და როგორც სიღნაღის მაზრის უფროსი მიუთითებს, ზემოთ აღნიშნული ნაწარმის გარდა, უამრავი სხვა საქონელი იყიდებოდა.

შემოტანილი საქონლის შესახებ ცნობა გვაქვს 1862 წლისა. ამ წელს სიღნაღის მაზრაში გაიყიდა შემოტანილი საქონელი 45.000 მანეთისა². როგორც თელავის მაზრაში, აქაც უფრო მეტად შემოდიოდა რუსეთის საქონელი, რომელიც ბითუმად და ცალობით იყიდებოდა³.

ახალციხის მაზრაში 1845 წელს მარცვლეული (პური, ქერი) მიიღეს 76.210 ჩეტვერტი, აქედან გაყიდეს 5.158 ჩეტვერტი — 7166 მანეთის⁴, მესაქონლეობის პროდუქტები გაყიდულ იქნა 39892 მანეთის, თაფლი — 5420 მანეთის⁵; მელვინეობის, მეაბრეშუმეობის, და მებაღეობის პროდუქტები გაყიდულ იქნა 10544 მანეთის⁶, ბოსტნეული და სხვა პროდუქტები — 7259 მანეთის. სულ, აღნიშნულ წელს გაყიდულ იქნა 70.281 მანეთის ზემოთ ჩამოთვლილი პროდუქტები. ახალციხის მაზრაში ენდრო მოჰყავდათ აწყურის და ხერთვისის უბნებში და მას ქ. ახალციხეში ყიდდნენ⁷.

მაზრაში მნიშვნელოვანი რაოდენობით მზადდებოდა ხელოსნური და შინამრეწველური პროდუქცია. აქ იყვნენ სხვადასხვა ხელოსნები: ფეიქრები, მეტყავეები, ხარაზები, მეაგურეები, მეკურკლენი, მკედლები, ოქრომკედლები და სხვ. მათი რიცხვი შეადგენდა 745 კაცს, აქედან 594 ხელოსანი ქ. ახალციხეში მუშაობდა. „მუშების“ და „ოსტატების“ რიცხვი მაზრაში შეადგენდა 368 კაცს⁸. 1845 წელს ხელოსნური და შინამრეწველური ნაწარმი დამზადებულ იქნა 57755 მანეთის⁹. ხელოსნური და შინამრეწველური პროდუქცია გაქონდათ მაზრის გარეთაც.

1845 წ. ვაჭრების რიცხვი ახალციხეში 30-ს უდრიდა. ამ წელს შემოტანილ იქნა 85.000 მანეთის საქონელი¹⁰. მაზრაში შემოდიოდა რუსული და უფრო მეტად უცხოური საქონელი.

ქუთაისის გუბერნიაში მეურნეობის ძირითადი დარგები იყო

1 საქ. ცსსა ფონდი 17, საქ. 8957, ფურც. 236:

2 იქვე.

3 საქ. ცსსა, ფონდი 16, საქ. 8888, ფურც. 15—16:

4 იქვე, ფურც. 75—76.

5 იქვე, ფურც. 71—72.

6 იქვე, ფურც. 75—76.

7 საქ. ცსსა, ფონდი 4, აღწ. 5, საქმე 87, ფურც. 15—21.

8 იქვე, ფურც. 73—74.

9 იქვე.

10 იქვე, ფურც. 75—76.

მიწათმოქმედება და მევენახეობა. 30—40-იან წლებიდან აქ მნიშვნელოვანი რაოდენობით იყიდებოდა მარცვლეული (პური, სიმინდი, ღომი), თამბაქო, ბამბა, ღვინო, აბრეშუმის, ხე-ტყე და სხვ.; ასევე ხელოსნური და შინამრეწველური პროდუქცია.

ქუთაისის მაზრაში 1845 წელს მარცვლეული მოიწიეს 165343 ჩეტვერტი (პური — 56343 ჩეტ., სიმინდი — 59000 ჩეტ., ღომი — 50.000 ჩეტ.), აქედან გაიყიდა 21943 ჩეტვერტი 77872 მანეთის¹; თამბაქო მიიღეს 150 ჩეტვერტი, აქედან გაიყიდა 50 ჩეტ. 600 მანეთის. სულ სამიწათმოქმედო პროდუქტები გაყიდულ იქნა 79.907 მანეთის². მესაქონლეობის პროდუქტები გაიყიდა 19620 მანეთის³; მებალეობის, მეაბრეშუმეობის პროდუქტები და ღვინო გაიყიდა 33212 მანეთის⁴; მეფუტკრეობის — 2100 მან.⁵ სულ ზემოთ აღნიშნული სასოფლო სამეურნეო პროდუქტები გაყიდულ იქნა 134.839 მანეთის.

თანდათან იზრდებოდა სავაჭრო მიწათმოქმედების კულტურების (თამბაქო, ბამბა, ენდრო და სხვ.) მოყვანა. მიღებული პროდუქციის ნაწილს, ხშირად ორ მესამედს მცხოვრებნი ყიდდნენ. ასე მაგალითად: 1847 წლის ცნობით ქუთაისის მაზრაში მიღებული ენდროს ორი მესამედი გაუყიდათ⁶. ენდრო მოჰყავდათ სოფელ სიმონეთში, ძვერში და სხვაგან (ასევე შორაპნის მაზრაში, განსაკუთრებით არგვეთის უბანში).

სათანადო დონეზე იდგა მაზრაში ხელოსნობა და შინამრეწველობა. 1845 წელს მაზრაში ითვლებოდა 732 ხელოსანი-ოსტატი, აქედან ქუთაისში მუშაობდა 76 კაცი. „მუშების“ რიცხვი შეადგენდა 421 კაცს⁷. აღნიშნულ წელს ხელოსნური და „შინამრეწველური“ პროდუქცია გაყიდულ იქნა 16980 მანეთის⁸.

ვაჭართა რიცხვი ქუთაისში 1845 წელს აღწევდა 72 კაცს. დროებით მოსული ვაჭრები ითვლებოდა 30 კაცი. ამ წელს ვაჭრებმა ქუთაისში მოიტანეს 53.000 მანეთის უცხოური და ადგილობრივი

¹ თუმცა ამავე სტატისტიკური ცნობარის სხვა ადგილას აღნიშნულია, რომ 1845 წელს გაიყიდა 80000-მდე ჩეტვერტი „სხვადასხვაგვარი პური“ — 140000 მანეთისა (იგივე საქმე, ფურც. 17). ჩვენის აზრით, ამ ციფრობრივ მონაცემში შედის, როგორც ადგილობრივი, ასევე სხვა კუთხეებიდან შემოზიდულ და გაყიდულ მარცვლეულს.

² საქ. ცსსა, ფონდი 16, საქმე 8888, ფურც. 132.

³ საქმე, ფურც. 134—135.

⁴ საქმე, ფურც. 133.

⁵ საქმე ფურც. 136.

⁶ საქ. ცსსა, ფონდი 4, აღწერა 5. საქმე 87, ფურც 15—21.

⁷ საქ. ცსსა, ფონდი 16, საქმე 8888, ფურც. 128.

⁸ საქმე ფურც. 130.

საქონელი¹. 1847 წელს კი — 170.000 მანეთის საქონელი; აქედან გაიყიდა 150.000 მანეთის საქონელი². ე. ი. 1845 წელთან შედარებით საქონლის შემოტანა და გაყიდვა ქუთაისში სამეჭერ გაიზარდა. უცხოეთის საქონელი მეტწილად შემოჰქონდათ რედუტ-კალედან, ნაწილობრივ — თბილისიდან. დიდი ბაზრობა მაზრაში იმართებოდა ონში და ხონში³.

გურიის მაზრაში ვაჭრობის საგნებს შეადგენდა სიმინდი, ლომი, თამბაქო, ღვინო, მესაქონლეობის პროდუქტები, ხელოსნური და შინამრეწველური პროდუქცია და სხვ. პროდუქციის ნაწილი გურიის მაზრის გარეთ და საზღვარგარეთაც გაჰქონდათ.

1845 წელს გურიაში მარცვლეული მოიყვანეს 123270 ჩეტვერტი (სიმინდი — 93270 ჩეტ., ლომი — 30000 ჩეტ.) აქედან გაიყიდეს 3100 ჩეტ. 6300 მანეთის; ბოსტნეული — 433 მან.; მესაქონლეობის პროდუქცია — 5000 მან. მეზღვეობის, მეაბრეშუმეობის პროდუქტები და ღვინო გაიყიდა 2154 მან., მეფუტკრეობის — 3848 მან.⁴ სულ ზემოთ აღნიშნული პროდუქცია გაიყიდა 17735 მანეთის. ხელოსნური და „შინამრეწველური“ პროდუქცია მაზრაში დამზადებული იქნა 4893 მანეთის⁵.

მთელ გუბერნიაში, ხელოსნური, „შინამრეწველური“ და გლეხური სარეწების (რომელსაც გუბერნატორი „სახალხო სარეწებს“ უწოდებს) მიერ დამზადებული პროდუქციის შესახებ ცნობა გვაქვს 1853—54 წლების. 1853 წელს ქუთაისის გუბერნიაში მათ დაამზადეს 150000 მანეთის საქონელი⁶, 1854 წელს კი — 158000 მანეთის⁷.

გუბერნიის ბაზრების წლიური სავაჭრო ბრუნვის შესახებ ციფრობრივი მონაცემები გვაქვს 1847—48 წლების. 1847 წელს ქუთაისის გუბერნიაში არსებული ყველა ბაზრის წლიური სავაჭრო ბრუნვა უდრიდა 361000 მანეთს⁸, 1848 წელს კი იგი აღწევდა 390400 მანეთს⁹. 1850 წელს ქუთაისის გუბერნიაში შემოიტანეს 419000 მანეთის საქონელი, აქედან გაიყიდა 367300 მანეთისა¹⁰. ყოველკვირეული ბაზრები არსებობდა ქუთაისში, რედუტ-კალეში, ხონში, ჩხარში, საჩხერეში, ონში, წევში და სხვაგან.

¹ იქვე, ფურც. 125—126.

² ЦГИАЛ, ф. 1281, оп. 4, д. 132, л. 54.

³ საქ. ცსსა, ფონდი 16, საქმე 8888, ფურც. 125—126.

⁴ იქვე, ფურც. 100—102.

⁵ იქვე, ფურც. 98—99.

⁶ ЦГИАЛ, ф. 1268, оп. 8 (1854 г.), д. 340, л. 37.

⁷ ЦГИАЛ, ф. 1268, оп. 8 (1855 г.), д. 335, л. 20.

⁸ ЦГИАЛ, ф. 1281, оп. 4, д. 132, л. 25.

⁹ ЦГИАЛ, ф. 1281, оп. 4, д. 148, л. 18.

¹⁰ ЦГИАЛ, ф. 1281, оп. 5, д. 99, л. 55.

ქუთაისის გუბერნიიდან რუსეთსა და საზღვარგარეთ გაჰქონდათ მარცვლეული, ღვინო, არაყი, თამბაქო, თაფლი, ნედლი აბრეშუმში, აბრეშუმის ქსოვილები, იმერული უხეში მალაქა, ძვირფასი ხე-ტყე და სხვ.¹

ჩვენ მიერ მოტანილ რეფორმამდელი საქართველოს სასაქონლო წარმოების — სასოფლო-სამეურნეო და სამრეწველო პროდუქციაში შედის იმ ხანის ხელოსნური და წვრილი სასაქონლო წარმოების პროდუქცია და ასევე მცირე ნაწილი კაპიტალისტური წარმოების მიერ გამოიმუშავებული პროდუქციაც. რეფორმამდელ ხანაში, სასაქონლო წარმოების ძალიან დიდი ნაწილი, ცხადია, მოდიოდა ხელოსნურ და წვრილ სასაქონლო (ე. წ. „შინამრეწველურ“) მრეწველობაზე, რომლებიც მაშინ წარმოების გაბატონებულ ფორმებს წარმოადგენდნენ. ხელოსნური და წვრილი სასაქონლო წარმოების გვერდით ჩასახული იყო და ვითარდებოდა კაპიტალისტური წარმოებაც და მას ქვეყნის ეკონომიკაში გარკვეული ადგილი ეკავა. მაგრამ სასაქონლო წარმოების რა ხვედრითი წონა მოდიოდა მასზე ამის დადგენა შეუძლებელი ხდება სათანადო მასალების უქონლობის გამო. ცხადია, რომ კაპიტალისტურ წარმოებას რეფორმამდელ ხანაში ჯერ კიდევ ძალიან მცირე ადგილი ეკავა. ამიტომ, როგორც ზემოთ აღინიშნა სასოფლო-სამეურნეო და სამრეწველო პროდუქციის დიდი ნაწილი ხელოსნურ და წვრილ სასაქონლო წარმოებას ეკუთვნოდა. პროდუქციის მცირე ნაწილი კი მოდიოდა კაპიტალისტურ წარმოებაზე, რომელსაც ჩვენ შრომის შემდგომ თავებში განვიხილავთ.

სასაქონლო წარმოებისა და ვაჭრობის განვითარებამ საქართველოში გამოიწვია ბაზრების ზრდა და გაფართოება. 50-იანი წლებიდან იხსნება ე. წ. „იარმუკები“ გორის მაზრაში, იმერეთში, გურიაში და სამეგრელოში. რა თქმა უნდა, ეს არ იყო ჩვეულებრივი, ყოველკვირეული ბაზრები, რომლებიც საქართველოში უამრავი იყო. „იარმუკებზე“ ვაჭრობა დროის გარკვეულ რიცხვსა და მონაკვეთში წარმოებდა. ჩვენ ხელთ გვაქვს ამ „იარმუკებზე“ სავაჭრო ბრუნვის შესახებ ზოგიერთი წლის ცნობა.

¹ ЦГИАЛ, ф. 1281, оп. 4, д. 132, л. 26.

² ავტორს საჭიროდ მიაჩნია აღინიშნოს, რომ ასეთი ცნობები, ცალკეული ბაზრების მიხედვით რომ არის მოცემული, არ გააჩნია მას საქართველოს ისეთი მდიდარი რაიონების შესახებ, როგორიც სამეგრელო და აფხაზეთია; ასეთი სტატისტიკური მონაცემები კი, უდავოდ, შეავსებდა და სრულყოფდა საკითხს, უფრო ნათელს გაზიდა რეფორმამდელი ხანის საქართველოში საქონელწარმოებისა და ვაჭრობის დონეს. ასეთი ცნობები სამეგრელოსა და აფხაზეთის მიმართ (ასევე სვანეთის მიმართაც) იმიტომ არ გვაქვია, რომ ეს კუთხეები მაშინ (40-იან წლებში, სახელდობრ 1845 წელს), ჯერ კიდევ არ იყვნენ შეერთებული რუსეთთან და დამოუკიდებელ სამთავროებს წარმოადგენდნენ.

თბილისის გუბერნიაში „იარმუკები“ გორის მაზრაში არსებობდა. მათი რიცხვი აქ 9-ს აღწევდა. ცნობები ამ იარმუკებზე, წარმოებული ვაჭრობის შესახებ გაგვაჩნია 60-იან წლებისა: 1860 წელს ამ იარმუკებზე მოტანილ იქნა 46.258 მანეთის საქონელი, აქედან გაიყიდა 30974 მანეთისა¹; 1861 წელს მოიტანეს 40910 მან. საქონელი, გაიყიდა 31496 მანეთის²; 1862 წელს მოიტანეს 42196 მან. საქონელი, გაიყიდა 31126 მანეთის³; 1865 წელს მოიტანეს 41300 მან. საქონელი, გაიყიდა 33925 მანეთის⁴. როგორც ვხედავთ აქ შეიმჩნევა (თუმცა ნელა) მოტანილი საქონლის გაყიდვის ზრდა.

ქუთაისის გუბერნიაში 8-მდე იარმუკა არსებობდა. 1856 წელს ამ იარმუკებზე მოიტანეს 10.496 მან. საქონელი, აქედან გაიყიდა 5.260 მანეთის⁵; 1857 წელს მოიტანეს 15.700 მან. საქონელი, გაიყიდა 6830 მანეთის⁶; 1858 წელს მოტანილ იქნა 18200 მან. საქონელი, გაიყიდა 6819 მანეთის⁷. გაცილებით დიდი რაოდენობით იქნა მოტანილი და გაყიდული საქონელი 1860 წელს. ამ წელს მოტანილ იქნა 276.017 მან. საქონელი, გაიყიდა 73853 მანეთის⁸. შემდეგ წლებში კი საქონლის მოტანა და გაყიდვა მცირდება: 1861 წელს მოიტანეს 48630 მან. საქონელი, გაიყიდა 38659 მანეთის⁹; 1862 წელს მოიტანეს 45530 მან. საქონელი, გაიყიდა 33898 მანეთის¹⁰; 1863 წელს მოიტანეს 44799 მან. საქონელი, გაიყიდა 31334 მანეთის¹¹; 1864 წელს მოიტანეს 34895 მან. საქონელი, გაიყიდა 21834 მანეთის¹². 60-იან წლებში ქუთაისის გუბერნიის იარმუკებზე ვაჭრობის შემცირების მიზეზი შეიძლება იყო ჩვეულებრივ ბაზრებზე სავაჭრო ბრუნვის გაზრდა, ან ახალი სავაჭრო ცენტრების წარმოქმნა, ასე რომ ვაჭრები შესაძლებელია „იარმუკების“ დროს არ უცდიდნენ. ასევე შესაძლებელია საამისო მიზეზები სხვა გარემოებაც ყოფილიყო.

ცალკე, გურიაში არსებულ იარმუკებზე. (ნაგომარის, ბასილეთისა და ჭუმათის) სავაჭრო ბრუნვის შესახებ ცნობა გვაქვს 1865 წლისა, ხოლო სამეგრელოს იარმუკებისა — 1860 წლის.

¹ ЦГИАЛ. ф. 1268, оп. 10 (1861), д. 228, л. 117.

² საქ. უსსა. ფონდი 17, საქმე 8954, ფურც. 19.

³ ЦГИАЛ. ф. 1268, оп. 10 (1863), д. 108, л. 109.

⁴ ЦГИАЛ. ф. 1268, оп. 11 (1866), л. 142, л. 69.

⁵ ЦГИАЛ. ф. 1268, оп. 9 (1858), д. 101, л. 245.

⁶ ЦГИАЛ. ф. 1268, оп. 9 (1858), д. 311, л. 72.

⁷ ЦГИАЛ. ф. 1268, оп. 10 (1860), д. 170, л. 104.

⁸ ЦГИАЛ. ф. 1268, оп. 10 (1861), д. 228, л. 150.

⁹ ЦГИАЛ. ф. 1268, оп. 10 (1862), д. 134, л. 127.

¹⁰ ЦГИАЛ. ф. 1268, оп. 10 (1863), д. 108, л. 149.

¹¹ ЦГИАЛ. ф. 1268, оп. 10 (1864), д. 137, л. 226.

¹² ЦГИАЛ. ф. 1268, оп. 10 (1865), д. 127, л. 209.

1865 წელს გურიაში არსებულ იარმუკებზე მოიტანეს 28800 მან. საქონელი, აქედან გაყიდეს 8400 მანეთის¹.

1860 წელს სამეგრელოში არსებულ იარმუკებზე (სენაკის, ცაგერის, ახალჩალახის, ხობისა და ჯერის იარმუკებზე) მოიტანეს 156536 მან. საქონელი, აქედან გაიყიდა 74523 მან. საქონელი².

მოცემული ცნობებით, როგორც ვხედავთ, იარმუკებზე სავაჭრო ბრუნვა, საერთოდ ქვეყანაში არსებულ სავაჭრო ბრუნვასთან შედარებით უმნიშვნელოა, იმიტომ, რომ ჩვეულებრივ დიდ და პატარა ბაზრებზე ვაჭრობა ყოველდღე და ყოველკვირეულად ხდებოდა, მაშინ როდესაც „იარმუკებზე“, (გარდა იმისა, რომ მათი რიცხვი ჩვეულებრივ ბაზრებთან შედარებით მეტად უმნიშვნელო იყო), იგი წელიწადის გარკვეულ რიცხვში წარმოებდა.

იარმუკებზე იყიდებოდა როგორც ადგილობრივი საქონელი, ისე უცხოური.

რეფორმამდელ ხანაში იზრდებოდა ამიერკავკასიის სავაჭრო ურთიერთობა უცხოეთთან. ყოველწლიურად მატულობდა უცხოეთის საქონლის შემოტანა და ადგილობრივი ნაწარმის გატანა საზღვარგარეთ. ამიერკავკასიაში კი უცხოეთთან ვაჭრობის წარმოების მხრივ პირველი ადგილი, ცხადია, საქართველოს ეკავა და ამიერკავკასიიდან საზღვარგარეთ გატანილი საქონლის დიდი ნაწილი მასზე მოდიოდა, თუმცა სათანადო ანგარიშებში საქართველო ამ მხრივ ცალკე არაა მოცემული. თითქმის მთელ რეფორმამდელ ხანაში უცხოეთიდან ამიერკავკასიაში შემოტანილ საქონელთა შორის პირველი ადგილი შექარს ეჭირა. მეორე ადგილზე მოდიოდა შალეული, ხოლო შემდეგ სხვა ნაწარმი. ზუბალაშვილის მიერ თბილისში შექარის ქარხნის მოწყობის შემდეგ შექარის შემოტანა ამიერკავკასიაში საგრძნობლად შემცირდა, მაგრამ იგი ამ ქარხნის დახურვის შემდეგ კვლავ წლითი-წლობით იზრდებოდა. იგი ხშირად ევროპიდან შემოტანილი მთელი პროდუქციის ნახევარს შეადგენდა. შექარისა და შალის გარდა ამიერკავკასიაში შემოჰქონდათ ბროლისა და მინის ნაწარმი, ფუფუნების საგნები, აბრეშუმისა და ბამბის ქსოვილები, ყავა, კაკაო და მთელი რიგი სხვა ნაწარმი. უცხოეთიდან საქონლის შემოტანა ყოველწლიურად იზრდებოდა და იგი სჭარბობდა ამიერკავკასიიდან საზღვარგარეთ გატანილ ადგილობრივი ნაწარმის რაოდენობას. მაგრამ ადგილობრივი ნაწარმის გატანაც თანდათან იზრდებოდა, რაც სასაქონლო წარმოების განვითარებისა და ნატურალური მეურნეობის რღვევის მაჩვენებელი იყო. ამიერკავკასიიდან

¹ ЦГИАЛ, ф. 1268, оп. 11 (1866), л. 142, л. 184.

² საქ. ცსსა, ფონდი 10, საქმე 1103, ფურც. 113—116.

გაქონდათ აბრეშუმში, ღვინო, პური, სიმინდი, ბამბა, სე-ტყე და მრავალი სხვ. მოვიყვანთ ზოგიერთ ციფრობრიც მონაცემებს.

საზღვარგარეთიდან ამიერკავკასიაში შემოტანილ იქნა საქონელი:

| | |
|-----------|------------------------|
| 1843 წელს | 407437 მანეთის |
| 1844 " | 388244 " |
| 1845 " | 377204 " ¹ |
| 1846 " | 3892768 " |
| 1847 " | 3966116 " ² |
| 1848 " | 4174941 " ³ |
| 1854 " | 3526822 |
| 1855 " | 3942589 |
| 1856 " | 4350061 |
| 1857 " | 4774962 |
| 1858 " | 5356760 |
| 1859 " | 4956259 |
| 1860 " | 5049758 |
| 1861 " | 5507643 |
| 1862 " | 5682259 |
| 1863 " | 5707879 |
| 1864 " | 7476108 |
| 1865 " | 7348448 |

ამიერკავკასიიდან საზღვარგარეთ გატანილ იქნა რუხეთისა და ამიერკავკასიის საქონელი:

| | |
|-----------|-----------------------|
| 1846 წელს | 755456 მანეთის |
| 1847 " | 832590 " |
| 1848 " | 780789 " ⁵ |
| 1850 " | 1005996 " |
| 1851 " | 1104800 " |
| 1852 " | 1616673 |
| 1853 " | 1346504 |
| 1854 " | 502315 |

¹ ЦГИАЛ, ф. 1268, оп. 2, д. 977 л. 4 ამ წლებში (1843—45) აღნიშნულია მხოლოდ ევროპიდან შემოტანილი საქონელი.

² «Кавказ», 1848, № 7.

³ «Кавказ», 1849, № 11.

⁴ Сборн. статист. свед. о Кавказе, 1869, т. I отд. II, гл. 100.

⁵ «Кавказ», 1849, № 11.

| | | | |
|------|------|---------|----------------|
| 1855 | წელს | 595766 | მანეთის |
| 1856 | | 1307262 | |
| 1857 | | 1756207 | |
| 1858 | | 1687701 | |
| 1859 | | 1935865 | |
| 1860 | | 2318326 | |
| 1861 | | 2524242 | |
| 1862 | | 2959910 | |
| 1863 | | 5170330 | |
| 1864 | | 4650255 | „ |
| 1865 | | 5845343 | „ ² |

აქედან საკუთრივ ამიერკავკასიის საქონელი გატანილ იქნა:

| | | | |
|------|------|---------|----------------------|
| 1848 | წელს | 505036 | მანეთის ³ |
| 1851 | | 924271 | „ |
| 1852 | | 1354905 | |
| 1853 | | 1174944 | |
| 1854 | | 278250 | |
| 1855 | | 372232 | |
| 1856 | | 908647 | |
| 1857 | | 1309562 | |

ევროპასთან ვაჭრობის ზრდასთან დაკავშირებით „კავკასიის მოფლის მეურნეობის საზოგადოების“ ორგანო (ЗКОСХ) 1863 წელს აღნიშნავდა: „ამიერკავკასია დღითი-დღე სულ უფრო და უფრო უკავშირდება ევროპას“⁴.

რეფორმამდელ საქართველოში იზრდებოდა ადგილობრივ დამზადებული და უცხოეთის საქონლით ვაჭრობა, მრავლდებოდა ვაჭართა რიცხვი და ბაზრები. ამას აღნიშნავენ იმ დროის მთელი რიგი წყაროები: სხვადასხვა სტატისტიკური უწყისები, გუბერნატორთა ანგარიშები, ჟურნალები, პრესა და სხვ.

თბილისის გუბერნიის 1849 და 1851 წლების ანგარიშებში ამის შესახებ აღნიშნულია: „საჭარო ვაჭრობა და ბაზრები ყოველდღიურად იმართება ქალაქებში და ხალხმრავალ სოფლებში, რომლებიც

¹ ЦГИАЛ, ф. 1268. оп. 9 (1858), д. 259, л. 8.

² Сборн. статист. овед. о Кавказе, 1869, т. I отд. II, გვ. 100.

³ «Кавказ, 1849, № 11.

⁴ ЦГИАЛ, ф. 1268. оп. 9 (1858), д. 259, л. 8.

⁵ ЗКОСХ, 1863 г., № 3, გვ. 4.

სავსებით აკმაყოფილებენ სათანადო მოთხოვნები¹; და შემდეგ, „ვაჭრობა თბილისის გუბერნიაში დამაკმაყოფილებელ მდგომარეობაშია. საქმიანობისა და მეწარმოების სურვილი წლით-წლობით იზრდება, მრავლდება ვაჭართა კლასი“², ხოლო ამავე გუბერნიის 1857 წლის ანგარიშში ვკითხულობთ: „სამინაო ვაჭრობა კარგ მდგომარეობაშია. გუბერნიის ერთი ნაწილი მუდმივ გატყუა-გამოცეკლას აწარმოებს მეორე ნაწილთან თავისი ნაწარმოებითა და ნაკეთობით“.

ქუთაისის გუბერნიაში წარმოების ზრდის შედეგად, ვაჭრობის განვითარებამ მე-19 ს. 50-იან წლებში ისეთი ფართო ხასიათი მიიღო, რომ მან თავის სფეროში მოსახლეობის ყველა ფენა მოაქცია. მეტწილად კი ვაჭრობას მოქალაქეები მისდევდნენ. ამას აღნიშნავდა ქუთაისის სამხედრო გუბერნატორი გუბერნიის 1858 წლის ანგარიშში: „ქუთაისის გუბერნიაში... ვაჭრობას ეწევა ყველა წოდება, მაგრამ უმთავრესად ქალაქელები“³.

აქვე უნდა აღვნიშნოთ, რომ საერთოდ შეუძლებელი ხდებოდა ქვეყნის წლიური სავაჭრო ბრუნვების სრულად განსაზღვრა, რადგან ვაჭრები თავიანთ ფულად კაპიტალებს არ ატახდებდნენ⁴.

აღსანიშნავია, რომ მთელი რიგი ვაჭრები ფულადი კაპიტალის დაგროვებისა და გამდიდრების შემდეგ ყიდულობდნენ უძრავ ქონებას, მამულებს, ტოვებდნენ ვაჭრობას და მოიჯარადრეები ხდებოდნენ. ამის შესახებ თბილისის გუბერნიის 1856 წლის ანგარიშში აღნიშნულია: „ვაჭრებმა, რომლებმაც მოასწრეს ხელსაყრელ ვითარებაში დაეგროვებინათ კაპიტალი... მიატოვეს ვაჭრობა და შეიძინეს რა უძრავი სიმდიდრენი, ხელი მიჰყვეს მეიჯარადრეობასა და დამზადებებს“⁵. მაშასადამე, ვაჭრები არ კმაყოფილდებოდნენ წმინდა ვაჭრული საქმიანობით და გადადიოდნენ წარმოების სფეროში, ხელს ჰკიდებდნენ მეწარმეობას.

ასეთია ზოგადი სურათი რეფორმამდელ საქართველოში სოფლის მეურნეობის რიგი დარგების განვითარების, სავაჭრო კულტურებისა და სავაჭრო მიწათმოქმედების განვითარების დონის შესახებ, სასაქონლო წარმოებისა და ვაჭრობის განვითარების და უცხოეთთან სავაჭრო ურთიერთობის განვითარების შესახებ.

¹ ЦГИАЛ, ф. 1263, оп. 41, д. 2203, л. 874.

² ЦГИАЛ, ф. 1268, оп. 8, (1854), д. 21, л. 35.

³ ЦГИАЛ, ф. 1268, оп. 9 (1858), д. 311, л. 6.

⁴ ЦГИАЛ, ф. 1268, оп. 10 (1860), д. 170, л. 84.

⁵ ЦГИАЛ, ф. 1268, оп. 10 (1860), д. 170, л. 9 და სხვ.

⁶ ЦГИАЛ, ф. 1268, оп. 9 (1858), д. 101, л. 7.

მოტანილი სტატისტიკური ცნობები, მიუხედავად მეტ-ნაკლები ინსორისა (ცხადა, ბევრი მათგანი დაახლოებითა და ზუსტად არ შეესაბამება სინამდვილეს), უდავოდ მეტყველებენ საქონელწარმოებისა და ვაჭრობის განვითარებაზე, ცხადპყოფენ შედარებით მოკლე დროში ქვეყნის ეკონომიურ დაწინაურებას, ნატურალურ-კარჩაკეტილი მეურნეობის რღვევას XIX საუკუნის მეორე მესამედში.

სასაქონლო მეურნეობის განვითარება ხდებოდა შრომის საზოგადოებრივი დანაწილების შედეგად, რადგან იგი, როგორც მარქსი ვასწავლის „ყოველი საქონელწარმოების საყოველთაო საფუძველს შეადგენს“¹ და „სასაქონლო მეურნეობისა და კაპიტალიზმის განვითარების მთელი პროცესის საფუძველი“².

სასაქონლო მეურნეობის განვითარება იწვევდა ბატონყმური ურთიერთობის რღვევას. საქონელწარმოების ზრდა ვერ ურიგდებოდა ბატონყმურ სისტემას, რადგან ეს უკანასკნელი დამყარებულია ნატურალურ მეურნეობაზე, რუტინულ ტექნიკაზე და უშუალო მწარმოებლის მიწაზე მიმდგრებაზე. „სასაქონლო მეურნეობისა და სავაჭრო მიწათმოქმედების განვითარებაში გადადგმული ყოველი ნაბიჯი“ (ლენინი) ძირს უთხრიდა ბატონყმური ურთიერთობის არსებობის პირობებს. რეფორმამდელ ხანაში სულ უფრო მეტად ებმებოდნენ გაცვლაში გლეხური და მემამულური მეურნეობანი და სულ უფრო მეტად უკავშირდებოდნენ ისინი ბაზრებს.

სასაქონლო მეურნეობის განვითარება, როგორც აღვნიშნეთ, განსაკუთრებით 40-იანი წლებიდან იწყება. მნიშვნელოვანი რაოდენობით გამოაქვთ ბაზარზე სასოფლო-სამეურნეო და სამრეწველო ნაწარმი: პური, სიმინდი, ღვინო არაყი, ხილი, ბოსტნეული, მსხვილფეხა და წვრილფეხა პირუტყვი და მათი ნაწარმი, აბრეშუმში, ბამბა, შალი, ლითონისა და მინის ნაკეთობანი და მრავალი სხვ. აღნიშნულ ნაწარმს არა მარტო ქვეყნის შიგნით ყიდიან, არამედ საზღვარგარეთაც გააქვთ.

რეფორმამდელ ხანაში თანდათან შეიმჩნეოდა მიწათმოქმედების სპეციალიზაცია, მიწათმოქმედების სხვადასხვაგვარი რაიონების გამოცალკეება, ე. ი. ცალკეული რაიონები ერთმანეთისაგან გამოირჩეოდნენ მეურნეობის ამა თუ იმ დარგის განვითარებით: მევენახეობის, მეაბრეშუმეობის, მებამბეობის, მებოსტნეობის, პურის, სიმინდის, თამბაქოს, ენდროს და სხვათა მოყვანით რაც ძირითადად საქართველოს ადგილობრივი ბუნებრივი თავისებურებით

¹ 4. მარქსი, კაპიტალი, ტ. I, 1954, თბ., გვ. 446.

² 3. ლენინი, თხზ., ტ. 3, გვ. 24.

იყო გამოწვეული. ფართოვდება ამ რაიონებს შორის საქონელ-მიმოქცევა და პროდუქტთა გაცლა. მიწათმოქმედების სპეციალიზაცია იწვევს გაცვლას სხვადასხვა სამიწათმოქმედო რაიონებს შორის, სხვადასხვა სამიწათმოქმედო მეურნეობებს შორის, სხვადასხვა სამიწათმოქმედო პროდუქტებს შორის. სავაჭრო მიწათმოქმედების ზრდას ბურჟუაზიული ურთიერთობის განვითარებისათვის უდიდესი მნიშვნელობა ჰქონდა, რადგან იგი იწვევდა გლეხობის ქონებრივი დიფერენციაციის გარმავეებასა და დაშლას და კაპიტალიზმისათვის შინაური ბაზრის გაჩენას.

სასაქონლო წარმოებისა და ვაჭრობის განვითარება საქართველოში აღნიშნულ პერიოდში იწვევდა სავაჭრო-სამრეწველო მოსახლეობის ზრდას. იზრდებოდა ქალაქები და მათი მოსახლეობა. ასე მაგალითად, 1821 წელს აღმოსავლეთ საქართველოში ქალაქის მოსახლეობა შეადგენდა მთელი მოსახლეობის 12, 2 %, 1847 წ. 14 %¹, ხოლო 1865 წელს 18,8 %.¹

ქალაქის მოსახლეობა სოფლის მოსახლეობასთან შედარებით გაცილებით სწრაფად იზრდებოდა. 1821—1847 წლებში აღ. საქართველოში სოფლის მოსახლეობა გაიზარდა დაახლოებით 62,2%-ით, ქალაქის მოსახლეობა კი 94,8%-ით. 1847—1865 წლებში სოფლის მოსახლეობა გაიზარდა 49, 9 %-ით, ხოლო ქალაქის მოსახლეობა 110,5 %-ით².

ქალაქი იზრდებოდა როგორც ბუნებრივი გამრავლებით, ასევე სოფლებიდან მოსული სხვადასხვა კატეგორიის ხალხით. ქალაქში მოსულთა შორის იყვნენ სხვადასხვა კატეგორიის გლეხები: სახელმწიფო, საბატონო, საეკლესიო და სხვ. ნაწილი მათ შორის იყვნენ თავდახსნილნი, ნაწილი ნებართვით წასულნი, ნაწილი სასამართლოში თავისუფლების ძიებით ყმური დამოკიდებულებისაგან განთავისუფლებულნი და ა. შ. მაგალითად, XIX ს. 50-იან წლებში თბილისში მოსული 1000 კომლი გლეხიდან 600 კომლი იყო სახელმწიფო, 200 კომლამდე ყმური დამოკიდებულებისაგან თავდახსნილი და ნებართვით წამოსული გლეხი, 100 კომლი საეკლესიო, 70 კომლი საბატონო და 30 კომლი სასამართლოს წესით ყმური დამოკიდებულებისაგან განთავისუფლებული გლეხი³.

ქალაქში ჩამოსული გლეხების დიდი ნაწილი დაქირავებულ შრომას ეწეოდა სხვადასხვა სამრეწველო საწარმოებში, მშენებლობებზე და სხვაგან. შედარებით მცირე ნაწილი კი ხელს ჰკიდებდა

¹ 9. Хоштария, დასახლებული ნაწი, გვ. 5.

² იქვე.

³ იქვე, გვ. 6.

ვაკრობასა და მეწარმეობას. ასე მაგალითად, მე-19 ს. 50-იან წლებში ქ. სიღნაღში მოსული 620 კაციდან შავი მუშა იყო 323, ხელოსნობას ხელი მოჰკიდა 169 კაცმა, ვაკრობას 114, დანარჩენმა 14 კაცმა სხვა საქმიანობას¹. ამავე პერიოდში ქ. გორში სოფლებიდან მოსული 187 შრომისუნარიანი მამაკაციდან 107 შავი მუშაა, ხელოსანი, 11, ვაკრობას მისდევს 27, სხვადასხვა საქმიანობას ეწევა 13 კაცი, 28 კი არ ჩანს რას აკეთებს. ქ. თელავში სოფლებიდან მოსული 273 შრომისუნარიანი მამაკაციდან 163 შავი მუშაა, ხელოსანია 50, ვაკრობას მისდევს 36, სხვადასხვა საქმიანობას ეწევა 10, ხოლო 14 კაცი არ ჩანს რას აკეთებს. დუშეთში 1848—49 წლებში სოფლებიდან მოსულა 68 შრომისუნარიანი მამაკაცი. აქედან 22 შავი მუშა იყო, 7 ხელოსანი, 12 ვაჭარი, 27 კი სხვადასხვა საქმიანობას ეწეოდა².

ქალაქად გლეხობის ასეთ ღრმად იწვევდა მათი მცირე მიწიანობა, ხოლო ხშირად უმიწობაც, რაც ფეოდალური ურთიერთობითა და ექსპლოატაციით იყო გამოწვეული. უმიწაწყლო გლეხთა რიცხვი რეფორმამდელ ხანაში თანდათან იზრდებოდა და ბატონყმობის გაუქმების წინა წლებში მნიშვნელოვან სიდიდეს მიაღწია.

ასე მაგალითად, 1860 და 1861 წლების კამერალური აღწერით თბილისის გუბერნიაში (ელისავეტპოლის მაზრის გამოკლებით) 8103 უმიწაწყლო სახაზინო გლეხი (29.743 მამაკაცი), რაც თითქმის საბატონო ყმათა რიცხვის ნახევარს შეადგენდა, დასახლებული იყო მემამულეთა მიწებზე „ხიზნების“ უფლება-მოვალეობით³. უმიწობას განიცდიდნენ ასევე საბატონო გლეხებიც. თბილისის გუბერნიაში 1860 და 1861 წლების კამერალური აღწერით ამ დროს ითვლებოდა 1751 მემამულე (თავადი და აზნაური), აქედან 214 მემამულის ყმებს არ გააჩნდათ მიწები⁴. სულ თბილისის გუბერნიაში უმიწო გლეხთა რაოდენობა რეფორმამდე შეადგენდა 1830 კომლს ანუ 14%-მდე⁵. მცირე მიწიანი და უმიწაწყლო გლეხები იძულებულნი იყვნენ საარსებო საშუალებანი დაქირავებული შრომით მოეპოვებინათ გარესაშოვრებზე გასვლით.

¹ ედ. ხოშტარია, „დაქირავებული შრომა საქართველოში XVIII საუკუნის მეორე ნახევარში და XIX საუკუნის პირველ ნახევარში (საკანდიდატო დისერტაცია), 1955, გვ. 26.

² იქვე, გვ. 26—27.

³ შ. ჩხეტიცა, საგლეხო რეფორმის ისტორიისათვის საქართველოში, თბ. 1950, გვ. 228.

⁴ П. Гугушвили, *Сельское хозяйство в аграрные отношения*, т. I, 1938, გვ. 432.

⁵ შ. ჩხეტიცა, საგლეხო რეფორმის ისტორიისათვის საქართველოში, გვ. 21.

ფეოდალური ურთიერთობიდან თავის დაღწევისა და გლეხობის მიერ საარსებო სახსრებისათვის გარესაშოვრებზე ქალაქად ლტოლვის ცხადი მაჩვენებელია გაცემული „პასპორტებისა“ და ყმა-გლეხთა ყმური დამოკიდებულებისაგან გამოსყიდვის ფაქტები. გარესაშოვრებზე ლტოლვა უფრო ძლიერი იყო დას. საქართველოში, აქაური გლეხები ილტვოდნენ აღ. საქართველოში. ოფიციალური ცნობებით ქუთაისის გუბერნიაში მე-19 ს. 60-იანი წლების დასაწყისში ყოველწლიურად იცემოდა 2800-ზე მეტი „პასპორტი“. განსაკუთრებით გამსვლელ გლეხთა რიცხვი იზრდებოდა რაჭის მაზრაში. აქ 1862 წელს გაიცა 1252 პასპორტი, 1863 წელს კი 1326 პასპორტი¹.

გლეხები გარესაშოვრებზე გადიოდნენ ნებართვის გარეშეც, თვითნებურად და აღსანიშნავია, რომ მათი რიცხვი გაცილებით სჭარბობდა ნებართვით წასულ გლეხებს.

გამსვლელი გლეხები ძალიან ხშირად არ ბრუნდებოდნენ უკან, წინანდელ საცხოვრებელ ადგილზე, რადგან არ სურდათ დაბრუნდებოდნენ ყმურ ურთიერთობას, რის გამოც იმერელი მემამულეები 1838 წელს პროტესტს აცხადებდნენ მთავრობის წინაშე და მოითხოვდნენ ასეთი გლეხების უკან დაბრუნებას².

გლეხობის დიდი ნაწილი თავისუფლების მოპოვებას ცდილობდა სასამართლოში თავისუფლების ძიების გზით. განსაკუთრებით აძლიერდა ეს 1836 წ. 28 სექტემბრის კანონის გამოცემის შემდეგ. ეს კანონი, როგორც ცნობილია, გლეხს უფლებას აძლევდა თავისუფლება ეძია სასამართლოში თუ მებატონე მასზე უფლების სათანადო საბუთს არ წარმოადგენდა. მე-19 ს. 30—40-იან წლებში სასამართლოს გზით გლეხთა თავისუფლების ძიებამ ისეთი ფართო ხასიათი მიიღო, რომ მთავრობა იძულებული გახდა შეეცვალა ეს კანონი 1849 წელს. ამიერიდან გლეხს უნდა წარმოედგინა საბუთი ყმური დამოკიდებულებისაგან თავისუფლების შესახებ. მიუხედავად ამისა გლეხთა ლტოლვა თავისუფლებისაკენ კვლავ გრძელდებოდა.

თავისუფლების მოპოვებას გლეხები აღწევდნენ აგრეთვე თავის გამოსყიდვის საშუალებით. ეს პროცესი რეფორმადღელ ხანაში განსაკუთრებით ძლიერდება 40-იანი წლებიდან და იგი მთელ საქართველოს ედება. მარტო ქუთაისის გუბერნიაში 1850 წლიდან 1864 წლამდე ქუთაისის საგუბერნიო სასამართლოს მიერ დამტკიცებულ იქნა ასეთი „განთავისუფლების“ (თავდახსნის) 1314 შემთხვევა³.

¹ ე. ზ. შტარია, დაქირავებული შრომა..., გვ. 155.

² საქ. ცსსა, ფონდი 2, საქმე 3229, ფურც. 133—144.

³ Сборник статистических сведений о Кавказе т. I, 1869,

რამდენმა კომლმა და სულმა მიიღო თავისუფლება ამ ზემოთ აღნიშნული 1314 შემთხვევიდან ცნობილი არ არის.

თავის გამოსყიდვა ყმის მიერ ხდებოდა როგორც მიწით ასევე უმიწოდაც. ასე მაგალითად, 1858 წლიდან 1863 წლამდე ამავე ქუთაისის გუბერნიაში მოხდა ყმა გლეხის მიწიანად თავდახსნის 351 შემთხვევა, უმიწოდ თავდახსნისა კი 117. თავის გამოსყიდვის ამ 468 შემთხვევით თავისუფლება მიიღო 1600-მდე მამაკაცმა და 1150-მდე ქალმა¹. ამ ექვსი წლის მანძილზე ყმებმა თავდახსნისათვის მემამულეებს გადაუხადეს 201544 მანეთი. მიწიანად განთავისუფლებულ ერთ ყმაზე თავდახსნის საშუალო ფასი უდრიდა 435 მან., უმიწოდ განთავისუფლებულზე კი 243 მანეთს².

მაშასადამე, რეფორმამდელ ხანაში სასაქონლო წარმოების განვითარების შედეგად თანდათან იქმნებოდა სოფლად და ქალაქად ბურჟუაზიული ურთიერთობისათვის საჭირო თავისუფალი მუშახელის კონტინგენტი, რომელიც დაქირავებულ შრომას ეწეოდა სხვადასხვა სამეურნეო და სამრეწველო საწარმოებში. კაპიტალისტური ურთიერთობისათვის საჭირო ეს კონტინგენტი შედგებოდა ყმური დამოკიდებულებისაგან თავისუფალი გლეხებისა და ხელოსნებისაგან, თვითნებურად წასული ყმა-გლეხებისაგან, გარესაშოვრებზე ნებართვით წასული ყმა-გლეხებისაგან და ხელოსნებისაგან, თავისუფალი მოქალაქეებისაგან და სხვა კატეგორიათა აღამიანებისაგან. მიუხედავად ბატონყმური ურთიერთობის ბატონობისა ქვეყანაში, კაპიტალისტური ურთიერთობისათვის საჭირო დასაქირავებელ მუშათა და ხელოსანთა ეს კონტინგენტი რეფორმამდელ ხანაში მაინც მნიშვნელოვან სიდიდეს აღწევდა.

ჩვენ განვიხილეთ სასაქონლო წარმოებისა და ვაჭრობის განვითარება რეფორმამდელ საქართველოში. ამის ჩვენება პირველად აუცილებელია, რათა ვუჩვენოთ, რამდენად იყო მომზადებული ნიდაგი და პირობები ქვეყნის ეკონომიკაში წარმოების კაპიტალისტური წესის ჩასახვისა და განვითარებისათვის, რადგან „საქონელწარმოება და განვითარებული საქონელმომოქცევა, ვაჭრობა, წარმოადგენენ კაპიტალის წარმოშობის ისტორიულ წინამძღვრებს“³. XIX ს. 30-იანი წლებიდან საქართველოში ნატურალური მეურნეობა სწრაფად განიცდის ევოლუციას ფულადი-სასაქონლო მეურნეობისაკენ. ადგილი აქვს კაპიტალის ე. წ. „პირვანდელ დაგროვე-

¹ იქვე, გვ. 44.

² იქვე.

³ ე. მარქსი, კაპიტალი, ტ. I, 1954, გვ. 188.

ზას“: კაპიტალისტური წარმოებისათვის გროედება სათანადო ფულადი კაპიტალი და ამავე დროს მნიშვნელოვან სიდიდეს აღწევს საწარმოო საშუალებებისაგან (მიწისაგან) მოწყვეტილი უშუალო მწარმოებელთა მასა. ეს უკანასკნელი პროცესი — უშუალო მწარმოებლის მიწისაგან მოწყვეტა რეფორმამდელ საქართველოში მართალია ძალიან ნელა, მაგრამ მაინც წარმოებს. ამავე დროს მემამულური მეურნეობის წინაშე ისმება ამოცანა: ან ბურჟუაზიული ევოლუცია ან დაღუპვა. გლეხურ მეურნეობაში ღრმავდება ქონებრივი და კლასობრივი დიფერენციაცია. უკეთეს პირობებში მყოფი გლეხები თანდათან აგროვებენ სიმდიდრეს, ხდებიან ვაჭრები და შესაძლებლობა აქვთ ბურჟუა-კაპიტალისტებად იქცნენ. საგრძნობი ნაწილი გლეხობისა მცირემიწიანი და უმიწო ხდება და იძულებულია დაქირავებულ შრომას მიმართოს.

სასაქონლო მეურნეობის ზრდამ, ქალაქსა და სოფელს შორის შრომის საზოგადოებრივი დანაწილების განვითარებამ, გამოიწვია საქართველოს სხვადასხვა რაიონებს შორის ეკონომიური კავშირის გაძლიერება. რეფორმამდელ საქართველოში ძველი ფეოდალური ურთიერთობის წიაღში ვითარდება წარმოების ახალი, კაპიტალისტური წესი, რაც გამოიხატა ბურჟუაზიულ მეურნეობათა და კაპიტალისტურ საწარმოთა წარმოშობასა და ზრდა-განვითარებაში.

**საბატონო მემურნობათა ბურჟუაზიული ევოლუცია
და ბურჟუაზიულ მემურნობათა წარმოშობა**

საქართველოს სამეურნეო დაწინაურებას საუკუნეების მანძილზე განუწყვეტელო საგარეო და საშინაო ომები უშლიდა ხელს. რუსეთთან შეერთების შემდეგ, განსაკუთრებით XIX საუკუნის 30-იანი წლებიდან, მას შემდეგ რაც განუწყვეტელი ომები ამიერკავკასიაში რუსეთის გამარჯვებით დამთავრდა და მშვიდობიანობა დამყარდა, ხელსაყრელი პირობები შეიქმნა ქვეყნის სამეურნეო წინსვლისათვის. ზემოთ, რამდენადაც შესაძლებელი იყო, ცხადვყავით ეს სასაქონლო მეურნეობის განვითარების დახასიათების დროს. აქ ჩვენ შევეხებით რიგ მემამულეთა მიერ საკუთარ მეურნეობათა გაუმჯობესებასა და ბურჟუაზიულ მეურნეობათა გაჩენას. მოკლედ შევეხებით აგრეთვე ბურჟუაზიული ურთიერთობის განვითარებას გლეხურ მეურნეობაში.

ქვეყნის ეკონომიური დაწინაურება, სასაქონლო მეურნეობის განვითარება და ნატურალური მეურნეობის რღვევა ქართველ მემამულეებს რომელთა მფლობელობაში ითვლებოდა მიწების დიდი ნაწილი, აიძულებდა მეურნეობის გაუმჯობესებაზე ეფიქრა. პროგრესულად მოაზროვნე მემამულეთა ნაწილმა ხელი მიჰყო მეურნეობის რაციონალურად მოწყობას, აქა-იქ კი გაჩნდა ბურჟუაზიული მეურნეობანიც.

სოლომონ გურგენიძის, ალექსანდრე ჰავკვაძის და დიმიტრი აფხაზის მეურნეობანი. ერთ-ერთი პირველი მემამულე, რომელმაც ფართოდ მოჰკიდა ხელი მეურნეობის გაუმჯობესებას კახელი მემამულე სოლომონ გურგენიძე იყო.

მან მეურნეობის „ევროპულ წესზე“ მოწყობა დაიწყო მე-19 ს. 30-იან წლებში. 1832—33 წლებში თავის მამულ შილდაში (თელავის მაზრა) გააშენა ვენახი, გაიყვანა შიგ კარგი გზები, ბაღში დარგოს სხვადასხვა ჯიშის ვენახი და ხე; 1832—37 წლებში მან პირველად გააშენა კახეთში თუთის დიდი პლანტაციები¹, რომელიც 300

¹ «Кавказ» 1861, № 65.

დესეტინა მიწას იჭერდა. გამოკვება აბრეშუმის ქიები სპეციალურად მოწყობილ ქვის შენობებში და თვით გამოიგონა „მანქანა“ აბრეშუმის მისაღებად. მის მიერ მიღებული აბრეშუმის ევროპულს არ ჩამოუვარდებოდა¹. გააშენა საღებავი მცენარეები, ინდიგოსაგან მან მიიღო მაღალი ხარისხის საღებავი, ჩაატარა ცდები ამერიკული² და ჰოლანდიური თამბაქოს მოშენებისა და მისგან სიგარების გაკეთებაზე³. 1838 წელს მის მეურნეობაში დაუმზადებიათ 15000 კარგი ხარისხის სიგარი. აქ დამზადებულ სიგარებს ჰყიდდნენ კახეთსა და თბილისში 100 ცალს 1 მანეთად⁴.

განსაკუთრებით გამოირჩეოდა მის მიერ გაშენებული ზვარი. 1842 წელს მასში ითვლებოდა 500000 ძირი ვაზი და ღებულობდა საუცხოო ღვინოს. მოიწვია ოსტატები და გააკეთა 200-მდე დიდი და პატარა საღვინე კასრი⁵. მისი ვენახი კახეთში „ყველაზე უკეთესად“ ითვლებოდა⁶. მას სურდა ღვინის ფართო მასშტაბით გაყიდვა შოეწყო. ამ მიზნით თბილისში მოაწყო სამსართულიანი სარდაფი. უმთავრესად მისი ღვინო აქ იყიდებოდა. ღვინის ფართო გასაღების მიზნით გურგენიძე თბილისის მოსახლეობას დაბეჭდილი განცხადებით აუწყებდა თავისი ღვინის გაყიდვას⁷. ამავე დროს განიზრახა შოეწყო ღვინის „მუღმივი“ გასაღება რუსეთში⁸. 1838 წელს სტავროპოლელმა ვაჭარმა პოვალევმა გურგენიძის ღვინო გაიტანა რუსეთის სამხრეთ გუბერნიებში. ღვინო სარფიანად იქნა გასაღებული. ამიტომ პოვალევმა გადაწყვიტა შემდეგი წლისათვის გურგენიძისაგან ეყიდა 2000 ვედრო პირველი ხარისხის ღვინო რუსეთის სამხრეთ გუბერნიებში გასატანად⁹. აღსანიშნავია, რომ გურგენიძის მეურნეობაში არსებობდა ღვინის ქურჭლის წარმოება, სადაც აკეთებდნენ ღვინის შესანახ ქვევრებს¹⁰. სოლ. გურგენიძის განცხადებით, მან, მეურნეობის გაუმჯობესებას მოახმარა 30000 მანეთი¹¹. გააუმჯობესა მებაღეობა, მეფუტკრეობა, მეღვინეობა, მიწათმოქმედება. თავად გენ. ლეიტ. ალექსანდრე ჭავჭავაძის მამულთან

¹ ЦГИАЛ, ф. 1268, оп. I, д. 258, л. 6, 13—14.

² იქვე.

³ საქ. ცსსა, ფონდი 16, საქმე 6774, ფურც. 16.

⁴ საქ. ცსსა, ფონდი 2, აღწ. 1, საქ. 9141, ფურც. 3.

⁵ იქვე, ფურც. 2.

⁶ ЦГИАЛ, ф. 1268, оп. 1, д. 258, л. 13—14.

⁷ საქ. ცსსა, ფონდი 2, აღწ. 1, საქ. 9141, ფურც. 2.

⁸ საქ. ცსსა, ფონდი 16, საქმე 6774, ფურც. 16, 110—111.

⁹ საქ. ცსსა, ფონდი 2, აღწ. 1, საქმე 9141, ფურც. 2.

¹⁰ იქვე, ფურც. 242.

¹¹ იქვე, ფურც. 16.

ერთად მისი მეურნეობა „სანიმუშოდ“ ითვლებოდა მთელს კახეთში¹.

სოლომონ გურგენიძემ განიზრახა მეურნეობის გაფართოება. 1837 წელს მთავრობას მან 200000 მანეთი ასიგნაცია სთხოვა სესხად 25 წლით². მის მეურნეობას კარგი დახასიათება მისცეს თელავის მაზრის რიგმა მემამულეებმა: ივანე ჯანდიერმა, გულბათ ჭავჭავაძემ, გიორგი ჩოლოყაშვილმა, თომა ჯორჯაძემ და სხვებმა. ასევე კარგი დახასიათება მისცა მას საქართველოს ღვინის კომპანიის დირექტორმა ივანე ლენცმა. მაგრამ მაშინ სესხზე უარი უთხრეს. 1842 წელს მან მიმართა ამიერკავკასიაში სარევიზიოდ ჩამოსულ პოზენს მიეცათ მისთვის 80000 მანეთი ვერცხლი სესხად³. ამჟამად თხოვნა შეუსრულეს და აღნიშნული თანხა მისცეს საზოგადოებრივი მზრუნველობის უწყებიდან, მხოლოდ 3 წლის ვადით. მაგრამ ამ დროში მან სესხი ვერ დაფარა და მამული დაკარგა. მთავარი მიზეზი ამისა ის იყო, რომ სოლომონ გურგენიძემ ძალიან ფართო სამეურნეო წამოწყებას მოჰკიდა ხელი, თავი ვერ გაართვა მას და მარცხი განიცადა. დ. ყიფიანი 1856 წელს აღნიშნავდა, რომ სოლ. გურგენიძემ თავის მამულში შიშბელი გონებით და განსაკუთრებული ენერგიით შეუდგა მეურნეობის გაუმჯობესებას, ხელი მოჰკიდა მეღვინეობის, მებარეშუმეობის და მეთამბაქოეობის განვითარებას, მაგრამ ისეთ „ფარგლებში“, რომელიც „აღემატებოდა თავის შესაძლებლობებს“⁴. ამავე დროს, იგი, როგორც ჩანს, დიდ წინააღმდეგობას აწყდებოდა ღვინის დიდი ოდენობით გასაღების საქმეში. ღვინოს მის მეურნეობაში პირველი ადგილი ეჭირა და მის გაყიდვაზე იყო დამოკიდებული მეურნეობის წინსვლა. ამიტომ იყო, რომ თელავის მაზრის მემამულეები და გლეხები მთავრობას სთხოვდნენ, დახმარებოდა გურგენიძეს, რათა ღვინის „მუღმივი გასაღება“ მოეწყო რუსეთში⁵. მიუხედავად ასეთი ფართო სამეურნეო წამოწყების მარცხისა, სოლ. გურგენიძეს შემდეგ წლებშიც არ აუღია ხელი მეურნეობის გაუმჯობესებაზე.

ასევე, სოლ. გურგენიძის გარდა, ერთ-ერთი პირველი მემამულე, რომელმაც ხელი მოჰკიდა მეურნეობის რაციონალურად მოწყობას, იყო ქართველი მწერალი ალექსანდრე გარსევანის ძე ჭავჭავაძე. განსაკუთრებით მან გააფართოვა და გააუმჯობესა მევენახეობა. წინანდალში დიდი რაოდენობით აწარმოებდა ღვინოს გასაყიდად,

¹ იქვე, ფურც. 110—111.

² საქ. ცსსა, ფონდი 2, აღწ. 1, საქმე 4787, ფურც. 1—4.

³ ПІНАЛ, ф. 1268, оп. 1, д. 258, л. 8.

⁴ ЗКОСХ, 1857 г.

⁵ საქ. ცსსა, ფონდი 26, აღწ. 6, საქმე 26, ფურც. 5.

საამისოდ თბილისში მოაწყო ღვინის დიდი საწყობი¹. ამავე დროს მან ხელი მიჰყო მეაბრეშუმეობის განვითარებას. ნათარეულში გაა-
შენა თუთის დიდი პლანტაციები². ალ. ჰავკავაძე ენერგიულად
აგრძელებდა მეურნეობის ევროპულ ყაიდაზე მოწყობას, მაგრამ
იგი, როგორც ცნობილია, უდროოდ გარდაიცვალა 1846 წელს.
შემდეგ მისი სამეურნეო საქმიანობა წარმატებით გააგრძელა მისმა
შვილმა დავით ჰავკავაძემ. მან განავითარა მევენახეობა, მეაბრეშუ-
მეობა, გააშენა ენდროს პლანტაცია და სხვ. 1850 წელს გაზეთი
„კავკაზი“ მაღალ შეფასებას აძლევდა მის სამეურნეო საქმიანობას³.

ერთ-ერთ სანიმუშო მეურნეობად კახეთში ითვლებოდა აფხაზის
მეურნეობა. 1839 წელს სიღნაღის მემამულემ, შტაბს-კაპიტანმა
თავ. დავით აფხაზმა, საქართველოს მთავარმართებელს სთხოვა
მიეცათ მისთვის 400 დესეტინა მიწა მდ. იორის ნაპირებზე, სანიმუ-
შო მეურნეობის მოსაწყობად. ერთდროულად მან ითხოვა 100
დესეტინა მიწა ელისავეტპოლის ოლქში ინდიგოს გასაშენებლად,
მაგრამ მას უარი უთხრეს, რის შემდეგ მან თვითნებურად დაიკავა
7 დესეტინა მიწა ელდარის ველზე და გააშენა თუთის პლანტაცია,
რომელიც შეიცავდა 60000 ძირ თუთას⁴. მას განზრახული ჰქონდა
გაეფართოებინა მეურნეობა და სანიმუშოდ გაეხადა, მაგრამ იგი
მალე გარდაიცვალა. დაწყებული საქმე განაგრძო მისმა ძმამ, დი-
მიტრიმ.

1853 წელს დიმიტრი აფხაზს იმავე ადგილას მისცეს 50 დესე-
ტინა მიწა. მან გააფართოვა და წესრიგში მოიყვანა ძმის მიერ გა-
შენებული თუთის ხის პლანტაცია. პლანტაციას ეჭირა 35 დესეტინა
და შიგ გაშენებული იყო 600.000 ძირი თუთის ხე. 3 დესეტინა ეჭი-
რა თამბაქოსა და სორგოს, დანარჩენი — ხორბალს. მან მდ. იორი-
დან გაიყვანა სარწყავი არხი; მოაწყო დიდი ფარდული აბრეშუმის
ქიის აღსაზრდელად და აღზარდა ჩინური ჯიშის საუცხოო აბრეშუ-
მის ქია. იგი თანდათან ავითარებდა მეურნეობას. 1861 წელს თბი-
ლისის საგუბერნიო სამმართველომ აღნიშნული მიწა დიმიტრი აფ-
ხაზს სრულ მემკვიდრეობით მფლობელობაში გადასცა, რადგან მან
აღებული ვალდებულება კარგად შეასრულა⁵.

ამას გარდა, დიმიტრი აფხაზმა თავის მამულში, სოფელ კარდანახში,
გააშენა საუცხო ზვარი, მოაწყო ჩინებული ქვითკირის მარანი და

¹ «Кавказский календарь» 1846, გვ. 236.

² «Кавказ» 1861, № 65.

³ „Кавказ“ 1850, № 2. სამწუხაროდ, სათანადო მასალების უქონლობის
გამო, ალ. ჰავკავაძის მეურნეობას დაწერილებით ვერ განვიხილავთ.

⁴ «Кавказ» 1861, № 65.

⁵ საქ. ცსსა, ფონდი 26, აღწერა 6, საქმე 26, ფურც. 72.

აქაც მეურნეობას ყოველწლიურად აუმჯობესებდა. სასოფლო-სამეურნეო გამოფენებზე წარდგენილი ღვინისა და სხვა ნაწარმისათვის მას არაერთხელ მიუღია ჯილდო.

„ცისკრის“ რედაქტორი ივ. კერესელიძე, რომელმაც 1860 წელს სიღნაღს იმოგზაურა, დაათვალიერა აფხაზის მეურნეობა. იგი მის შესახებ წერდა: „აფხაზის ჩამომავალს თ. დიმიტრის თავისის მეცადინეობით და მხნეობით ისეთი ზვარი გაუყეებია, თვით მცირეს ვენახითგან სხვა მხრით მომატებულის მამულებითგან, რომ მრთელს წინამხრის კახეთში ამის მზგავს კაცი ძნელად ნახავს“¹, და იქვე დასძენს: „ძალიანი კარგი იქნებოდა, რომ ზოგი ერთს გარემო სოფლების მემატონეებს მიებაძვათ ამ მამულის მართვისათვის“². ასევე დ. ყიფიანი მალალი შეფასებას აძლევდა აფხაზის მეურნეობას³.

ზემოთ განხილულ ალ. ჭავჭავაძისა და აფხაზის მეურნეობებში იყო რამდენად იყო გამოყენებული ექსპლოატაციის ახალი წესი, ე. ი. თავისუფალი, დაქირავებული შრომა, ჩვენ, ამის შესახებ სათანადო ცნობები არ გვაქვს. გურგენიძის მეურნეობაში კი ამ მეურნეობის 1843 წლის აღწერისას ვხვდებით 4 კაცს, თავისუფალი შრომის წარმომადგენელს⁴. ამის გარდა როგორც ვიცით საღვინე კასრებს ამზადებდნენ დაქირავებული ოსტატები. ეს ფაქტი უფლებას გვაძლევს ვიფიქროთ, რომ აქ ხშირად იყენებდნენ დაქირავებულ შრომას, განსაკუთრებით დღიური მუშებისას, რომელიც იმ დროის ფრიად დამახასიათებელი მოვლენა იყო. განსაკუთრებით დაქირავებული შრომა გამოყენებული უნდა ყოფილიყო სამეურნეო ნაგებობათა მშენებლობაზე, საღვინე კასრების დამზადებაზე, აბრე-შუმის წარმოებაზე და სხვა სამუშაოებზე. უფრო მეტად დაქირავებულ შრომა გამოყენებული უნდა ყოფილიყო აფხაზის მეურნეობაში, რადგან მან სანიმუშო მეურნეობა მოაწყო არა თავის მამულში, არამედ სახაზინო მიწაზე. აქ კიდევ მეტად იქნებოდა საჭირო დაქირავებული შრომის გამოყენება.

ბ ა რ თ ნ ნ ი კ ო ლ ა ი ს ბ უ რ ე უ ა ზ ი უ ლ ი მ ე უ რ ნ ე ო ბ ა ლ ო ჭ ი ნ ჯ შ ი. 1845 წელს გენ. ლეიტ. თავად ალექსანდრე ჭავჭავაძის მეუღლეს ლოჭინჯში გამოუყვეს 8-9 დესეტინა მიწა, რათა მასზე 3 წლის განმავლობაში მოეწყო სასტუმრო ბაკები⁵, 1846 წელს ვორონცოვმა ნება დართო ალექსანდრე ჭავჭავაძისათვის

¹ „ცისკარი“, 1861, № 11, გვ. 234.

² იქვე, გვ. 235.

³ ЗКОСХ, 1857, გვ. 56.

⁴ საქ. ცსსა, ფონდი 16, საქმე 6774, ფურც. 35.

საქ. ცსსა, ფონდი 26, აღწერა 6, საქმე 28, ფურც. 40, 147—148.

შიეცათ 50 დესეტინა მიწა ძველი ლოჭინის გზის ქვემოთ, თუთის ჩს, ენდროსა და სხვა სამღებრო მცენარეთა გასაშენებლად.

აღ. ჭავჭავაძის სიკვდილის (1846 წ.) შემდეგ, ეს მიწა იმავე წელსვე გადაეცა მის შვილს, კაპიტან დავით ჭავჭავაძეს, რომელმაც თავის მხრივ ორივე ნაკვეთი 1850 წელს თავის დას სტატსკი სოვეტნიცა ბარონესა სოფიო ნიკოლაის (ბარონ ნიკოლაის მეუღლეს) გადასცა ვორონცოვის ნებართვით¹. აღნიშნული მიწის ნაკვეთები (60 დესეტინამდე) სართიქალის უბანში მდებარეობდა. იმავე 1850 წელს ბარონესა სოფიო ნიკოლაიმ ვალდებულება აიღო მიცემულ მიწაზე 10 წლის განმავლობაში მოეწყო სანიმუშო მეურნეობა: გაუშენებინა სხვადასხვა მცენარეები, ვენახი, ხეხილი² და სხვ.

მაღე, მეურნეობის მოწყობა აღნიშნულ მიწაზე თავს იღო სოფიოს ქმარმა ბარონ ნიკოლაიმ. მოგზაურობის დროს დერბენტში იგი შეხვდა გერმანელ ფივეგს, რომელსაც კარგად ცოდნია ენდროს გაშენება. ბარონ ნიკოლაიმ იგი თავისთან მიიწვია.

1851 წელს ლოჭინში მიცემულ მიწაზე გაიყვანეს ნაკადული, რომელიც სათავეს სახაზინო სოფელ მარტყოფიდან იღებდა³. ფივეგთან ერთად მან დაიწყო ენდროსა და კარდის გაშენება. მაგრამ მიწის რაოდენობა სანიმუშო მეურნეობის მოსაწყობად არასაკმარისი იქნა და იმავე 1851 წელს მთავრობას სთხოვა აღნიშნული ნაკვეთის გვერდით შიეცათ 200 დესეტინა სახაზინო მიწა „მანუფაქტურულ“ მცენარეთა გასაშენებლად. ეს მიწა სოფელ ნორიოში შედიოდა. იმავე წელს თხოვნა დაკმაყოფილებულ იქნა და მისცეს 200 დესეტინა მიწა სოფ. ნორიოში მდ. მარტყოფის მარჯვენა ნაპირზე⁴. ამრიგად, ბარონ ნიკოლაის ჰქონდა მიწის ორი ნაკვეთი: 60 დესეტინიანი და 200 დესეტინიანი.

რადგან ბარონ ნიკოლაის ყმები არ ჰყავდა, მეურნეობაში მხოლოდ ნებთღაქირავებულ შრომას მიმართავდა.

1851 წელს მიწის პირველ ნაკვეთზე (60 დესეტინიანი) დახნეს 20 დესეტინა, ჩაჰყარეს დერბენტიდან გამოწერილი ენდროს საუცსოო თესლი და 1852 წელს მიიღეს პირველი მოსავალი. მაგრამ ენდროს განვითარებას ხელს უშლიდა სარწყავ საშუალებათა უქონლობა. 1852 წელს მათ გააქეთეს სარწყავი არხი და დაიწყეს ენდროს მორწყვა, მაგრამ ამან ბალახი გაახშირა და გაზარდა. 3 წელი ებრძოდნენ ბალახს; ბოლოს, 1854 წელს დახნეს და ხორბალი დათე-

¹ იქვე, ფურც. 60, 90, 147—148.

² იქვე, ფურც. 71—72.

³ იქვე, ფურც. 66—67.

⁴ იქვე, ფურც. 90, 94.

სეს. ამრიგად, ენდროს მოშენების პირველი ცდა წარუმატებლად დამთავრდა.

ერთდროულად ბარონ ნიკოლაი და ფივეგი აწარმოებდნენ კარდის თესვას, რომლის მოსავალი კარგი იყო.

1852 წელს გააშენეს ვენახის ბაღი, რომელიც შეიცავდა 80000 ძირ ვაზს და 4000 ძირ ხეხილს. ახლა საჭირო იყო ბაღის დაცვა ძლიერი ქარისაგან. ამ მიზნით მათ ბაღის გარშემო დარგეს 6000 ძირი ხე და ამგვარად შექმნილი ხელოვნური ტყე კარგად იცავდა ბაღს ქარისაგან. ბარონ ნიკოლაიმ მალე შეიძინა კიდევ 40 დესეტინა სარწყავი მიწა, სადაც პურს თესდა და 5000 ფუთი თივა ითიბებოდა.

სოფიო ქავკავაძისათვის მიცემულ 60 დესეტინა მიწაზე მოწყობილი შეურნეობა ბარონ ნიკოლაის განცხადებით დაჯდა 25000 მანეთი¹. რადგან სოფიო ქავკავაძის მიერ ნაკისრი ვალდებულება შესრულებულ იქნა, 1853 წელს ბარონ ნიკოლაიმ ითხოვა აღნიშნული მიწის ნაკვეთი მემკვიდრეობით მფლობელობაში გადაეცათ. ჩინოვნიკებმა: ილიაშვიჩმა და ლორის-მელიქოვმა შეამოწმეს იგი, რის შემდეგ მიწა მას მემკვიდრეობით მფლობელობაში გადასცეს².

რადგან ამ ნაკვეთზე ენდროს გაშენება წარუმატებლად დამთავრდა, ბარონ ნიკოლაიმ გადაწყვიტა იგი გაეშენებინა მიწის მეორე 200 დესეტინიან ნაკვეთზე. 1852 წელს ამ მიზნით ამ ნაკვეთზე დაამუშავეს 10 დესეტინა მიწა. ბარონ ნიკოლაის სურდა, რომ ენდროს ხელოვნური მორწყვის გარეშე ეხარა, რადგან არხების გაყვანადიდ ხარჯებს ითხოვდა. მაგრამ აღმოჩნდა, რომ აქაც, მორწყვის გარეშე ენდრო ვერ იხარებდა. 1855 წელს მან ითხოვა გაეყვანა არხი პლანტაციაში მდინარე მარტყოფიდან. არხს მეტწილად სახაზინო მიწაზე უნდა გაეგლო, რომლითაც სოფელ ნორიოს მცხოვრებნი სარგებლობდნენ. დიდი დავის შემდეგ ნება დართეს გაეყვანა არხი. არხის გაყვანა საბოლოოდ დამთავრდა 1857 წელს. ამით ენდროს პლანტაცია წყლით უზრუნველყოფილ იქნა. 1858 წელს შეუდგნენ ენდროს პირველი მოსავლის აღებას. პირველად ბარით იწყეს ენდროს ამოღება, როგორც ეს დერბენტში ხდებოდა. მაგრამ დარწმუნდნენ, რომ ასე მათ ძვირი დაუჯდებოდათ, რადგან მუშის დაქირაება დღეში 34—40 კაპიკამდე ჯდებოდა თბილისის გუბერნიაში და ეს მათ ძვირად მიაჩნდათ, მაშინ როდესაც დერბენტში, ბარონ ნიკოლაის განცხადებით, მუშის დაქირაება დღეში 10 კაპიკს არ აღემატებოდა. ამიტომ ფივეგმა გადაწყვიტა ენდრო მიწიდან ამოეღო.

¹ ЗКОСХ, 1860, № 3 გვ. 101.

² საქ. ცსსა., ფონდი 26, აღწერა 6, საქმე 28, ფურც. 148.

ქართული გუთნით. გუთანს უკან მისდევდნენ დაქირავებული ქალები და ბავშვები და ენდროს კრეფდნენ. მაგრამ ქართული გუთანადიდ ბელტებს ყრიდა და ენდროს ნაწილს მიწაში აყოლებდა. ამიტომ მათ განიზრახეს ქართულ გუთანზე გაეკეთებინათ ისეთი ხელსაწყო, რომელიც ბელტებს დაამტკრევდა.

მიუხედავად ამისა, ქართული გუთნით ენდროს აღება, ბარონ ნიკოლაის აზრით, გაცილებით იაფი ჯდებოდა, ვიდრე ბარით. 1 ფუთი ენდროს ამოღება და გახმობა უჯდებოდათ 1 მანეთი და 20 კაპიკი. საბოლოო ჯამში ამგვარი ოპერაცია 50 %-ით იგებდა¹.

ენდროს ახმობდნენ იმ წესით, როგორც ეს დერბენტში ხდებოდა: ამოთხრიდნენ ორმოს 1 საყენის სიღრმითა და სიგრძით და 1 არშინის სიგანით; დაანთებდნენ ცეცხლს, როდესაც ორმოს კედლები საკმარად გახურდებოდა, ენდროს დაასველებდნენ წყლით და ჩაყრიდნენ შიგ. როცა ორმოს აავსებდნენ ენდროთი, შემდეგ მას ქეჩებით დახურავდნენ. ამ წესის მიმდევართა აზრით, ამით ძლიერდებოდა ენდროს საღებავის ხარისხი. აღსანიშნავია, რომ ეს წესი არ იცოდნენ ევროპაში და შესაძლებელია მოსკოველი ვაჭრები ამიტომ ამჯობინებდნენ დერბენტულ ენდროს ევროპულს. ბარონ ნიკოლაის აზრით, ლოჭინოში ერთ დესეტინა მიწაზე შეიძლებოდა მოსულიყო 80 ფუთი ენდრო.

ენდროს მოსავლის აღების შემდეგ საჭირო იყო მისი გასაღება. რადგან მოსკოვისა და ნიჟეგოროდის ბაზრებზე მისი წაღება ძვირი დაჯდებოდა, ბარონ ნიკოლაიმ გადაწყვიტა იგი ერევანში გაესაღებინა. მაგრამ იქ ბითუმად არ წარმოებდა მისი გაყიდვა, რის გამო საჭირო იყო ჰყოლოდა კომისიონერი, ჰქონოდა საწყოები და დუქნები. მარსელში (საფრანგეთი) კი ამ დროს ენდროს ფასები დაწეული იყო და თანაც ფოთამდე სახმელეთო გზით მისი მიტანა ძვირად მიიჩნიეს. ასეთ მდგომარეობაში ჩვენს ფერმერს გამოეცხადა ერთ-ერთი თბილისელი ვაჭარი და წინადადება მისცა მიეყიდა მთელი ენდრო. ბარონ ნიკოლაი დათანხმდა და მთელი ენდრო მიყიდა, ფუთი 6½ მანეთად². ამან წაახალისა ბურჟუა. შემდეგ წლებში თბილისში მყოფმა უცხოელმა ვაჭრებმა, შესთავაზეს მას სამსახური კომისიონერის სახით. 1860 წელს კი სთხოვეს მიეცათ ენდრო ევროპაში გასაყიდად. ეს უკანასკნელი წინადადება ფერმერმა არ მიიღო, რადგან მისი აზრით, მაშინ ენდროს ფასები ევროპაში დაწეული იყო³.

¹ ЗКОСХ, 1860, № 3 გვ. 112.

² იქვე, გვ. 114.

³ იქვე, გვ. 126—127.

ბარონ ნიკოლაის ენდროს გასაღება ყველაზე სარფიანად მიაჩნდა თბილისში, რადგან სხვაგან წაღების შემთხვევაში გზები დიდ ბარჯებს ითხოვდა. ბურჟუა-ფერმერი ენდროს დიდ მნიშვნელობას ანიჭებდა და მას მრეწველობის „ერთ-ერთ საარსებო პურს“ უწოდებდა. რუსეთის ფაბრიკები, მისი აზრით, საჭიროებდნენ 300000 ფუთ ენდროს; ამიერკავკასია კი აწარმოებდა ამის ნახევარზე ნაკლებს, დანარჩენი უცხოეთიდან მოჰქონდათ. ფერმერი ამიერკავკასიის ენდროს უცხოურს ამჯობინებდა. იგი მოითხოვდა მისი ღიდი რაოდენობით წარმოებას, საზღვარგარეთული ენდროს შევიწროების მიზნით¹. საქართველოში მიღებული ენდროს მოსკოვში გასაღების საშუალებად მას მიაჩნდა რუსეთ-საქართველოს შორის სახმელეთო და საზღვაო გზების გაუმჯობესება, რაც, მისი აზრით, უეჭველად მოხდებოდა.

ბარონ ნიკოლაიმ თავის მეურნეობაში გაავრცელა სორგო და მისგან ხდიდა სპირტს. მან თავის მამულში ინჟინერ-ტექნოლოგ ლემკულს, მოაწყობინა სპირტსახდელი ქარხანა და ამით გააუმჯობესა სპირტის წარმოების საქმე. 1859 წელს მან თავისი ბურჟუაზიული მეურნეობის კიდევ უფრო გაფართოება დაიწყო².

1860 წელს ფერმერის თხოვნის თანახმად, მიწის მეორე ნაკვეთიც (200 დესეტინა) მას მემკვიდრეობით მფლობელობაში გადასცეს, რადგან ნაისრი ვალდებულება შესრულებულად სცნეს³.

XIX საუკუნის 50-იანი წლებიდან საქართველოში ცდილობენ მანქანა-იარაღების გამოყენებას სოფლის მეურნეობაში. უფრო მეტად ამას მემამულეები ეტანებიან, განსაკუთრებით კი ბურჟუაზიულ მეურნეობათა მებატონენი. კიდევ უფრო ძლიერდება სასოფლო-სამეურნეო მანქანა-იარაღების გამოყენება 60-იანი წლებიდან. საზღვარგარეთიდან მას დიდი რაოდენობით იწერდნენ. მანქანა-იარაღები შეიტანეს თავიანთ მეურნეობაში ბარონ ნიკოლაიმ, ჩიჯავაძემ, ბაგრატიონ-მუხრანსკიმ, კუჩენბახმა, ანანოვმა და სხვებმა.

ბარონ ნიკოლაის მეურნეობა ბურჟუაზიულ-ფერმერულ ყაიდაზე იყო მოწყობილი: თავისუფალი დაჭირავებული შრომის ექსპლოატაცია, მანქანების გამოყენება მეურნეობაში, საეპკრო მიწათმოქმედების განვითარება, სოფლის მეურნეობის პროდუქტთა ტექნიკური ვადამუშავება — ყველაფერი ეს ასეთი მეურნეობის ძირითადი ნიშნებია.

ბარონ ნიკოლაი, რომელსაც ყმები არ გააჩნდა, თავის მეურ-

¹ იქვე, გვ. 127.

² საქ. ცსსა, ფონდი 241, აღწერა 3, საქმე 13, ფურც. 1-4.

³ საქ. ცსსა, ფონდი 26, აღწერა 6, საქმე 28, ფურც. 227.

ნეობაში დაქირავებულ შრომას იყენებდა. მისი განცხადებით დაქირავებულ შრომას იყენებდნენ აგრეთვე რიგი სხვა მიწათმფლობელებიც, რომელთაც ყმები არ გააჩნდათ, ანდა, რომელთაც ისინი არასაკმარისად ჰყავდათ¹. 50-იან წლებში ნებითდაქირავებული შრომის გამოყენება საქართველოში გავრცელებული მოვლენა იყო.

მაგრამ ბატონყმური ურთიერთობის ბატონობის პირობებში, როდესაც უშუალო მწარმოებელს (გლეხს) პირადი თავისუფლება არ ჰქონდა და მიწაზე იყო მიმაგრებული საბატონო ვალდებულებებით, ძლიერ ჰქონდა თავისუფალი შრომის გამოყენება, თავისუფალი მუშა-ხელის შოვნა. ამიტომ ბურჟუაზიული და მსხვილი რაციონალური მეურნეობანი ხშირად განიცდიდნენ მის ნაკლებობას. ბარონ ნიკოლაი ერთი იმ ბურჟუათაგანი იყო, რომელიც ხშირად ჩიოდა სათანადო და თავისუფალი მუშახელის უკმარობაზე². თანაც მას თბილისის გუბერნიაში დაქირავებული მუშის დღიური ხელფასი (35—40 კაპიკი) ძვირად მიაჩნდა. იგი უფრო ხელსაყრელად თვლიდა იმერეთიდან და სპარსეთიდან სეზონურად მოსული მუშები დაექირავებინა. მაგრამ ეს სრულებით არ კმაროდა მისი აზრით, რადგან ეს სეზონური მუშები შორეული ადგილებიდან წელიწადის გარკვეულ დროს მოდიოდნენ და მიდიოდნენ, ამდენად მეურნეობა ამ მხრივ უზრუნველყოფილი არ იყო³.

ბარონ ნიკოლაი, რა თქმა უნდა, ყმის შრომაზე მაღლა აყენებდა ნებითდაქირავებულ შრომას, რომელიც, მისი აზრით, გაცილებით რენტაბელური იყო და ბოლოს და ბოლოს უნდა გაბატონებულიყო. 1860 წელს, კავკასიის სოფლის მეურნეობის საზოგადოების წლიურ კრებაზე წაკითხულ მოხსენებაში, სადაც სამიწათმოქმედო მანქანა-იარაღების მნიშვნელობაზე ლაპარაკობს, იგი აღნიშნავდა: „Благоразумие требует заблаговременно приготовить переход к свободному труду, долженствующему во всяком случае, сделаться рано или поздно единственным и исключительным промышленным орудием“⁴. მოხსენების ამ ნაწილში იგი სამიწათმოქმედო მანქანა-იარაღების მნიშვნელობაზე ლაპარაკობს. მაგრამ მანქანა-იარაღების ფართოდ და წესიერად გამოყენება სოფლის მეურნეობაში სწორედ თავისუფალ დაქირავებულ შრომას გულისხმობდა და არა ყმებისას, რომლებიც ამ მანქანა-იარაღებს ვერ მოემსახურებოდნენ. ლაპარაკობს რა ისევ მანქანა-იარაღების გამოყენების მნიშვნელობაზე იგი აცხადებს: „Очевидно какое влияние это

¹ ЗКОСХ, 1857, გვ. 12.

² იქვე, გვ. 16, 17.; ЗКОСХ, 1860, გვ. 111.

³ იქვე, გვ. 16.

⁴ ЗКОСХ, 1860, № 3, გვ. 123.

ვლადელცა в совершенную независимость от того класса, который снабжает поденщиками“¹. ეს დრო, უკანასკნელი წლებია საგლენო რეფორმამდე, როდესაც რუსეთში და საქართველოში მემამულეები მიეტანენ საზღვარგარეთიდან სასოფლო-სამეურნეო მანქანების გამოწერასა და ყიდვას, რათა მათი მეშვეობით თავიდან აეცილებინათ ყმების შრომის გამოყენება და მუშების დაქირავების სიძნელენი. „ეს ცდა, რასაკვირველია, მარცხით დასრულდა“², მართალია, ზოგიერთი ბურჟუა და მსხვილი მემამულე რაციონალიზატორი და მათ შორის ბარონ ნიკოლაიც თავს ართმევდა მეურნეობაში მანქანა-იარაღების გამოყენების საქმეს, მაგრამ ეს მათინ დამახასიათებელი მოვლენა არ იყო, რომელსაც ჩვენ შემდეგ შევეხებით.

ბურჟუაზიულ მეურნეობას ესაჭიროებოდა გასაღების ბაზარი, რათა მას ეარსება და განვითარებულიყო. ბატონყმური ურთიერთობის დროს გასაღების ბაზარი საერთოდ სუსტი იყო. ამიტომ ბარონ ნიკოლაი ამაზე, ისე როგორც თავისუფალი მუშახელის შოვნაზე, ხშირად ჩიოდა. და აქ მას მოჰყავს მაგალითი, როდესაც 1856 წელს თავისი ბოსტნეული თბილისში ვერ გაასაღა³. მართალია, სასაქონლო წარმოების შედეგად ნატურალური მეურნეობა სწრაფად ირღვეოდა, თანდათან ფართოვდებოდა და იზრდებოდა გასაღების ბაზრები და მოთხოვნილებები სოფლის მეურნეობის ნაწარმზე, მაგრამ იგი მსხვილი და განსაკუთრებით ბურჟუაზიული მეურნეობის მოთხოვნებს მაინც ვერ აკმაყოფილებდა. ხშირად მსხვილ და ბურჟუაზიულ მეურნეობაში ესა თუ ის პროდუქტი დიდი რაოდენობით მზადდებოდა და წინ უსწრებდა ბაზრის მოთხოვნებს. ამაში მდგომარეობდა ერთ-ერთი წინააღმდეგობაც და შეუსაბამობა ბურჟუაზიულ მეურნეობასა და ბატონყმური ურთიერთობისათვის დამახასიათებელ ნიშნებს შორის.

ბარონ ნიკოლაის ბურჟუაზიულ-ფერმერული მეურნეობა ბატონყმური ურთიერთობის სისტემაში იყო მოქცეული. თუმცა ეს უკანასკნელი სწრაფად ირღვეოდა, მაგრამ ჯერ კიდევ გაბატონებულ ძალას წარმოადგენდა ქვეყანაში. ბურჟუა-ფერმერი ვერ ეგუებოდა მას, ვერ თავსდებოდა მასში და გამოსავალს ეძებდა. ასეთი მეურნეობის განვითარებისათვის საჭირო იყო ბატონყმური ურთიერთობის მოსპობა.

¹ იქვე, გვ. 124.

² ვ. ი. ლენინი, თხზ., ტ. 3, გვ. 243.

³ ЗКОСХ, 1857, გვ. 40—41.

კუჩენბახის ბურჟუაზიული მეურნეობა. ალექსანდრე კუჩენბახმა თავისი ფერმერული მეურნეობა მოაწყო ერთი-ბაშკიჩეთში (თრიალეთი) და მეორე, სოფელ ელფიაში, კოჯრის ახლოს — 1863 წელს. ბაშკიჩეთში და ელფიაში მას ჰქონდა შვეიცარული ყველის საწარმოო ქარხნები. ბაშკიჩეთში მის მეურნეობას ეჭირა 15 დესეტიამდე მიწა. მეურნეობაში მოწყობილი იყო ქვის შენობები შვეიცარული ყველის გასაყეთებლად, მუშებისათვის, რძისა და ყველის შესანახად, პირუტყვის სადგომად, რომელიც ითავსებდა 100 სულ მსხვილ რქოსან საქონელს და სხვ. კუჩენბახს ჰყავდა 84 ძროხა, მრავალი ხბო, ხარები და სხვა საქონელი. მის მეურნეობაში მუშაობდნენ მწყემსები, ძროხების მწველაეები, მთი-ბავები და სხვ. ყველა ისინი ნებით დაქირავებულნი იყვნენ¹.

კუჩენბახმა შვეიცარიიდან დაიბარა ყველის მკეთებელი ოსტატები. 1863 წელს ისინი ჩამოვიდნენ და თან ჩამოიტანეს ყველა იარაღი, რომელიც საჭირო იყო შვეიცარული წესით ერბოსა და ყველის მისაღებად. ამ დროს შვეიცარული ყველი საქართველოში რუსეთიდან მოჰქონდათ და აქ დიდი წარმატებით სალდებოდა. ამიტომ კუჩენბახის დაწყებულ საქმეს თავიდანვე კარგი შედეგი მოჰყვა. მისი ყველი ფართოდ და სარფიანად სალდებოდა თბილისში. ფერმერის განცხადებით, ყველის მკეთებელი ქარხნების მოწყობა დაუჯდა 11000 მანეთი².

რძის მეურნეობის გვერდით მან ბალ-ბოსტნებიც გააშენა, გამოიწერა საზღვარგარეთიდან საქონლის ჯიშები და მეურნეობას აფართოებდა. მან განიზრახა საქართველოში მოეწყო რძის დიდი ფაბრიკები, როგორც იყო ინგლისსა და საფრანგეთში. სამისოდ მთავრობისაგან სესხს თხოულობდა, მაგრამ აგრონომებმა დეიჩმანმა და ხატისოვმა, რომლებმაც მისი მეურნეობა შეამოწმეს და იგი სანიმუშოდ ჩათვალეს, ასეთი ფაბრიკების მოწყობა ამიერკავკასიაში მაშინ ნაადრევად სცნეს³.

იმდროინდელი გაზეთი „გუთნის დედა“ დიდად აფასებდა ბა-რონ კუჩენბახის ბურჟუაზიულ მეურნეობას, მის ბურჟუაზიულ თაოსნობას. „გუთნის დედა“ აღნიშნავს, რომ შვეიცარიაში ყველის წარმოებისათვის კომლები ერთდებიან და აკეთებენ საერთო ქარხანას⁴, ე. ი. იქმნება „ამხანაგობანი“⁵. ასეთი „ამხანაგობანი“ შვეიცარული ყველის საწარმოებლად შეიძლება საქართველოშიც მოე-

¹ სიქ. ცსსა, ფონდი 241, აღწერა, 3, საქმე 11, ფურც. 32—33.

² იქვე, ფურც. 43—44.

³ იქვე, ფურც. 62.

⁴ „გუთნის დედა“, 1863, № 12, გვ. 136.

⁵ „გუთნის დედა“, 1863, № 13, გვ. 144.

წყოს, რადგან ჩვენ გვაქვს ამის მაგალითი ზენა-თესვის საქმეშიო. ჩვენში ზენა-თესვა, განაგრძობს „გუთნის დედა“, „ამხანაგობით“ სრულდება, რადგან გუთნეული საქონელი ძვირი საშოვნელია და სოფლელები თავს უყრიან: ზოგისა გუთანია, ზოგისა ხარია, ზოგისა გეხრე, და ისე ხნავენ ანეულსა. თუკი ზენა-თესვაში შეიძლება ეს „ამხანაგობა“, — კითხულობს „გუთნის დედა“, — რატომ არ შეიძლება მოეწყოს იგი შვეიცარული ყველის გასაკეთებლად¹. „გუთნის დედა“ მოუწოდებდა ქართველებს წასულიყვნენ ელფიაში, კოჭრის ახლოს და გაცნობოდნენ შვეიცარული ყველის მწარმოებელ ქარხანას.

1863 წელს კუჩენბახის შვეიცარული ყველი გაგზავნილ იქნა თბილისში, სასოფლო-სამეურნეო გამოფენაზე, სადაც მალალი შეფასება მიიღო. გამოფენის ერთ-ერთ ოთახში, სადაც წარმოდგენილი იყო ღვინო, ყველი, თევზეული, თაფლი და სხვ., ყველაზე უკეთესი იყო კუჩენბახის ქარხანაში დამზადებული ყველი. მასზე ივანე სერებრიაკოვი წერდა: „ყველაზე შესანიშნავი იყო შვეიცარიის ყველი, პირველად გაკეთებული საქართველოში ბარონ კუჩენბახისაგან. შარშან ჩვენს გაზეთში დაგბეჭდეთ ამბავი, რომ ბარონ კუჩენბახს მოეყვანა შვეიცარიიდან ყველის გამკეთებლები და სურდა აქ ტფილისის ახლო გამართვა შვეიცარული ყველის ქარხნისა. ეს საქმე მოხერხდა ძალიან კარგად და ჩვენს მხარეში დაიბადა ახალი ხელობა, რომელმაც დიდი სარგებლობა უნდა მისცეს ხალხსა, თუმცა იქნება თვითონ ბარონმა კუჩენბახმა მაგთენი ხეირი ვერა ნახოს რა“², რადგან „ბარონ კუჩენბახი უცხო ქვეყნის კაცია, აქ არც მიწები აქვს საკუთარი, არც საქონელი ჰყავს თავისი, არც შესანახავი ადგილი. ყველა უნდა იქირაოს... ყველგან ფული უნდა ხარჯოს. დაჭერილი კაცებიც (დაქირავებული მუშები — დ. გ.) უნდა ნასყიდი პურით და ხორაგით გამოჰკვებოს და ჯამაგირი აძლიოს“³, და ამდენ ხარჯს როგორ აუვა ქარხანაო — კითხულობს სერებრიაკოვი. იგი მოუწოდებს ქართველ მიწათმფლობელებს თვით მათ მოჰკიდონ ხელი ასეთ მეურნეობას და წარმოებას, რადგან საამისოდ მყარი საფუძველი აქვთ და დიდ მოგებას მიიღებენო: „აბა აქაურმა მამულის პატრონმა იკისროს ეს საქმე, მამულის პატრონმა, ვისაც არც საძოვარში გაუვა ფასი, არც ძროხის ქირის დაჭერა უნდა, არც გომების ამენება, არც გოსტინინცაში ცხოვრება და ნახოს რა სარფა ექნება მშვენიერის ყველის გაკეთებასა“⁴.

¹ იქვე.

² „გუთნის დედა“, 1864, № 1, გვ. 6.

³ იქვე.

⁴ იქვე.

კუჩენბახის სასოფლო-სამეურნეო დაწესებულება, ბარონ ნიკოლაის მეურნეობის მსგავსად, კაპიტალისტური იყო. იგი ყველა სამუშაოზე (საქონლის მოვლა, ყველისა და ერბოს გაკეთება, თივის აღება და სხვ.) მხოლოდ დაქირავებულ შრომას იყენებდა. წარმოების თვალსაზრისით აქ ყველაზე უფრო დამანასიათებელი იყო სოფლის მეურნეობის პროდუქტთა ტექნიკური გადამუშავება. ბურჟუა კუჩენბახი თანდათან აფართოებდა თავის მეურნეობას. თბილისის გუბერნიის 1864 წლის ანგარიშში ამის შესახებ აღნიშნულია: „Барон Кученбах расширяет свое сыроварное производство и в настоящее время снабжает Тифлис хорошим дешевым сыром и превосходным маслом“¹.

ანანოვის ბურჟუაზიული მეურნეობა ვარციხეში. 1860 წელს ვაქარმა ანანოვმა ქუთაისის მაზრაში, სოფელ ვარციხეში, იქ სადაც მდინარეები ყვირილა და რიონი ერთდებიან, მამული იყიდა. ქუთაისიდან იგი 15 ვერსით იყო დაშორებული. მამული შეიცავდა 5.000 დესეტინა მიწას. აქედან 4.700 დესეტინა ტყეს ეკირა, 300 დესეტინა კი მინდორი იყო. აქ მოაწყო ანანოვმა ფერმერული მეურნეობა.

პირველ რიგში ანანოვმა ბამბა და თამბაქო (ტრაპიზონისა და მარილანდის)² გააშენა. სავაჭრო მიწათმოქმედების ეს კულტურები დიდი რაოდენობით მოჰყავდა მას. ამასთან ერთად მან ხელი მიჰყო მეცხოველეობის განვითარებას: მოაყვანიდა ჰოლანდიური ჯიშის ძროხები, გაამრავლა ვარციხეში ლეისტერის (ინგლისური) ჯიშის ღორები და ცხვრები.

მიწის დასამუშავებლად იმერული გუთანი მან არაზელსაყრელად სცნო. ამიტომ ანანოვმა მეურნეობაში მოიტანა 20 გომენგეიმის გუთანი, რომელთაც, თითოეულს სჭირდებოდა ერთი უღელი ხარი. შეიძინა აგრეთვე სიმინდის ხაყუკები მანქანა, რომელიც დღეში 100 ფუთ მარცვალს ამორებდა ღერვს. ბამბის გასაწმენდად მან მოატანინა ინგლისური ბამბის საწმენდი მანქანა, რომელიც ქ. მანჩესტერში იყო გაკეთებული, დენლოპის ქარხანაში. ივანე სერებრიაკოვის აზრით, რომელმაც ანანოვის „ფერმა“ აღწერა, დენლოპის მანქანა სჯობდა ვიტნეისას, რადგან მისგან მიღებული ბამბა ქუთაისის ბაზარზე მეტად ფასობდა. სამაგიეროდ, მანქანის თვლის დაბრუნებას დიდი ძალა სჭირდებოდა. 3—4 კაცი დღეში ფუთნახევარ ბამბას არჩევდა. გარდა ამისა, ფერმაში იყო გერატის პურის გასანიავებე-

¹ ЦГИАЛ, ф. 1268, оп. 10, (1865), д. 127, л. 9.

² «Кавказ, 1861, № 99.

ლი მახეხა და ტერნერის ზღვრისქეილი, რომელიც ერთი მუშის შემწეობით დღე-ღამეში 12 ფუტ მარცვალს ფქვავდა.

ფერმის გამგედ ანანოვმა მიიწვია აქაური აგრონომი ხატისოვი.

ანანოვის ბურჟუაზიულ მეურნეობაში გამოყენებული იყო მხოლოდ და მხოლოდ ნებითდაქირავებული შრომა. იგი წარმატებით ავითარებდა სავაჭრო მიწათმოქმედებას, აწარმოებდა სასოფლო-სამეურნეო პროდუქტების ტექნიკურ გადამუშავებას. როგორც ბარონ ნიკოლაის, ივანე მუხრან-ბატონის, ნიკო ჩიჯავაძის, ალექსანდრე კუჩინაბახისა და სხვათა მეურნეობანი, მისი მეურნეობაც სავაჭრო-სამრეწველო ხასიათს ატარებდა. მეურნეობის ნაწარმს ანანოვი ასაღებდა როგორც ამიერკავკასიაში, ისე საზღვარგარეთ. განსაკუთრებით ეს ითქმის ბამბასა და თამბაქოზე. სამწუხაროდ, ჩვენ არ გავაჩნია ცნობები ბურჟუაზიულ მეურნეობათა და მათ შორის ანანოვის მეურნეობის შემოსავლის შესახებ. კავკასიის სოფლის მეურნეობის საზოგადოების ორგანოს (ЗКОСХ) რედაქცია ამ გარემოებას უენიშნავდა კიდევ ანანოვის ფერმის გამგის — აგრონომ ხატისოვის სტატიასთან (Ферма Анашова близ сел. Варцахе) დაკავშირებით: ჩვენი მიწათმფლობელები არ გვაწვდიან ცნობებს შემოსავლის შესახებ და საიდუმლოდ ინახავენ¹.

თავის სამეურნეო ნაწარმს — ბამბას, სიმინდს, თამბაქოს და სხვა, ანანოვი გზავნიდა სასოფლო-სამეურნეო გამოფენაზე თბილისში, რისთვისაც არა ერთხელ მიუღია ჯილდო, 1862 წელს კი, მან ლონდონის მსოფლიო გამოფენაზე წარადგინა გაწმენდილი ბამბა და თამბაქო, რისთვისაც გამოუგზავნეს ჯილდო — მედალი და ქეზის სიგელი.

„გუთნის დედა“ დიდად აფასებდა ანანოვის ფერმერულ მეურნეობას. ივანე სერებრიაკოვი მის შესახებ წერდა: „წარსულმა წელიწადმა (1861 წელმა — დ. გ.) დაგვიტოვა ორი საქმე, რომელთაცა დიდი შემატება უნდა მისცენ ჩვენის მამულის კეთებასა. ეს არის აშენება ორის ფერმისა, ერთისა ქართლში მუხრანის — ახლო, ქსანისა პირზედ, მეორე ქუთაისის ახლო, იმერეთში“². მისი აზრით, არც ერთი საშუალება არ არის ისეთი ძლიერი მეურნეობის გაუმჯობესებისათვის, როგორც კერძო „სამაგალითოფერმების“ მოწყობა, რადგან ფერმაში მეურნეობის წარმოება წესიერადაა დაყენებული და შეუძლიათ სხვებმა გადაიღონ, როდესაც თვალთ ნახავენ და დარწმუნდებიან მის უპირატესობაში: „რაც უნდა ძლიერი იყოს კაცის სიყვარული ძველი წესდებულებისათვის, რაც უნდა ღრმად

¹ ЗКОСХ. 1863, გვ. 61.

² „გუთნის დედა“, 1862, № 1, გვ. 5.

გაედგას იმაში ძირკვი ცრუ მორწმუნეობისა, თუკი — თვალთ დაინახავს ახალი რიგის უმჯებესობასა, თუკი თავისივე გონებით შაიტყობს, რომ სასარგებლოა ძველი წესის გამოცვლა, მაშინ რაღა დააბრკოლებს მიბაძვაში¹ — წერდა ივ. სერებრიაკოვი. „ამგვარი ფერმები ჩვენში... უნდა შეიქმნან, მაგალითად, მამულის კეთების აუცილებლობისა როგორც... სახელმწიფო ფერმები რუსეთში“². „ამასთან უნდა ვპსთქვათ, — განაგრძობს სერებრიაკოვი, — რომ კერძო პირთაგან აშენებული ფერმა უფრო ადვილად ასრულებს იმ საქმესა, რომლისათვისაც შენდება სახელმწიფო ფერმა, ე. ი. პირველი უფრო მალე ასწავლის ხალხსა ჯეროვანსა მამულის კეთებასა, ვიდრე ბოლონდელი“³, რადგან კერძო პირები ვერ მიბაძვენ სახელმწიფო ფერმას, იმ აზრით, რომ სახელმწიფოს ასეთი ფერმების მოწყობა ადვილად შეუძლია, რადგან გააჩნია საამისო ძალები, ხოლო კერძო ფერმები იმის მაჩვენებელია, რომ კერძო პირებს შეუძლიათ მათი მოწყობაო.

მიუხედავად იმისა, რომ ანანოვის ბურჟუაზიული მეურნეობა სანიმუშოდ იყო მოწყობილი, ჩანს, რომ დაბრკოლებებსაც აწყდებოდა. ჩვენ არ გავგაჩნია მასალები, სადაც ანანოვი თავისუფალ ჰუმანელის სიმცირეს ან ბაზრების სივიწროვეს უჩიოდეს. მაგრამ მისი მეურნეობის გამგე ხატისოვი, თავისუფალი მუშახელის უკმარობას უჩივის, და იგი მიაჩნია მას ამიერკავკასიაში სოფლის მეურნეობისა და მრეწველობის განვითარების შთავარდაბრკოლებად⁴. ცხადია, ასეთი მეურნეობა ბატონყმური ურთიერთობის ჩარჩოებში ვერ თავსდებოდა და მასთან წინააღმდეგობაში იმყოფებოდა.

ივ. მუხრან-ბატონის მეურნეობა. ივანე კონსტანტინეს-ძე მუხრან-ბატონის მეურნეობა მუხრანში, ქსნის ნაპირას, ყველაზე უფრო მსხვილი ფერმერული მეურნეობა იყო საქართველოში. სამხედრო სამსახურში ყოფნის მიუხედავად, 50-იან წლებში მას სანიმუშო მეურნეობა გააჩნდა მუხრანში. 1856 წელს დიმიტრი ყიფიანი სხვებთან ერთად მიუთითებდა ივ. მუხრან-ბატონის სანიმუშო მეურნეობაზე, რომელმაც მთელ რიგ სიძნელეებს გაუძლო და თანდათან გაუმჯობესდა. მალე ივ. მუხრან-ბატონმა სამხედრო სამსახურს თავი გაანება და სანიმუშო მეურნეობა მოაწყო ევროპულ ყაიდაზე, რადგან, მისი აზრით, საქართველოში არსებულ მამულებს

¹ იქვე, გვ. 6.

² იქვე, გვ. 7.

³ იქვე, გვ. 8.

⁴ ЗКОСХ, 1863, № 2, გვ. 71.

სათანადო შემოსავალი არ მოჰქონდა. 1862 წელს იგი „გუთნის დედაში“ წერდა: „დიდად ვჰმეცადინებოდი სოფლისა მუშაობისა საქმე როგორმე მიმეყვანა იმა წესსზედ, როგორცა მიღებულია ევროპაში და სხვათა აღგილთა. აქამდინ მამბრკოლებდა სამსახური და ეხლა შევუდექ პირველად გუთანსა“¹.

სანიმუშო „ფერმა“ მუხრან-ბატონმა 1861 წელს მოაწყო. „ფერმაში“ მან მიიწვია სწავლული ფრანგი აგრონომი ოდანი, გამოიწერა საუკეთესო მანქანები და იარაღები ევროპიდან, ააგო სათანადო სამეურნეო ნაგებობანი და სხვა; ივ. სერებრიაკოვის განცხადებით მას ყველაფერი გაუკეთებია იმისათვის, რაც საჭირო იყო ჭარბად მოწყობილი ევროპული ფერმისათვის².

ივ. მუხრან-ბატონმა პირველად ყურადღება მიაქცია მთავარ სამიწათმოქმედო იარაღს, გუთანს. მან ქართული გუთანი სრულყოფილად ვერ მიიჩნია. „ქარგი გუთანი ის არის, რომელიც მოხნავს მიწასა არა ბევრისა უღლებითა. ქართულსა გუთანში უნდა შეეხას ამდენი უღელი, რამდენსაც არსად არ შეაბამენ სხვათა ქვეყნებში“³, აცხადებდა იგი. მან მრავალი ევროპული გუთანი გამოსცადა თავის მამულში. ჭერ ხმარობდა დომბალის გუთანს, შემდეგ შუმანის გუთანი ამჯობინა მას.

შუმანის გუთანი მუხრან-ბატონმა პირველად მის სოფელ დილოში გამოსცადა. გამოცდას ამ სოფლის გლეხები ესწრებოდნენ. გუთანი ყველას მოეწონა. მას ორი უღლით იმდენი მიწა მოუხენია, რამდენსაც ქართული გუთანი რვა უღლით ხნავდა⁴. რადგან დილოშიც მიწა ქვიშიანი იყო და მსუბუქად მიაჩნდათ, მუხრან-ბატონმა გუთანი მუხრანს წაიღო, სადაც მიწა თიხიანი და მაგარი იყო. მაგრამ აქაც ადვილად მოხნა მიწა გუთანმა და ყველას მოეწონა. ამის შემდეგ მუხრან-ბატონმა მრავალი გუთანი შეიძინა შუმანისა. ეს გუთანი მას ჩვენი ქვეყნისათვის მეტად სასარგებლოდ მიაჩნდა, რადგან, მისი აზრით, მას 4-ჯერ ნაკლები შრომა სჭირდებოდა, ვიდრე ქართულ გუთანს. განსაკუთრებით იგი სჭირდება ქართველ გლეხობას, რომლებსაც იშვიათად აქვთ საკუთარი გუთანი და არც საკმაო საქონელი გააჩნიათო. ფერმერი მსურველებს იწვევდა თავის მამულში, მუხრანში, რათა გაცნობოდნენ შუმანის გუთანს⁵.

¹ „გუთნის დედა“, 1862, № 1, გვ. 2.

² იქვე, გვ. 5.

³ იქვე, გვ. 2.

⁴ იქვე, გვ. 3.

⁵ იქვე.

ევროპული გუთნების გამოცდის შემდეგ მუხრან-ბატონმა თავის ფერმერულ მეურნეობაში მოიტანა სხვა ევროპული სამიწათ-მოქმედო იარაღები. 1862 წელს მან გამოსცადა სალეწი და სანიაცე-ბელი მანქანები და საფქვავეი წისქვილი. რათა ეს მანქანები მოძრაობაში მოეყვანა, გაკრა დიდი არხი მუხრანში რამდენიმე ვერსის სიგრძისა და წყლის საშუალებით ამოძრავა ისინი. წყლის თვალი ერთდროულად სამივე მანქანას ამოძრავებდა. სალეწი და საფქვავეი მანქანები გაკეთებული იყო ინგლისში რომსონისა და სიმსის ქარხნებში, ხოლო სანიაცებელი მანქანა გაკეთებული იყო თვით მუხრანში, ინჟინერ-ტექნოლოგ ბიხოლდტის ზედამხედველობით. საფქვავეი მანქანა ერთ საათში ფქვავდა 1 კოდს, სალეწი მანქანა კი თითო ძნას წუთში ლეწავდა, დღეში — 540 ძნას. სალეწ მანქანას მომსახურეობას უწევდა 5 კაცი. 540 ძნის გალეწვას ჩვეულებრივად უნდებოდა 25 უღელი ხარი და 24 მუშა, რომლის დროსაც გალეწვა 10-ჯერ მეტი ჯდებოდა, ვიდრე მანქანის საშუალებით¹. ამათ გარდა მუხრანის ფერმაში სხვა მრავალი ევროპული მანქანა-იარაღებიც იყო: სამკალი, სათიბი, სიმინდის საბეგვი მანქანა და სხვ.

მუხრან-ბატონის მეურნეობაში სათანადო სიმაღლეზე იდგა მელვინეობა, მესაქონლეობა, მიწათმოქმედება, მეფუტკრეობა და სხვ. აქ დიდი როდენობით აწარმოებდნენ ღვინოს, მოყავდათ კარტოფილი, ბამბა, ქარხალი და სავაჭრო მიწათმოქმედების სხვა კულტურები; თესდნენ პირუტყვის საკვებ ბალახს და სხვ. მეურნეობაში დიდი ადგილი ეკავა სოფლის მეურნეობის პროდუქტთა ტექნიკურ გადამუშავებას: ერბოსა და ყველის მიღებას, არაყისა და სპირტის გამოხდას. მეურნეობის ნაწარმი დიდი როდენობით გადიოდა ბაზარზე.

სასოფლო-სამეურნეო გამოფენაზე (თბილისსა და მოსკოვში) წარდგენილი საუცხოო ღვინის, კარტოფილის, ხორბლის, ბამბისა და სხვა ნაწარმისათვის მას არაერთხელ მიუღია მაღალი ჯილდო². იგი განუწყვეტლივ აუმჯობესებდა მეურნეობას და მიღწეულ წარმატებებს ქართველ მიწათმფლობელებს გაზეთ „გუთნის დედის“ საშუალებით აცნობდა.

მუხრან-ბატონის მეურნეობაში საგლეხო რეფორმამდე ძირითადად გამოყენებული იყო ყმების შრომა, მაგრამ იგი მის გვერდით მიმართავდა დაქირავებულ შრომას. როგორც ჩანს, დაქირავებულ შრომას იგი იყენებდა ისეთ სამუშაოებზე, როგორც იყო მანქანა-

¹ „გუთნის დედა“, 1863, № 11, გვ. 131.

² ЗКОСХ, 1863. № 3. ЗКОСХ, 1865.

იარაღების მართვა, მათი შეკეთება, სამეურნეო ნაგებობათა მოწყობა (საჭირო შენობებისა და ფარდულების აგება, არხების გაყვანა და სხვ.) და სხვ. სალენი მანქანის გამოცდის შესახებ აღნიშნულია, რომ იგი დღეში ლეწავდა 540 ძნას. „კევრებით რომ ელენათ ხუთა“ ორმოც ანას მოუნდებოდა ოცდა ოთხი კევრი, ესე იგი ოცდა ხუთი უღელი ხარი და ოცდა ოთხი მუშა, რომლის ქირა ერთი ათად მაინც არი მეტი იქნება იმაზე, რაც ხარჯი მოუნდება მაშინასა“. „ქირა“ დაქირავებული მუშების ხელფასს ნიშნავს. აქ უნდა ვიფიქროთ, რომ სალენი მანქანის გამოყენებამდე, მუხრან-ბატონი პურის ლეწვასაც დაქირავებული შრომითაც აწარმოებდა (შეიძლება უფრო მეტად, ვიდრე ყმების საშუალებით). ზემოთ კი გარკვევით არის ნათქვამი, სალენი მანქანა რომ არ იყოს, მაშინ საჭირო იქნება დაქირავებული მუშების ყოლა, რომელთა დღიური ხელფასი („ქირა“) 10-ჯერ მეტი მზინც დაჭდება, ვიდრე მანქანით პურის გალენვაო. ზემონათქვამში, როდესაც ლაპარაკია „კევრებით“ ძნის გალენვაზე, არაფერია ნათქვამი ყმების შრომაზე. კევრებით ძნის გალენვა, აქ დაკავშირებულია 24 მუშის დღიურ ხელფასთან („ქირასთან“). ეს უფლებას გვაძლევს ვიფიქროთ, რომ მუხრანის მეურნეობაში საგლენხო რეფორმამდე, ყმების შრომის გვერდით გამოყენებული იყო დაქირავებული შრომაც, განსაკუთრებით დღიური მუშებისა.

მუხრან-ბატონი სავსებით დარწმუნებული იყო, რომ ბატონ-ყმურ მეურნეობას ესაჭიროებოდა ევროპულ ყაიდაზე გარდაქმნა. ევროპულ ყაიდაზე მეურნეობის მართვა კი მოითხოვდა სათანადო ცოდნას, განსაკუთრებით როცა იგი ეხებოდა ევროპული სამიწათმოქმედო მანქანა-იარაღებით მეურნეობაში მუშაობას. ცხადია, ასეთი საქმისათვის ყმების შრომა გამოუსადეგარი იყო. თუ მუხრან-ბატონი ძირითადად მაინც ყმების შრომას იყენებდა მეურნეობაში, ეს იმიტომ, რომ იგი მისთვის მუქთი იყო, თუმცა იგი დარწმუნებული იყო მის არარენტაბელობაში. ევროპულ მეურნეობაზე მითითება და მეურნეობის მისებურად მოწყობა ბოლოს და ბოლოს სხვას არაფერს ნიშნავდა, თუ არა ბურჟუაზიულ მეურნეობას.

მუხრანის მეურნეობაში ფართოდ იყო განვითარებული სასაქონლო წარმოება, სავაჭრო მიწათმოქმედება, სოფლის მეურნეობის ნაწარმის ტექნიკური გადამუშავება. ამავე დროს აქ გამოყენებული იყო ექსპლოატაციის ახალი ფორმა—ნებითდაქირავებულ შრომა. ეს მეურნეობა მოწყობილი იყო სავაჭრო-სამრეწველო დაწესებულების მსგავსად. იგი ბურჟუაზიული მეურნეობის ნიშნებს უფრო მეტად

¹ „ქუთნის დედა“, 1863, № 11, გვ. 131.

შეიცავდა, ვიდრე საბატონო მეურნეობისას. ამიტომ მუხრანის მეურნეობა თავისი შინაარსით ახალი ტიპისა იყო. მზარდი სასაქონლო წარმოება, სოფლის მეურნეობის პროდუქტთა ტექნიკური გადამუშავება, მანქანა-იარაღების გამოყენება, დაქირავებული შრომა — ყველაფერი ეს უცხოა რუტინული ტექნიკით დამახასიათებელ კარჩაკეტილი (ნატურალური) ბატონყმური მეურნეობისათვის. მართალია, ეს კაპიტალისტური შინაარსი ამ მეურნეობაში ჯერ კიდევ ფეოდალურ გარსში იყო გახვეული, რაც ძირითადად ყმების ექსპლოატაციაში გამოიხატებოდა, მაგრამ ამ შემთხვევაში მთავარია შინაარსი და იგი განსაზღვრავდა მუხრან-ბატონის მეურნეობის ეკონომიურ ბუნებას. საგლესო რეფორმის შემდეგ მუხრან-ბატონის მეურნეობა კიდევ უფრო განვითარდა და საბოლოოდ იქცა ბურჟუაზიულ მეურნეობად.

სოლომონ ანდრონიკაშვილის მეურნეობა ერთ-ერთი სანიმუშო მეურნეობა რეფორმამდელ საქართველოში ჰქონდა კახეთის მემამულეს, სოლომონ ივანეს ძე ანდრონიკაშვილს.

1845 წელს სოლ. ანდრონიკაშვილმა ავადმყოფობის გამო თავი გაანება სამხედრო სამსახურს და დაბრუნდა თავის მამულში, კახეთში. 1848 წელს სიღნაღის მაზრის თავადაზნაურობამ იგი წინამძღოლად აირჩია. 1853 წელს დანიშნულ იქნა ალაზნის კორდონის ხაზის უფროსად და ამ თანამდებობაზე იმყოფებოდა, ვიდრე რუსეთი კავკასიის დაპყრობას არ დაამთავრებდა. სამსახური ხელს უშლიდა მას მეურნეობისათვის საფუძვლიანად მოეკიდა ხელი. მიუხედავად ამისა „დროის მოთხოვნილებამ“, როგორც მან განაცხადა, „საკუთარმა სარგებლობამ და გრძნობამ“ აიძულა იგი მის გაუმჯობესებაზე ეფიქრა¹.

1855—56 წლებში, მან სოფ. ბაკურციხეში მოაწყო მეურნეობა, გააშენა დიდი ბაღი. ბაღი დაყოფილი იყო ნაწილებად. ბაღში გაშენებული იყო ვენახი, სხვადასხვაგვარი ხეხილი, თუთის ხე. თუთის ხეს ეჭირა 100 დესეტინა მიწა და ორ პლანტაციად იყოფოდა. მარტო ერთ პლანტაციაში გაშენებული იყო 70000 თუთის ხე. სოლომონ ანდრონიკაშვილმა კომპანიაც კი დააფუძნა თუთის პლანტაციების ფართოდ გაშენების მიზნით. მისთვის ყველა მებატონეს მუშები უნდა მიეცა, ფულადი თანხა კი მას უნდა გაეღო. მაგრამ კომპანიონებს შორის უთანხმოება წარმოიშვა და ეს „საზოგადოება“ დაიშალა.

¹ „გოთონის დედა“, 1862, № 7, გვ. 56.

სოლ. ანდრონიკაშვილმა თავის მამულში მოაწყო აბრეშუმის ჭამოსახვევი ქარხანა, რისთვისაც შეიძინა სათანადო მანქანები. მისი აზრით, ლენინს შემდეგ, კახეთში მეაბრეშუმეობას უნდა სჭეროდა პირველი ადგილი. მემამულე ხშირად კითხულობდა სათანადო სამეურნეო წიგნებს, ცოდნას იძენდა და წარმატებაც გააჩნდა.

იგი თავისი მეურნეობის ნაწარმს ხშირად გზავნიდა სასოფლო-სამეურნეო გამოფენებზე თბილისსა და მოსკოვში, რომელიც მაღალ შეფასებას იმსახურებდა. 1861 წლის გამოფენაზე, თბილისში, მან წარადგინა ნედლი აბრეშუმი, რაზედაც „ცისკარი“ წერდა: „აბრეშუმთაგან ყოველთზედ მოსაწონი იყო, ორის კახეთის მეზატონისა: თ. დიმიტრი აბხაზისა და თ. სოლომონ ანდრონიკოვისა, რომელნიცა ღირსნი არიან შენიშვნისა თავიანთ შრომის მოყვარეობისა გამო აქ ადგილ-მამულის მართვაში“¹. ასევე მაღალი შეფასება მიიღო მისმა აბრეშუმმა 1862 წლის გამოფენაზე თბილისში, რომლის შესახებ ესტატე მაღალაშვილი წერდა: „კახეთიდან იყო წარმოდგენილი მშვენიერი ნიმუშები თავად ანდრონიკაშვილისა და თავად ქაჯქავაძისა. ამ ნიმუშებთან კარგი იქნებოდა თვით მაშინაც, რაზედაც კეთდება ამისთანა მშვენიერი აბრეშუმი“². 1863 წლის გამოფენაზე წარდგენილი აბრეშუმისა და ხილის საუცხოო ნიმუშებისათვის სოლ. ანდრონიკაშვილს ოქროს მედალი მისცეს³. მოსკოვის გამოფენაზე წარდგენილი საუცხოო ლენინსათვის კი ვერცხლის მედალი გამოუგზავნეს.

მეღვინეობისა და მეაბრეშუმეობის შემდეგ მის ფერმაში დიდად ადგილი ეკავა მეხილეობას. მის დიდ ბაღში გაშენებული იყო აურაცხელი ვაშლი, მსხალი, ატამი, კერამი, ნუშისა და ალუბლის ხეები და სხვ. სულ აქ იყო 500-მდე სხვადასხვა ქვეყნის ხეხილი და 500-მდე ჩვენი ქვეყნისა⁴. ანდრონიკაშვილმა დაიწყო სორგოს თესვა და მისგან სპირტის გამოხდა. თავის მამულში. ალაზნის პირას, მოჰყავდა საუცხოო თამბაქო, რომლის შესახებ „გუთნის ღელაში“ ვკითხულობთ: „თ. სოლომონ ანდრონიკოვმა ცხადად დაგვიმტკიცა, რომ კახეთის მიწასაც შეუძლიან იმისთანა პრომატიანი თამბაქოების მოყვანა, როგორც მოგვდის ოსმალოდამ და რომლისათვის ყოველ წელიწადს ვგზავნით გრანციის გარეთ რამდენიმე ათას პოლუიმპერიალსა. არამცთუ მარტო კახელებისათვის არი სარგო ეს საქმე, თვით მთავრობისათვისაც, რომელიც მოვალეა, რომ ამისთანა შემთხვევა-

¹ „ცისკარი“, 1861, № 12, გვ. 365.

² „საქართველოს მოამბე“, 1863, № 2, გვ. 197.

³ ЗКОСХ, 1864, გვ. 47.

⁴ „გუთნის ღელა“, 1862, № 7, გვ. 59.

ში გამოიჩინოს ყოველივე თავის მოსარჩლობითი უფლება. ახლა თითქმის ყველაფერი მომზადებულია, რომ ოსმალოდამ აღარ შემოვიდეს ჩვენში თამბაქო¹. ავტორი მოითხოვს, მთელი წინამხარი გადააქციონ თამბაქოს პლანტაციად და თავი დაანებონ იქ პურის თესვას. იგი ვაქრებსა და „შეპაპიროსიებს“ მოუწოდებს იყიდონ კახეთის თამბაქო, ხოლო მთავრობას ურჩევს მძიმე ბაჟი დაადოს „ოსმალის თუთუნზე“².

„ცისკარის“ რედაქტორი ივანე კერესელიძე, რომელმაც 1850 წელს კახეთში იმოგზაურა, ესტუმრა სოფელ ბაკურციხეს. სადაც გაშენებული იყო სოლ. ანდრონიკაშვილის „ფერმა“. ფერმამ კერესელიძე აღფრთოვანებაში მოიყვანა. იგი წერდა: „ამ ყოვლად მშვენიერის სოფლის (ბაკურციხის — დ. გ.) და ყოვლად ჩინებულის გარდა ნახავთ ძვირფას ფერმას, რომელიც ეკუთვნის და რომელიცა დიდის ღვაწლით და შრომით გაკეთებულია, შრომისმოყვარის თ. სოლომონ ანდრონიკოვისაგან... შესაგაღს ალაგს, რა წამს შეხვალთ. დაგხედებათ სწორე ევროპული ხეივანი, რომლის ორივე მხარეს იხილავთ ევროპიელს ყვავილევს, აქ ნახავთ ყოვლის მხრის და ყოვლის სახელმწიფოს ვაზს, ყოვლის კუთხის მსხალს და ვაშლს..., აქ ნახავთ ბაღონიას, ციტიზუს, ამელიას, კიპაროზს, ტუს, ცერცის, გობისკუს, პალნიას, გინიეს, იაპონიკას, აკაციას სხვადასხვაგვარს, მ.ძმოზას, ტეტმას, ჟისმიას და სხვა და სხვას“³.

თუ რამდენად იყო გამოყენებული ანდრონიკაშვილის ფერმერულ მეურნეობაში დაქირავებული შრომა, ჩვენ სათანადო ცნობები არ გავაჩნია. მემამულე ძირითადად ყმების შრომის ექსპლოატაციას ეწეოდა, მაგრამ ასეთ სასაქონლო-მეურნეობაში დაქირავებული შრომაც ხშირად იქნებოდა გამოყენებული. ეს მეურნეობა უფრო და უფრო უკავშირდებოდა ბაზარს და ებმებოდა საქონელგაცვლაში. სოლომონ ანდრონიკაშვილს სწორად ესმოდა „დროის მოთხოვნილება“ — ევროპული მეთოდების დანერგვა სოფლის მეურნეობაში და მისი საეკონომიკური-სამრეწველო დაწესებულებად მოწყობა, ე. ი. საბატონო მეურნეობის ბურჟუაზიულ ყაიდაზე გარდაქმნის აუცილებლობა.

ნიკო ჩიჯავაძის მეურნეობა. ცნობილი იმერელი მემამულე და ბურჟუაზიული მეთაოსნე ნიკო ჩიჯავაძე საქართველოში ერთ-ერთი პირველთაგანი იყო, რომელმაც მეურნეობის რაციონალურად მოწყობა დაიწყო.

¹ „გუთნის დედა“, 1864, № 24, გვ. 184.

² იქვე.

³ „ცისკარი“, 1861, № 12, გვ. 362—363.

40-იანი წლების დასაწყისში იგი აქტიურად შეუდგა სხვადასხვა საეკონომიკურ და სამრეწველო კულტურების გაშენებას თავის მამულში, სოფელ სებეკაში (ქუთაისის მაზრა), როგორც იყო თუთის ხე, ენდრო, თამბაქო, კარტოფილი, სორგო და სხვ. მან იმერეთში პირველად დანერგა კარტოფილის კულტურა და მოსახლეობას დაეხმარა მის გავრცელებაში, რის გამოც ნიკო ჩიჯავაძე ადგილობრივმა ხელისუფლებამ ორდენზე წარადგინა¹. ასევე წარმატებით გააშენა მან სხვა კულტურები: ბამბა, ენდრო, თამბაქო და სხვ. განსაკუთრებით მნიშვნელოვანი იყო მისი მოღვაწეობა მეაბრეშუმეობის დარგში.

მან დიდი როლი ითამაშა თუთის ხე და აბრეშუმის ქვის მოსავლელად მოაწყო სპეციალური სახლი. 1850 წელს კი თავის მეურნეობაში, სებეკაში, აამუშავა აბრეშუმსახვევი „ფაბრიკა“. საწარმო წელიწადში საშუალოდ უშვებდა 1500 მანეთის პროდუქციას. ამოხვეულ აბრეშუმს ყიდდნენ იმერეთში და საზღვარგარეთ — კონსტანტინეპოლში². მალე მან „სოფლის მეურნეობის საზოგადოებისაგან“ შეიძინა რამდენიმე აბრეშუმსახვევი მანქანა და გააუმჯობესა აბრეშუმის ამოხვევა. თავის გლეხებს დაუბრუნა უკეთესი აბრეშუმის თესლი, ხოლო ძველი, ცუდი ჯიშები მოსპო. რათა თავის მეურნეობაში აბრეშუმის სწორი ამოხვევა სცოდნოდათ, მან მიიწვია თბილისის აბრეშუმსახვევი ფაბრიკის ყოფილი მმართველი ემერიხი, რომელმაც თავისი მოვალეობა კარგად შეასრულა. ერთდროულად იმერეთში მოღვაწეობდა ცნობილი მეაბრეშუმე რაიკო რომელიც საუცხოო აბრეშუმს ავრცელებდა. მას მეორე აბრეშუმსახვევი საწარმო მოუწყვია სოფელ ლაჩინოში, თავის მამულში. 1852 წელს, აქ მას 10 ფუთი აბრეშუმში ამოუხვევია. ეს საწარმო ზუგდიდში არსებულ როზმორდიუკის აბრეშუმსახვევი ფაბრიკის მსგავსად ყოფილა მოწყობილი. ჩიჯავაძის ამ საწარმოში აბრეშუმის ამოხვევას ეწეოდნენ ამ მხრივ ნასწავლი 20 ახალგაზრდა ბიჭი³.

აბრეშუმსახვევ საწარმოსთან ერთად ჩიჯავაძემ მოაწყო ბამბისა და თამბაქოს „ფაბრიკები“. 1850 წელს თამბაქოს საწარმოში დაუმზადებიათ 500 მანეთის პროდუქცია⁴. შემდეგ წლებში იგი ბამბისა და თამბაქოს საწარმოებიდან წლიურად საშუალოდ ღებულობდა 400 მანეთის პროდუქციას, რომელსაც ყიდდნენ ქუთაისის გუბერ-

¹ საქ. ცსსა, ფონდი 16, საქმე 6885, ფურც. 1.

² საქ. ცსსა, ფონდი 4, აღწერა 5, საქმე 125, ფურც. 56, 82, 94, 101.

³ Статистические описания губерний и областей Российской империи, т. XVI, ч. 5, Кутаисское генерал-губернаторство, СПб. 1858 г., გვ. 101.

⁴ საქ. ცსსა, ფონდი 4, აღწერა 5, საქმე 125, ფურც. 57.

ანიში¹. უნდა ვიფიქროთ, რომ ჩიჯავაძის „ფაბრიკების“ პროდუქციის ციფრობრივი მონაცემები სწორი არ უნდა იყოს. ეს საწარმოები გაცილებით მეტ პროდუქციას ამზადებდა და ამდენად წლიური შემოსავალიც გაცილებით მეტი გააჩნდათ, ვიდრე „ფაბრიკა-ქარხნების“ უწყისებშია იგი მოცემული, რადგან ჩვენ ვიცით იმ დროს საყოველთაოდ დამახასიათებელი მოვლენა: მიწისმფლობელები და ბურჟუაზიული მეურნეობის მქონენი მრეწველების მსგავსად თავიანთ შემოსავალს აცხადებდნენ მეტად შემცირებული სახით.

ნ. ჩიჯავაძე ენერგიულად აღმჯობესებდა მეურნეობას. მისი პეურნეობა იმ დროს სანიმუშო სავაჭრო-სამრეწველო დაწესებულება იყო, მაგრამ მას ხელი შეუშალა რუსეთ-თურქეთის ომმა (1853—55 წწ). ომის დაწყებისთანავე გამოშვებული პროდუქცია შემცირდა, განსაკუთრებით აბრეშუმისა, რადგან კონსტანტინეპოლში მისი წაღება შეუძლებელი აღმოჩნდა². 1854 წელს გამოშვებული პროდუქცია კიდევ უფრო შემცირდა³, ხოლო 1855 წელს დას. საქართველოში საომარ მოქმედებათა შედეგად აბრეშუმსახვევ, ბამბისა და თამბაქოს საწარმოებში პროდუქციის გამოშვება შეწყდა⁴, რუსეთ-თურქეთის ომის დამთავრების შემდეგ საწარმოებმა კვლავ განაახლა მუშაობა.

ნიკო ჩიჯავაძემ დიდად შეუწყო ხელი დას. საქართველოში ქეაბრეშუმეობის განვითარებას. წლითი-წლობით იზრდებოდა იმერეთიდან სხვადასხვა საქონლის გატანა საზღვარგარეთ. პირველი აღგილო მათ შორის 50-იანი წლებიდან აბრეშუმს ეკავა. შემდეგ პოდოდა სიმინდი, ბამბა, თამბაქო და ღვინო. ზემოთ, როდესაც ჩვენ სასაქონლო მეურნეობის განვითარებას ვეხებოდით, აღვნიშნეთ. რომ 1856 წელს იმერეთიდან საზღვარგარეთ გატანილ იქნა 5267 1/2 ფუთი აბრეშუმში 467070 მანეთისა⁵ (აქედან ამოხვეული აბრეშუმში 5147 1/2 ფუთი 459070 მანეთის და პარკი აბრეშუმში 120 ფუთი 2000 მანეთისა), მაშინ როცა 1648—50 წლებში მთელი აზიურკავკასიიდან საშუალოდ გაჰქონდათ 3.566 ფუთი აბრეშუმში⁶. ამავე დროს თანდათან იზრდებოდა იმერეთისა და სამეგრელოს აბრეშუმის ფასი მოსკოვისა და მარსელის ბაზრებზე⁷. მართალია, 1856

¹ იქვე, ფურც. 56, 82, 94, 101.

² ЦГИАЛ, ф. 1281, оп. 5, д. 177, л. 36.

ЦГИАЛ, ф. 1268, оп. 8, д. 335, л. 21.

⁴ ЦГИАЛ, ф. 1281, оп. 6, д. 165, л. 24.

⁵ ЦГИАЛ, ф. 1268, оп. 9, (1858 г.), д. 101, л. 163.

⁶ იქვე, ფურც. 16.

⁷ იქვე, ფურც. 165.

წლის ცნობებს ყველა წლებზე ვერ გავავრცელებთ, მაგრამ იკრ. უეჭველად აბრეშუმის წარმოების დიდ ზრდაზე მიგვიბრუნებს. მეაბრეშუმეობის ასეთ განვითარებაში დიდი ღვაწლი მიუძღოდა ჩიჯავაძეს. ქუთაისის სამხედრო გუბერნატორი კოლიუბაკინი, თავის ანგარიშში წერს, რომ ასეთი მნიშვნელოვანი შედეგებისათვის მხარე დაეალებულია: რაიკოს, თავად ჩიჯავაძისა და როზმორდიუკისაგან. რაიკომ გავრცელა აქ აბრეშუმის ქიის საუკეთესო ჯიშები, ხოლო ჩიჯავაძემ და როზმორდიუკმა იმერეთსა და სამეგრელოში შეიტანეს ახალი აბრეშუმსახვევი მანქანებიო¹. აქვე, კოლიუბაკინი დიდ იმედს გამოთქვამდა, რომ ამიერკავკასიის აბრეშუმი მალე შეცვლიდა რუსეთის ფაბრიკებში უცხოეთის აბრეშუმის დიდ ნაწილს². 50-იან წლებში იმერეთში არსებულ საწარმოებს შორის ყველაზე უკეთესი სწორედ ჩიჯავაძის აბრეშუმსახვევი საწარმო ყოფილა. ამხვე კოლიუბაკინი იმავე 1856 წლის ანგარიშში წერს: „ფაბრიკებიდან ყველაზე უფრო საუცხოო — აბრეშუმსახვევი (თავად ჩიჯავაძის) დახურული იქნა ომის დროს“³.

ომის დამთავრებისთანავე, როგორც აღვნიშნეთ, მან აღადგინა აბრეშუმსახვევი, ბამბისა და თამბაქოს საწარმოები. 1856 წელს ამ საწარმოებმა გამოუშვეს 800 მანეთის პროდუქცია⁴, ხოლო შემდეგ წლებში გამოშვებული პროდუქცია გაიზარდა. 1860 წელს მათ გამოუშვეს 2.500 მანეთის პროდუქცია⁵.

ნ. ჩიჯავაძემ გააშენა ჰავაის, მარილანდისა და კენტუკის ხაუცხლო თამბაქო. მოჰყავდა ენდრო და სორგო. სორგოსაგან აწარმოებდა სპირტის გამოხდას⁶. განსაკუთრებით დიდი რაოდენობით მოჰყავდა ბამბა. ჩიჯავაძეს ყოველწლიურად მოჰყავდა 600 ფუთი ბამბა. 1852 წელს კი მოიყვანა 1000 ფუთამდე⁷. იმერეთში, ვარციხის გარდა, საუცხოო ბამბა მოდიოდა სებეკაში, ნ. ჩიჯავაძის მაშულში.

თავისი მეურნეობის ნაწარმი არა ერთხელ წარუდგენია მას სასოფლო-სამეურნეო გამოფენაზე თბილისში, მოსკოვსა და ლონდონში, და არა ერთხელ ყოფილა იგი დაჯილდოებული. ასე, მაგალითად: ლონდონის გამოფენაზე წარდგენილი საუცხოო ბამბისათვის მას მედალი გამოუგზავნეს⁸. თბილისის გამოფენებზე წარდგენი-

¹ იქვე, ფურც. 165—166.

² იქვე, ფურც. 166.

³ იქვე, ფურც. 170.

⁴ იქვე, ფურც. 244.

⁵ ЦГИАЛ, ф. 1268, оп. 10, (1861), д. 228, л. 149.

⁶ ЗКОСХ, 1862, № 2, кз. 22—23.

⁷ Статист. опис. губ. и обл. Росс. им. т. XVI, ч. V, кз. 96.

⁸ ЦГИАЛ, ф. 1268, оп. 9, (1858 г.), д. 101, л. 175.

ლი საუცხოო ნაწარმთათვის მრავალჯერ მიუღია ჯილდო, ხოლო 1863 წელს წარდგენილი აბრეშუმის, ბამბისა და თამბაქოსათვის ჯაჯილდოებული იქნა ოქროს მედლით¹, ასევე მაღალ შეფასებას აძლევდნენ მის ნაწარმს რუსეთის გამოფენაზე.

როგორც ვხედავთ, ნიკო ჩიჯავაძის მეურნეობას ფართო სავაჭრო ურთიერთობა ჰქონდა, როგორც ქვეყნის შიგნით, ისე საზღვარგარეთთან. იგი ძლიერად იყო დაკავშირებული ბაზრებთან და, მაშალადამე, ფართოდ იყო ჩაბმული საქონელბრუნვაში. როგორც რიგი მეურნეობათა მიმართ, აქაც არა გვაქვს პირდაპირი ცნობები დაქირავებული შრომის (ექსპლოატაციის კაპიტალისტური წესის) გამოყენებაზე ჩიჯავაძის მეურნეობაში. მაგრამ სავაჭრო მიწათმოქმედების განვითარება — თამბაქოს, ბამბის, ენდროს, სორგოს და სხვათა მოყვანა და მათი ტექნიკური გადამუშავება და ბოლოს მნიშვნელოვანი საწარმოების (აბრეშუმსახვევი, ბამბის და თამბაქოსი) მოწყობა ასეთ შრომას მოითხოვდა. ჩვენ მიგვაჩნია რომ ჩიჯავაძის აბრეშუმსახვევ საწარმოში მომუშავე 20 ახალგაზრდა ამომხვევი, ნებითდაქირავებულნი იყვნენ, რომლებიც გარკვეულ საზღაურს ღებულობდნენ. ამას ამტკიცებს ისიც რომ, როგორც ცნობაშია აღნიშნული, ისინი ამ საქმეში დაოსტატებულნი იყვნენ. ასეთივე ნებითდაქირავებული შრომა უნდა ყოფილიყო გამოყენებული მის ბამბისა და თამბაქოს საწარმოებში („ფაბრიკებში“). მაშასადამე, ჩიჯავაძის მეურნეობაში არათავისუფალ შრომასთან ერთად, ფართოდ უნდა ყოფილიყო გამოყენებული ნებითდაქირავებული შრომაც.

სავაჭრო-სამრეწველო ხასიათის მქონე ნ. ჩიჯავაძის მეურნეობა, ასე როგორც მუხრან-ბატონისა, ახალი ტიპისაა ფეოდალურ ქვეყანაში. იგი ახალი ბურჟუაზიული შინაარსისაა, თუმცა ისევე ფეოდალურ ფორმაშია გახვეული, როგორც პირველი. ნ. ჩიჯავაძის მეურნეობა კიდევ უფრო მეტად შეიცავდა ბურჟუაზიული მეურნეობის ნიშნებს, როგორც იყო ფართო სასაქონლო წარმოება, დაქირავებული შრომა, სამრეწველო საწარმოთა — მანუფაქტურების მოწყობა და სხვ. ჩიჯავაძის მეურნეობა გარდამავალი მეურნეობაა. მას გააჩნდა როგორც ბატონყმური, ასევე ბურჟუაზიული მეურნეობის ნიშნები.

ზემოთ განხილულ მსხვილ ბურჟუაზიულ და რაციონალიზებულ სამამულო მეურნეობათა გარდა საქართველოში საგლეხო რეფორმამდე არსებობდა რიგი გაუმჯობესებული და განვითარებული მეურნეობანი: მარის, მ. ერისთავის, ნაკაშიძისა და ბებურიშვილის

¹ ЗКОСХ, 1864, გვ. 47.

გურიაში, ნ. დადიანის სამეგრელოში, ქორქაშვილისა და კ. ერისთავის იმერეთში, ამილახვარის და ერისთავების მეურნეობანი ქართლში, რევაზ და ღონიკე ანდრონიკაშვილებისა კახეთში და სხვ. „დროის მოთხოვნისებამ“ დაარწმუნა ისინი, რომ საჭირო იყო საბატონო მეურნეობის ევროპულ წესზე გარდაქმნა, კარჩაკეტილ — ნატურალური მეურნეობიდან გამოსვლა. განსაკუთრებით ეს იგრძნობოდა XIX ს. 50-იანი წლების მეორე ნახევრიდან. ამ მიზნით მემულეები მთავრობას ხშირად თხოვდნენ ფულად დახმარებას. 1860 წელს გურიის დიდმა მემამულემ თავად მიხეილ ნაკაშიძემ, რომლის მამული ოზურგეთიდან შავ ზღვამდე ვრცელდებოდა, მეფისნაცვალ ბარიატინსკის 10.000 მანეთი თხოვა სესხად მეურნეობის გასაუმჯობესებლად. იგი ვალდებულებას იღებდა განევითარებინა სავაჭრო-სამრეწველო კულტურები, მეაბრეშუმეობა, მესაქონლეობა, მეცხვარეობა, მელორეობა, მეფუტკრეობა, გაეშენებინა თუთის პლანტაციები და სხვ.¹ ნაკაშიძის მამული აღწერა აგრონომმა სპასკიმ², რის შემდეგ მთავრობამ მისი თხოვნა დააკმაყოფილა? ასევე, ოზურგეთის მაზრის მემამულემ გიორგი ბებურიშვილმა მეურნეობის გასაუმჯობესებლად 1863 წელს მთავრობას დახმარება სთხოვა³. ამავე წელს შორაპნის მაზრის მემამულემ კონსტანტინე ერისთავმა ასეთივე დახმარება სთხოვა მთავრობას⁴. 1862 წელს ასევე მოიქცა კახეთის მემამულე ზაქრო ანდრონიკაშვილი⁵ და სხვ.

ზემოთ განხილულ ბურჟუაზიულ და ამავე გზაზე მდგარ სამამულეო მეურნეობათა მთავარ მიზანს შეადგენდა სავაჭრო მიწათმოქმედების განვითარება და სასოფლო-სამეურნეო კულტურების ტექნიკური გადამუშავება. ამ მეურნეობებში მოპყავდათ ღვინო, თამბაქო, ბამბა, ენდრო, სორგო, კარტოფილი, აწარმოებდნენ აბრეშუმს, ხდიდნენ არაყსა და სპირტს, აწვითარებდნენ მესაქონლეობას, მეფუტკრეობას, ამზადებდნენ ყველს, ერბოს, კარაქს და სხვ. 50-იანი წლებიდან მეურნეობის რენტაბელობის გაზრდის მიზნით მიწათმოფლობელები ატარებდნენ ევროპულ სამიწათმოქმედო მანქანა-იარაღების გამოყენების ცდებს. ისინი ცდილობდნენ რაც შეიძლება მეტი პროდუქტი დაემზადებინათ გასაყიდად. უფრო და უფრო უკავშირდებოდნენ ბაზრებს და ებმებოდნენ საქონელგაცვლაში. ცხოვრების პირობების განვითარებამ გაზარდა მემამულეთა მოთ-

¹ საქ. ცსსა, ფონდი 241, აღწერა 3, საქმე 12, ფურც. 1—3.

² იქვე, ფურც. 8—18.

³ იქვე, ფურც. 209.

⁴ საქ. ცსსა, ფონდი 238, საქმე 180, ფურც. 1—4.

⁵ საქ. ცსსა, ფონდი 238, საქმე 181.

⁶ საქ. ცსსა, ფონდი 238, საქმე 118.

ბოენილებები ფულზე. ამიტომ მათ სურდათ, მამულებს რაც შეიძლება მეტი ფულადი შემოსავალი მოეცა. მეორეს მხრივ, ფულის შოვნის მიზნით მთელი რიგი მემამულეები ცდილობდნენ საბატონო ნატურალური გადასახადი (ღალა) ფულადი გადასახადით შეეცვალათ. „С тех пор — ამბობდა ბარონ ნიკოლაი 1857 წელს. — как потребности жизни увеличились, как с образованием родилось множество нужд, удовлетворение которых возможно только через посредство звонкой монеты, появилась и нужда в оной и желание ее приобрести. Поэтому многие из здешних помещиков уже начинают понимать, что работа крепостными людьми имеет свою положительную ценность и есть такие, которые желали бы и даже пытались заменить эту повинность денежным оброком, — явное доказательство того, что эта работа дорога и может быть дороже работы посредством наемных рук“.¹

განხილულ მეურნეობათა ეკონომიური ბუნების დახასიათებისას, მთავარი ყურადღება უნდა მივაქციოთ მათ შინაარსს, მიზნებს და ეპოქის ხასიათს.

როგორც აღნიშნულია, ეს მეურნეობანი ახალი ტიპის იყვნენ ფეოდალურ ქვეყანაში. საბატონო-ნატურალურ მეურნეობათაგან განსხვავებით, მათ მთავარ მიზანს შეადგენდა სასაქონლო წარმოება — სასოფლო-სამეურნეო და სამრეწველო ნაწარმთა საბაზროდ წარმოება, სავაჭრო მიწათმოქმედება, სასოფლო-სამეურნეო პროდუქტთა ტექნიკური გადამუშავება და ამ მიზნით სხვადასხვა სამრეწველო საწარმოთა მოწყობა, დაქირავებული შრომისა და გაუმჯობესებული სამეურნეო მანქანა-იარაღების გამოყენება და ა. შ. ყველაფერი ეს აღნიშნულ მეურნეობებს კაპიტალიზატურ ხასიათს აძლევდა. რიგი მათგანი, როგორც მაგალითად ბარონ ნიკოლაის, ალ. კუჩინბახის და ალ. ანანოვის ბურჟუაზიული მეურნეობანი, მთლიანად ნებითდაქირავებულ შრომას ეყრდნობოდნენ და კაპიტალისტური ბუნებით ცხადია ისინი გაცილებით მალე იდგნენ სხვა დანარჩენ მეურნეობებზე. ამ ბურჟუაზიულ მეურნეობებში გამოყენებული ნებითდაქირავებული შრომის კონტინგენტის განსაზღვრული ნაწილი შესაძლებელია ყმა-გლეხები იყვნენ, მაგრამ ეს გარემოება მეურნეობას არ უკარგავდა ბურჟუაზიულ ხასიათს, რადგან ამ შემთხვევაში ყმა-გლეხი ჩვენ მხოლოდ წოდებრივ კუთვნილებაზე მიგვივითებდა. აქ კი მეურნეობაში სამუშაოდ, ფულის შოვნის მიზნით მოსული ყმა-გლეხი, მეურნეობის მფლობელ-მეპატრონესთან თავისუფალი გარიგების საფუძველზე ნებითდაქირავე-

¹ ЗКОСХ, 1857, зб. 15.

ბულ შრომას ეწეოდა და ეს განსაზღვრავდა მეურნეობის ეკონომიურ ბუნებას, მის კაპიტალისტურ ხასიათს.

ახალ ყაიდაზე მოწყობილ სამამულო მეურნეობებში, როგორც იყო: მუხრან-ბატონის, კავკავაძის, აფხაზის, ანდრონიკაშვილის, ჩიჯავაძის და სხვების, — ყმური შრომის გამოყენება, რა თქმა უნდა, დაბლა სწევდა და ფეოდალურ ფორმაში ხვევდა ამ მეურნეობათა კაპიტალისტურ ბუნებას. მაგრამ ამ ფორმაში ახალი, ბურჟუაზიული შინაარსი იყო მოთავსებული, რომელიც საბატონო-ნატურალური მეურნეობისათვის უცხო იყო. თვით ივ. მუხრან-ბატონი და ნიკო ჩიჯავაძე ფაქტიურად ბურჟუა-კაპიტალისტები უფრო იყვნენ, ვიდრე კარჩაკეტილი ფეოდალური დომენის პატრონები. მათ მეურნეობაში დამხადებულ პროდუქციას სისტემატური საბაზრო ხასიათი ჰქონდა და იგი სარეალიზაციოდ საქართველოს ფარგლებს გარეთაც გადიოდა. გარდა ამისა, აქ იყენებდნენ გაუმჯობესებულ სამეურნეო მანქანა-იარაღებს, დაქირავებულ შრომას, აწყობდნენ სამრეწველო საწარმოებს — მანუფაქტურებს, სადაც დაქირავებული კვალიფიციური შრომა იყო გამოყენებული. ეს მეურნეობანი სავაჭრო-სამრეწველო მეურნეობათა ხასიათს ატარებდნენ და ამ მხრივ რუტინულ საბატონო მეურნეობებს სრულებით არ ჰგავდა.

ჩვენს მიერ განხილული რაციონალურად მოწყობილი სამამულო მეურნეობანი (ჩიჯავაძის, მუხრან-ბატონის, აფხაზისა და სხვების) შეიცავდნენ ბატონყმური და ბურჟუაზიული მეურნეობის ნიშნებს. უკანასკნელი განუწყვეტლივ იზრდებოდა. ამიტომ ეს მეურნეობანი განვითარების ბურჟუაზიულ გზას ადგნენ. ფაქტიურად ამ მეურნეობათა ეკონომიური ბუნება, შინაარსი ბურჟუაზიული იყო, მაგრამ ამ მხრივ ისინი ერთნაირ დონეზე არ იდგნენ და ზოგი მათგანი, როგორც მაგალითად, ივ. მუხრან-ბატონისა და ნ. ჩიჯავაძის მეურნეობანი, მეტად ამჟღავნებდნენ კაპიტალისტური განვითარების ტენდენციას.

მეურნეობის გაუმჯობესებისა და გარდაქმნის აუცილებლობა იგრძნობოდა მთელ საქართველოში, განსაკუთრებით საგლეხო რეფორმის წინა წლებში. „თავის დღეში არა ყოფილა ამდენი მსურველი ახალის მაშინების ანუ ახალის თესლების დაბარებისა, არც ამდენი მთხოვნელი სხვა და სხვა ხვნა-თესვის ნაწილებზედ დარიგებისა, არც მომხმარები მამულზედ ამთენის ფულისა. ბოლოს დროს თფილისში და გარეშე ამენდა რამთენიოდე ქარხნები, რომელნიც არ შაარცხვენდნენ თვით ევროპის მხარესა და გამოჩნდნენ მამულის მკეთებელნი სოფლებშიაც, სადაც მოაწყვეს თავიანთი მამულები

მშვენიერს და ანგარიშიან წესზედ¹ — წერდა ივანე სერებრიაკოვი „გუთნის დედაში“ 1863 წლის იანვარში. ერთი წლით ადრე იგივე „გუთნის დედა“ წერდა, რომ „ჩვენი მამულის მოვლა, ახლა მხოლოდ გამოდის ახალს გზაზედ“², „ეს იმისთანა საჭიროებაა, რომ უამისოდ ვერცა თუ ერთი ჩამომავლობა წაეა წინ“. „ახლა... სასიამოვნოთ მიგვაჩნია ჩვენის მდიდარის მიწების მოვლა, იმ გეარ სასიამოვნოდ, როგორც ოდესმე მიგვაჩნდა სამხედროს მუზიკის ხმა. ეს საზოგადოდ ახალის სიცოცხლით განღვიძება, შეიცავს მომავალს წარმატებას“³. კონსტანტინე მამაცაშვილი, რომელმაც საქართველო შემოიარა და ბუნებრივ სიმდიდრესთან და „ხალხის ნიჭიერებასთან“ შედარებით სიღარიბე უნახავს, სამართლიანად, ამის მიზეზად ქართველი ხალხის წარსული ისტორიის სისხლიან ტრაგედიას თვლიდა („არს წარსული მათი უბედურებითი ისტორია“) და ქართველებს მოუწოდებდა ევროპული სწავლა-განათლება მიეღოთ და მეურნეობა ევროპულად მოეწყოთ⁴. საგლებო რეფორმის წინ „გუთნის დედაში“ ერთ-ერთი კორესპონდენტი გურიიდან წერდა, რომ „მამულის კეთების ფიქრი ამჟამად ძალიან გაღვიძებულია გურიელებში“⁵. „მეურნეობის გაუმჯობესებისა და სრულყოფის საჭიროება ყველას ესმის“⁶ — აღნიშნავდა კავკასიის სოფლის მეურნეობის საზოგადოების ორგანო 1862 წელს. ამავე წელს კონსტანტინე მამაცაშვილი წერდა, რომ თანამედროვე სოფლის მეურნეობას არ შეუძლია დააკმაყოფილოს ახალი დროის მოთხოვნილებანი, რადგან ჩვენ ვცხოვრობთ ბურჟუაზიული საზოგადოების შემოსვლის პერიოდში:

„Нынешнее сельское хозяйство... теперь не может отвечать новым потребностям современного общества. Наше время есть переходное состояние и постепенное отрешение от всего устаревшего“⁷.

მაშასადამე, რეფორმამდელ საქართველოში მემამულეთა პროგრესულმა ნაწილმა სწორად გაიგო „დროის მოთხოვნილება“ და დაადგინა სამამულო მეურნეობათა კაპიტალისტური ევოლუციის გზას, საჩელდობრ ისინი ცდილობდნენ თავიანთი მეურნეობა კაპიტალისტურ ყაიდაზე გარდაექმნათ ე. წ. „პრუსიული გზით“. მიწათმოქმედებაში კაპიტალიზმის განვითარების პრუსიული გზის დროს

¹ „გუთნის დედა“, 1863, № 1, გვ. 5.

² „გუთნის დედა“, 1862, № 6, გვ. 51.

³ იქვე.

⁴ იქვე.

⁵ „გუთნის დედა“, 1864, № 11, გვ. 88.

⁶ ЗКОСХ, 1862, № 3, გვ. 2.

⁷ «Кавказ», 1862, № 9.

როგორც ცნობილია „ძველი მემამულური მეურნეობა ძირითადად შენარჩუნებულია და აგრარული რეფორმების ჩატარების მეშვეობით თანდათან გადაიქცევა კაპიტალისტურ მეურნეობად. კაპიტალისტური მეურნეობის ფორმებზე რომ გადადიან, მემამულენი თავისუფლად დაქირავებული შრომის გამოყენებასთან ერთად, ბატონყმური ექსპლოატაციის მეთოდებსაც იყენებდნენ“¹.

ბუ რ ყ უ ა ზ ი უ ლ მე უ რ ნ ე ბ ა თ ა გ ა ნ ვ ი თ ა რ ე ბ ი ს
შ ე მ ა ფ ე რ ხ ე ბ ე ლ ი მ ი ზ ე ზ ე ბ ი. რეფორმამდელი ხანის ახალ სასოფლო-სამეურნეო წამოწყებებს საქართველოში, სამიწათმოქმედო და სამრეწველო კულტურების განვითარებას უდიდესი მნიშვნელობა ჰქონდა სოფლის მეურნეობის შემდგომი განვითარებისათვის. განსაკუთრებით დიდმნიშვნელოვანი იყო ბურჟუაზიულ მეურნეობათა წარმოშობა და რიგ საბატონო მეურნეობათა ბურჟუაზიული ევოლუცია. ბურჟუაზიული მეურნეობანი და ახალ ყაიდაზე გარდაქმნილი რიგი სამამულო მეურნეობანი, რომლებიც კაპიტალისტურ ხასიათს ატარებდნენ, აშკარად ამტკიცებდნენ თავიანთ უპირატესობას ნატურალური და რუტინული საბატონო მეურნეობის წინაშე. ასევე აშკარა ხდებოდა თავისუფალი, ნებითდაქირავებული შრომის უპირატესობა ყმების არარენტაბელური შრომის წინაშე. დაქირავებული შრომის გამოყენება, ევროპული სასოფლო-სამეურნეო მანქანა-იარაღების შემოღება, სავაჭრო მიწათმოქმედება, სოფლის მეურნეობის პროდუქტთა ტექნიკური გადამუშავება ბურჟუაზიულ მეურნეობათა დამახასიათებელი ნიშნები იყო. მაგრამ ბურჟუაზიული მეურნეობანი საქართველოში წარმოიშვა ბატონყმური ურთიერთობის წიაღში. ეს უკანასკნელი ხელს უშლიდა მის განვითარებას. ამიტომ იყო, რომ ბურჟუაზიული და საერთოდ სოფლის მეურნეობის განვითარება აწყდებოდა მთელ რიგ დაბრკოლებებს, განსაკუთრებით გასაღების ბაზრების, დაქირავებული შრომისა და სამიწათმოქმედო მანქანა-იარაღების გამოყენების საქმეში.

სოფლის მეურნეობის განვითარების ერთ-ერთ პირობას მისი პროდუქციის ფართო გასაღება შეადგენდა. მიუხედავად იმისა, რომ რეფორმამდელ ხანაში ვითარდებოდა ვაჭრობა, იზრდებოდა ბაზრები და მრეწველობისა და სოფლის მეურნეობის პროდუქტებზე მოთხოვნილება, მაინც ხშირი იყო შემთხვევები, როდესაც მსხვილ სამამულო და ბურჟუაზიულ მეურნეობაში დიდი რაოდენობით დამზადებული პროდუქტები ფართოდ ვერ საღებოდა საქალაქო ცხოვრებისა და სავაჭრო-ეკონომიური ცენტრების ჯერ კიდევ

¹ პოლიტიკური ეკონომია, სახელმძღვანელო, თბილისი, 1954, გვ. 222—223.

სუსტი განვითარების გამო. ამიტომ იყო, რომ მიწათმფლობელებო ხშირად ჩიოდნენ გასაღების ბაზრებზე. გასაღების ბაზრებზე ჩიოდა ღერმერი ბარონ ნიკოლაი¹, რაც ჩვენ უკვე აღვნიშნეთ, როდესაც მის მეურნეობას ვეხებოდით. მასზე ჩიოდა დიდი ქართველი საზოგადო მოღვაწე დიმიტრი ყიფიანი, ივანე სერებრიაკოვი, კახელი ღვინისმწარმოებლები და სხვ. გასაღების ბაზრების უქონლობის ერთ-ერთ მიზეზად მათ ცუდი სამიმოსელო გზები მიაჩნდათ. დ. ყიფიანმა 1856 წელს გაკეთებულ მოხსენებაში, კავკასიის სოფლის მეურნეობის საზოგადოების კრებაზე, მოიყვანა გორელი მემამულის გიორგი ამილახვარისა და თბილისის მაზრის მემამულის დიმიტრი ორბელიანის მაგალითი, რომლებმაც თავიანთ მეურნეობაში მოყვანილი პროდუქტები (კომბოსტო და თამბაქო) ვერ გაასაღეს და ამის ერთ-ერთ ძირითად მიზეზად ცუდი სამიმოსელო გზები დაასახელა². ქართული ღვინის გასაღების შესახებ ივ. სერებრიაკოვი 1863 წელს „გუთნის დედაში“ წერდა: „პირველი საჭიროება არის ჩვენის მამულის პატრონებისათვის რომ იმათმა ღვინოებმა აქაურ გასაღებს გარდა სხვა ბაზრებშიც იპოვნონ. თვით ბაზარი, რა საკვირველია, რო რუსეთია. რუსეთს წელიწადში მიაქვს სხვა ქვეყნებიდან შვიდი მილიონი მანეთის ღვინო და ყოველ წელიწადს ეს რიცხვი მატულობს“³. შემდეგ იგი განაგრძობს, რომ გზა შორია და ამიტომ ვერ მიგვაქვს რუსეთში ღვინო; გზების დაბრკოლება დიდად ვნებს ჩვენი ღვინოების გასაღებას⁴. „ეს მუშტრები უნდა ვეძებოთ გარეთ, როგორც ეძებს და პოულობს ღვინო ფრანციისა, ისპანიისა და ლერმანიისა. ჩვენი უპირველესი ბუნებითი მუშტარი უნდა იყოს რუსეთი“⁵. კახელი ღვინის მწარმოებლები ხშირად ჩიოდნენ იმაზე, რომ მათი ღვინო ხელსაყრელ ფასში არ იყიდებოდა: „პირველი იმის (ღვინის მწარმოებლის — დ. გ.) პასუხი ყოველთვის ჩივილია, რომ ღვინოს ჯეროვანი ფასი არა აქვსო, ქალაქელი სირაჯების ხელში ვართ და იმათ ქეიფზე ჰკიდიაო ჩვენი სარფა და სარგებლობა“⁶. დამზადებული პროდუქციის ფართო გასაღებას მწარმოებლები ძირითად საწინდრად თვლიდნენ მეურნეობის განვითარებისათვის: „მუშტრის გამოჩენა და გასაღების იმედი გააღონიერებს საქონლის პატრონს.

¹ ЗКОСХ, 1857, გვ. 40—41.

² იქვე.

³ „გუთნის დედა“, 1863, № 1, გვ. 6.

⁴ იქვე.

⁵ „გუთნის დედა“, 1863, № 14, გვ. 156.

⁶ იქვე, გვ. 153.

და: შეიყვანს უმეტესს ღვაწვაში და მეცადინეობაში“¹. ასევე ცარიზმის მოხელეები ხშირად მიუთითებდნენ ცუდ სამიმოსვლო გზებზე, რომლებიც დიდად აბრკოლებდნენ ქვეყნის სამეურნეო განვითარებას: ერთი მათგანი — თბილისის სამოქალაქო გუბერნატორი, 1857 წელს გუბერნიის ანგარიშში აღნიშნავდა, რომ ცუდი სამიმოსვლო გზები „დღემდე წარმოადგენს ძლიერ დაბრკოლებას სავაჭრო საქმიანობისათვის“ და მათი მოწყობა დიდად შეუწყობს ხელს მხარის მრეწველობისა და ვაჭრობის განვითარებასო².

ბურჟუაზიულ და რიგ სამამულო მეურნეობებში, როგორც დაგინახეთ, გამოყენებული იყო დაქირავებული შრომა. მაგრამ ამ მხრივაც ყველაფერი რიგზე არ იყო და ეს მეურნეობანი დაბრკოლებებს აწყდებოდნენ თავისუფალი მუშახელის დაქირავების საქმეში, რის მიზეზიც ბატონყმური ურთიერთობა იყო, საბატონო ვალდებულებებით უშუალო მწარმოებლის მიმავრება მიწაზე. ბარონ ნიკოლაი ყველაზე მეტად თავისუფალი მუშახელის ნაკლებობაზე მიუთითებდა 1856 წელს³. იგი აღნიშნავდა, რომ ლოქინის გარეუბნებში, სადაც მისი მეურნეობა იყო, არსებობდა ხალხმრავალი სოფლები: მარტყოფი, ნორიო, ლილო, ხაშმი და სხვა. მაგრამ, მიუხედავად ამისა, ძნელია იქ თავისუფალი მუშახელის შოვნაო⁴. აქვე იგი მიუთითებდა ქალთა დაქირავებული შრომის არარსებობას საქართველოში⁵. ამასვე აღნიშნავდა „კავკასიის სოფლის მეურნეობის საზოგადოების“ ნამდვილი წევრი ფედოტ ბობილევი 1856 წელს⁶. ბარონ ნიკოლაის აზრით, თავისუფალი მუშახელის ნაკლებობა იყო მთავარი შემაფერხებელი მიზეზი სოფლის მეურნეობის განვითარებისა. თავისუფალი შრომის გამოყენების აუცილებლობაზე ხშირად იწერებოდა „გუთნის დედისა“ და „კავკასიის სოფლის მეურნეობის საზოგადოების“ ორგანოში. ზემოთ მოყვანილი იყო საგლეხო რეფორმის წინ „გუთნის დედაში“ დაბეჭდილი „კორესპონდენცია გურიიდან“. კორესპონდენტი აღნიშნავდა, რომ მეურნეობის გაუმჯობესების აუცილებლობას გრძნობენ გურიელებიო. შემდეგ იგი გურიაში მეურნეობათა არარენტაბელობის მთავარ მიზეზად ბატონყმობას აცხადებს. იგი წერს, რომ მეურნეობათა არარენტაბელობის მიზეზი „ზოგი ძველადგან დარჩომილი დაუდეერობაა, ზოგი ძველებური წესი ბატონყმობის ანგარიშობისა“

¹ იქვე, გვ. 156.

² ЦГИАЛ, ф. 1268, оп. 9, д. 311, (1858), л. 6.

³ ЗКОСХ, 1857, გვ. 17; 1860, № 3, გვ. 111.

⁴ ЗКОСХ, 1857, გვ. 17.

⁵ იქვე.

⁶ ЗКОСХ, 1856, გვ. 344—345.

- (ურთიერთობისა — დ. გ.), „აქ რაც ყმის მამა-პაპას ვალდებულებაჲ ჰქონია ბატონის წინაშე, ისივე შვილსა და შვილის შვილსა აძევს შეუცვლელად“¹. მეურნეობის გაუმჯობესებისა და ახლებურად წარმართვისათვის მას ყმების შრომა გამოუსადეგრად მიაჩნია და საკიროდ თელის დაქირავებულ შრომას: „ახალ გუთანს, ახალ მანასს ხელს არავინ მოჰკიდებს ყმებისაგანი, თუ ბატონმა ფულით აქ დაიჭირა მუშები“².

ანანოვის ფერმერული მეურნეობის გამგე, ცნობილი აგრონომი ხატისოვი 1863 წელს გარკვევით აღნიშნავდა, რომ ნებითდაქირავებული შრომის ფართოდ გამოყენება მთავარი ფაქტორი იყო მრეწველობისა და სოფლის მეურნეობის განვითარებისათვის. იგი წერდა: „Класс вольнонаемных рабочих в настоящее время так необходим для края и недостаток его в Закавказьи служит главным препятствием распространению многих полезных нововведений“³.

მაშასადამე, მრეწველობისა და სოფლის მეურნეობის განვითარება საერთოდ, და ამ შემთხვევაში ბურჟუაზიულ მეურნეობათა განვითარება მოითხოვდა ნებითდაქირავებული შრომის ფართოდ გამოყენებას, რასაც ხელს უშლიდა ბატონყმური ურთიერთობა.

ასევე დიდ დაბრკოლებებს აწყდებოდნენ ბურჟუაზიული და მსხვილი საბატონო მეურნეობანი ახალი სამიწათმოქმედო მანქანა-იარაღების გამოყენების მხრივ.

სასოფლო-სამეურნეო მანქანა-იარაღების გამოყენება დაქირავებულ შრომასთან იყო დაკავშირებული. ყმა ასეთი შრომისათვის გამოუსადეგარი იყო. მას არ შეეძლო ახალი სამიწათმოქმედო იარაღების მართვა. როგორც ბურჟუაზიული, ისე საბატონო მეურნეობათა მფლობელებმა კარგად იცოდნენ, რომ მანქანა-იარაღების გამოყენება აამაღლებდა შრომის ნაყოფიერებას და მეურნეობას რენტაბელურს გახდიდა. ევროპული სამიწათმოქმედო იარაღების გამოყენების ცდები საქართველოში იწყება XIX საუკუნის 50-იანი წლებიდან. მას ეტანებოდნენ ბურჟუაზიული მეურნეობანი და რიგი მიწათმფლობელები, უფრო მეტად ისინი, რომლებიც აწყდებოდნენ მუშების დაქირავების სიძნელეებს. საერთოდ მემამულეები მიეტანენ მათ საგლეხო რეფორმის წინა წლებში, მას შემდეგ, რაც რუსეთში ბატონყმობა გაუქმდა და აქაც გრძნობდნენ მის გაუქმების მოახლოებას. სამიწათმოქმედო მანქანა-იარაღების გამოყენებით ისინი ცდილობდნენ, ყმების შრომა მათთვის საკირო აღარ ყოფი-

¹ „გუთნის დედა“, 1864, № 11, გვ. 88.

² იქვე.

³ ЗКОСХ, 1863, № 2, გვ. 71.

ლიყო და შეორეს მხრივ თავიდან აეცილებინათ მუშების დაქირავე-ბის სიძნელენი. „Некоторые помещики — წერდა თბილისის სამო-ქალაქო გუბერნატორი 1861 წლის ანგარიშში — начинают постигать преимущества правильного хозяйства, и зная что близкое освобождение крестьян от крепостного права должно сделать неминуемый переворот в обычной обработке земли, начинают заботиться о средствах заменять рабочие руки машинами“.¹

მანქანა-იარაღების გამოყენებას სოფლის მეურნეობაში აუცი-ლებელ საშუალებად თვლიდნენ ბარონ ნიკოლაი, ივანე მუხრან-ბა-ტონი, ივანე სერებრიაკოვი, კონსტანტინე მამაცაშვილი, ანანოვი, ხა-ტისოვი, დიმ. აფხაზი და მრავალი სხვა. უხვად იბეჭდებოდა მათი წერილები სასოფლო-სამეურნეო მანქანა-იარაღების გამოყენების აუცილებლობის შესახებ „გუთნის დედა“-ში, „კავკაზ“-ში და კავკა-სიის სოფლის მეურნეობის საზოგადოების ორგანოში (ЗКОСХ). ბა-რონ ნიკოლაის მიაჩნდა, რომ მათი გამოყენებით მიწათმფლობელები თავიდან იცილებდნენ თავისუფალი მუშა-ხელის დიდი რაოდენობით დაქირავების საჭიროებას². 50-იან წლებში დიდი რაოდენობით იქნა გამოწერილი სხვადასხვა საზღვარგარეთული სამიწთმოქმედო მანქანა-იარაღები: გუთნები (შუმანის, დომბალის და სხვ.), საღეწე-ბი, ფარცხები, სათიბი მანქანები, სამკალი, სიმინდის საბეგვი მანქა-ნები და მრავალი სხვ. განსაკუთრებით იგი იზრდება 60-იანი წლე-ბის დასაწყისში საგლეხო რეფორმის წინ: „თავის დღეში არა უო-ფილა ამთენი მსურველი ახალის მაშინების... დაბარებისა“³ — წერ-და ივანე სერებრიაკოვი „გუთნის დედა“-ში 1863 წელს.

როგორც კი ხელი მოჰკიდეს მანქანა-იარაღების გამოყენებას სოფლის მეურნეობაში, მიწათმფლობელები წააწყდნენ დაბრკო-ლებებს. ცხადი გახდა, რომ საზღვარგარეთული მანქანა-იარაღების გამოყენებისათვის საჭირო იყო სათანადოდ მცოდნე თა-ვისუფალი მუშახელი, რომელიც შეძლებდა მის მართვას და სათანადო სახელოსნოები, სადაც შეაკეთებდნენ დაზიანებულ მანქა-ნა-იარაღებს და დაამზადებდნენ მის ნაწილებს. ამ ორი ძირითადი პირობის არსებობის გარეშე შეუძლებელი იყო ევროპული სასოფ-ლო-სამეურნეო მანქანა-იარაღების გამოყენება მიწათმოქმედებაში.

მიწათმფლობელები მალე იწყებენ ჩივილს მანქანა-იარაღების გამოყენების სხვადასხვა შემაფერხებელ მიზეზებზე და განსაკუთ-რებით მცოდნე მუშებისა და ოსტატების არარსებობაზე. ბორჩალოს

¹ ЦГИАЛ, ф. 1268, оп. 10, д. 134, л. 13.

² ЗКОСХ, 1860, гл. 123—124.

³ „გუთნის დედა“, 1863, № 1, გვ. 5.

მემამულემ, დიმიტრი ვახტანგის ძე ორბელიანმა 1850 წელს პირველად შეიძინა პურის სალუწი მანქანა და წყლის ძალით ამუშავა¹. მაგრამ ინჟინერ-ტექნოლოგ ბიხოლდტის აზრით მისი „ფართო მოხმარება შეუძლებელი“ იყო, რადგან რუსეთიდან მისი მოტანა ძვირი ჯდება და რომ დაზიანდეს, მისი შემკეთებელი სათანადო ოსტატები არა გვეყავსო. ევროპული სამიწათმოქმედო იარაღების გამოყენება ნაადრევად მიაჩნდა სოფლის მეურნეობის საზოგადოების ნამდვილ წევრ ფ. ბობილევს, რომელმაც 1857 წელს განაცხადა: „რამდენი სხვადასხვაგვარი მანქანები აწყვეია უსარგებლოდ საზოგადოების (კავკასიის სოფლის მეურნეობის საზოგადოების — დ. გ.) საწყობებში, რომლებიც მკვდარ კაპიტალადაა ქცეული“².

მამასადამე, საჭირო იყო კლასი ადამიანებისა, რომლებიც შეძლებდნენ მათ მართვას, წინააღმდეგ შემთხვევაში საზღვარგარეთიდან მოტანილი მანქანა-იარაღები „მკვდარ კაპიტალად“ იქცეოდა. ასეთი კლასი კი შეიქმნებოდა ბატონყმური ურთიერთობის მოსპობის შემდეგ, თანდათან, წლების მანძილზე.

დერპტის უნივერსიტეტის პროფესორი პედცოლდტი, რომელმაც ამიერკავკასიაში სასოფლო-სამეურნეო მიმოხილვის მიზნით იმოგზაურა, თავის ანგარიშში სწორად აღნიშნავდა, რომ სამიწათმოქმედო მანქანა-იარაღების გამოყენება შეუძლებელი იქნება, სანამ მხარე უზრუნველყოფილი არ იქნება ამ ახალი საწარმოო იარაღების მცოდნე ადამიანებითო. იგი წერდა: „Приобретение и введение улучшенных орудий и машин останется бесплодным, если вместе с тем не будут приложены заботы об обеспечении края рабочими, знакомыми с употреблением этих орудий и машин. Помещик, будь он богатый или бедный, при настоящем положении дела не охотно согласится покупать орудия, не имея кому их поручить“³.

ქართული სამეურნეო გაზეთის „გუთნის დედის“ გამოსვლისთანავე, დაიწყო ჩივილი მის ფურცლებზე ევროპული სამიწათმოქმედო იარაღების გამოყენების სიძნელეებზე, სათანადო მუშებისა და ოსტატების არარსებობაზე. 1862 წელს თბილისში ობსერვატორიის ეზოში გამოცდილ იქნა საზღვარგარეთული მანქანა-იარაღები. სალუწი მანქანის შესახებ, რომელიც საუცხოო აღმოჩნდა, აგრონომი ნენინგერი შენიშნავს, რომ იგი უფრო ორთქლის ძალით მუშაობს და ძნელი გასასწორებელია, მით უმეტეს ჩვენში, სადაც „ამგვარი

¹ ЗКОСХ, 1856, гл. VII, XII, XIII.

² ЗКОСХ, 1857, гл. 13—14.

³ ЗКОСХ, 1864, гл. 28.

ხელოსნის შოვნა გასაჭირია“-ო.¹ განსაკუთრებით ამგვარი ოსტატების შოვნა ჰქირდა თბილისიდან დაშორებულ ადგილებში. ასე მაგალითად, თელავიდან კორესპონდენტი იტყობინებოდა, რომ იქ გუთნისა და ფარცხის გაკეთება ცულ მღვთმარობაში იყო, „ნაკლულობა კარგის ოსტატის მუშა კაცისა ხშირად გვაგდებს იმ მღვთმარობაში, რომელ უნდა გამოვიწეროთ თბილისიდან მაღალის ფასით“².

სიმწვლეებმა მიწისმფლობელები აიძულა მიეტოვებინათ ევროპული იარაღების გამოყენება და ქართულ იარაღებს დაუბრუნდნენ. გორელი მემამულე კონსტანტინე მამაცაშვილი ამის შესახებ 1862 წ. წერდა: „რაოდენთამე მებატონეთა დიბარეს ახალნი გუთანნი და სალენწნი მაშინანი დიდისა ხარჯითა, მაგრამ შემდგომად პირველისა გატეხისა, რომ არ ჰყავდათ ვის გაეკეთებინა უნდა აეღოთ ხელი ახლად შემოღებულებისაგან“.³ ამავე წლის „გუთნის დედის“ პირველ ნომერში ვკითხულობთ: „რადგანცა განიღვიძა ჩვენსა მხარეზედ სურვილმა, მიეცეს ცვლილება მამულისა პატრონობისა და ხელოსნობისა მოქმედებასა, ამისათვის ზოგიერთთა პირთა მოატანინეს სხვა და სხვა გარეშე ქვეყნებითგან მამულისა შემუშავებისა მაშინები და იარაღები, ანუ მიჰპართეს ზოგიერთთა რჩევისათვის, იმ გვართა პირთა, რომელთაცა სრულებით არა აქვსო ცნობა ამა საქმეში. ამ გვარმა ქცევამ სრულებით ჩაუშალა განზრახვა, ასე, რომ იძულებული იყვნენ მიემართნათ ძველისავე ჩვეულებისათვის“⁴. ე. ი. იძულებულნი გახდნენ ისევ ქართული სამეურნეო იარაღებისათვის მოეკიდათ ხელი და გამოეყენებინათ სოფლის მეურნეობაში.

ამგვარად, ქართველი მიწათმფლობელების ცდებმა, სოფლის მეურნეობაში გამოეყენებინათ ევროპული სასოფლო-სამეურნეო მანქანა-იარაღები, მარცხი განიცადა. მართალია, ზოგიერთ მსხვილ ბურჟუაზიულ და რაციონალიზებულ მეურნეობაში (ბარონ ნიკოლაის, კუჩენბახის, ანანოვის, ივ. მუხრან-ბატონის, ნ. ჩიჯავაძის და სხვ.) ახერხებდნენ გაუმჯობესებულ სასოფლო-სამეურნეო მანქანა-იარაღების გამოყენებას, მაგრამ ეს იყო გამონაკლისები და იგი ამ დროს დამახასიათებელი მოვლენა არ ყოფილა. მაგრამ ბურჟუაზიულ მეურნეობათა განვითარების ხელშემშლელი დაბრკოლებანი — გასაღების ბაზრების სივიწროვე, დაქირავებული შრომისათვის საჭირო სათანადო თავისუფალი მუშა-ხელის სიმცირე, მანქანა-

¹ „გუთნის დედა“, 1862, № 8, გვ. 65—67.

² „გუთნის დედა“, 1862, № 4, გვ. 28.

³ „გუთნის დედა“, 1862, № 6, გვ. 51.

⁴ „გუთნის დედა“, 1862, № 1, გვ. 4.

იარაღების გამოყენების მარცხი სოფლის მეურნეობაში და სხვ. არ უარყოფდა წარმოების ბურჟუაზიული წესის არსებობას სოფლის მეურნეობაში, იგი მხოლოდ ბურჟუაზიული ურთიერთობის სუსტ, არასაკმაო განვითარებაზე მიუთითებდა იმ დროს. რაც შეეხება ევროპული მანქანა-იარაღების გამოყენებას, უნდა აღინიშნოს, რომ კაპიტალისტური ურთიერთობის ჩასახვა და განვითარება სოფლის მეურნეობაში, არა მარტო საქართველოში, არამედ სხვა ქვეყნებშიც (თვით ევროპაშიც) დაიწყო გაცილებით ადრე, ვიდრე ევროპული სასოფლო-სამეურნეო მანქანა-იარაღები გაჩნდებოდა. მანქანა-იარაღების ფართო გამოყენება სოფლის მეურნეობაში, შესაძლებელი ხდება განვითარებული კაპიტალიზმის დროს და არა მისი წარმოშობისა და ზრდის პირველ პერიოდში.

ასეთი დაბრკოლებანი კაპიტალისტური ურთიერთობის ზრდას ყოველთვის თან სდევდა, მით უფრო, თუ ეს ურთიერთობა ვითარდებოდა ბატონყმური წყობილების არსებობის პირობებში. ამ დაბრკოლებათა არსებობის მიზეზი ბატონყმური ურთიერთობა იყო, რომლის მოსპობა აუცილებელ საჭიროებას წარმოადგენდა ახალი მწარმოებლური ძალების, ბურჟუაზიული ურთიერთობის განვითარებისათვის.

სასაქონლო წარმოებისა და ვაჭრობის განვითარებამ წარმოშვა სოფლის მეურნეობაში რიგი ბურჟუაზიული მეურნეობანი და სამამულეო მეურნეობათა ნაწილი კაპიტალისტური განვითარების გზაზე დააყენა. მაგრამ მეორე მხრით, მან გამოიწვია საბატონო მეურნეობათა დიდი ნაწილის (უმრავლესობის) დაღუპვა და მოშალა ფეოდალურ-ბატონყმური წყობილება. სასაქონლო-ფულადი ურთიერთობის განვითარებამ 30-იანი და განსაკუთრებით 40-იანი წლებიდან, ძლიერ შეარყია თავადაზნაურობის ბატონობის საფუძველი — ფეოდალური მიწისმფლობელობა. სავაჭრო და სავაზმო კაპიტალმა მრავალ შემამულეს დააკარგვინა მამულები და ყმები.

მემამულეთა დიდი ნაწილი არ ცდილობდა მეურნეობის გაუმჯობესებას. თავიანთი მამულისა და ყმებისაგან მიღებული ფულადი შემოსავალი კი მათ არ აკმაყოფილებდა და სულ უფრო მეტად მიმართავდნენ ფულად სესხებს და სამაგიეროდ აგირავებდნენ მამულებსა და ყმებს. ყმა-მამულის დაგირავების შედეგად ფულად სესხებს ისინი დებულობდნენ თბილისის გუბერნიაში დაარსებულ საზოგადოებრივი მზრუნველობის „პრიკაზნიდან“. მაგრამ მემამულეთა დიდი ნაწილი აღებულ ფულს ახმარდა არა მეურნეობის გაუმჯობესებას, არამედ ფულზე გაზრდილ მოთხოვნილებების დაკმაყოფილებას, რაც სასაქონლო ურთიერთობის და ვაჭრობის განვითარების

შედგებად იყო გამოწვეული. „პრიკაზნიდან“ აღებული სესხის გადაუხდელობის გამო მემამულენი კარგადენენ ყმა-მამულებს. მათი მამულები ამის გამო საჯარო ვაჭრობით იყიდებოდა. რადგან მათი მყიდველი ცოტა იყო, ამიტომ დაგირავებული ყმა-მამულები მეტწილად ხაზინის ხელში გადადიოდა.

მემამულების მიერ ყმა-მამულის დაგირავება სწრაფად იზრდებოდა. მარტო თბილისის გუბერნიაში 1858 წელს ამიერ-კავკასიის „პრიკაზში“ დაგირავებული იყო 122 მამული¹, 1861 წელს—282², 1863 წელს — 472 მამული. აქედან 95-ს პროცენტების გადაუხდელობის გამო საჯარო ვაჭრობით გაყიდვა მოელოდა. ამ წლის 1-ლი იანვრისათვის „საზოგადოებრივი მზრუნველობის პრიკაზში“ სესხის აღებისათვის დაგირავებული იყო 30.714 სული ყმა-გლეხი, ე. ი. მთელი გუბერნიის საბატონო გლეხების 25 %³. ამ დროს თავდაზნაურების ვალები „საზოგადოებრივი მზრუნველობის პრიკაზისა“ შეადგენდა 1.662.940 მანეთს⁴. 1864 წელს თბილისის გუბერნიაში ითვლებოდა 1472 სათავადაზნაურო მამული, აქედან დაგირავებული და გადაგირავებული იყო 338, 1.975.920 მანეთისა, მეურვეობის ქვეშ იქნა აყვანილი 190 მამული, რომელიც საჯარო ვაჭრობით გასაყიდად იყო დანიშნული⁵. ამას გარდა ქართველ თავადაზნაურობას ყმა და მამული დაგირავებული ჰქონდა კერძო ვალებში.

ქართველი თავადაზნაურობის ესოდენ დიდი დავალიანების ფაქტი ფეოდალური მეურნეობის არა თუ კრიზისის, არამედ მისი მოშლისა და დაღუპვის აშკარა მაჩვენებელი იყო. ქართველ ფეოდალს დაგირავებისა და გაყიდვის შედეგად ხელიდან ეცლებოდა არა მარტო მამული, არამედ უშუალო მწარმოებელიც — ყმა-გლეხი, მისი ასევე მამულთან ერთად დაგირავების, თავის გამოსყიდვისა და გაქცევის შედეგად. მამულებისა და ყმების დაკარგვით ფეოდალური ურთიერთობის მთლიან ჯაჭვს რგოლები ეცლებოდა, რაც საბოლოოდ იწვევდა ამ ურთიერთობის მოშლას.

ბუ რ ე უ ა ზ ი უ ლ ი უ რ თ ი ე რ თ ო ბ ი ს უ ე კ რ ა გ ლ ე ხ უ რ მ ე უ რ ნ ე ბ ა შ ი . ბ ა ტ ო ნ ყ მ ო ბ ი ს მ ო ს კ ო ბ ი ს . ა უ ც ი ლ ე ბ ლ ო ბ ა . ბუ რ ე უ ა ზ ი უ ლ ი უ რ თ ი ე რ თ ო ბ ა თ ა ნ და თ ა ნ ი კ რ ე ბ ო და გ ლ ე ხ უ რ მ ე უ რ ნ ე ბ ა შ ი ც . ს ა ს ა ქ ო ნ ლ ო ფ ე უ ლ ა დ ი უ რ თ ი ე რ თ ო ბ ი ს გ ა ნ ვ ი თ ა რ ე ბ ა ს ო ფ ე ლ შ ი , რ ა ც გ ა ნ ს ა ყ უ თ რ ე ბ ი თ X I X ს . 30-ი ა ნ ო

¹ ЦГИАЛ, ф. 1268, оп. 10, (1860 г.), д. 170, л. 15.

² ЦГИАЛ, ф. 1268, оп. 10, (1862 г.), д. 134.

³ ЦГИАЛ, ф. 1268, оп. 10, (1864 г.), д. 137, л. 4.

⁴ И. Г. Антелава, *დასახ. ნაშრ.*, გვ. 176.

⁵ იქვე.

⁶ ЦГИАЛ, ф. 1268, оп. 10 (1865 г.), д. 127, л. 2.

წლებიდან იწყება, იწვევდა ნატურალური მეურნეობის თანდათან რღვევას: ამ დროიდან გლეხურ მეურნეობაში იზრდება სასაქონლო მიწათმოქმედება და წვრილი გლეხური წარმოება. გლეხთა ოჯახებში დამზადებული სასოფლო და სამრეწველო ნაწარმი საკმაოდ დიდი რაოდენობით ტრიალებდა ქვეყანაში.

გლეხები, რომლებიც განიცდიდნენ მიწის მწვავე ნაკლებობას მიემართებოდნენ ქალაქებში, გარესაშოვრებზე. აქ ისინი ცდილობდნენ ეშოვათ ფული, რათა მემამულისათვის გადაეხადათ დალა, სახელმწიფო გადასახადი და გამოეყვებათ ოჯახი. მაგრამ გლეხებს — სახაზინოსა თუ საბატონოს, უფლება არ ჰქონდათ უნებართოდ წასულიყვნენ საცხოვრებელი ადგილიდან. მათ მფლობელებთან შეთანხმება კი ძნელი იყო, რაც იწვევდა გლეხების მასობრივ წასვლას ფარულად, ნებართვის გარეშე. უკვე XIX ს. 20-იანი წლების ბოლოს ასეთი გაქცეული გლეხები საქართველოს ქალაქებში და განსაკუთრებით თბილისში ისეთი დიდი რაოდენობით დაგროვდა, რომ მთავრობა იძულებული გახდა ამ მოვლენისათვის სერიოზული ყურადღება მიექცია¹. მთავარმართებელმა პასკევიჩმა საქართველოს უმაღლეს მთავრობას დაავალა შეედგინა ღონისძიებანი, რომელიც აღკვეთდა გლეხების თვითნებურ წასვლას ფულის შოვნის მიზნითა და სხვა საჭიროებისათვის. მართლაც, ამ მხრივ შემუშავებულ იქნა სათანადო ღონისძიებანი. 1830 წლის კანონით გლეხებს (სახაზინოს, საბატონოსა და საეკლესიოს) უფლება ეძლეოდათ აეღოთ ერთწლიანი პასპორტები და წასულიყვნენ გარესაშოვრებზე. ამით გარესაშოვრები ოფიციალურად ცნო მთავრობამ².

მაინც გლეხები ამ გზაზე დიდ დაბრკოლებებს აწყდებოდნენ. პასპორტის მიღება შეეძლო იმ გლეხს, რომელიც წარმოადგენდა ცნობას, რომ მის დროებით წასვლას არაფერი ელოებოდა. ასეთ ცნობას კი აძლევდნენ იმ გლეხს, რომელსაც ყველა ვალდებულება და გადასახადი შესრულებული და გადახდილი ჰქონდა. კიდევ მეტი, ასეთ გლეხებს, როგორც წესი, წინასწარ უნდი გადაეხადათ ბეგარა და გადასახადები. ეს კი ცხადია, ცოტას შეეძლო³.

მიუხედავად ამ დაბრკოლებისა, გარესაშოვრებმა XIX ს. 30-იანი წლებიდან მიიღო ფართო გავრცელება. ამას უფრო მეტად

¹ И. Г. Антелава. Государственные крестьяне Грузии в первой половине XIX века (до крестьянской реформы 1864) 1955. 23-165.

² იქვე.

³ იქვე, გვ. 166.

მისდევდნენ იმერეთის, რაჭის და ოსეთის გლეხები. გამსვლელი გლეხები უმთავრესად მიდიოდნენ საქართველოს დედაქალაქში — თბილისში. მათი ცხოვრების თანამედროვე დამკვირვებელი 1846 წელს წერდა: „შეხედეთ შავი მუშების კლასის ამ უზარმაზარ მასას თბილისში და სხვა ადგილებში. ისინი ყველა იმერლებია და ოსები... მათი მთავარი ზრუნვა მდგომარეობს იმაში, რომ ფული იშოვონ და ამით გადაიხადოს სახელმწიფო გადასახადი, მემამულის ღალა და იჯახი ასაზროლოს“¹.

გარესამოვრებზე გასვლის გავრცელება ქვეყანაში, სასაქონლო-ფულადი მეურნეობის ცხადი მაჩვენებელი იყო. ამ მოვლენას საქართველოს სოციალ-ეკონომიურ ცხოვრებაში დადებითი მნიშვნელობა ჰქონდა, რადგან იგი იწვევდა მოსახლეობის მოწყვეტას მიწათმოქმედებისაგან და მის ჩაბმას სავაჭრო-სამრეწველო საქმიანობაში, ჰქმნიდა მუშათა კონტინგენტს ნებითდაქირავებული შრომისათვის.

გამსვლელი გლეხების გარდა ქალაქებში მუდმივად ცხოვრობდნენ ხელოსნები, რომლებიც შედგებოდნენ მოქალაქეების, საბატონო, საეკლესიო და სახაზინო გლეხებისაგან.

ნატურალური მეურნეობის რღვევას ხელს უწყობდა ფულადი რენტის განვითარება. XIX ს. 40-იანი წლებიდან საქართველოში შემოღებულ იქნა ფულადი საგადასახადო სისტემა, რომელიც რიგი მახინჯი მხარეების მიუხედავად დადებითი მოვლენა იყო. ამ ახალი საგადასახადო სისტემით მოხდა ყველა კატეგორიის გლეხებზე შეწერილი სახელმწიფო გადასახადთა კომუტაცია (ფულზე გადაყვანა). ამიერიდან გლეხები ვალდებულნი იყვნენ სახელმწიფო გადასახადები ფულით ეხადათ. ეს გარემოება კი მათ აძლულებდა სასოფლო და წინამრეწველური პროდუქციის ნაწილი ბაზარზე გაეტანათ გასაყილად. ამავე დროს ახალი საგადასახადო სისტემის თანახმად, სახელმწიფო გლეხები სახაზინო მიწის საღალო გამოსაღებასაც ფულად იხდიან და ამდენად ადგილი აქვს მიწის ნატურალური რენტის ფულად რენტად გადაქცევის ტენდენციის გაღრმავებას. 40-იანი წლებიდან ასეთივე ტენდენცია შეიმჩნევა მემამულეთა და ყმა-გლეხთა აგრარულ ურთიერთობაში. ხშირი იყო მემამულეთა მიერ ყმა-გლეხთა ნატურალური გამოსაღების ფულად რენტაზე გადაყვანის შემთხვევები. ფულადი საგადასახადო სისტემის გატარება და ფულადი რენტის ზრდა საქართველოში სასაქონლო წარმოების განვითარების შედეგი იყო. ფულად რენტაზე გადასვლა „გულისხმობს ვაჭრობის,

¹ ი. ბ. ვ. ი. გვ. 167.

შაქალაქო მრეწველობის, საზოგადოდ საქონლის წარმოების და ამასთან ერთად ფულადი მიმოქცევის მნიშვნელოვან განვითარებას...¹. ფულადი რენტის ზრდა ხელს უწყობდა ყმა-გლეხების გადაქცევას საქონელმწარმოებლებად, რადგან ფულად ვალდებულებათა შესასრულებლად ისინი იძულებულნი იყვნენ საქონელი დაემზადებინათ ბაზრისათვის. სასაქონლო წარმოებაში მოქცეული გლეხობა დიფერენციაციას განიცდიდა. ფულადი რენტის ღროს უკეთეს პირობებში მყოფ გლეხთათვის „თანდათანობით ვითარდება შესაძლებლობა დააგროვონ განსაზღვრული ქონება და მომავალში თვით იტყვენ კაპიტალისტებად“².

ფულადი სასაქონლო მეურნეობის განვითარების შედეგად გლეხთა ნაწილის ხელში თავს იყრიდა დიდი ფულადი თანხა. ყმა-გლეხებიდან თანდათან გამოიყოფოდნენ მდიდრები — გლეხური ბურჟუაზია, რომლებიც დაგროვილი ფულით ახდენდნენ ყმური დამოკიდებულებისაგან თავის გამოსყიდვას, რის შემდეგ ეწეოდნენ თავისუფალ მეწარმეობას. მოვიყვანოთ რამდენიმე მაგალითი.

1832 წელს, აგვისტოში თავად დავით ორბელიანისაგან თავი გამოისყიდა გლეხმა ავაკაშვილმა ოჯახით 380 მანეთად³. 1843 წლის აგვისტოში გორის მაზრის მცხოვრებმა გლეხმა დედიაშვილმა თავი გამოისყიდა, რისთვისაც თავის მებატონეს გადაუხადა 600 მანეთი. 1835 (თუ 1836) წელს საბატონო გლეხებმა თამაზ, სოსია, კაცია და ნიკოლოზ სვანიძეებმა, რომლებიც თავად ოტია ჯაფარიძის ყმები იყვნენ, სთხოვეს მას გაეთავისუფლებინაზ ისინი ყმობისაგან, რისთვისაც უხდიდნენ 520 მანეთს. 1818 წელს ნინია პაპულაშვილმა და მისმა ძმამ ყმური დამოკიდებულებისაგან თავი გამოისყიდეს, რისთვისაც მებატონეს გადაუხადეს 1000 მანეთი. განსაზღვრული ფულადი თანხის გადახდით ასევე თავი გამოისყიდეს 1833 წელს გლეხებმა ბეჟან და როსტომ ივანიშვილებმა, იმერეთის გლეხებმა: დარსაველიძემ 1838 წელს, კოჩაძემ 1853 წელს⁴. ასეთი მაგალითები ერთეულები როდი იყო.

როგორც ეს შრომის მეორე თავში გვაქვს აღნიშნული, მარტო ქუთაისის გუბერნიაში, სამეგრელოს, აფხაზეთისა და სვანეთის გამოკლებით, 1850—1864 წლებში თავის გამოსყიდვის 1314 შემთხვევა იყო. მარტო 1858—1863 წლებში ამავე გუბერნიაში თავი დაიხსნა 2.750 სულმა, რომლებმაც მემამულეებს ამისათვის გადაუხა-

¹ კ. მარქსი, კაპიტალი, ტ. III, ნაწ. 2, 1934, გვ. 316.

² იქვე, გვ. 318.

³ ი. გ. ანტელავა, დასახ. ნაშრ., გვ. 171.

⁴ იქვე.

ღეს 201544 მანეთი. თავის გამოსყიდვა ხდებოდა როგორც მიწით, ასევე უმიწოდ.

ჩივი წყაროები პირდაპირ აღნიშნავენ რეფორმამდელ საქართველოში მდიდარ გლეხთა ფენის წარმოქმნაზე, რომელთაგან ზოგი წათგანი თავიანთ ბატონებზე უფრო მდიდრები იყვნენ. მეფისნაცვალ ვორონცოვის 1849—1851 წლების ანგარიშში ვკითხულობთ: „გვხვდება გლეხები, რომლებიც, შეიძლება ითქვას, თავიანთ ბატონებზე უფრო მდიდარი, რადგან, უხდიან რა შემამულეებს 1/10 ნაწილს ღვინისას და ამას გარდა მეზობლებთან და თავიანთ ბაღებში მომუშავეებთან სვამენ რა დაახლოებით ღვინის ნახევარს, მათ კიდევ რჩებათ იგი საკმაო რაოდენობით, რათა მისი გაყიდვით მნიშვნელოვანი თანხა დააგროვონ... ისინი ხშირად ეხმარებიან მათ (შემამულეებს — დ. გ.) საჭირო ფულადი სახსრებით“¹. მდიდრები აშკარად გამოირჩეოდნენ არა მარტო დიდი ფულადი თანხის დაგროვებით, არამედ საკუთარი სახნავი და საბალო მიწების სიდიდით, პირუტყვის სიმრავლითა და სახლების ხარისხითაც კი². 1843 წელს ბარონ ჰაკსტჰაუზენი, ეხება რა საქართველოს სახელმწიფო გლეხების ეკონომიურ ყოფა-ცხოვრებას, წერდა, რომ „ისინი ხშირად აგროვებენ ათასობით მანეთს და ხმარობენ მას საადგილმამულო საკუთრების შესაძენად“³. 1855 წელს ქუთაისის ვიცე-გუბერნატორი ვნილოსაროვი მიუთითებდა სახელმწიფო გლეხთა შორის მიწის მკვეთრ არათანაბარ განაწილებაზე ქუთაისის გუბერნიაში. უშუალო მწარმოებელთა მთელი მასის გვერდით, რომლებსაც სრულებით არ გააჩნდათ მიწა და იძულებულნი იყვნენ დაქირავებული შრომა გაეწიათ და მიწა აეღოთ სხვებისგან მოსავლის გარკვეული ნაწილისათვის, იგი ლაპარაკობს ისეთი გლეხების შესახებაც, რომელთაც „აქვთ მიწები ჭარბად. ისინი ამუშავენ მხოლოდ მის საჭირო რაოდენობას, დანარჩენ მიწას კი აძლევენ სხვებს იჯარით“⁴. ჩივი გლეხები შეუძლებლობისა და ვალების გამო ყიდდნენ თავიანთ მიწებსა და ბაღებს. მათ ყიდულობდნენ შეძლებული გლეხები. ასეთი ნაყიდი და ვალში აღებული მიწები და ბაღები შეძლებულ გლეხებს ჰქონდათ არა მარტო იმ ადგილას, სადაც ისინი ცხოვრობდნენ, არამედ სხვა სოფლებშიც⁵.

რეფორმამდელ საქართველოში ფულადი სასაქონლო მეურნეო-

¹ Акты, т. X, зб. 879.

² И. Г. Антелава, დასახ. ნაშრ., зб. 172.

³ П. Гугушвили, СХАО, т. I, зб. 11'.

⁴ И. Г. Антелава, დასახ. ნაშრ., зб. 172—173.

⁵ იქვე, зб. 173.

ბის განვითარების შედეგად, გლესთა თანდათანობითი დიფერენცია-
ციას, მდიდარი მეურნეობის მქონე გლესური ბურჟუაზიის წარმოქ-
მნას მოწმობენ რიგი ფაქტები.

1843 წლის კამერალური აღწერით თელავის მაზრაში გვხვდება
მრავალი სახაზინო შეძლებული გლესი, სოფლის ბურჟუები. თელავის
მაზრის სოფელ ველისციხეში ასეთი გლესები იყვნენ: ბეჟან კარდე-
ნახლიშვილი, რომელსაც ჰქონდა 25 დლიური¹ სახნავ-სათესი მიწა,
რაზედაც მოჰყავდა 120 კოდი² ხორბალი და 20 კოდი სიმინდი,
გააჩნდა ზვარი, საიდანაც შემოსდიოდა 48 საპალნე³ ღვინო, ჰყავდა
2 ცხენი და 12 მსხვილფეხა რქოსანი საქონელი⁴. თევდორე კობია-
შვილი — ჰქონდა 20 დლიური სახნავი მიწა, მოჰყავდა 100 კოდი
ხორბალი, 40 კოდი სიმინდი, აყენებდა 15 საპალნე ღვინოს, ჰყავდა
1 ცხენი და 24 მსხვილფეხა რქოსანი საქონელი⁵. სიმონ კიტუაშვი-
ლს გააჩნდა 20 დლიური სახნავი მიწა, მოჰყავდა 100 კოდი ხორბა-
ლი, 20 კოდი ქერი, 20 კოდი სიმინდი, აყენებდა 18 საპალნე ღვი-
ნოს, ჰყავდა 1 ცხენი, 14 მსხვილფეხა საქონელი და 40 ცხვარი⁶.
სტეფანე ყაზარაშვილს გააჩნდა 60 დლიური სახნავი მიწა,
რაზედაც იწვევდა 300 კოდ ხორბალს და 20 კოდ სიმინდს, გაშენე-
ბული ჰქონდა დიდი ზვარი, ღვინოს აყენებდა 60 საპალნეს, ჰყავდა 2
ცხენი, 30 მსხვილფეხა საქონელი და 150 ცხვარი⁷. გეურქა მიტიჩა-
შვილს გააჩნდა 80 დლიური სახნავი მიწა, რაზედაც იწვევდა 180
კოდ ხორბალს და 40 კოდ სიმინდს, გაშენებული ჰქონდა დიდი ზვა-
რი, საიდანაც აყენებდა 42 საპალნე ღვინოს, ჰყავდა 2 ცხენი, 30
მსხვილფეხა საქონელი და 100 ცხვარი⁸. იოსებ ჭინჭიბუხაშვილს
გააჩნდა 60 დლიური სახნავი მიწა, მასზე იწვევდა 160 კოდ ხორბალს,
20 კოდ სიმინდს. აყენებდა 30 საპალნე ღვინოს, ჰყავდა 2 ცხენი და
52 მსხვილფეხა საქონელი⁹. იაკობ რუაძეს გააჩნდა 20 დლიური სახ-
ნავი მიწა, რაზედაც იწვევდა 180 კოდ ხორბალს, 30 კოდ ქერს და
20 კოდ სიმინდს, ჰქონდა ზვარი საიდანაც აყენებდა 9 საპალნე ღვი-
ნოს, ჰყავდა 10 მსხვილფეხა საქონელი¹⁰. სოფელ ველისციხეში ამ
დროს შეძლებული გლესები იყვნენ აგრეთვე ივანე სოსიაშვილი.

¹ დლიური უდრის ნახევარ დესეტინას.

² კოდი უდრის 2,5 ფუთს.

³ საპალნე უდრის 27 ფუთს.

⁴ საქ. ცსსა, ფონდი 254, აღწერა, 1, საქმე 19.055, ფურც. 8—9:

⁵ იქვე, ფურც. 17—18.

⁶ იქვე, ფურც. 30—31.

⁷ იქვე, ფურც. 35—36.

⁸ იქვე, ფურც. 42—43.

⁹ იქვე, ფურც. 54—55.

¹⁰ იქვე, ფურც. 70—71.

დათია კონიაშვილი, იაკობ თათიაშვილი, აბრამ ზალუაშვილი, გოგია მიტიჩაშვილი, მარტირუს აბმაშვილი და სხვ.

სოფელ ვეჯინში შეძლებული სახაზინო გლეხები იყვნენ: ივანე ქანკოშვილი. მას გააჩნდა 20 დღიური სახნავი მიწა, რაზეც იწვევდა 120 კოდ ხორბალს, 12 კოდ ქერსა და 40 კოდ სიმინდს, აყენებდა 9 საპალნე ღვინოს, ჰყავდა 7 მსხვილფეხა რქოსანი საქონელი. ნინია ბიაშვილს გააჩნდა 30 დღიური სახნავი მიწა, მოჰყავდა 200 კოდი ხორბალი, 40 კოდი ქერი და 40 კოდი სიმინდი, აყენებდა 3 საპალნე ღვინოს, ჰყავდა 10 მსხვილფეხა საქონელი. პეტრე ჯანკოტაშვილს გააჩნდა 40 დღიური სახნავი მიწა, რაზედაც იწვევდა 200 კოდ ხორბალს, 25 კოდ ქერს და 35 კოდ სიმინდს. აყენებდა 6 საპალნე ღვინოს, ჰყავდა 12 მსხვილფეხა რქოსანი საქონელი.

სოფელ გურჯაანში შეძლებული სახაზინო გლეხები იყვნენ: გოგია ტაბლანაშვილი, რომელსაც გააჩნდა 10 დღიური სახნავი მიწა. მოჰყავდა 100 კოდი ხორბალი, 10 კოდი ქერი და 20 კოდი სიმინდი. აყენებდა 24 საპალნე ღვინოს, ჰყავდა 1 ცხენი და 40 მსხვილფეხა რქოსანი საქონელი. გლახა ტაბლანაშვილი, რომელიც იწვევდა 180 კოდ ხორბალს, 20 კოდ ქერსა და 10 კოდ სიმინდს, აყენებდა 18 საპალნე ღვინოს, ჰყავდა 2 ცხენი და 40 მსხვილფეხა საქონელი. იოვა კუპრაშვილს გააჩნდა 30 დღიური მიწა, რაზეც მოჰყავდა 200 კოდი ხორბალი, 30 კოდი ქერი და 40 კოდი სიმინდი. აყენებდა 24 საპალნე ღვინოს, ჰყავდა 1 ცხენი და 80 მსხვილფეხა რქოსანი საქონელი. მახარე კუპრაშვილს გააჩნდა 30 დღიური სახნავი, მოჰყავდა 150 კოდი ხორბალი, 40 კოდი ქერი, 20 კოდი სიმინდი. აყენებდა 12 საპალნე ღვინოს, ჰყავდა 1 ცხენი და 80 მსხვილფეხა რქოსანი საქონელი.

ასევე, ამ დროს მრავალი მდიდარი სახაზინო გლეხი გვხვდება სიღნაღის მაზრაში. 1842 წლის კამერალური აღწერით სიღნაღის მაზრის სოფ. ანაგაში მდიდარი სახაზინო გლეხები იყვნენ: ზაქრო მჭედლიშვილი, რომელსაც გააჩნდა 45 დღიური სახნავი მიწა, რაზედაც წლიურად მოჰყავდა 140 კოდი ხორბალი, 70 კოდი ქერი; აყენებდა 210 ჩაფ.⁸ ღვინოს, ჰყავდა 2 ცხენი, 23 რქოსანი საქონელი და 200 ცხვარი. იოსებ მახაშვილი — გააჩნდა 40 დღიური სახნავი,

1 იქვე, ფურც. 73—74.

2 იქვე, ფურც. 75—76.

3 იქვე.

4 იქვე, ფურც. 77—78.

5 იქვე.

6 იქვე, ფურც. 78—79.

7 იქვე.

8 28 ჩაფი = 1 საპალნეს.

9 საქ. ცსსა, ფონდი 254, აღწ. 1, საქმე 19023, ფურც. 3—4.

მოჰყავდა 300 კოდი ხორბალი. 95 კოდი ქერი; აყენებდა 450 ჩაფ ლეინოს. ჰყავდა 22 ცხენი. 50 რქოსანი საქონელი და 600 ცხვარი¹. იოსებ გოშნიაშვილი — გააჩნდა 400 დღიური სახნავი, მოჰყავდა 300 კოდი ხორბალი, 170 კოდი ქერი; გაშენებული ჰქონდა დიდი ზვარი, საიდანაც აყენებდა 600 ჩაფ ლეინოს. ჰყავდა 3 ცხენი, 30 რქოსანი საქონელი და 200 ცხვარი². გლახა ჯანიაშვილი — გააჩნდა 60 დღიური სახნავი, მოჰყავდა 235 კოდი ხორბალი. 80 კოდი ქერი. აყენებდა 300 ჩაფ ლეინოს. ჰყავდა 1 ცხენი. 35 რქოსანი საქონელი და 80 ცხვარი³. ასეთივე შეძლებული გლეხები სოფ. ანაგაში იყვნენ: გოგია სულიკაშვილი, ივანე ალბანაშვილი და გლახა დარჩაშვილი.

სოფ. ვაჭირში მდიდარი სახაზინო გლეხები იყვნენ: სიმონ მამაიაშვილი, რომელსაც გააჩნდა 60 დღიური სახნავი, რაზედაც მოჰყავდა 200 კოდი ხორბალი. 100 კოდი ქერი, აყენებდა 450 ჩაფ ლეინოს, ჰყავდა 4 ცხენი. 40 რქოსანი საქონელი და 300 ცხვარი. იოსებ მოსაშვილი — გააჩნდა 100 დღიური სახნავი მიწა, მოჰყავდა 400 კოდი ხორბალი. 200 კოდი ქერი; გაშენებული ჰქონდა 12 000 ვაზიანი ზვარი, საიდანაც აყენებდა 600 ჩაფ ლეინოს. ჰყავდა 40 ცხენი. 160 რქოსანი საქონელი და 900 ცხვარი. ბეჟან მოსაშვილს გააჩნდა 50 დღიური სახნავი, რაზედაც იწვედა 400 კოდ ხორბალს და 200 კოდ ქერს, აყენებდა 450 ჩაფ ლეინოს. ჰყავდა 15 ცხენი, 80 რქოსანი საქონელი და 200 ცხვარი. აბრამ ნანობაშვილი — გააჩნდა 40 დღიური სახნავი. მოჰყავდა 300 კოდი ხორბალი და 100 კოდი ქერი; აყენებდა 600 ჩაფ ლეინოს. ჰყავდა 5 ცხენი, 60 რქოსანი საქონელი და 400 ცხვარი⁴. სოფ. ვაჭირში ასევე შეძლებული გლეხები იყვნენ: თევდორე დავითაშვილი, დიმიტრი კოჩიაშვილი, გლახა ხუცაშვილი⁵ და სხვ.

სოფელ ჯულანში მდიდარი სახაზინო გლეხები იყვნენ: ბიძინა ალადაშვილი, რომელიც იწვედა 200 კოდ ხორბალს და 100 კოდ ქერს; გაშენებული ჰქონდა დიდი ზვარი, საიდანაც აყენებდა 900 ჩაფ ლეინოს. ჰყავდა 1 ცხენი, 20 რქოსანი საქონელი და 400 ცხვარი. არუთინ ხიტერაშვილი — მოჰყავდა 300 კოდი ხორბალი და 150 კოდი ქერი; აყენებდა 460 ჩაფ ლეინოს, ჰყავდა 8 ცხენი, 50 რქოსანი საქონელი და 500 ცხვარი. ასევე აქ მდიდარი გლეხები იყვნენ: გრი-

¹ იქვე, ფურც. 9—10.

² იქვე, ფურც. 14—15.

³ იქვე, ფურც. 33—34.

⁴ იქვე, ფურც. 86—89, 96—97.

⁵ იქვე, ფურც. 65—66, 83—84, 106—107.

გოლ ზედელაშვილი, სოლომონ კიკლაშვილი და მირზა აბულაშვილი¹.

სოფელ პაპიანში მდიდარი სახაზინო გლეხები იყვნენ: სისია ზასილაშვილი, რომელსაც წლიურად მოჰყავდა 300 კოდი ხორბალი და 180 კოდი ქერი; აყენებდა 300 ჩაფ ღვინოს. ჰყავდა 5 ცხენი, 40 რქოსანი საქონელი და 400 ცხვარი. გოგია ბუკიაშვილი — მოჰყავდა 400 კოდი ხორბალი და 100 კოდი ქერი; აყენებდა 450 ჩაფ ღვინოს, ჰყავდა 10 ცხენი, 80 რქოსანი საქონელი და 700 ცხვარი. ნინია ჯალიაშვილი — მოჰყავდა 300 კოდი ხორბალი და 100 კოდი ქერი; აყენებდა 330 ჩაფ ღვინოს, ჰყავდა 9 ცხენი, 4 რქოსანი საქონელი და 400 ცხვარი. ასევე მდიდარი გლეხები იყვნენ აქ, ანდრო და გრიგოლ ბეგიაშვილები, გრიგოლ ჯალიაშვილი და სხვ.²

სოფელ ქვემო მანხაანში მდიდარი სახაზინო გლეხები იყვნენ: დავით ქანკორაშვილი, რომელსაც მოჰყავდა 240 კოდი ხორბალი და 120 კოდი ქერი; აყენებდა 180 ჩაფ ღვინოს, ჰყავდა 4 ცხენი, 18 რქოსანი საქონელი და 780 ცხვარი. სოლომონ მენტეშაშვილი — მოჰყავდა 300 კოდი ხორბალი და 200 კოდი ქერი; აყენებდა 600 ჩაფ ღვინოს, ჰყავდა 4 ცხენი, 30 რქოსანი საქონელი და 400 ცხვარი. მდიდარი გლეხი იყო აგრეთვე ამ სოფელში ზაქრო ქანკორაშვილი³.

სოფელ მირზაანში მდიდარი სახაზინო გლეხი იყო მოსე გონაშვილი, რომელსაც მოჰყავდა 520 კოდი ხორბალი და 80 კოდი ქერი, ჰყავდა 10 ცხენი, 120 რქოსანი საქონელი და 700 ცხვარი⁴.

სოფელ ზემო მანხაანში მდიდარი სახაზინო გლეხი იყო ლუარსაბ კოჩიაშვილი, რომელსაც მოჰყავდა 400 კოდი ხორბალი და 120 კოდი ქერი, აყენებდა 240 ჩაფ ღვინოს, ჰყავდა 15 ცხენი, 55 რქოსანი საქონელი და 800 ცხვარი⁵.

სოფელ ნუკრიაანში მდიდარი სახაზინო გლეხი იყო გიორგი ქართველიშვილი, რომელსაც გააჩნდა 60 დღიური სახნავი მიწა, რაზედაც მოჰყავდა 200 კოდი ხორბალი და 120 კოდი ქერი; აყენებდა 210 ჩაფ ღვინოს. ჰყავდა 7 ცხენი, 50 რქოსანი საქონელი და 400 ცხვარი⁶.

მდიდარი გლეხები იყვნენ აგრეთვე სიღნაღის მაზრის სხვა სოფლებშიც.

¹ იქვე, ფურც. 189—221.

² იქვე, ფურც. 224—234.

³ იქვე, ფურც. 242—261.

⁴ იქვე, ფურც. 344—345.

⁵ იქვე, ფურც. 431—432.

⁶ იქვე, ფურც. 582—583.

ზემოთ მოტანილ მდიდარ გლეხურ მეურნეობებში, ეკვი არაა გამოყენებული იქნებოდა დაქირავებული შრომა. რიგ შეძლებულ გლეხურ ოჯახებში საკმაო რაოდენობით არ იყო მუშახელი, რომელიც მეურნეობას გაუძღვებოდა. ასე მაგალითად, გლეხ ოვია კუპრაშვილის ოჯახში ითვლებოდა 2 შრომისუნარიანი მამაკაცი. 30 დღიური მიწის და ზეარის დამუშავებას (აყენებდა 24 საბ. ღვინოს) და 80 მსხვილფეხა რქოსანი საქონლის მოვლას, ცხადია, 2 კაცი ვერ შეძლებდა. გლეხ გეურქა მიტიჩაშვილის ოჯახში ითვლებოდა 3 შრომისუნარიანი მამაკაცი. 80 დღიური მიწის და ვენახის დამუშავებას, რომელიც მას გააჩნდა, აგრეთვე 2 ცხენის, 30 მსხვილფეხა რქოსანი საქონლისა და 100 ცხვარის მოვლას, ცხადია, 3 კაცი ვერ შეძლებდა. ამიტომ, უეჭველად, ასეთი შეძლებული გლეხები თავიანთ მეურნეობაში იყენებდნენ დაქირავებულ შრომას დღიური მუშებისა და ასევე, სავსებით დასაშვებია, წლიური და მუდმივი მოჯამაგირის შრომას. ამას ამტკიცებს რიგი ცნობები, რომლებიც პირდაპირ მიუთითებენ უმიწაწყო და ღარიბ გლეხთა დაქირავებულ შრომაზე. 1844 წლის აღწერით თელავის მაზრის სოფელ ჩალაუბნის მცხოვრებ სახაზინო გლეხ სოსია მენაბდეშვილის ოჯახისა (ცხოვრობდა თავად ვაჩნაძის მიწაზე) და სოფელ ჩუმლაყის მცხოვრებ სახაზინო გლეხ ზურაბ მგალობლიშვილის ოჯახის შესახებ აღნიშნულია, რომ ისინი „თავს ირჩენენ“ და „ცხოვრობენ დღიური მუშაობით“¹. ასეთივე „დღიური“ დაქირავებული შრომით ცხოვრობდნენ სახაზინო გლეხები: სოფელ ახალშენში გრიგოლ ცხადაძის ოჯახი², სოფელ ზეგანში ზაქრო კვერნაძის ოჯახი³, სოფელ მუკუზანში ხუცაშვილის ოჯახი⁴. სოფელ ზიარის სახაზინო გლეხებს, აგანეზაშვილსა და ოგანაშვილს არ გააჩნდათ მიწები და ოჯახებით ცხოვრობდნენ თავად ანდრონიკაშვილის გლეხებისაგან ნაქირავებ სახლებში. მათ შესახებ აღნიშნულია, რომ „სახნავი მიწის უქონლობის გამო სხვებთან ეწევიან დღიურ მუშაობას ქირით“⁵. სოფელ შიბლიანის სახაზინო გლეხების დავით ხეიძისა და დავით ჩოკოშვილის ოჯახები, რომელთაც მიწა არ გააჩნდათ, საბატონო გლეხების მიწებს ამუშავებდნენ და მით ირჩენდნენ თავს⁶. სოფელ ჭიმითში 16 სახაზინო გლეხი ცხოვრობდა საეკლესიო გლეხებისაგან ნაქირა-

¹ საქ. ცსსა, ფონდი 254, აღწერა 1, საქმე 19.055. ფურც. 102—103. 122—123.

² იქვე, ფურც. 123—124.

³ იქვე, ფურც. 126—127.

⁴ იქვე, ფურც. 127—128.

⁵ იქვე, ფურც. 128—129.

⁶ იქვე, ფურც. 137—138.

ვებ სახლებში. მათ მიწა არ გააჩნდათ და დაქირავებული შრომითა და წვრილმანი ვაჭრობით ირჩენდნენ თავს. ამ 16 გლეხის შესახებ კამერალურ აღწერაში წერია: „სახნავი მიწის უქონლობის გამო ზოგიერთები დაქირავებული შრომით შოულობენ საზრდოს ადგილობრივ შეძლებული მცხოვრებლებისაგან, ზოგიერთები კი ყიდულობენ ქალაქებში წვრილმან ფართლეულობას და დააქეთ სოფლებში გასაყიდათ და მონაგებით არჩენენ თავიანთ თავსა და ოჯახებს“¹. სოფელ ჩაილურში 10 სახანინო გლეხი ცხოვრობდა თავად ჩერქეზიშვილების მიწებზე. მიწა მათ არ გააჩნდათ და ამუშავებდნენ მემამულეებისა და მათი გლეხების ბალებს, რისთვისაც ლებულობდნენ საზღაურს და მით ირჩენდნენ თავს².

1823 წ. კამერალური აღწერით თბილისის მაზრაში ითვლებოდა 1073 საბატონო გლეხთა კომლი. აქედან დღიურ-დაქირავებული შრომით თავს ირჩენდა 63 კომლი. ამის გარდა საბატონო გლეხთაგან მაზრაში ითვლებოდა „ღარიბი მიწათმოქმედი“ 64 კომლი, ლატაკი — 4 კომლი³. სახანინო გლეხთა კომლი მაზრაში ითვლებოდა 456. აქედან დღიურ-დაქირავებული მუშაობით თავს ირჩენდა 94 კომლი⁴. სულ თბილისის მაზრაში 1823 წელს ითვლებოდა 2.029 საბატონო და სახანინო გლეხთა კომლი. აქედან დღიურ დაქირავებულ მუშაობას ეწეოდა 157 კომლი; ამის გარდა „ღარიბი მიწათმოქმედი“ ითვლებოდა 85 კომლი, ლატაკი — 16.

უნდა ვითქვით, რომ დაახლოებით ასეთივე სურათი უნდა ყოფილიყო საქართველოს სხვა მაზრებშიც.

მაშასადამე, როგორც ვხედავთ, რეფორმამდელ საქართველოში ფულადი-სასაქონლო მეურნეობის განვითარებისა და გლეხთა ქონებრივი დიფერენციაციის შედეგად, სოფელში წარმოქმნილია მსხვილი გლეხურ-ბურჟუაზიული მეურნეობანი, სადაც სოფლის ლატაკ-უმიწაწყლოთა დაქირავებული შრომა იყო გამოყენებული.

რეფორმამდელ საქართველოში გლეხთა თანდათანობითი დიფერენციაციის შესახებ ლაპარაკობენ აგრეთვე ფაქტები, რომლებიც მოწმობენ რიგი გლეხების მისწრაფებას, გადავიდნენ მოქალაქეთა წოდებაში. გლეხთა შეძლებული ნაწილი, კომერციული ოპერაციებით გამდიდრებული, ახერხებდა ჩარიცხულიყვნენ მოქალაქეთა წოდებაში. ასე მაგალითად, 1831 წელს გლეხმა ბოდოკიამ, რომელიც ვაჭრობდა ქ. ქუთაისში, იმერეთის მმართველობას მიმართა

¹ ი. ქ. ე. ფურც. 132. 133—134.

² ი. ქ. ე. ფურც. 177.

³ საქ. ცსსა, ფონდი 254, აღწ. 1, საქ. 608.

⁴ საქ. ცსსა, ფონდი 254, აღწ. 1, საქ. 609.

განცხადებით ჩაერიცხათ იგი „ამ ქალაქის კაპიტალისტების რიცხვში“. 1841-1845 წლებში საქართველოში მარტო სახაზინო გლეხებიდან მოქალაქეთა წოდებაში („в городские жители“) ჩარიცხეს 38 კაცი¹.

თბილისის გუბერნიის 1860—1861 წლების კამერალური აღწერის მონაცემებით, ქალაქების მცხოვრებთა რიცხვში ჩარიცხული იყო 873 კომლი ანუ 3.695 სული საბატონო გლეხი². ამას გარდა ქალაქებში ფარულად ცხოვრობდნენ აგრეთვე რიგი გლეხები, რომლებიც იქ სავაჭრო-სამრეწველო საქმიანობას ეწეოდნენ, ე. ი. ისინი ფაქტიურად იყვნენ ქალაქელები.

ზოგიერთი ვაჭრები, რომლებიც გლეხთა წრიდან იყვნენ გამოსულნი, ტოვებდნენ სოფლის მეურნეობას და თავიანთ საქმიანობას მთლიანად სავაჭრო-კომერციულ საქმიანობას უთმობდნენ. ბევრი მათგანი განთქმული იყო თავისი კაპიტალის სიდიდითა და სავაჭრო ოპერაციების მასშტაბით. გლეხთა წრიდან გამოსული ასეთი მსხვილი ვაჭრები იყვნენ XIX ს. პირველ ნახევარში მამუკა, იაკობ და გრიგოლ ნიკოლაძეები, ბაბუა, მამა და ბიძა ცნობილი საზოგადო მოღვაწის, ნიკო ნიკოლაძისა. 30-იანი წლების ნახევრიდან მამუკა ნიკოლაძე და მისი შვილები სავაჭროდ დადიოდნენ არა მარტო თბილისში, არამედ რუსეთშიაც. ნ. ნიკოლაძის მოწმობით მამამისი და ბიძა დადიოდნენ საქსონიაშიც, ლეიპციგის იარმუკაზე და მოქქონდათ სხვადასხვაგვარი საქონელი. ეს ვაჭრები ცხოვრობდნენ ქ. ქუთაისში. აქედან ისინი მიდიოდნენ თბილისში. თბილისიდან ვლადიკავკაზში, ხოლო აქედან როსტოვის გავლით ნიჟნი ნოვგოროდში. აქ ცნობილ მაკარიევის იარმუკაზე ისინი ყიდულობდნენ საქონელს და გზავნიდნენ საქართველოში სახმელეთო ტრანსპორტით. ეს მოგზაურობა გრძელდებოდა ნახევარი წელიწადი და მნიშვნელოვნად ძვირი ჯდებოდა. ნ. ნიკოლაძის მოწმობით, ერთი ფუთი ტვირთის ჩამოტანა ჯდებოდა 5 მანეთი ვერცხლით. მაგრამ შემდეგში, იაკობ ნიკოლაძემ დაიწყო გემის დაქირავება და საქონლის გადატანა სამდინარო-საზღვაო გზით, რამაც დიდად შეამცირა როგორც მგზაურობის დრო, ასევე სატრანსპორტო ხარჯები. ამის შემდეგ ნ. ნიკოლაძის მოწმობით, ვაჭრებს შორის მისი მამის ტოლი არავინ ყოფილა³.

ფართოდ იყვნენ ცნობილნი აგრეთვე თავიანთი მნიშვნელოვანი

¹ П. Г. Антелава, დასახ. ნაშრ., გვ. 173.

² იქვე.

³ იქვე, გვ. 174.

⁴ იქვე, გვ. 174—175.

კომერციული ოპერაციებით, გლახთა წრიდან გამოსულნი: დათა კედია, ბათა პაკორია, როსტომ კედია, ცხაკუნია მიხელიაშვილი, ალექსი შენგელია, ბასა გრიგოლია, როსტომ წულესკირი და სხვები¹.

როგორც ვხედავთ, ბურჟუაზიული ურთიერთობა შეიქრა გლახურ მეურნეობაშიც. რეფორმამდელ საქართველოში სასაქონლო ფულადი ურთიერთობის განვითარების შედეგად სოფლის უშუალო მწარმოებელი — გლახობა დიფერენცირებას განიცდის. ყმა-გლახებიდან თანდათან გამოიყოფიან მდიდრები — გლახური ბურჟუაზია — რომლებიც ახერხებდნენ თავის გამოსყიდვას და ეწეოდნენ თავისუფალ მეწარმეობას, ვაჭრობას, მეიჯარადრობას, მევახშეობას და ა. შ. იზრდებოდა წერილი სასაქონლო წარმოება და გლახური სარეწები, სადაც მიმართავდნენ ნებითდაქირავებულ შრომას. მაგრამ ბურჟუაზიული ურთიერთობის განვითარებას გლახურ მეურნეობაში, ისე როგორც ფეოდალურ-მემამულურში, ხელს უშლიდა ბატონყმური ურთიერთობა, ყმის მიწაზე მიმაგრება და პირადი თავისუფლების უქონლობა. ეს აბრკოლებდა სოფლის მეურნეობაში ახალი მწარმოებლური ძალების განვითარებას, თავისუფალი კაპიტალისტური საქმიანობის გაჩაღებას. ეს გარემოება აშკარა გახდა XIX ს. 50-იან წლებში. ქვეყნის ეკონომიურმა განვითარებამ ბატონყმობის კრიზისი გამოიწვია.

ბატონყმობის გაუქმება სოფლის მეურნეობის განვითარების საწინდრად მიაჩნდათ თვით ცარიზმის მოხელეებს. ისინი დარწმუნდნენ ამაში 50-იანი წლების ბოლოსა და განსაკუთრებით 60-იანი წლების დასაწყისში. თბილისის სამოქალაქო გუბერნატორი 1861 წელს აღნიშნავდა, რომ გლახთა განთავისუფლებით სოფლის მეურნეობა მნიშვნელოვნად გაუმჯობესდება². ამავე აზრს გამოთქვამდა იგი გუბერნიის 1864 წლის ანგარიშში³. ასევე ქუთაისის სამოქალაქო გუბერნატორი 1864—65 წლების ანგარიშებში მრეწველობის, სოფლის მეურნეობისა და ვაჭრობის განვითარების საქმეში დიდ იმედებს ამყარებდა საბატონო გლახების განთავისუფლებაზე, რომელიც, მისი განცხადებით, ქმნიდა თავისუფალი „მუშახელის სიქარბეს და ცვლიდა სამეურნეო ცხოვრების მთელ საწყისებს“⁴.

1863 წელს „საქართველოს მოამბეში“ დაიბეჭდა დავით ყიფიანის „სხვადასხვა ამბავი“, სადაც ავტორი აშკარად აცხადებს ნებით-

¹ იქვე, გვ. 175.

² ЦГИАЛ, ф. 1268, оп. 10 (1862), д. 124, л. 3.

³ ЦГИАЛ, ф. 1268, оп. 10 (1865), д. 127, л. 6.

⁴ იქვე.

დაქირავებული შრომის უპირატესობას ყმის შრომასთან შედარებით. ყმის შრომასთან შედარებით „თავისუფალი შრომა უფრო ნაყოფიერია“¹-ო. წერდა იგი. ბატონს რომ ყმები არ ჰყავდეს, მაშინ იგი ნებითდაქირავებულ შრომას („თავისუფალ შრომას“) „გასწევლა“, რაც მეურნეობის გაუმჯობესებას გამოიწვევდაო. გლეხების განთავისუფლებას მებატონეთა პირად დამოკიდებულებათაგან და მათ „თავისუფალ შრომაზე“ გადასვლას, იგი უკვე „დროების“ მოთხოვნილებად თვლის. დავით ყიფიანი იქვე წერს, რომ ეს გარემოება შეგნებული აქვს თვით თავადაზნაურობასო („ამას უთუოთა, ჰკრძნობს ქართველობის კეთილ-შობილი ნაწილი და გლეხებს თავისუფალ შრომაზე დაყენება ეძლევათ“)². მართლაც მემამულეთა მნიშვნელოვანი ნაწილი საქართველოში ამ დროს კარგად ხედავდა, რომ ბატონყმური დამოკიდებულება უშლიდა ხელს სოფლის მეურნეობის განვითარებას. ამ მხრივ საინტერესოა მოვიყვანოთ საგლებო რეფორმის წინ ლიხაძის მაზრის 69 მემამულის მიერ წარდგენილი „აზრი“, სადაც ეს აშკარად არის აღნიშნული: „Нет сомнения, что крестьяне должны быть освобождены от крепостной зависимости. Необходимо возбудить силы к частному труду для развития предприимчивости в сельском хозяйстве, стесняемой и задерживаемой крепостным состоянием“³.

ამგვარად, XIX საუკუნის მეორე მესამედში, საქართველოში სოფლის მეურნეობა წინა პერიოდთან შედარებით სწრაფად ვითარდება. როგორც შრომის მეორე თავიდან ჩანს 30-იანი და განსაკუთრებით 40-იანი წლებიდან ირღვევა ნატურალურ-კარჩაკეტილი მეურნეობა, ვითარდება სასაქონლო წარმოება, ვაჭრობა, სავაჭრო მიწათმოქმედება.

სასაქონლო წარმოებისა და სოფლის მეურნეობის განვითარებამ გამოიწვია ბურჟუაზიულ მეურნეობათა წარმოშობა, ამ ფაქტს კი უდიდესი მნიშვნელობა ჰქონდა სოფლის მეურნეობაში ბურჟუაზიული ურთიერთობის განვითარებისათვის.

ბურჟუაზიული ურთიერთობა სოფლად შეიქრა როგორც მემამულურ, ისე გლეხურ მეურნეობაში. ბურჟუაზიულ მეურნეობებში ავითარებდნენ ღვინისა და აბრეშუმის წარმოებას, მესაქონლეობას, მებოსტნეობას, მოჰყავთ ბამბა, თამბაქო, ენდრო, სორგო და სავაჭ-

¹ „საქართველოს მოამბე“, 1863, № 4.

² იქვე.

³ შ. ჩხეტიანი, საგლებო რეფორმის ისტორიისათვის საქართველოში 1950, გვ. 174.

რო მიწათმოქმედების სხვა კულტურები; აწარმოებდნენ სოფლის მეურნეობის პროდუქტთა ტექნიკურ გადამამუშავებას; ხდიდნენ არაყსა და სპირტს. დიდი რაოდენობით ამზადებდნენ საბაზროდ ყველს, (მათ შორის შვეიცარულს), ერბოს, კარაქს და სხვ. ამავე დროს აწუობდნენ მანუფაქტურულ საწარმოებს. ბურჟუაზიული მეურნეობანი მიმართავდნენ ექსპლოატაციის კაპიტალისტურ წესს — დაჭირავებულ შრომას, დაბოლოს, ზოგი მათგანი ევროპული სასოფლო-სამეურნეო მანქანა-იარაღების გამოყენებას.

ასევე დაჭირავებულ შრომასა და საზღვარგარეთული მანქანა-იარაღების გამოყენების ცდებს მიმართავდნენ აგრეთვე ზოგიერთი მსხვილი საბატონო მეურნეობანი, რომლებიც კაპიტალისტური განვითარების გზას ადგნენ.

მაგრამ, როგორც აღვნიშნეთ, ბურჟუაზიულ მეურნეობათა განვითარება და საბატონო მეურნეობათა ევოლუცია აწყდებოდა მთელ რიგ დაბრკოლებებს, რის მიზეზიც ბატონყმური ურთიერთობა იყო, ქვეყნის ეკონომიურმა განვითარებამ ამ ურთიერთობის კრიზისი გამოიწვია. სასაქონლო წარმოებისა და ვაჭრობის განვითარება, სავაჭრო მიწათმოქმედების ზრდა, ნატურალურ-კარჩაკეტილი მეურნეობის რღვევა, ბატონყმური დამოკიდებულებებისაგან ყმა-გლეხთა თავდახსნის პროცესის გაძლიერება, გლეხთა ლტოლვა ვარესაშოვრებზე, ქალაქებში წამსვლელ გლეხთა რაოდენობის ზრდა ნებართვითა და უნებართოდ, დაჭირავებული შრომის ხვედრითი წონის თანდათანობითი ზრდა, ბურჟუაზიულ მეურნეობათა გაჩენა, საბატონო მამულების მნიშვნელოვანი ნაწილის (თითქმის მესამედის) დაგირავება, ასევე საბატონო მამულებისა და ყმების მნიშვნელოვანი რაოდენობით დაკარგვა ვალში და ვახში, გლეხთა მისწრაფება თავისუფალი მეწარმეობისაკენ და სხვ., — ყველაფერი ეს ბატონყმური წყობილების კრიზისის და მისი რღვევის მაჩვენებელი იყო. ბატონყმური ურთიერთობის კრიზისი საქართველოში ასევე აშკარად გამოიხატა ბატონყმობის წინააღმდეგ იმ უამრავ პროტესტებსა და აჯანყებებში, რომლებსაც ადგილი ჰქონდა XIX ს. 30—50-იან წლებში და ბატონყმობის გაუქმების წინ. ახალი საწარმოო ძალების განვითარებისათვის საჭირო იყო მისი მოსპობა.

კაპიტალისტური სამრეწველო საწარმოები საქართველოში რეზორმამდე ხანაში

რეფორმამდე საქართველოში კაპიტალისტური საწარმოები ჩნდებიან და ვითარდებიან მრეწველობაშიც. ამ ხანის მრეწველობაში გაბატონებული ფორმები იყო საოჯახო, ხელოსნური და შინამრეწველური წარმოება. მაგრამ ქვეყნის ეკონომიური განვითარების შედეგად ჩნდება მრეწველობის მაღალი ფორმებიც — კაპიტალისტური მანუფაქტურები, ხოლო აქა-იქ ფაბრიკებიც. ჩვენს მიზანს აქ არ შეადგენს განვიხილოთ საოჯახო, ხელოსნური და შინამრეწველური წარმოება. შრომის ამ თავში განვიხილავთ შედარებით მსხვილ სამრეწველო საწარმოებს (მანუფაქტურები, ფაბრიკები) და დავახასიათებთ მათ სოციალ-ეკონომიურ ბუნებას, რომელიც ჩვენ კაპიტალისტურად მიგვაჩნია. ასევე მოცემული იქნება სამრეწველო საწარმოთა რიცხოვნობა და მათ მიერ გამომუშავებული პროდუქციის ზრდის დინამიკა. ასევე ნაჩვენები იქნება მრეწველობაში დაქირავებული შრომის გამოყენების გაზვირება, სავაჭრო-სამრეწველო მოსახლეობის ზრდა ქვეყანაში, რაც მრეწველობაში კაპიტალისტური ურთიერთობის ზრდას ნიშნავდა.

რეფორმამდე საქართველოში კაპიტალისტური საწარმოები მრეწველობაში ჩნდებიან აბრეშუმის, შალის, შაქრის, სამთო-საქარხნო, მექანიკური, მინის, ტყავის, საპნის აგურის და წარმოების რიგ სხვა დარგებში. ჩვენც მათ დარგების მიხედვით განვიხილავთ.

აბრეშუმის წარმოება

(აბრეშუმსახვევი საწარმო თბილისში)

მეაბრეშუმეობის საქმე საქართველოში ძველი დროიდანვე ფართოდ იყო ცნობილი. რუსეთის მთავრობამ მის განვითარებას ჩვენში დიდი ყურადღება მიაქცია. იმ მრავალ პროექტებში, სადაც დასახული იყო მთელი რიგი კულტურების, სამრეწველო და სასოფლო-სამეურნეო დარგების განვითარება, ერთ-ერთი პირველი ადგილი მეაბრეშუმეობას ეკირა. საქართველოში რომ საუცხოო პირობები არსებობდა მეაბრეშუმეობის განვითარებისათვის ეს იცოდნენ რო-

გორც რუსეთში, ისე ევროპაშიც და უცხოეთიდან აქ ჩამოსული ბევრი სასოფლო-სამეურნეო თუ სამრეწველო მეთაოსნე ცდილობდა მისთვის მოეკიდა ხელი.

პირველა უცხოელი, რომელმაც მიზნად დაისახა აბრეშუმის ამონხვევის ევროპული წესი შემოეტანა და დაენერგა საქართველოში იყო ფრანგი ვაჭარი კასტელა, კასტელამ კავკასიაში მოგზაურობის დროს სცნო, რომ აქ წარმატებით შეიძლებოდა განეთარებულიყო მრეწველობა მდიდარი ბუნებისა და კლიმატის გამო. მისი მთავარი წინადადება იყო გაეგრეტელებინათ ამიერკავკასიაში აბრეშუმის ამონხვევისა და ძახვის ევროპული წესი, რადგან ამიერკავკასიის მთელი რიგი პროვინციები მას აბრეშუმის მდიდარ ოლქებად მიაჩნდა. ამ მიზნით მან საჭიროდ მიიჩნია თბილისში მოეწყო აბრეშუმსახვევი ფაბრიკა, რომელიც აბრეშუმის ევროპული წესით ამონხვევის მაგალითის მიმცემი იქნებოდა მთელს ამიერკავკასიაში.

მან ფინანსთა მინისტრ გურიევისადმი წარდგენილ თხოვნაში სურვილი გამოთქვა სამუდამოდ დასახლებულიყო თბილისში და სამეურნეო მოღვაწეობის მიზნით გამოითხოვა განსაკუთრებული პრივილეგიები მაუდის ფაბრიკისა და აბრეშუმსართავი ფაბრიკების მოსაწყობად თბილისში¹. ფინანსთა მინისტრი არ დათანხმდა კასტელას თხოვნის პირველ მუხლს — თბილისში მაუდის ფაბრიკის დაარსებაზე. რადგან ეს მისი აზრით. გამოიწვევდა მაუდის მრეწველობის შევიწროებას რუსეთში². რაც შეეხება კასტელას წინადადებას — მოეწყო საქართველოში აბრეშუმსახვევი ფაბრიკა იმ სახით, როგორც საფრანგეთსა და იტალიაში იყო, მისაღებად სცნეს. რადგან იმედს გამოთქვამდნენ, რომ ამ საქმის სრულყოფის შემთხვევაში რუსეთის ფაბრიკებს შესაძლებლობა ექნებოდათ საქართველოში დამზადებული ნართი აბრეშუმი მიეღოთ და განთავისუფლებულიყვნენ უცხოეთიდან მისი შემოზიდვისაგან. კასტელას აზრით, ასეთი სრულყოფილი საწარმო მხოლოდ საქართველოში შეიძლებოდა შექმნილიყო.

კასტელამ განიზარაბა მოეწყო ეს საწარმო ისეთი დიდი მასშტაბით, რომ მას შეძლებოდა მთელი ამიერკავკასიის აბრეშუმის ნედლეულის ვადამუშავება. რადგან ეს მის შეძლებას აღემატებოდა, მთავრობისაგან ფულადი დახმარების თხოვნის გარდა მან მოიწვია კერძო პარები აქციონერების სახით. პეტერბურგში „თხოვნის“ მიცემის შემდეგ კასტელა საფრანგეთში წავიდა საჭირო მასალებისა-

¹ Акты, т. VI, ч. I, зв. 264:

² იქვე.

და ინსტრუმენტების საყიდლად და ფრანგი ოსტატების მოსაწვევად, აიდანაც თბილისში 1825 წელს დაბრუნდა. ამავე წელს კასტელამ და მისმა კომპანიონმა დიდლომ საცდელად ამოახვიეს შირვანის, ნუხისა და ყარაბაღის აბრეშუმი¹. ეს საცდელი ამოხვევა სრული წარმატებით დამთავრდა და ამოხვეული აბრეშუმის ნაწილი ფინანსთა მინისტრს ზაუგზავენეს². 1826 წელს კასტელას დაუმტკიცეს პრივილეგიები. იგი შემდეგში გამოიხატებოდა: 1. აბრეშუმის ამოხვევა და ძახვა კასტელას მანქანებით უნდა ეწარმოებინათ, მისთვის ცნობილი ხერხით, 2. ადგილობრივ მცხოვრებთ არ ჰქონდათ უფლება ასეთი მანქანებით ამოხვევათ აბრეშუმი და ეწარმოებინათ ძახვა კასტელასა და დიდლოს განსაკუთრებული ნებართვის გარეშე, 3. მცხოვრებთათვის უფლება მიეცათ აბრეშუმის პარკი, რომელიც მათ ხაზინაში უნდა შეეტანათ გადასახადის სახით, კასტელასათვის მიეყიდათ სახელმწიფო ფასში, 4. მთავრობას ხელი უნდა შეეწყობათ მათთვის აბრეშუმის პარკის შექენაში³. ამავე დროს კასტელამ დაითანხმა მთავრობა, რუსეთში მყოფი პატიმარი ქალების შრომა გამოეყენებინა თავის საწარმოში⁴.

პრივილეგიების დამტკიცების შემდეგ იმპერატორ ნიკოლოზ 1-ის 1827 წლის 29 იანვრის ბრძანებით კასტელას მიეცა სესხი 30.000 მანეთი⁵. კასტელას ნება დართეს ესარგებლა პირველი გილდიის ვაჭრის უფლებით საგილდიო გადასახადების გაუღებლად⁶. კასტელასათვის უნდა მიეცათ აგრეთვე ამიერკავკასიის სხვადასხვა პროვინციებში 2.000 დესეტინა მიწა, რომელსაც თვით აირჩევდა; ამ მიწებზე მას უნდა გაეშენებინა თუთის ხის პლანტაციები და ჯაქსაზლებინა ევროპელი მებარეშუმე-სპეციალისტები.

1827 წლის 22 აპრილს, კასტელამ და მისმა მეგობრებმა დიდლომ და გერნოზანტიმ, კონტაქტი დასდეს პოლკოვნიკ თავად გოლიცინთან, რომლის თანახმად გოლიცინი „ამხანაგობაში“ შევიდა და კასტელამ მისგან მიიღო 13571 მანეთი და 18 ყმა, მუშახელი. დიდლომ და გერნოზანტიმ 1827 წლის 1 იანვრიდან კასტელას დაუთმეს მთელი ქონება, რაც კი მათ თბილისში გააჩნდათ: მანქანები, ინსტრუმენტები, სართავი დაზგები, სხვადასხვა საქონელი და ნივთები. თვით კასტელამ ვალდებულება იკისრა ამ საწარმოო ამხანაგობაში შეეტანა 80.000 მანეთი და აბრეშუმის პარკები, რომელ-

¹ ЦГИАЛ, ф. 18, оп. 2, д. 395, ч. I, л. 45.

² იქვე.

³ Акты, т. VI, ч. I, гл. 271.

⁴ Акты, т. VII, гл. 3, 7.

⁵ ЦГИАЛ, ф. 18, оп. 2, д. 396, ч. II, л. 2.

⁶ იქვე.

ბიც მთავრობას მისთვის უნდა მიეცა. სულ, კასტელამ ხაზინიდან. თავად გოლიცინისაგან, დილოსაგან, გერნოზანტისაგან და მაიორ. ვენიერისაგან მიიღო 242339 მან.¹

ამ საფუძველზე კასტელა შეუდგა ფაბრიკის ნაგებობათა აგებას. 1828 წელს მან მოაწყო დროებითი, განცალკევებული აბრეშუმსახვევი საწარმო მოსაწყობი ფაბრიკის მახლობლად; შიგ დადგა აბრეშუმის საძახავი ხელწისქვილი. ამ საძახავ მანქანაზე წარმოებდა შუშაობა კასტელას სიკვდილამდე. კასტელას განზრახული ჰქონდა აბრეშუმსახვევი ფაბრიკა მოეწყო აგრეთვე ნუხის პროვინციაში და იმერეთში. იმერეთში ეს ფაბრიკა კულაშში უნდა აგებულიყო.² ფაბრიკაში უნდა დაედგათ 160 ლახვა, რომლებიც მოძრაობაში უნდა მოეყვანა ორთქლის მანქანას.³ კასტელამ იქ ჩაიტანა 3 ლახვა, მოზიდა დაფები, მორები და სხვ.⁴ კასტელამ ითხოვა 40000 მანეთი ასიგნაცია (10000 მან. ვერცხლით) კულაშში აბრეშუმსახვევი ფაბრიკის ასაგებად. მაგრამ მთავრობამ ჯერჯერობით ამასზე თავი შეიკავა და კასტელას სესხზე უარი უთხრა.

1828 წლის სექტემბრისათვის „ფაბრიკის“ მოწყობა თბილისში თითქმის ძირითადად დამთავრებული იყო. ფაბრიკა შეიკავდა 12 ფლიგელს, რომლებიც სხვადასხვა დანიშნულებისათვის იყენენ განკუთვნილნი.⁵ რაც შეეხება პატიმარ ქალთა სახლის აგებას, იგი იმავე წლის დეკემბერში უნდა დამთავრებულიყო, სადაც შესაძლებელი იქნებოდა 400-მდე პატიმარი ქალის მოთავსება.⁶ ამიტომ კასტელამ მოითხოვა პატიმარი ქალები საქართველოში 1828 წლის ნოემბერში გამოეგზავნათ. 1828 წელს, ფაბრიკის ამუშავების დროისათვის კასტელას მოგროვილი ჰქონდა 600 ფუთი აბრეშუმის პარკი.⁷ 1828 წლის აგვისტოში მოხდა საცდელი ამოხვევა ახლად მოწყობილ ფაბრიკაში, მაგრამ იმავე თვეში კასტელა მძიმე ავად შეიქნა, ხოლო იმავე წლის 16 ნოემბერს იგი გარდაიცვალა. სწორედ ამ დროს ფაბრიკა ის-ის იყო უნდა ამუშავებულიყო.

ამის შემდეგ მთავრობამ თბილისის აბრეშუმსახვევი საწარმოს ხელმძღვანელობა კასტელას მთავარ კომპანიონს თავად გოლიცინს შესთავაზა, რადგან კასტელამ ყველაზე უფრო დიდი თანხა მისგან მიიღო. ამიტომ ბუნებრივია, იგი ყველაზე მეტად იქნებოდა დაინტე-

¹ Акты. т. VII, кн. 169.

² საქ. ცსსა, ფონდი 2, აღწერა 1, საქმე 8887, ფურც. 153, 173.

³ იქვე, ფურც 175—176.

⁴ საქ. ცსსა, ფონდი გან. მნიშ. საქ., საქმე 52, ფურც. 27.

⁵ ЦГИАЛ, ф. 18, оп. 2, д. 397, ч. III, л. 7.

⁶ Акты. т. VII, кн. 3.

⁷ ЦГИАЛ, ф. 18, оп. 2, д. 396, ч. II, л. 196.

რესკული საწარმოს წარმატებით, რათა გაღებული ფული მისგან ამოედო. გოლიცინმა მიიღო წინადადება. მაგრამ ფაბრიკის საბოლოო მოწყობისათვის და მანქანების დადგმისათვის იგი ითხოვდა 224.000 მანეთს¹.

კასტელას კომპანიონებმა დიდლომ და გერნოზანტიმ თავის მხრივ წარადგინეს გეგმა საწარმოს მუშაობის შესახებ, მაგრამ ესენიც ითხოვდნენ ხაზინისაგან ფულს — 200.000 მანეთს². ფინანსთა მინისტრმა როგორც გოლიცინის წინადადება, ასევე დიდლოსა და გერნოზანტის უარყო და საქართველოს მთავარმართებლისადმი გაგზავნილ მიმართვაში მოითხოვა ფაბრიკა მთლიანად გადასულიყო ხაზინის ხელში³.

კასტელას ფაბრიკაში იმყოფებოდა გოლიცინის ყმები — 18 სული⁴. თვით გოლიცინი თბილისში ჩამოვიდა 1829 წელს, დაათვალიერა ფაბრიკა, წარადგინა თავისი გეგმა, რომელიც არ დაუმტკიცეს⁵. ამის გამო ყმები მას უკან წაუყვანია, რადგან ფაბრიკაში ისინი ამის შემდეგ არ ჩანან.

ფაბრიკა სახაზინო წარმოებად იქცა⁶. შეიქმნა „საფაბრიკო კომიტეტი“. რომელსაც ხელმძღვანელობდა უნდა გაეწია საწარმოს მუშაობისათვის. დასგების რიცხვი, რომელიც კასტელას დროს საწარმოში 12 შეადგენდა გაზრდილი იქნა 40-მდე, რადგან 12 დასვა ვერ შეძლებდა კასტელას მიერ დაგროვილი 600 ფუთი პარკი აბრეშუმის გადამუშავებას. საწარმოს ტექნიკური მხარის მოწყობის შემდეგ დაჭირავეს სათანადო მუშახელი და შეუდგნენ წარმოებას.

ფაბრიკა ამუშავეს 1828 წლის 21 დეკემბრიდან და მუშაობა გაგრძელდა მთელი ზამთრის განმავლობაში. ამ ხნის განმავლობაში აბრეშუმის დამუშავება წარმოებდა მხოლოდ და მხოლოდ დაჭირავებული მუშებისა და ოსტატების საშუალებით. როგორც კასტელას დროს, რომელიც აბრეშუმის დამუშავებას დაჭირავებული მუშებითა და ოსტატებით აწარმოებდა ცალკე მოწყობილ აბრეშუმსახვევ საწარმოში, ასევე მის შემდეგაც ამუშავებულ მთავარ „ფაბრიკაში“ აბრეშუმის წარმოება შრომის სისტემატურ დანაწილებაზე იყო დამყარებული: „ნედლი პარკის შერჩევა, მონარშვა, ამონხევეა, ამონხეველი ძაფის გაშრობა და დახარისხება, რთვა, ნართის დახვეწა და

¹ ЦГИАЛ, ф. 18, оп. 2, д. 398, ч. IV, л. 89.

² იქვე, ფურც. 91.

³ იქვე, ფურც. 103.

⁴ ЦГИАЛ, ф. 18, оп. 2, д. 397, ч. III, лл. 7, 134.

⁵ ЦГИАЛ, ф. 18, оп. 2, д. 399, ч. V.

⁶ ЦГИАЛ, ф. 18, оп. 2, д. 398—399.

დახარისხება -- ცალ-ცალკე. ერთმანეთისგან დამოუკიდებელი ოპერაციის სახით იწარმოებოდა¹. ფაბრიკაში იღვრა გაუმჯობესებელი დაზგები და ინსტრუმენტები, რომლებიც მოძრაობაში მოჰყავდათ მუშებს. ფაბრიკაში ამზადებდნენ ორგანზინს (ქსელი), ტრამას (მისაქსელი ძაფი), საკერავ ძაფს და სხვ. დამზადებულ საქონელს მოსკოვში ასაღებდნენ: ამვეარად. კასტელას ფაბრიკა სახაზონო მანუფაქტურული საწარმოო დაწესებულება იყო. სადაც იყენებდნენ დაქირავებულ შრომას, მუშაობა ხელით წარმოებდა და გატარებულ იყო შრომის სისტემატური დანაწილება.

როგორც ზემოთ აღნიშნეთ, კასტელას სიკვდილის შემდეგ ფაბრიკის ხელმძღვანელობისათვის შეიქმნა „საფაბრიკო კომიტეტი“ (იარსება 1834 წლამდე), ხოლო ფაბრიკის მმართველად ამ დროიდან 1831 წლამდე იყო ბარონ უნგერნ-შტერნბერგი. საწარმოს მეთვალყურე კი მის დროს ემერიხი იყო. 1831 წლიდან 1834 წლამდე საწარმოს მმართველი იყო კოლექსკი ასესორი ზუბარიოვი, საწარმოში მეთვალყურედ კი ფრანგი შერო. საწარმოში დატოვეს ძველი ოსტატები და მუშები, რომლებიც კასტელას სიკოცხლეში აწარმოებდნენ აბრეშუმის დამუშავებას ცალკე მოწყობილ აბრეშუმსახვევ პატარა საწარმოში. 1829 წლის მარტამდე აბრეშუმის ამომხვევნი და დაზგების მოძრაობაში მომყვანი სულ ქართველები იყვნენ — ნებითდაქირავებული მუშები. რთვას (გრენას, გაორფებას, ძახვას) კი უცხოელი ოსტატები გლიაზალი და დიუფური აწარმოებდნენ. სართავი (საძახავი) დაზგები მოძრაობაში 2 ქართველს მოჰყავდა. 1829 წლის იანვარ-თებერვალში ფაბრიკაში 23 ნებითდაქირავებულ ქართველს ვებდავთ, რომელთაგან 11 კაცი ამომხვევი იყო. დანარჩენნი კი დაზგებს ატრიალებდნენ. აბრეშუმის თითოეულ ამომხვევს თავში აძლევდნენ 10 მანეთს, ხოლო დაზგის დამტრიალებელს (მოძრაობაში მომყვანს) 8 მანეთს²; სართავი (საძახავი) დაზგის მოძრაობაში მომყვანს თვეში აძლევდნენ 12 მანეთს³, მრთველებს (მძახავებს) გლიაზალსა და დიუფურს გაცილებით მეტი ეძლეოდათ. ოსტატი გლიაზალი საწარმოში მთელ მის ოჯახს ამუშავებდა და თვეში ღებულობდა 155 მან. და 50 კაპიკს; სოფიო დიუფური კი 31 მანეთსა და 50 კაპიკს.

1829 წლის მარტიდან ზემოთ აღნიშნული ოსტატებისა და მუ-

¹ პ. გუგუშვილი — კაპიტალიზმის წარმოშობა და განვითარება საქართველოში და ამიერკავკასიაში, თბილისი, 1940, გვ. 220.

² საქ. ცსსა, ფონდი გან. 36. საქ. საქმე 55, ფურც. 210.

³ იქვე.

შების გვერდით ჩვენ ვხედავთ თურქ სამხედრო ტყვეებს. ამ თვიდან იწყება თურქი სამხედრო ტყვეების მოყვანა ფაბრიკაში. მათი რიცხვი თანდათან მატულობდა და ბოლოს 51 კაცამდე ავიდა. სამხედრო ტყვეებს იყენებდნენ შეშის საჭრელად და დასაპობად, პარკების დახარისხებისათვის და მანქანების მოძრაობაში მოსაყვანად. ბოლო ხანებში მათ აბრეშუმის ამოხვევაც ისწავლეს და 10-მდე კაცს ამ საქმეზე იყენებდნენ. მათ საშუალოდ თვეში აძლევენ 5 მანეთს. თურქი სამხედრო ტყვეების გამოყენება ფაბრიკაში გაგრძელდა 1829 წლის 21 ნოემბრამდე, რის შემდეგ ისინი სამშობლოში გაუშვეს. ამიერიდან საწარმოში მუშაობა კვლავ გადადის მთლიანად ნებითდაქირავებულ შრომაზე. ფაბრიკაში ჰყავდათ მოწაფეები (შეგირდები), რათა მათ აბრეშუმის წარმოება შეესწავლათ.

საინტერესოა, რა და რამდენი ღირებულების პროდუქცია გამოიშვა ფაბრიკამ ამუშაების დროიდან (1828 წლის 21 დეკემბრიდან) გარკვეულ დრომდე, და რა დაჯდა იგი. 1828 წლის 21 დეკემბრიდან 1829 წლის 21 აგვისტომდე ამოხვეული იყო 153 ფუთი პარკი. აქედან პირველ და მეორე საყაჭეში ამოახვიეს 16 ფუთი და 2 გირვანქა. დართული იქნა: ორგანზინი 4 ფუთი და 18 გირვანქა, ტრამა — 6 გირვანქა, საკერავი ძაფი — 14 გირვანქა¹.

1828 წლის 21 დეკემბრიდან 1829 წლის 19 ივნისამდე გამოიშვა შემდეგული აბრეშუმი დაჯდა:

პირველ საყაჭეში I გირვანქა

| | | |
|--------------------------------|---------|-----------|
| აბრეშუმის ამოხვევა | 14 მან. | 39,2 კაბ. |
| მეორე საყაჭეში | „ 5 | 58,2 „ |
| დართვა დაჯდა: 1 გირ. ორგანზინი | 13 მან. | 75,8 კაბ. |
| ტრამა | 11 | 32 |
| საკერავი ძაფი | 3 „ | 62 |
| გირვანქა ორგანზინი ღირდა | 28 მან. | 15 კაბ. |
| ტრამა | 25 „ | 71,2 „ |
| „ საკერავი ძაფი „ | 9 „ | 20,2 „ |

ნათელი წარმოდგენა რომ ვიქონიოთ ფაბრიკის რენტაბელობაზე, მოვიყვანთ შემდეგ ცნობებს; 1828 წლის 21 დეკემბრიდან 1829 წლის 6 ნოემბრამდე ფაბრიკაზე დაიხარჯა:

| | |
|---------------------------------|-----------|
| ნებითდაქირავებულ ამომხვევთათვის | 1284 მან. |
| მანქანების მოძრაობაში მომყვან | |
| ნებითდაქირავებულეებზე | 304 მან: |

¹ საქ. ცსსა, ფონდი გმს, საქ. 52, ფურც. 96—97.

| | |
|---|---------------------------------|
| თურქ სამხედრო ტყვეებზე | 2142 მან. 80 კაპ. |
| შეშისათვის | 2899 მან. 80 კაპ. |
| ნებითდაქირავებული მუშე- ბისათვის, რომლებიც ამოდ- რავებდნენ სართავ დაზგებს | 51 მან. 20 კაპ. |
| ფლიგელის მოწყობისათვის, საძახავი ხელწისქვილისა და სხვათა შეკეთებისათვის | 2473 მან. 40 კაპ. |
| მრთველი ოსტატისათვის | 1707 მან. 75 კაპ. |
| და სხვა საჭიროებისათვის სულ | 13865 მან. 93 კაპ. ¹ |

ამ ხნის მანძილზე ფაბრიკამ გამოიმუშავა ორგანზინი, ტრ.მა, საკერავი ძაფი, ფრიზონი და სხვა, სულ 5163 მანეთის პროდუქტია².

ზემოთ მოყვანილი ციფრობრივი მონაცემები ნათლად გვიჩვენებს რომ ფაბრიკამ მუშაობის დაწყებიდან თითქმის ერთი წლის მანძილზე, გაცილებით მეტი ხარჯი მოითხოვა, ვიდრე პროდუქტია გამოიმუშავა. ახალი ფლიგელის მოწყობაზე დახარჯული თანხის გამოკლებით, საწარმოს მუშაობაზე თითქმის 2-ჯერ მეტი დაიხარჯა მის მიერ გამოიმუშავებულ პროდუქციის ღირებულებასთან შედარებით.

ხარჯების შემცირების მიზნით საფაბრიკო კომიტეტმა განიზრახა გამოეყენებინა არათავისუფალი შრომა. როგორც ვიცით, ჯერ კიდევ კასტელა ფიქრობდა პატიმარ ქალთა მუქთი შრომის გამოყენებას საწარმოში, რაზედაც მთავრობა დაითანხმა კიდევ. ფაბრიკის მუშაობაზე გაღებულმა ხარჯებმა კიდევ უფრო დაარწმუნა საფაბრიკო კომიტეტი მის საჭიროებაში. ამ მხრივ, როგორც ვიცით, კასტელას სიცოცხლეშივე სათანადო ნაბიჯები იქნა გადადგმული: თბილისში აშენდა პატიმარ მუშა-ქალთა სახლი, სადაც 400-მდე სული მოთავსდებოდა და შეუდგნენ პატიმარი ქალების გამოგზავნას. 1831 წლის 21 თებერვალს მინისტრთა კომიტეტმა დაადგინა, რომ ქალები და გოგონები, რომლებსაც სასამართლო მიუსჯის ფაბრიკა-ქარხნებში მუშაობას, ციმბირის ნაცვლად გაიგზავნონ თბილისში, პირველად 200-მდე სული, ხოლო თუ საჭირო იქნებოდა ეს რიცხვი 400-მდე გაეზარდათ. თბილისში, მუშათა სახლში, პატიმარი ქალები უნდა გამოეგზავნათ მახლობელი გუბერნიებიდან: დონისა და შავი

¹ საქ. ცსსა, ფონდი გმს., საქმე 56, ფურც. 56.
² იქვე, ფურც. 56-57.

ზღვისპირეთის კახაკთა მიწიდან, კავკასიის ოლქიდან და მალოროსიიდან, ნოვოროსიის. ვორონეჟის, ტამბოვის, ასტრახანის, სარატოვის, სლობოდსკი-ჟუკაინისა და კურსკის გუბერნიებიდან¹. ხელფასი პატიმარ მუშა ქალებს ფაბრიკიდან უნდა მიეღოთ². ამ დადგენილების საფუძველზე დაიწყო პატიმარი ქალების გამოგზავნა საქართველოში.

1829 წლის 21 ნოემბრიდან, როდესაც თურქი სამხედრო ტყვეები ფაბრიკიდან დაითხოვეს, 1832 წლის მარტამდე საწარმოში მუშაობა მთლიანად დაქირავებული მუშებით და შეგირდებით წარმოებდა. ჩვენ ხელთ გვაქვს ფაბრიკის მუშაობის თითქმის ყველა წლის უწყისი და აღნიშნული მონაკვეთის დოკუმენტები, რომლებიც ნათლად მოწმობენ ამას. 1831 წელს სომეხი მოსახლეობის შემოწმებისათვის, ამიერკავკასიაში გამოაგზავნეს სტატსკი სოვეტნიკი ფონ კრონეიკი³. მას დაუთვალა იერებია და ბარათი შეუდგენია კასტელას ფაბრიკაზე. წარმოებაში ჩაბმულ მუშა-ხელზე იგი წერს, რომ ფაბრიკაში „მუშები და მუშა ქალები იყვნენ ფრანგები და ქართველები, მაგრამ უფრო მეტად უკანასკნელნი“⁴, ე. ი. უმრავლესობა საწარმოში ნებითდაქირავებული ქართველები იყვნენ.

1832 წლის მარტიდან კი ფაბრიკაში ვხედავთ პატიმარ ქალებს. ამ თვეში საწარმოში 6 პატიმარი ქალი იყო, რომელთაც თითოეულს დღეში 15 კაპიკს აძლევდნენ. მათი რიცხვი ყოველ თვე იზრდებოდა და ამ წლის ბოლოს იგი 40-მდე ავიდა, ხოლო 1833 წლის ბოლოს ფაბრიკაში 88 პატიმარი ქალი იყო. მათ უნდა დაეხარისხებინათ პარკი და ამოეხვიათ აბრეშუმი.

მთავარმართებელმა ბარონ როზენმა (1831—1837 წწ.), 1834 წელს გააუქმა თბილისის აბრეშუმსახვევი საიმპერატორო ფაბრიკის „საფაბრიკო კომიტეტი“ და ამავე წლის 10 აპრილიდან საწარმოს მმართველად (გამგედ) დანიშნა ფრანგი ტესერი, რომელიც 1837 წლამდე განაგებდა მას. ერთი წლით ადრე, 1833 წელს, ნადვორნი სოვეტნიკმა ავსოვიმ, ბარონ როზენის დავალებით შეადგინა „ვაჭარ კასტელას მიერ დაწყებული თბილისის აბრეშუმსახვევი ფაბრიკის აღდგენის პროექტი“⁵, სადაც ავტორი, საყურადღებო აზრს გამოთქვამდა ფაბრიკაში თავისუფალი და არათავისუფალი შრომის გამოყენებაზე და იძლეოდა მის შეფასებას. მისი აზრით, აბრეშუმის ევროპული წესით დამუშავებისათვის საჭირო იყო საწარმოში უცხოელი

¹ საქ. ცსსა, ფონდი გმს, საქმე 56, ფურც. 245.

² იქვე.

³ ЦГИАЛ. ф. 18, оп. 2, д. 400, ч. VI, л. 118.

⁴ იქვე.

⁵ საქ. ცსსა, ფონდი გმს, საქმე 58.

ოსტატების ყოფნა, ხოლო მუშები და მუშა ქალები უნდა მოეყვანათ პეტერბურგისა და მოსკოვის „სააღმზრდელი სახლებიდან“. ამიერკავკასიის მცხოვრებთაგან კი შეიძლება დავიჭიროთ მამაკაცები, ხოლო ქალების დაქირავება შეუძლებელია აზიური ადათის მიხედვით. რომლითაც ქალებს ეკრძალებათ ასეთ დაწესებულებებში მამაკაცებთან მუშაობა. რაც შეეხება პატიმარი ქალების იაფი შრომის გამოყენებას, რომელზედაც დიდ იმედებს ამყარებდნენ, ავტორი უარყოფს მის რაიმე სარგებლობას: „Употребление к работам на фабрике преступных женщин, присылаемых сюда из России вместо ссылки в Сибирь, не представляет удобства либо не говоря уже о том, что женщины сии кончили гражданскую жизнь и следовательно нельзя предположить в них желаний приобрести новые сведения, а если бы и допустить его, то оно не может принести пользы в отношении к распространению чрез них искусства, многие из них слишком стары, имеют дурное зрение, слабы здоровьем и большею частью развратного поведения, которое может послужить гибельным примером для прочих“¹. იგი მოითხოვდა ფაბრიკაში მყოფი პატიმარ ქალთა ნაწილის დათხოვნას (როგორც წარმოებისათვის უვარგისების) და მათი გამოვსავნის შეწყვეტას. მიუხედავად ასეთი მოსაზრებისა, არათავისუფალი შრომა ფაბრიკაში ფართოდ იქნა გამოყენებული.

მაგრამ მალე ცხადი შეიქნა, რომ პატიმარი ქალები წარმოების არცოდნის გამო არ შეიძლებოდა გამოეყენებინათ წარმოების მთავარი ოპერაციებისათვის — ამოხვევისა და რთვისათვის. თანაც ისინი გულგრილად ეციდებოდნენ საქმეს და არ აინტერესებდათ აბრეშუმის წარმოება შეესწავლათ. ფაბრიკის გამგე ტესერი მალე დაარწმუნდა ამაში და მათ მეორეხარისხოვან, არაკვალიფიციურ სამუშაოს ასრულებინებდა, ხოლო აბრეშუმის წარმოების ძირითად ოპერაციებს ამოხვევასა და რთვას მეტწილად დაქირავებული მუშები და ოსტატები ასრულებდნენ. ფაბრიკაში 100-ზე მეტი პატიმარი ქალი ირიცხებოდა. პატიმარ ქალებს თითოეულს დღეში აძლევდნენ 15 კაპიკს². წარმოებაში ქალების მხრივ ხშირად ადგილი ჰქონდა დაუდევრობასა და თავხედობას. დასჯის მიზნით, ქალები გამოიშვებულ აბრეშუმს მტკვარში უყრიდნენ ერთმანეთს³. მიუხედავად იმისა, რომ მათ ადმინისტრაცია ზანტიკად სჯიდა, მაინც ხშირი იყო ასეთი შემთხვევები, რაც დიდ დანაკლისს იწვევდა. ფაბრიკის ნორმალური მუშაობის დროს მასში მუშაობდა 45 პატიმარ ქალამ-

¹ იქვე. ფურც. 32.

² საქ. ცსსა, ფონდი 272, საქმე 5, ფურც. 4.

³ საქ. ცსსა, ფონდი 272, საქმე 8.

დე, ყაზარმაში კი უქმად იჯდა 55-60 ქალამდე, რომელთა შენახვა ფაბრიკას აწევა. ხშირად ყაზარმაში უქმად მყოფი ქალების შენახვა ფაბრიკას თვეში უჯდებოდა 300-400 მანეთზე მეტი. ასე მაგალითად, 1835 წლის ივნისის თვეში საწარმოში მუშაობდა 10 ქალი. 86 კი ყაზარმაში იჯდა უქმად მთელი თვე, რომელთა შენახვა საწარმოს დაუჯდა 387 მანეთი. ივლისის თვეში აბრეშუმის ამოხვევაზე მუშაობდა 8 ქალი, ყაზარმაში კი იჯდა 96, რომელთა შენახვა საწარმოს დაუჯდა 446 მანეთი¹. 1836 წ. თებერვალში წარმოებაში მუშაობდა 45 ქალი, ყაზარმაში კი უქმად იჯდა 60. ასევე იყო მარტში, ხოლო ივნისში წარმოებაში მუშაობდა 13, ყაზარმაში კი უქმად იჯდა 91 ქალი². ტესერს წარმოების ზარალის ძირითად მიზეზად პატიმარი ქალების უქმად ყოფნა მიაჩნდა: „Очевидно, что со времени нового управления фабрикой количество выработанного шелку уменьшило потери казны в % и даже более, и если бы не возлагалось в обязанность фабрики содержать женщин, совершенно для оной бесполезных, то убытки бы совершенно и исчезли“.³

ხშირად წარმოება შეჩერებული იყო ნედლეულის უქონლობისა და ინსტრუმენტების რემონტის გამო. საწარმო ღებულობდა ცუდი ხარისხის ნედლეულს, რადგან მოსახლეობა დაინტერესებული არ იყო გადასახადი აბრეშუმზე („მეათედი“) კარგი ნედლეულით (პარკებით) დაეფარა. თანაც ფაბრიკაში მის დამუშავებას ხშირად აწარმოებდნენ ცუდად, რის გამო დანაკლისი დიდი იყო, ხოლო მიღებული პროდუქცია დაბალი ხარისხისა. ამიტომ მოსკოვის ბაზარზე ფასიც შედარებით დაბალი ჰქონდა. ფაბრიკის პროდუქცია უწყობსებში მოცემულია ცალკეული თვეებით, აქ ჩვენ მას მოვყევანთ წლების მიხედვით. ტესერის მმართველობის დროს ფაბრიკამ გამოიმუშავა პროდუქცია:

| წლები | პროდუქცია (ნართი) | |
|-------|-------------------|-----------------|
| | ფუთი | გირვანქა |
| 1834 | 33 | 26 ⁴ |
| 1835 | 38 | 2 ⁵ |
| 1836 | 40 | 37 ⁶ |
| 1837 | 51 | 30 ⁷ |

¹ იქვე.

² საქ. ცსსა, ფონდი 272, საქმე 11.

³ საქ. ცსსა, ფონდი 272, საქმე 5, ფურც. 8.

⁴ იქვე, ფურც. 8-19.

⁵ საქ. ცსსა, ფონდი 272, საქმე 8, ფურც. 1-37.

⁶ საქ. ცსსა, ფონდი 272, საქმე 11, ფურც. 1-33.

⁷ საქ. ცსსა, ფონდი 272, საქმე 12, ფურც. 2-31.

ფაბრიკის მიერ გამომუშავებული პროდუქცია (ნართი) შედგებოდა ქსელის, მისაქსელისა და საკერავი ძაფისაგან.

ფაბრიკის გამგის — ტესერის ხელმოწერილი უწყისები ნათელ წარმოდგენას იძლევა საწარმოზე, მისი ზარალისა და წარუმატებლობის მიზეზებზე და იმის შესახებ თუ რატომ ვერ ანაზღაურებდა ფაბრიკის მიერ გამოშვებული პროდუქცია ხაზინის მიერ მისი მუშაობისათვის გაღებულ ხარჯებს. ავილოთ 1834-1837 წლები. ამ წლებში ფაბრიკა შედარებით უკეთ მუშაობდა ვიდრე სხვა წლებში. 1834 წელს ფაბრიკამ გამოიმუშავა 34 ფუთამდე აბრეშუმი (ნართი), ამ წელს კი ხაზინამ ფაბრიკის მუშაობისათვის გაიღო 9.000 მანეთი¹. ცხადია. გამომუშავებული პროდუქცია (34 ფუთამდე აბრეშუმი) ვერ აანაზღაურებდა მას. 1835 წელს საწარმომ გამოუშვა 38 ფუთი აბრეშუმი, ხაზინამ კი მისი მუშაობისათვის (დაჭირავებული მუშაოსტატებისათვის, პატიმარი ქალების შესანახად, შეშისათვის, მანქანებისა და ინსტრუმენტების რემონტისათვის და სხვ.) გაიღო 8.400 მანეთი². მიუხედავად იმისა, რომ ფაბრიკამ წინა წელთან შედარებით მეტი პროდუქცია გამოუშვა და ხაზინისაგან ნაკლები ფული მრილო, იგი მაინც ვერ აანაზღაურებდა სესხს. 1836 წელს ფაბრიკამ გამოუშვა 28 ფუთამდე ნართი პროდუქცია, ხაზინისაგან კი მიიღო 11.500 მანეთი³.

1837 წელს ფაბრიკამ გამოუშვა 46 ფუთი ნართი აბრეშუმი. ხაზინამ კი ამ წელს მისი მუშაობისათვის გაიღო 10.000 მან.⁴ ასე გაგრძელდა შემდეგ წლებშიც და ხაზინამ არა თუ ამოიღო წარმოებულიდან მასზე ადრე გაღებული 62.000 მანეთი, არამედ ფაბრიკის დავალიანება ხაზინის მიმართ 100.000 მან. ავიდა.

უწყისიდან კარგად ჩანს წარმოების არარენტაბელობის მიზეზები, რომლებიც ჩვენ უკვე აღვნიშნეთ: ფაბრიკა ხშირად პროვინციებიდან ღებულობდა ცუდ ნედლეულს და ამიტომ დაბალი ხარისხის პროდუქციას უშვებდა, გამომუშავებული პროდუქციის რაოდენობა ცოტა იყო. ასეთ დიდ წარმოებას გაცილებით მეტი უნდა მოეცა. პატიმარი ქალები გულგრილად ეკიდებოდნენ საქმეს; ისინი, როგორც არათავისუფალი შრომის წარმომადგენლები, არ სწავლობდნენ აბრეშუმის წარმოებას, ხშირად ტოვებდნენ ფაბრიკას, ქურდობდნენ, მტკვარში ყრიდნენ აბრეშუმს და სხვ. ყოველივე ამის გამო, წარმოებაში დანაკლისი ყოველთვის დიდი იყო; იგი გამომუ-

¹ საქ. ცსსა, ფონდი 2, აღწერა 1, საქმე 4803, ფურც. 5.

² იქვე.

³ იქვე.

⁴ იქვე.

შავებულ, პროდუქციის თითქმის ნახევარს შეადგენდა. ყველაზე მეტად ფაბრიკის დავალიანებას პატიმარი ქალების უქმად ყოფნა იწვევდა. ეს იყო წარმოების არარენტაბელობის მთავარი მიზეზი. ფაბრიკის ნორმალური მუშაობის დროსაც კი პატიმარი ქალების უმრავლესობა ყაზარმაში იჯდა უქმად.

ღაბოლოს. აღსანიშნავია თვით მეფის მექრთამე მოხელეების დაუდევრობა და ბოროტმოქმედება. გარდა იმისა, რომ ისინი არაფერს ზრუნავდნენ ფაბრიკის ნორმალურ მუშაობაზე, ხაზინიდან მიღებული ფულის ნაწილს ფლანგავდნენ და ითვისებდნენ. საკმარისია აღინიშნოს თვით ფაბრიკის გამგის, ტესერის საქციელი. მან ნებაყოფლობით იკისრა ფაბრიკის მართვა და 1834 წლის 10 აპრილიდან განაგებდა წარმოებას. მთავარმართებლის ხაზინა ყოველწლიურად აძლევდა ფულს ფაბრიკის საჭიროებისათვის. 1834 წელს ხაზინამ ფაბრიკას მისცა 9.000 მან.¹ 1835 წელს — 8.400 მან. 1836 წელს — 11500 მან. 1837 წელს — 10.000 მან.² ამას გარდა ფაბრიკის სხვადასხვა საჭიროებისათვის ხაზინამ 1835—1837 წლებში დამატებით გაიღო კიდევ 830 მან. და 70 კაპ.³ სულ ხაზინამ 1834—1837 წლებში, 4 წლის მანძილზე, აბრეშუმსასხვევი საწარმოს მუშაობისათვის გაიღო 39730 მანეთი.⁴

შემოწმების დროს ტესერს არ აღმოაჩნდა ამ ფულის მიღებისა და დახარჯვის ანგარიშები. გამოირკვა, რომ ტესერმა გაანიავა სახაზინო ქონება და ფული თვითონ მიითვისა.⁵ იგი ხშირად ხელფასს არ აძლევდა დაქირავებულ მუშებსა და ხელოსნებს რამდენიც ეკუთვნოდათ.⁶ იმ საქმეში, სადაც ტესერის ბოროტმოქმედებაა განხილული, აღნიშნულია, რომ მებაღე ზაქარიაშვილი, რომელიც ფაბრიკაში ზეინკლებთან მუშაობდა, არაფერს ღებულობდა; ზეინკალი სააკაშვილი ხელფასს მთლიანად ვერ ღებულობდა, ასევე ექცეოდა პატიმარ ქალებსაც და სხვ.⁷ ტესერი მხილებულ იქნა ბოროტმოქმედებაში. მთავარმართებელ გოლოვინის მიერ 1838 წელს იგი მოხსნილ იქნა თანამდებობიდან და მისცეს პასუხისგებაში. თუ რამდენად გულგრილად და უპასუხისმგებლოდ ეკიდებოდა ეს მექრთამე მოხელე ამ საქმეს, ჩანს მისი განცხადებიდან, სადაც აღ-

¹ საქ. ცსსა, ფონდი 2, აღწერა 1, საქმე 4803, ფურ. 5.

² იქვე.

³ იქვე.

⁴ იქვე.

⁵ საქ. ცსსა, ფონდი 2, აღწერა 1, საქმე 5075.

⁶ იქვე, ფურ. 99—112.

⁷ იქვე.

ნიშნავს, რომ მთავარმართებელმა ბარონ როზენმა იგი პირადი ნდობის საფუძველზე დანიშნა ფაბრიკის მმართველად და რომ „მე არ შევსულვარ სახელმწიფო სამსახურში, არ მიმიღია არაერთარი ფიცი“ და ბარონ როზენი მომმართვედა ყოველთვის, როგორც „უცხოველ მრეწველს“, უყურებდა რა ჩემს თანამდებობას, როგორც ჩემს მხრივ კომერციულ წამოწყებასო!.

1838 წელს მთავარმართებელმა გოლოვინმა ფაბრიკის მმართველად ემერიხი დანიშნა, მაგრამ ამან საქმეს ვერ უშველა. ემერიხი შეეცადა შეემცილებინა ფაბრიკის ხარჯები და მოგება მიეღო. ამ მიზნით მან დაიწყო არათავისუფალი შრომის ფართოდ გამოყენება წარმოებაში. პატიმარ ქალებს შეასწავლა აბრეშუმის ამოხვევა, რომელიც აქამდე მეტწილად დაქირავებული მუშების საშუალებით ხდებოდა. თითოეულ დაქირავებულ ამომხვევს თვეში ეძლეოდა 8 მან. ვერცხლით. ემერიხმა, მას შემდეგ რაც ასე თუ იანე შეასწავლა პატიმარ ქალებს აბრეშუმის ამოხვევა, დაქირავებული მუშების მეტი ნაწილი დაითხოვა და მათ სამუშაოს პატიმარ ქალებს ასრულებინებდა. ამავე დროს, იგი ამიერიდან თითოეულ პატიმარ ქალს დღეში 6 კაპიკს აძლევდა, ნაცვლად 15 კაპიკისა. აქამდე რომ ეძლეოდათ². მისი აზრით ფაბრიკის არარენტაბელობის ძირითადი მიზეზი დაქირავებული შრომის ფართო გამოყენება იყო. მის ნაცვლად არათავისუფალი შრომის ფართოდ გამოყენების დროს კი ფაბრიკა ნაკლებ ხარჯებს გაიღებოდა. ამავე დროს ემერიხი შეეცადა პატიმარი ქალების ზნე და ყოფაქცევა გამოესწორებინა. იგი იმედს იძლეოდა, რომ საწარმოს წლიურ მოგებას 1000 მანეთამდე აიყვანდა³, მაგრამ იმედები არ გაუმართლდა.

გასაგებია, რომ პატიმარი ქალები თუკი აქამდე გულგრილად და უხეშად მუშაობდნენ, ამიერიდან კიდევ უფრო უხალისოდ მოპკიდებდნენ სამუშაოს ხელს, რადგან ემერიხი მათ 2¹/₂-ჯერ ნაკლებ ხელფასს აძლევდა (6 კაპიკს 15 კაპიკის ნაცვლად), ვიდრე აქამდე ეძლეოდათ. ცხადი ხდებოდა პატიმარი ქალების მუქი შრომის გამოყენების უაზრობა. დაქირავებული მუშებისა და ოსტატებას მნიშვნელოვანი ნაწილის დათხოვნის შემდეგ წარმოების საქმე უფრო ცუდად წავიდა, რადგან წლების მანძილზე შექმნილი ცოდნით ისინი უკვე ფაბრიკისათვის კვალიფიციურ კადრს შეადგენდნენ. ხარჯების შემცირების მიზნით ემერიხი პატიმარი ქალების

¹ იქვე. ფურც. 66.

² საქ. ცსსა, ფონდი 2, აღწერა 1, საქმე 6402, ფურც. 4.

³ იქვე.

⁴ იქვე.

რიცხვაც ამცირებდა, მაგრამ ვერც ამან უშველა საქმეს. უნდა ვიფიქროთ, რომ არათავისუფალი შრომის საშუალებით წარმოებული პროდუქცია ემერიხის დროს უფრო დაბალი ხარისხისა იყო, ვინემ წინა წლებში დაქირავებული შრომით მიღებული. თუმცა ემერიხის მის მიერ წარმოებულ აბრეშუმს ხარისხით მალა აყენებდა წინა წლებში მიღებულთან¹, მაგრამ ეს სინამდვილეს არ უნდა შეეფერებოდეს, რადგან ფაბრიკის ახალი მმართველი მისი წინამორბედის მიერ წარმოებულ აბრეშუმის ხარისხს ყოველთვის იწუნებდა (ასე მოაქცა ტესერტი, რომელმაც მის დროს წარმოებული აბრეშუმში, ხარისხით „საფაბრიკო კომიტეტის“ მიერ წარმოებულ აბრეშუმზე მალა დააყენა). მასასადამე, ემერიხის დროსაც საწარმო დაბალი ხარისხის პროდუქციას უშვებდა და მოსკოვის ბირჟაზე კვლავ ნაკლებად ფასობდა, მაშინ როდესაც საფრანგეთის აბრეშუმის ფასი მოსკოვის ბირჟაზე თანდათან იზრდებოდა: 1810 წელს ფუთი ღირდა 184 მან., ხოლო 1850 წელს მიაღწია 310 მანეთამდე. კავკასიის აბრეშუმის ფასი კი გაცილებით ნაკლები იყო².

1840 წლის დეკემბერში მთავარმართებელმა ემერიხი გაგზავნა მოსკოვში „ევროპული წესით“ მიღებული ნართი აბრეშუმის გასაყიდად. მან წაიღო თბილისის, შემახიისა და შირვანის აბრეშუმში. როგორც წინათ. ახლაც კავკასიის აბრეშუმის გასაღება მოსკოვის ბირჟაზე წინააღმდეგობას წააწყდა. ემერიხმა მოსკოვიდან თბილისში აცნობა, რომ მან აბრეშუმის ნაწილი ვერ გაჰყიდა, რადგან დაბალ ფასებს მთავაზობენ³, ამავე დროს ქართული წარმოების აბრეშუმს კონკურენციას უწევდა მოსკოვში დიდი რაოდენობით შემოტანილი იტალიური აბრეშუმი⁴. მოსკოვში ემერიხმა გაჰყიდა 121 ფუთი აბრეშუმი 9.630 მანეთად, ფუთი აბრეშუმი 80 მანეთად⁵ ე. ი. ევროპის აბრეშუმთან შედარებით გაცილებით ნაკლებად.

წლების მანძილზე ხაზინა ახალ და ახალ სესხს აძლევდა ფაბრიკას და მან არა თუ უკან დაიბრუნა წარმოებისაგან კასტელას სიცოცხლეში გაღებული 62.000 მან., არამედ დახურვის წინ, 40-იანი წლების დასაწყისში ფაბრიკის დავალიანება ხაზინის მიმართ 100.000 მანეთამდე ავიდა⁶; თანაც ამ დროს წარმოების მთელი

¹ იქვე, ფურც. 48.

² საქ. ცსსა, ფონდი 10, საქმე 4478, ფურც. 9.

³ საქ. ცსსა, ფონდი 2, აღწერა 1, საქმე 6402, ფურც. 48, 51.

⁴ იქვე, ფურც. 56.

⁵ იქვე, ფურც. 58.

⁶ АКТЫ, т. IX, გვ. 55.

შოწყობილობა მოითხოვდა შეკეთებას. ამიტომ, გოლოვინი ფინანსთა მინისტრს სწერდა, რომ ფაბრიკა „ხაზინისათვის გამაჩანაგებელია“-ო და მოითხოვდა წარმოების დახურვას¹. 1841 წლის 31 იანვარს ასეთივე მიმართვა გაუგზავნა მან სახელმწიფო ქონებათა მინისტრს².

მალე ამის შემდეგ, 1841 წლის 8 და 21 ივლისის უმაღლესი ბრძანებებით დაიხურა თბილისის აბრეშუმსახევეი ფაბრიკა³. ხოლო მისი შენობები მთავარმართებელ გოლოვინის განკარგულებით სამხედრო ყაზარმებად აქციეს. ფაბრიკის მანქანები და ინსტრუმენტები კი მიჰყიდეს კავკასიის მეაბრეშუმეობის საზოგადოებას, რომელმაც თავის მხრივ ეს მანქანები და იარაღები კერძო პირებს მიჰყიდა.

ჩვენს საკმაოდ დაწვრილებით შევეხეთ ამ ფაბრიკის ისტორიას, აღვნიშნეთ, რომ ეს იყო კაპიტალისტური ტიპის სახაზინო მანუფაქტურა. მართალია, ნედლეულის დამუშავება (ძახვა, რთვა) ხდებოდა მექანიკური დაზგებით, მაგრამ ეს დაზგები მოძრაობაში მოჰყავდა ადამიანებს. დაზგების დასატრიალებლად გამოყენებული არ ყოფილა არც ორთქლის ძალა და არც ცხენძრავა. ამიტომ ეს საწარმო ფაბრიკის ხასიათს არ ატარებდა. შრომის სისტემატური დანაწილება და დაქირავებული შრომის ასევე სისტემატური გამოყენება კაპიტალისტურ ხასიათს აძლევდა წარმოებას. მიუხედავად იმულებითი შრომის წარმომადგენლების — პატიმარი ქალების სიუხვისა ფაბრიკაში. მისი არსებობის მთელ მანძილზე აბრეშუმის წარმოების მთავარი ოპერაციები — ამოხვევა და რთვა, ე. ი. ნ ა მ დ ე ი ლ ი წ ა რ მ ო ე ბ ა, დაქირავებული მუშებითა და ოსტატებით ხდებოდა.

კაპიტალისტური წარმოების დაწყებისთანავე, დამოკიდებულება კაპიტალისა და წარმოების საშუალებების მფლობელთა და წარმოებაში მომუშავე პერსონალს შორის ანტაგონისტურ ხასიათსღებულობს. აქაც, თბილისის აბრეშუმსახევე საწარმოში, დამოკიდებულებამ ფაბრიკის მმართველობასა (გამგე, ზედამხედველი და სხვ.) და დაქირავებულ მუშებსა და პატიმარ ქალებს შორის თავიდანვე აწანაორმალური ხასიათი მიიღო. ცუდი საყოფაცხოვრებო პირობები, უხეში მოპყრობა ადმინისტრაციის მხრივ, დაბალი ხელფასი და მისი თავის დროზე მიუღებლობა მუშების პროტესტებს იწვევდა. თავიანთ უკმაყოფილებას დაქირავებული მუშები, სამუშაოზე დაგვიანებით, მისი გაცდენით და ფაბრიკის დატოვებით გამოხატავდ-

¹ იქვე, გვ. 57.

² იქვე.

³ საქ. ცსსა. ფონდი 16, საქმე 6349, ფურც. 1.

ნენ, ხოლო არათავისუფალი შრომის წარმომადგენლები — პატიმარი ქალები და გოგონები—მუშაობისადმი გულგრილი დამოკიდებულებით, ფაბრიკიდან გაქცევითა და ქურდობით.

1831 წლის ოქტომბერში, წარმოებაში მყოფ დაქირავებულ მუშებს გაფიცვაც კი მოუწყვიათ და ერთობლივად უარი განუცხადებიათ მუშაობაზე, რადგან. მათ ზელფასს თვეების მანძილზე თავისდროზე არ აძლევდნენ. ამის შესახებ ერთ-ერთ საარქივო საქმეში ვკითხულობთ: „Рабочие люди, находящиеся на оной (ფაბრიკაში — დ. გ.), все решительно отказались заниматься работами потому, что в течение уже несколько месяцев им следуемое жалование выдается не в свое время“¹. აღსანიშნავია, რომ ეს იყო სამრეწველო მუშების პირველი გაფიცვა საქართველოში. ცუდი საწარმოო პირობების გამო, დაქირავებული მუშები და ოსტატები ხშირად ტოვებდნენ ფაბრიკას და ხანდახან მთელი დღეები არ ცხადდებოდნენ სამუშაოზე. ამის აღსაკვეთად ფაბრიკის გამგე ტესერი 1831 წლის ივნისში მოითხოვდა „ჯარიმის“ დაწესებას². რაც შეეხება პატიმარ ქალებს, ისინი ასევე მტრულად იყვნენ განწყობილი ფაბრიკის მმართველობისადმი. ისინი ქურდობდნენ, გარბოდნენ წარმოებიდან და სხვ. ხშირი იყო ფაბრიკიდან პატიმარი ქალებიც გაქცევის შემთხვევები³. პატიმარი ქალი შირკოვა 20-ჯერ გაქცეულა ერთი წლის მანძილზე. ფაბრიკიდან პატიმარი ქალების გაქცევის შემთხვევებმა განსაკუთრებით ფართო ხასიათი მიიღო ემერიზის დროს. 1839 წლის ივნისში ფაბრიკის გამგე ემერიზი თბილისის პოლიციის გამგეობას თხოვდა მოენახათ და დაებრუნებინათ ფაბრიკიდან გაქცეული პატიმარი ქალები. ასეთი არანორმალური დამოკიდებულება ფაბრიკის მმართველობა-ადმინისტრაციასა და მუშა-მოსამსახურე პერსონალს შორის წარმოების არსებობის მთელ პერიოდში იყო.

კასტელას მიერ წამოწყებული აბრეშუმსახვევი წარმოება დაიხურა, მაგრამ 12 წლის მანძილზე მის მუშაობას ფუქად არ ჩაუვლია. საქართველოში პირველად ამ ფაბრიკაში წარმოებდა აბრეშუმის ნართის ევროპული წესით მოღება და ბევრი ადგილობრივი მცხოვრები, განსაკუთრებით ქართველები, დაოსტატდა აბრეშუმის ევროპულად ამოხვევის საქმეში.

¹ საქ. ცსსა, ფონდი 2, აღწერა 1, საქმე 9003, ფურც. 75.

² იქვე, ფურც. 6.

³ საქ. ცსსა, ფონდი 272, საქმე № № 5, 12, 24, 26.

აბრეშუმსახვევი საწარმოები დასავლეთ საქართველოში

(ზუგდიდის, სეზეკას, მარანის, ქუთაისისა და ორპირის აბრეშუმსახვევი საწარმოები)

რუსეთის მთავრობა XIX ს. პირველ ნახევარში რიგ ღონისძიებებს ატარებს ამიერკავკასიაში მეაბრეშუმეობის განვითარებისათვის. 1836 წელს მისი ნებართვით შეიქმნა „ამიერკავკასიის მეაბრეშუმეობისა და სავაჭრო მრეწველობის გამავრცელებელი საზოგადოება“. იგი შექმნა იტალიელმა ვაჭარმა კარლო ტრიბოლინომ. პირველ ხანებში ტრიბოლინო ცდილობდა ასეთი საზოგადოება შეექმნა მთელი რუსეთის იმპერიის მასშტაბით, მაგრამ შემდეგ ამიერკავკასიით შეიზღუდა. ტრიბოლინოს გარდა „საზოგადოებას“ სათავეში ედგნენ რუსეთის მთავრობის დიდი მოხელეები და გავლენიანი პირები: გრაფი ბენკენდორფი, თავადი დოლგორუკოვი, თავადი დონდუკოვ-კორსაკოვი და ჟადოვსკი. მთავრობამ „საზოგადოებას“ მიანიჭა მრავალგვარი 30 წლიანი პრივილეგია. მას გადაეცა ნუხის პროვინციაში არსებული თუთის ხის გაშენებული ბაღები სახაზინო გლეხებითურთ — 5 წლით უფასოდ, ხოლო შემდეგი 25 წლის მანძილზე სახაზინო გადასახადით. „საზოგადოებას“ ამიერკავკასიის სხვადასხვა ადგილას მისცეს 5.000 დესეტინა მიწა, უპირატესობა ჰქონდა სახაზინო ფასებით შეესყიდა ამიერკავკასიაში აბრეშუმის პარკი და მისგან ამოხვეული ძაფი და სხვ. ესოდენ დიდი პრივილეგიების მიღების შემდეგ „საზოგადოება“ შეუდგა საქმიანობას: გახსნა თავისი ფაბრიკები ნუხის პროვინციაში და იმერეთში. იმერეთში, სოფ. მარანში გახსნა პატარა საწარმო. „საზოგადოებას“ იწერდა აბრეშუმის ამოსახვევად გაუმჯობესებულ ხელსაწყოებსა და მანქანებს („გრაფს“, „რობინეს“ და სხვ.). შემდეგ კი ამ მანქანების ნიმუშის მიხედვით აკეთებდნენ სხვა მრავალ მანქანას და მეაბრეშუმეებს უგზავნიდნენ. ამავე დროს, 40-იან წლებში იმერეთში აბრეშუმის კარგი ჯიშის თესლს წარმატებით ავრცელებდა შემსყიდველი მეაბრეშუმე რაიკო. ასეთ ღონისძიებებს დადებითი შედეგები მოჰქონდა და ინტერესს უღვიძებდა მცხოვრებლებს. „საზოგადოებას“ მუშაობა შეწყვიტა 1865 წელს, რადგან, ჯერ ერთა, 1866 წელს მას 30-წლიანი პრივილეგიის ვადა უთავდებოდა და გარდა ამისა 60-იანი წლების დასაწყისიდან გაჩენილმა აბრეშუმის კირმა, რომელიც სწრაფად გავრცელდა მთელს ამიერკავკასიაში, თითქმის მუსრი გაავლო მთელ მეაბრეშუმეობას. საერთოდ, „საზოგადოების“ 30-წლიანმა მოღვაწეობამ მნიშვნელოვანი წვლილი შეიტანა მეაბრეშუმეობის განვითარების საქმეში.

თბილისის აბრეშუმსახვევი წარმოების დახურვის შემდეგ დასავლეთ საქართველოში მალე გაჩნდნენ მთელი რიგი ასეთივე საწარმოები. პირველად აბრეშუმსახვევი საწარმო აქ მოწყობილ იქნა ზუგდიდში ფრანგი ვაჭრის გრაფ ალფრედ როზმორდიუკის მიერ, რომელიც საქართველოში 1840 წელს ჩამოვიდა თავის სამშობლოდან¹. ზუგდიდში „ევროპული აბრეშუმსახვევი საწარმო“ მან მოაწყო 1847 წელს. ამ საქმეში მას დიდად დაეხმარა სამეგრელოს მთავარი დადიანი. როზმორდიუკმა საფრანგეთიდან ჩამოიტანა სათანადო მანქანები და ინსტრუმენტები. ამასთან ერთად მან ჩამოიყვანა გამოცდილი ფრანგი ქალები — აბრეშუმის ამოხვევის ოსტატები. იგი სამეგრელოში პირველ ხანებში დიდ დაბრკოლებას წააწყდა მუშა ქალების დაქირავების საქმეში, რადგან იმ დროს დას. საქართველოში, „აერთოდ „ქალთა დაქირავებული შრომა არ არსებობდა“². ამიტომ როზმორდიუკმა საფრანგეთიდან გამოიწერა რამდენიმე ფრანგი ქალი³. მის მიერ მოწყობილი საწარმო „სანიმუშო“ იყო. საწარმოში მოქმედებდა ორთქლის მანქანა⁴. მოწყობიდან 3 წლის შემდეგ წარმოება ამზადებდა წელიწადში 50 ფუთზე მეტ აბრეშუმს⁵. ფუთა აბრეშუმში იყიდებოდა 270-დან 295 მანეთამდე⁶. „საქონელი არა-ხვეულებრივი კარგი იყო“; იგი გაჰქონდათ ევროპაში, სადაც წარმატებით სავაჭრობდა. მეფის ნაცვალის ვორონცოვი დიდად აფასებდა ზუგდიდის აბრეშუმსახვევ „სანიმუშო წარმოებას“⁷. მალე ადგილობრივმა მცხოვრებლებმა დაიწყეს ზუგდიდის აბრეშუმსახვევ საწარმოში მუშაობა. 50-იანი წლების დასაწყისში როზმორდიუკს დაქირავებული ჰყავდა 12 ადგილობრივი ქალიშვილი⁸; 60-იანი წლების დასაწყისში კი მის ფაბრიკაში მუშაობდა 30-ზე მეტი დაქირავებული ადგილობრივი ქალიშვილი⁹. აღსანიშნავია, რომ ფრანგი ქალებიდან ხოციერთნი გათხოვდნენ ადგილობრივ მცხოვრებლებზე¹⁰. ვორონცოვი იმედს გამოთქვამდა, რომ ეს გარემოება „უშეკველად“ ხელს

¹ «Кавказский календарь». 1853, გვ. 313.

² ЗКОСХ, 1856 г., кн. 6, გვ. 344.

³ П. Гугушвили. — Сельское хозяйство и аграрные отношения т. I, Тб. 1937, გვ. 167.

⁴ იქვე.
იქვე, გვ. 670.

⁵ Ст. Гулишамбаров, Обзор фабрик и заводов Закавказского края, Тиф. 1894, გვ. 306.

⁶ იქვე.

⁷ П. Гугушвили, Сельск. хоз., გვ. 167.

⁸ „Кавказский календарь“, 1853, გვ. 313.

⁹ „Кавказ“, 1860, № 54.

¹⁰ П. Гугушвили, Сельск. хоз., გვ. 167.

შეუწყობდა მოსახლეობაში აბრეშუმის ამოხვევის წესის გაერცვლება--
 სო'. ზუგდიდის საწარმოს აბრეშუმს 1852 წლის მოსკოვის გამოფენა--
 ზე ძალიან საპატიო ადგილი ეკავა². ასე წარმატებით მიდიოდა ზუგ-
 დიდის აბრეშუმსახვევი საწარმოს საქმე ყირიმის ომამდე. ამ ომის
 დროს (1853—1855 წწ.) საქართველოში შემოჭრილმა თურქეთმა ჯარ--
 მა დაწვა ზუგდიდის აბრეშუმსახვევი საწარმო. ომის შემდეგ იგი
 კვლავ აღდგენილ იქნა, ხოლო 1858 წელს როზმორდიუკმა მეფისნაც-
 ვალს სთხოვა 4000 მანეთი სესხი ფაბრიკის გაუმჯობესებასათვის.
 მეფისნაცვალმა დააკმაყოფილა მისი თხოვნა³. წარმოება განახლებულ
 იქნა, მაგრამ იგი პროდუქციის იმ რაოდენობას ვერ აწარმოებდა.
 რასაც ყირიმის ომამდე. ჩვენ ხელთ გვაქვს ამ ფაბრიკის 1860-
 წლის უწყისი. წარმოება შედარებით შემცირებული ჩანს. ამ უწყი-
 სით წელიწადში ფაბრიკა უშვებდა 30 ფუთ აბრეშუმს⁴; აქედან 15
 ფუთს მაღალი ხარისხისა და 15 ფუთს დაბალი ხარისხის აბრე-
 შუმს. მაღალი ხარისხის ფუთი აბრეშუმში ღირდა 230 მანეთი.
 ხოლო დაბალი ხარისხის ფუთი აბრეშუმში — 191 მანეთი. ხელ
 წლიურად წარმოება უშვებდა 6315 მანეთის აბრეშუმს⁵.
 პროდუქცია ისევ საზღვარგარეთ გაჰქონდათ⁶. ზუგდიდის აბრეშუმს
 კვლავ მაღალ შეფასებას აძლევდნენ კონსტანტინეპოლსა და სათურან-
 გეთში⁷. უნდა ვიფიქროთ, რომ ზემოთ მოყვანილი უწყისი მხოლოდ
 1860 წელს გამომუშავებულ პროდუქციას უნდა აღნიშნავდეს. იხე-
 ცხადია, გამომუშავებული წლიური პროდუქცია ყოველთვის თანახა-
 რი როდი იქნებოდა. 60-იან წლებში გამომუშავებული პროდუქცია
 კვლავ მაღალი ხარისხისა იყო. 1863 წლის გამოფენაზე თბილისში,
 ზუგდიდის აბრეშუმსახვევი საწარმოს გამომუშავებული აბრეშუმის
 ნიმუში შეტანილი იქნა „ყველაზედ უკეთეს“ აბრეშუმთა რიცხვში.
 1864 წლის „გუთნის დედაში“ ამის შესახებ ვკითხულობთ: „ყველა-
 ზედ უკეთესი აბრეშუმებში გამოდგა ნიმუში უ. უ. ა. ლ. ე. ს. ი. ე. გ. ი. ს.
 და ვ. ო. ო. ნ. ი. ნ. ს. ა. ნ. უ. ხ. ი. დ. ა. მ. ო. რ. ე. გ. რ. დ. ი. უ.
 კ. ი. ს. ა. და კ. ნ. ი. ა. ზ. ი. ს. ო. ლ. ო. მ. ო. ნ. ა. ნ. დ. ო. ნ. ი. კ. ო. ვ. ი. ს. ა. ჩ. ვ. ნ.

¹ ი. ქ. ე.

² «Кавказ», 1854, № 60.

³ საქ. ცსსა, ფონდი 10, საქმე 323, ფურც. 5.

⁴ საქ. ცსსა, ფონდი 10, საქმე 496, ფურც. 85.

⁵ ი. ქ. ე.

⁶ ი. ქ. ე.

⁷ «Кавказ», 1860, № 54.

თვის ამ ორის შრომა უფრო შესანიშნავია. რადგანაც ერთმა იმაოგან-
მა ცოტას თანხით შემოიტანა ევროპული ამოხვევა აბრეშუმისა სა-
მეკრელოში და მეორემ კახეთში¹.

ამიერკავკასიაში, 60-იან წლებში. აბრეშუმის ქიის ავადმყოფო-
ბის გავრცელების შემდეგ ამ საწარმოს საქმე კარგად ვერ წავიდა
და ნედლეულის კრიზისის შედეგად იგი 1866 წელს დაიხურა.

1850 წელს. ცნობილმა იმერელმა მემამულემ და ბურჟუაზი-
ულმა მეთაოსნემ — ნიკო ჩიჯავაძემ ქუთაისის მაზრაში, სოფ. სებე-
კაში მოაწყო შესანიშნავი აბრეშუმსახვევი „ფაბრიკა“². ეს საწარმო
პირველ ხანებში, წლიურად უშვებდა საშუალოდ 1500-მდე მანეთის
პროდუქციას³. ამოხვეულ ძაფს ყიდდა ქუთაისის გუბერნიაში და
საზღვარგარეთ. კონსტანტინეპოლში⁴. მალე მან „სოფლის მეურნეო-
ბის საზოგადოებისაგან“ შეიძინა რამდენიმე აბრეშუმსახვევი მანქანა
და გააუმჯობესა აბრეშუმის ამოხვევა. თავის გლეხებს დაურიგა უკე-
თესი აბრეშუმის ქიების თესლი და ძველი, ცუდი ჯიშები მოსპო.
თავის მეურნეობაში და საწარმოში აბრეშუმის ევროპული ამოხვევა
უკეთ რომ შეესწავლათ. მან თავისთან „მიიწვია“ (დაიქირავა) თბი-
ლისის აბრეშუმსახვევი ფაბრიკის ყოფილი გამგე, ტიტ. სოვეტ-
ემერიხი, რომელმაც თავის მოვალეობა ჩიჯავაძის წინაშე კარგად
შეასრულა. ნიკო ჩიჯავაძე ენერგიულად განაგრძობდა თავის აბრე-
შუმსახვევი საწარმოს სრულყოფას. მაგრამ მას ხელი შეუშალა
1853 წელს დაწყებულმა რუსეთ-თურქეთის ომმა. საომარმა მდგო-
მარეობამ შეწყვიტა წარმოებული პროდუქციის საზღვარგარეთ
(კონსტანტინეპოლში) გატანა. ამან გამოიწვია წარმოების შემცი-
რება ომის დაწყებისთანავე⁵. 1854 წელს გამოშვებული პროდუქცია
კიდევ უფრო შემცირდა⁶, ხოლო 1855 წელს დასავლეთ საქართვე-
ლოში წარმოებული საომარი მოქმედების შედეგად პროდუქციის
მიღება შეწყვეტილ იქნა⁷. ომის დამთავრების შემდეგ ნიკო ჩიჯავა-
ძემ სხვა საწარმოებთან ერთად აღადგინა აბრეშუმსახვევი წარმოე-
ბაც. იმერეთში არსებულ აბრეშუმის საწარმოებს შორის ყველაზე
უკეთესი ჩიჯავაძისა იყო⁸. ნ. ჩიჯავაძეს მოწყობილი ჰქონდა აგრე-

¹ „გუთნის, დედა“ 1864 წ., № 2, გვ. 13.

² საქ. ცსსა, ფონდი 4, აღწერა 5, საქმე 125, ფურც. 56, 82, 94, 101.

³ იქვე.

⁴ იქვე.

⁵ ЦГИАЛ, ф. 1281, оп. 5, д. 177, л. 36.

⁶ ЦГИАЛ, ф. 1268, оп. 8, д. 335, л. 21.

⁷ ЦГИАЛ, ф. 1281, оп. 6, д. 165, л. 24.

⁸ ამ ენერგიულ მეთაოსნეს, როგორც დაკინახეთ, აბრეშუმსახვევი წარმოე-
ბის გარდა თავის მამულში მოწყობილი ჰქონდა კიდევ ბაშბისა და თამბაქოს
საწარმოები („ფაბრიკები“).

თვე მეორე მნიშვნელოვანი აბრეშუმსახვევი საწარმო სოფ. ლაჩინოში (თაგის მამულში). როგორც ეს წინა თავში გვაქვს აღნიშნული ამ საწარმოში 20 დაოსტატებული ახალგაზრდა მუშაობდა. წლითიწლობით იზრდებოდა იმერეთში აბრეშუმის წარმოება და მისი გატანა საზღვარგარეთ. გატანილ ნაწარმთა შორის (ბამბა, თამბაქო, ღვინო და სხვ.) მას 50-იან წლებში პირველი ადგილი ეკირა. 1856 წელს, როგორც აღნიშნული გვაქვს, საზღვარგარეთ იმერეთიდან გატანილ იქნა 467.070 მანეთის აბრეშუმი¹. ამავე დროს 2-ჯერ იქნა გაზრდილი იმერეთის აბრეშუმის ფასი უცხოეთის ბაზრებზე. როგორც ვიცით, მეაბრეშუმეობის ესოდენ განვითარებაში დას. საქართველოში მნიშვნელოვანი ღვაწლი მიუძღოდა ნ. ჩიჯავაძეს². ნ. ჩიჯავაძეს სხვა ნაწარმთა შორის (ბამბა, თამბაქო, კარტოფილი და სხვ.) არაერთხელ წარუდგენია გამოფენებზე აბრეშუმი. მას არაერთხელ მიუღია ჯილდო საუცხოო ნაწარმთათვის. ხოლო 1863 წლის გამოფენაზე, თბილისში, წარმოდგენილი აბრეშუმისა და სხვა ნაწარმთათვის იგი დაჯილდოებულ იქნა ოქროს მედლით³. როგორც აღვნიშნეთ ყირიმის ომის შემდეგ ჩიჯავაძემ განაახლა აბრეშუმსახვევი წარმოება. იგი თანდათან აუმჯობესებდა მას. 1860 წელს ამ საწარმომ ბამბისა და თამბაქოს „ფაბრიკებთან“ ერთად გამოუშვა 2500 მან. პროდუქცია⁴.

როზმორდიუკისა და ჩიჯავაძის შემდეგ მნიშვნელოვანი აბრეშუმსახვევი საწარმო მოაწყო უცხოელმა ეირიანცმა 1858 წელს ცხენის-წყალის შესართავთან, მარანში, მის მიერ ნაყიდ მიწაზე. ამ საწარმოში წელიწადში ღებულობდნენ 20 ფუთ აბრეშუმს⁵, აქედან 10 ფუთი უმაღლესი ხარისხისა იყო და ფუთი ღირდა 230 მანეთი, 10 ფუთამდე კი დაბალი ხარისხის და ფუთი ღირდა 191 მანეთი, სულ წლიურად ღებულობდნენ 4210 მანეთის პროდუქციას⁶. ეს ციფრობრივი მონაცემები მხოლოდ 1860 წელს უნდა შეეხებოდეს. აქამდე და შემდეგ წლებში აბრეშუმის პროდუქციის მიღება ამ საწარმოში ალბათ მეტ-ნაკლებად ხდებოდა. გამომუშავებული საქონელი გაჰქონდა საზღვარგარეთ. ნეგოციანტი ვირიანცს განზრახული ჰქონდა გაეთართოებინა და გაეუმჯობესებინა თავისი წარმოება. პირველ რიგში იგი შეეცადა გაე-

¹ ЦГИАЛ, ф. 1268, оп. 9, л. 101, л. 163.

² აღსანიშნავია, რომ ნ. ჩიჯავაძის მიზაძით გურიაში ერთ-ერთმა თავადმა მოაწყო აბრეშუმსახვევი. იხ. „Кавказ“ 1854. № 60.

³ ЗКОСХ. 1864 г. зб. 47.

⁴ ЦГИАЛ, ф. 1268, оп. 10, л. 228, л. 149.

⁵ საქ. ცსსა, ფონდი 10. საქმე 496, ფურც. 86.

⁶ იქვე.

ზარდა იმერეთსა და სამეგრელოში პარკის რაოდენობა და ხარისხი. ამ მიზნით გადაწყვიტა თვით მას გამოეყვება აბრეშუმის ქიები, რისთვისაც ითხოვა სახაზინო მიწის საკმაოდ დიდი და დაუმუშავებელი სივრცე მარანში, აბრეშუმსახვევი საწარმოს ახლოს, თუთის ხის პლანტაციების გასაშენებლად¹. ამ საკითხზე მიწერ-მოწერა გაგრძელდა 1862 წლის ოქტომბრამდე. საბოლოოდ მას უარი უთხრეს აღნიშნული მიწის ნაკვეთის მიცემაზე. თანაც, ვირიანცს 1860 წლიდან არ განუახლებია თხოვნა საერთოდ მიწის მიცემაზე პლანტაციების გასაშენებლად². სწორედ 1860 წლიდან იწყება ამიერკავკასიაში აბრეშუმის ქირის გავრცელება და შესაძლებელია ამ გარემოებამ ხალისი დაუქარგა ნეგოციანტს და წარმოებაზე ხელი ააღებინა.

იმავე, 1858 წელს, ნიდერლანდიელმა³ ფრანგმა კარლ დიუფურიმ, ქუთაისში მოაწყო აბრეშუმსახვევი „ფაბრიკა“. მან დაიჭირავე მუშები და შეასწავლა აბრეშუმის წარმოების საქმე. ქარხნის გამართვა და მუშების სწავლა თითქმის ორი წელი გაგრძელდა. პირველ ხანებში წარმოების საქმე კარგად მიდიოდა. საწარმო წლიურად უშვებდა 7.000 მან. პროდუქციას⁴. წახალისებულმა მეწარმემ განიზრახა წარმოების კიდევ უფრო გაფართოება და გაუმჯობესება. ამ მიზნით მან მთავრობას ფულადი დახმარება თხოვა. 1859 წელს მეფისნაცვალ ბარიატინსკის განკარგულებით მიეცა სესხი 10000 მანეთი⁵. შემდეგ წლებში კვლავ აძლევდნენ მას სესხს, სულ 1859-1864 წლებში სესხად მისცეს 16000 მან.⁶ მან წარმოება მნიშვნელოვნად გააფართოვა. მაგრამ ამჯერად, ფართოდ მოწყობილ საწარმოს თავი ვერ გაართვა, მიუხედავად იმისა, რომ იგი აბრეშუმის წარმოების საქმის კარგი მცოდნე ყოფილა. თავი იჩინა საწარმოს არარენტაბელობამ. დიუფური გადაულახავ დაბრკოლებებს წააწყდა. ამის შესახებ „გუთნის დედაში“ ვკითხულობთ: „სამწუხარო მდგომარეობა დიუფურის ქარხნისა გვიმტკიცებს იმ ჰაზრსა, რომ საქმის წარმატებისათვის საკმარისი არ არის ზედმიწევნით ცოდნა ხელობისა და პატიოსნება; თუ კაცმა ვერ გამოიანგარიშა ყველა გარემოება, ახლანდელი თუ მომავალი, — თანხა, ხარჯი და შემოსავალი, ვერ შეიტყო რა ზომა და სივრცე მისცეს საქმესა, ზიანის მეტს ვერასა

¹ საქ. ცსსა, ფონდი 238, საქმე 17.

² იქვე, ფურც. 4—6.

³ საქ. ცსსა, ფონდი 10, საქმე 496, ფურც. 89.

⁴ საქ. ცსსა, ფონდი 10, საქმე 507, ფურც. 20.

⁵ იქვე.

ნახავს რაც უნდა გავარჯიშებული იყოს“¹. „გუთნის დედას“ დიუფურის მარცხის მთავარ მიზეზად ქუთაისში საწარმოს დიდი მოცულობით მოწყობა მიაჩნია: „უთანხომა (დიუფურიმ — დ. გ.) მოინდომა დიდი ქარხნის დადგმა და ათასი თუმენების ხელში ტრიალებდა“². თანაც მეწარმე დაბრკოლებას წააწყდა მიღებული ნაწარმი ქუთაისში გაესაღებინა. ამიტომ მან განიზრახა საწარმო თბილისში გადმოეტანა და აქვე გაესაღებინა საქონელი. 1864 წელს მართლაც გადმოიტანა იგი თბილისში, მაგრამ აქაც ვერ იხიერა. ახლა გადაწყვიტა წარმოება ნუხაში გადაეტანა, სადაც უშუალო შესყიდვით იაფ ნედლეულს იშოვიდა და ამგვარად მნიშვნელოვან სარგებლობას ნახავდა. ამის წესახებ, „გუთნის დედა“ გონებამახვილურად შენიშნავდა: „ჩვენის ჰაზრით ამგვარ მოგზაურობას მაშინ მოელება ბოლო, როცა უ. დიუფური იპოვნის იმისთანა ბედნიერ ქვეყანას, სადაც არც მუშა თხოვლობს ფულს, არც სახლი ქირას, არც მასალა ფასსა და სადაც პური მუქითა“³. მართლაც დიუფურიმ თავისი საწარმოთი სიკვდილამდე იმოგზაურა. 1864 წელს მან საწარმო თბილისიდან ნუხაში გადაიტანა, 1865 წელს კი შემახიაში, ხოლო მალე აქედან მან წარმოება ბაქოში გადაიტანა, სადაც 1872 წელს გარდაიცვალა⁴.

1860 წელს უცხოელმა ნეგოციანტმა გონშტრაზერმა, ორბიწიში მოაწყო აბრეშუმსახვევი ფაბრიკა. ფაბრიკის შენობა იყო ფიცრისა, ნათელი და სუფთა. საწარმოში მოწყობილი იყო: 1) ორთქლის მანქანა, რომელიც შეერთებული იყო აბრეშუმის გამოსახვევ დაზგებთან. 2) 32 გამოსახვევი დაზგა. 3) 32 ტაშტი პარკების ამოხვევისათვის. ყოველი ამოსახვევი დაზგის წინ იდგა თითო ტაშტი. თითოეულ ტაშტს გააჩნდა 3 მილი; აქედან 2 მილი ცხელი და ცივი წყლის მისაშვებად, ხოლო მესამე მილი მღვრიე წყლის გამოსაშვებად. 4) 2 გასახურებელი ქვაბი. ქარხანასთან გაკეთებული იყო წყლის აუზი, საიდანაც წყალი მილებით მიდიოდა ორთქლის მანქანასთან, ქვაბებთან და ტაშტებთან. ორთქლის მანქანა მოქმედებას თანამებით გადასცემდა გამოსახვევ დაზგებს. დაზგები, ჩარხები და სხვა ხელსაწყოები იტალიური იყო, ლითონისაგან გაკეთებული. ფაბრიკა საერთოდ კარგად იყო მოწყობილი და იგი ჩვენში მიაჩნდათ „მთელს კავკაზიის აქეთ მხარეს ერთი სანუგეშოს სახელოსნო“-დ⁵.

¹ П. Г у г у ш в и л и, сельск. хоз. и агр. огн., т. I, გვ. 217.

² იქვე.

³ იქვე.

⁴ საქ. ცსსა, ფონდი 10, საქმე 507, ფურც. 20—23.

⁵ „გუთნის დედა“, 1862 წ., № 2, გვ. 10.

ფაბრიკაში გამოყენებული იყო მხოლოდ დაჭირავებული შრომა. განსაკუთრებით ქალების. ფაბრიკისათვის ამოარჩევდნენ გარეშემო სოფლებიდან 15-16 წლის გოგონებს¹, რომლებიც გაცილებით ნაზად ახვევდნენ აბრეშუმს ვიდრე კაცები და დედაკაცები. ფაბრიკის ოსტატი ასწავლიდა ახალგაზრდა გოგონებს აბრეშუმის სუფთად გამოხვევას. მათზე დაწესებული იყო სასტიკი ზედამხედველობა, თვეში თითოეულ დაჭირავებულ მუშა-ქალს საშუალოდ ეძლეოდა 7-დან 12 მანეთამდე. ახალგაზრდა გოგონები გათხოვებამდის თითქმის ფაბრიკაში რჩებოდნენ.

ფაბრიკაში მთელი დღის მანძილზე გამოსვეულ აბრეშუმს გააშრობდნენ ჩრდილიან ადგილას, შემდეგ დაგრეხდნენ „შულოებად“, წესისამებრ შეკერავდნენ და ამის შემდეგ აგზავნიდნენ გასაყიდად. კარგი მუშა-ქალი დღეში ახვევდა 3 გირვანქამდე აბრეშუმს, ახვევდნენ თბილ დროს, აპრილიდან დაწყებული ნოემბრამდე. წლიურად წარმოება აშხადებდა 1000 დან 1500-მდე კილოგრამ აბრეშუმს, რომლისათვისაც ხმარობდნენ 4500 კილოგრამამდე პარკს. გოხშტრაზერი ფაბრიკაში ამუშავებდა იმერეთის, სამეგრელოსა და გურიის აბრეშუმის პარკს.

გოხშტრაზერი შოითხოვდა მეაბრეშუმეობის უფრო გავრცელებასა და განვითარებას. აღსანიშნავია, რომ ოზურგეთის მაზრის მემამულე გიორგი ბებურიშვილმა, 1863 წელს, მეურნეობის გაუმჯობესებისათვის ითხოვა მთაერობისაგან ფული და სხვა ვალდებულებებთან ერთად თავს იღო განევითარებინა მეაბრეშუმეობა, მოეწყო აბრეშუმის ქიების აღსაზრდელი სახლი, სადაც მიღებულ პარკებს მიჰყიდდა მხოლოდ ორპირის აბრეშუმსახვევ საწარმოს². ორპირის ფაბრიკაში მიღებული პროდუქცია მაღალი ხარისხისა იყო. ფაბრიკაში მოტანილი გურიის, იმერეთისა და სამეგრელოს აბრეშუმის პარკი „ნუნის აბრეშუმზე უფრო სუფთა და წმინდა“³ იყო, გამომუშავებულ პროდუქციას ყიდდნენ ევროპაში, მარსელისა და ლიონის ბაზრებზე. წარმოების საქმე კარგად მიდიოდა, მაგრამ მას შემდეგ, რაც ჩვენში აბრეშუმის ქირი ფართოდ გავრცელდა, რომელმაც თითქმის მუსრი გაავლო მეაბრეშუმეობის საქმეს, ისე როგორც მთელი რიგი აბრეშუმსახვევი საწარმოები, ორპირის ფაბრიკაც დაიხურა.

შემოთ განხილული აბრეშუმსახვევი სარეწები დ.ს. საქართ-

¹ იქვე, გვ. 13.

² იქვე.

³ საქ. ცსსა, ფონდი 238, საქმე 180.

⁴ „ჯუთონის დედა“, 1862 წ., № 2, გვ. 13.

ველოში უკლებლოვ კაპიტალისტურ საწარმოებს შეადგენდნენ, მეტწილად მანუფაქტურული ტიპის კაპიტალისტურ სახელოსნოებს. ზოგ მათგანში, როგორც მაგალითად. ზუგდიდისა და ორპირის საბრეშებში მოქმედებდნენ ორთქლის მანქანები. საწარმოებში გატირებული იყო შრომის დანაწილება. მუშაობა წარმოებდა დაქირავებული შრომით. საერთოდ, ამ დროს საქართველოში აბრეშუმის წარმოებაში (განსაკუთრებით მისი ამოხვევის დროს) დაქირავებული შრომა ფართოდ უნდა ყოფილიყო გამოყენებული. ერთ-ერთ საარქივო საქმეში. რომელიც 1847 წლით თარიღდება, აღნიშნულია, რომ სიღნაღისა და თელავის ყველა სოფელში აშენებენ აბრეშუმს, მიღებული პარკების „ამოხვევისათვის“ კი „ქირაობენ“ „განსაკუთრებულ ოსტატებს“ „ადგილობრივ მცხოვრებთაგან“. ეს ოსტატები. სოფლიდან სოფელში გადადიან და ახვევენ აბრეშუმს ადგილობრივი ჩვეულების მიხედვით¹. აღსანიშნავია, რომ დაქირავებული შრომა თანდათან ვითარდებოდა დასავლეთ საქართველოში. თუკი 40-იან წლებში როზმორდიუკი დიდ დაბრკოლებას წააწყდა ქალთა შრომის გამოყენების საქმეში, 50-იანი წლების ბოლოსა და 60-იანი წლების დასაწყისში დაქირავებულ ქალთა შრომა უცხო არ იყო მხარისათვის. ამის მაგალითია ორპირის აბრეშუმსახვევი საწარმო, სადაც მეტწილად ქალთა შრომა იყო გამოყენებული.

აბრეშუმის საწარმოებში ხდებოდა ნედლეულის ნაწილობრივი გადამუშავება. ნახევარფაბრიკატის (ნართის, ძაფის) მიღება. წარმოებდა ქსოვილების მიღება. ეს რა თქმა უნდა, უარყოფით გავლენას ახდენდა საერთოდ აბრეშუმის წარმოების განვითარებაზე.

შაქრის წარმოება

(ი. ზუბალაშვილის შაქრის ქარხანა თბილისში)

XIX ს. 30-იან წლებში საქართველოში გამოვიდნენ შაქრის წარმოების დანერგვის მეთაოსნეები. პირველ მეთაოსნეებად გამოვიდნენ ძმები ალექსი და გაბრიელ შადინოვები 1834 წელს, მაგრამ მათ ენერგიულ ცდებს წარმატება არ მოჰყვა². მალე საქართველოში შეიქმნა შაქრის წარმოების მომწყობ-თაოსანთა მეორე, უფრო ძლიერი და გავლენიანი კომპანია იაკობ ზუბალაშვილის მეთაურობით.

ზუბალაშვილები ჯერ კიდევ ადრე სავაქრო და სამრეწველო ასპარეზზე დაწინაურებულნი და მთელ საქართველოში

¹ საქ. ცსსა, ფონდი 4, აღწერა 5, საქმე 69.

² საქ. ცსსა, ფონდი 2, საქმე 3109.

ამ მხრივ ცნობილი ყოფილან. ისინი სავაჭროდ დადიოდნენ სპარსეთში, თურქეთში, რუსეთში, ინდოეთსა და სხვაგან. უფრო დაწინაურებულან ისინი ერეკლე II-ის დროს XVIII საუკუნის მეორე ნახევარში. ამ დროს თბილისის ვაჭართა და მოქალაქეთა შორის ერთ-ერთი პირველი ადგილი სკერია ივანე ზუბალაშვილს. მისი შვილი იაკობ ზუბალაშვილი (1792—1865 წწ.) XIX საუკუნეში სავაჭრო და სამრეწველო ასპარეზზე ყველაზე უფრო დაწინაურებული კაცი ჩანს¹. პირველ ხანებში იგი ფართო სავაჭრო ოპერაციებს ეწეოდა საზღვარგარეთთან. საქართველოდან იქ მას გაჰქონდა მატყლი, აბრეშუმი, ბამბა, ბზის ხე. ხილი და სხვა, ხოლო იქედან შემოჰქონდა ფართლეული, შაქარი, ჩაი, ყავა, ძაფეულობა, მინისა და ბროლის ნაქეთობანი და სხვ. XIX საუკუნის 30-იან წლებში ი. ზუბალაშვილთან სავაჭრო საქმიანობაში ვხედავთ ვაჭრებს: ენიბეგოეს, ლორის-მელიქოეს, დავით თამამშევს და სხვ². ამავე დროს ი. ზუბალაშვილი ეწეოდა მოიჯარადრობას. ყიდულობდა პურსა და ქერს არმიის მომარაგებისათვის, ეწეოდა სხვა საიჯარო საქმეებსაც.

ამავე ხანებში დიდ სავაჭრო ოპერაციებს ეწეოდა იაკობის ძმა, მე-8 კლასის კომისიონერი იაგორ ზუბალაშვილი³. მასთან საქმიანობაში ვხედავთ მსხვილ თბილისელ ვაჭარ მირიმანოვს.

საერთოდ, XIX საუკუნის დასაწყისიდანვე ზუბალაშვილები სავაჭრო-კომერციულ ასპარეზზე თვალსაჩინო როლს თამაშობდნენ. ამ გზით მათ დააგროვეს დიდი ფულადი კაპიტალი.

იაკობ ზუბალაშვილმა გაბედულად გადაწყვიტა ეს თანხა მრეწველობაში გამოეყენებინა და წარმოებისათვის მოეკიდა ხელი. მან მიზნად დაისახა მოეწყო შაქრის წარმოება. შაქარზე იმ დროს ამიერკავკასიაში დიდი მოთხოვნილება იყო და როგორც დავინახავთ წლების მანძილზე უცხოეთიდან შემოტანილ საქონელთა შორის პირველი ადგილი ეკირა.

1837 წელს თბილისის მოქალაქეებმა იაკობ ზუბალაშვილმა, დავით თამამშევმა და დავით ტერ-გუქასოვმა, რუსეთის იმპერიის ფინანსთა მინისტრ კანკრინს წარუდგინეს მოხსენებითი ბარათი, სადაც აღნიშნავდნენ შაქრის ლერწმის პლანტაციების გაშენების შესა-

¹ 1824 წელს იაკობ ზუბალაშვილს იმერეთის აზნაურ ქორქაშვილთან და რაქის აზნაურ ბაქრაძესთან ერთად, მათზე დაკისრებული მოვალეობის (მივლინებულნი იყვნენ იმერეთში დოკუმენტების შესამოწმებლად და ასლეგის ასაღებად) გულმოდგინედ შესრულებისათვის მე-14 კლასის ჩინი მიუღია (საქ. ცსსა, ფონდი 2, აღწერა 1, საქმე 1043).

² საქ. ცსსა, ფონდი 2, აღწერა 1, საქმე 2605.

³ საქ. ცსსა, ფონდი 2, აღწერა 1, საქმე № № 2605, 2727, 5116.

შვილისა და კომპანიისათვის მისაცემი პრივილეგიები, ხოლო იმავე წლის 5 ივლისს იგი გამოუტყდა კომპანიონებს¹.

თავდაპირველად ზუბალაშვილსა და K⁰ განზრახული ჰქონდათ მოეწყოთ ორი შაქრის ქარხანა კასპიისა და შავი ზღვის მიდამოებში, სადაც მათ უნდა გაეშენებინათ შაქრის პლანტაციები. მაგრამ საქმის დაკვირვებულმა შესწავლის შემდეგ ცხადი გახდა, რომ ორი ქარხნის მოწყობა შეუძლებელი იქნებოდა (ქარხნისათვის საჭირო მასალების შოვნის სიძნელე, მუშებისა და ოსტატების დაქირავების სიძნელე იმ ადგილებში და სხვ.). კომპანიამ არახელსაყრელად სცნო სავითოდ ქარხნის აგება ამ ადგილებში, რადგან თუ მას მოაწყობდნენ შავი ზღვის მიდამოებში, მაშინ ქარხანა ძალიან დაცილებული იქნებოდა კასპიის ზღვის მიდამოებში არსებული პლანტაციისაგან და ნედლეულის მოზიდვა გამოიწვევდა დიდ ხარჯებს. ამიტომ კომპანიამ გადაწყვიტა შაქრის საწარმო მოეწყოთ თბილისში, რომელიც, მისი აზრით, შუა ადგილი იყო გასაშენებელ შაქრის პლანტაციებს შორის. კომპანიამ ეს გარემოება მალე აცნობა ფინანსთა მინისტრს და ითხოვა ნება დაერთოთ ქარხანა მოეწყოთ თბილისში. პეტერბურგში მათი თხოვნა დააკმაყოფილეს, რის შემდეგ მწარმოებლები შეუდგნენ საქმეს.

შაქრის კომპანიონებმა ქარხნის აგება ირჩიეს დიდუბეში მდ. მტკვრის მარცხენა ნაპირას, კასტელას აბრეშუმსახვევ ფაბრიკასა და მუშტაიდს შორის. მტკვრის ნაპირთან ქარხნის მოწყობა სავსებით გონივრულად ირჩიეს, რადგან შაქრის ქარხანა უზრუნველყოფილი იქნებოდა წყლით და საწვავი მასალით, შემით, რომელსაც ისინი იყიდდნენ მტკვრის საშუალებით ჩამოცურებული ტივების სახით. სულ მალე მთელმა ქალაქმა შეიტყო რომ თბილისში შაქრის ქარხანა იხსნებოდა.

1837 წლის ნოემბერში ბარონ როზენმა საქართველოს ქალაქების მომწყობ კომიტეტს მიმართა, რომ შაქრის კომპანიისათვის, თხოვნის თანახმად, ქარხნის მოსაწყობად მიეცათ სახაზინო მიწის ნაკვეთი დიდუბეში თბილისის საქალაქო საავადმყოფოსა და ემერიხისათვის გამოყოფილ მიწას შორის². კომპანიას აღნიშნულ ადგილას 1838 წლის დასაწყისში მისცეს მიწის ნაკვეთი³. ეს მიწის ნაკვეთი მართალია გერმანელ კოლონისტებს ეკუთვნოდათ, მაგრამ მას სრულებით არ იყენებდნენ. კომპანია, დრო რომ არ დაეკარგა, მაშინვე

¹ იქვე, ფურც. 116—126.

² საქ. ცსა, ფონდი 211, საქმე 42, ფურც. 1.

³ იქვე, ფურც. 19.

შეუდგა ქარხნის მოწყობას, რადგან ჩამოვიდნენ მათ მიერ გამოწერილი შაქრის წარმოების ოსტატები. მოზიდეს საჭირო მასალა და ჩაყარეს საძირკველი. სწორედ ამ დროს, ქარხნის მშენებლობას სასტიკად წინ აღუდგნენ გერმანელი კოლონისტები, რომლებიც საქართველოს სამოქალაქო გუბერნატორ ნიკო ფალავანდიშვილისადმი წარდგენილ ბარათში მოითხოვდნენ აღნიშნული მიწის ნაკვეთის უკან დაბრუნებას. რომელსაც თითქოს ძალიან საჭიროებდნენ. კოლონისტები არ ცხრებოდნენ და მთავრობა იძულებული გახდა ქარხნის მოწყობის საქმე შეეჩერებინა¹. კომპანიამ მთავრობას სთხოვა მიწის ამ ნაკვეთის მაგიერ კოლონისტებისათვის მიეცათ სხვა, სახაზინო მიწის ნაკვეთი, იქვე მახლობლად. აბრეშუმ-სახევე ფაბრიკასა და მუშტაიდს შორის², მაგრამ მთავარმართებელმა გოლოვინმა ამაზე უარი განაცხადა³. ამის შემდეგ კომპანია იძულებული გახდა დაწყებული საქმე მიეტოვებინა და სხვაგან ეძებნა მიწის ნაკვეთი. იმავე 1838 წელს, ქარხნის მოსაწყობად. თავად დავით და ისაყ თუმანიშვილებისაგან იყიდეს მიწის ნაკვეთი⁴. მიწის ეს ნაკვეთი მდებარეობდა თბილისის გარეუბან კუკიის ბოლოში. ისარლოვის პალსა და უცხოელ ვატმანის არყისსაბდელ „ქარხანას“ შორის. აქ კი, კომპანიონებს 1838 წ. სექტემბერში ნება დართეს აეგოთ ქარხანა⁵. კომპანიონებმა მიწის ამ ნაკვეთზე ააგეს დიდი შაქრის ქარხანა, რომელიც შეიკადა 4 სართულიან ქვის შენობას. ამრიგად, ზუბალაშვილმა და კომპანიამ დიდ წინააღმდეგობათა და დაბრკოლებათა დაძლევის შედეგად შეძლეს თბილისში მოეწყოთ შაქრის წარმოება.

რადგან, მაშინ საქართველოში შაქრის წარმოებისათვის ადგილობრივი კვალიფიცირებული კადრები არ არსებობდა, ზუბალაშვილმა ქარხნისათვის საჭირო ოსტატები და გამოცდილი მუშები პირველ ხანებში გამოიწერა უცხოეთიდან და პეტერბურგიდან. პეტერბურგიდან ჩამოიტანეს სპილენძის, რკინისა და თუჯის მოწყობილობა. ქარხანაში დადგეს 3 ქვაბი, 5 კასრი (როფი), 2 ჰაერლუმპელი, 6 ჰოლანდური ღუმელი; ქარხანაში იყო 25000 თიხის ყალიბი (ფორმა)⁶. თითოეული ყალიბი იტევდა 4 ფუნტამდე შაქარს. ქარხანაში მანქანები არ გააჩნდათ. მარტო ქარხნის მოწყობა კომ-

¹ საქ. ცსსა, ფონდი 16, საქმე 5532, ფურც. 12.

² საქ. ცსსა, ფონდი 211, საქმე 93, ფურც. 1—2.

³ იქვე, ფურც. 9—10.

⁴ საქ. ცსსა, ფონდი 2, აღწერა 1. საქმე 4256, ფურც. 8, 18.

⁵ საქ. ცსსა, ფონდი 16, საქმე 5554, ფურც. 4.

⁶ საქ. ცსსა, ფონდი 16. საქმე 6105, ფურც. 35, საქმე 6351, ფურც. 26.

პანიონების განცხადებით დაუჯდათ 200.000 მანეთზე მეტი ასიგნაციით¹.

ქარხანაში იმყოფებოდნენ: 1 უცხოელი ოსტატი — გარტმანი², ნოქრები და ზედამხედველები — 10 კაცი (3 რუსი და 7 — ქართველი და სომეხი), ბუხჰალტრები (სარაჯიშვილი³ და რიაბოვი⁴), დარაჯი (რევიშვილი)⁵ და სხვ. ქარხანაში სისტემატურად მუშაობდა 50 მუშა. ყველა ესენი ნებითდაქირავებულნი იყვნენ⁶ ქარხნის მეპატრონეების მიერ.

როგორც აღნიშნული იყო, ქარხნისათვის საჭირო ნედლეული — შაქრის ფხვნილი უნდა შემოეტანათ უცხოეთიდან 240000 ფუთის ოდენობით 6 წლის განმავლობაში (120000 ფუთი უბაჟოდ, ხოლო შემდეგი 120000 ფუთი ნახევარი ბაჟის — 70 კაპ. გადახდით ფუთზე). მისი შემოზიდვა დაიწყო 1839 წლის დასაწყისიდან, ქარხნის მოწყობის დამთავრებასთან ერთად. წლიურად უნდა შემოეზიდათ (წლიური პროპორცია) 40000 ფუთი შაქრის ფხვნილი. აქვე უნდა აღინიშნოს, რომ შემოზიდული შაქრის ფხვნილი ქარხანაში გადაუმუშაებლად რომ არ გაეყიდათ, კომპანია საწინდრის სახით თითოეულ ფუთ ფხვნილ შაქარზე იხდიდა 1 მან. და 40 კაპ., ე. ი. მთლიან ბაჟს. 1838 წელს კომპანიამ ტრიესტიდან მოიტანა 8235 ფუთი ქვიშა-შაქარი, ხოლო 1839 წელს ერთ-ერთმა კომპანიონმა ტარიელ ლორის-მელიქოვმა ჰამბურგსა და ლონდონში იყიდა 22000 ფუთი შაქრის ფხვნილი და საქართველოში გამოაგზავნა⁷. შაქრის ქარხანამ მუშაობა დაიწყო 1839 წლის მარტში. ქარხანა ამზადებდა შაქარ-რაფინადს (თაუ-შაქარს). მელასას, შაქრის ყინულსა და ბადაგს. ფუთ შაქარს ყიდდნენ 9 მან. და 50 კაპ., შაქრის ყინულს — 12 მან., ბადაგს — 3 მან., მელასას — 8 მან და 50 კაპ.⁸ შაქარი საკმაოდ კარგი ხარისხის იყო და მთელ ამიერკავკასიაში იყიდებოდა. ამის შესახებ საქართველოს სამოქალაქო გუბერნატორი გენ. მაიორი ახლესტიშევი, 1839 წლის 29 ივლისის ბარათში მთავარმართებელ გოლოვინს ასწერდა: „გადალახეს რა ყველა დაბრკოლება, კომპანიამ თბილისის გარეუბანში მოაწყო ქვის 4-სართულიანი შენობა შაქრის ქარხნისათვის, რომელმაც მუშაობა დაიწყო მიმდინარე წლიდან“.

¹ საქ. ცსსა, ფონდი 2, აღწერა 1, საქმე 9113, ფურც. 64.

² ЦГИАЛ, ф. 1268, оп. 1, д. 280, л. 3.

³ საქ. ცსსა, ფონდი 26, აღწერა 2, საქმე 549, ფურც. 114—115.

⁴ საქ. ცსსა, ფონდი 2, აღწერა 2, საქმე 3232.

⁵ ი. ა. ა. ა.

⁶ საქ. ცსსა, ფონდი 16, საქმე 6105, ფურც. 35, საქმე 6351, ფურც. 26.

საქ. ცსსა, ფონდი 2, აღწერა 1, საქმე 9113, ფურც. 47—48.

⁷ საქ. ცსსა, ფონდი 16, საქმე 615, ფურც. 35, საქმე 6351, ფურც. 26.

შარტის თვიდან და ამარაგებს შაქრით ამიერკავკასიაში მის ფართო მომხმარებლებს“¹, და რომ თბილისის ქარხნის შაქარი „არაფრით არ ჩამოუვარდება რამდენიმე წლის წინათ მოწყობილ საუკეთესო საწარმოთა შაქარს“².

თბილისის შაქრის ქარხანა რეფორმამდელი ხანის საქართველოს ყველაზე უფრო მსხვილი კაპიტალისტური საწარმო იყო, ხოლო მთელ რუსეთის იმპერიაში ერთ-ერთი მსხვილი სამრეწველო საწარმო. იგი ყოველწლიურად მეტად მნიშვნელოვანი თანხის პროდუქციას უშვებდა. ჩვენ ხელთ გვაქვს ცნობები ქარხნის მიერ 1840, 1841, 1843 და 1844 წლებში გამომუშავებული პროდუქციისა და მისი ღირებულების შესახებ.

1840 წელს ქარხანამ გამოუშვა 13000 ფუთი რაფინადი შაქარი — 123500 მან. ღირებულების; მელასა — 6000 ფუთი — 51.000 მან., შაქარ ყინული — 100 ფუთი — 1200 მან., ბადაგი — 2000 ფუთი — 6.000 მან. ღირებულების, სულ — 181.700 მან. პროდუქციას.

1841 წელს საწარმომ გამოუშვა 186.600 მან. პროდუქცია³, 1843 წელს — 66905 მან. პროდუქცია⁴, ხოლო 1844 წელს — 80.000 მანეთის პროდუქცია⁵. ე. ი. ბოლო წლებში შაქრის წარმოება შემცირდა. რაც შეეხება ქარხნის მიერ გამომუშავებულ პროდუქციასა და მის ღირებულებას 1839, 1842 და 1845 წლებში, ჩვენ ამის შესახებ სათანადო ცნობები არ გვაქვს, გარდა ნაწილობრივ 1839 წლისა. ამ წლის 1 ივნისისათვის დამზადებული იყო 3000 ფუთამდე შაქარი (აქედან გაყიდული იყო 1000 ფუთზე მეტი)⁶.

შაქრის შესახებეც ქაღალდს მრეწველები ღებულობდნენ პეტერბურგიდან. 1838—1840 წლებში პეტერბურგიდან მათ მიიღეს 1620 ფუთი ქაღალდი⁷.

თბილისის შაქრის ქარხანა მანუფაქტურული ტიპის მსხვილი კაპიტალისტური საწარმო იყო. როგორც ცნობილია კაპიტალისტური მანუფაქტურის დამახასიათებელი ნიშნებია: 1) ნებთდაქირავებული შრომა, რომელიც საერთოდ კაპიტალისტური წარმოების ატრიბუტს წარმოადგენს, 2) შრომის დანაწილება; წარმოების პრო-

¹ საქ. ცსსა, ფონდი 2, ილწერა 1, საქმე 5539, ფურც. 1.

² იქვე.

³ საქ. ცსსა, ფონდი 16, საქმე 6105, ფურც. 35.

⁴ საქ. ცსსა, ფონდი 16, საქმე 6351, ფურც. 26.

⁵ ЦГИАЛ, ф. 1268, оп. 1, д. 744, л. 91.

⁶ საქ. ცსსა, ფონდი 16, საქმე 8093, ფურც. 10.

⁷ საქ. ცსსა, ფონდი 16, საქმე 5554, ფურც. 8.

⁸ ЦГИАЛ, ф. 1268, оп. 1, д. 280, л. 3.

ცესი სახელოსნოში დაყოფილია რიგ ცალკეულ ოპერაციებად, 3) ხელოსნური ტექნიკა. თბილისის შაქრის ქარხანაში წარმოება მთლიანად დაქირავებულ შრომაზე იყო დამყარებული. ქარხანაში, მისი ამუშავეების დროიდან წლების მანძილზე მუშაობდა 50-მდე დაქირავებული მუშა, ხოლო ოსტატებით, ბუხპალტრებით. ნოქრებითა და ზედამხედველებით 60 კაცზე მეტი. ქარხნის ამუშავეების პირველ წელს კი ერთი სხვა ცნობით, მასში 100-მდე დაქირავებული მუშა მუშაობდა. ამ საწარმოს შესახებ ჩვენ ხელთ გვაქვს 1840—1841 წლების უწყისები. ამ წლებში საწარმოში მუშაობდა 50 შავი მუშა, 1 ოსტატი, ნოქრები და ზედამხედველები — 10 კაცი¹. უწყისში გამოტოვებულია ბუხპალტერი. რომელიც საწარმოს ყოველთვის გააჩნდა (ასევე გამოტოვებულია საწარმოს დარაჯი). ყველა ზემოთ ჩამოთვლილი ნებითდაქირავებულნი იყვნენ ადგილობრივ მცხოვრებთაგან². საწარმოში იძულებითი შრომა არ ყოფილა გამოყენებული. ამრიგად, თბილისის შაქრის საწარმოში, რომელიც 6—7 წლის მანძილზე მუშაობდა, ფართოდ იყო გამოყენებული კაპიტალისტური კოოპერაციის ერთ-ერთი ძირითადი დამახასიათებელი ნიშანი, დაქირავებული შრომა.

საწარმოში არსებობდა შრომის დანაწილება³. უნდა ვიფიქროთ, რომ აქ, შაქრის წარმოება სამ ფაზას გაივლიდა. ეს ფაზები შეიძლება ასე წარმოვიდგინოთ: პირველ ფაზაში ხდებოდა ქვიშა-შაქრის თხევად მასად დადნობა ქვაბებში. აქვე ხდებოდა ძვლისა და სხვა საჭირო მასალათა შეზავება შაქრის დასაწმენდათ. მეორე ფაზაში ხდებოდა რაფინირებული შაქრის თხევადი მასის გადასხმა სხვადა-

¹ საქ. ცსსა, ფონდი 16, საქმე 6105, ფურც. 35; საქმე 6351, ფურც. 26.

² იქვე.

³ სამწუხაროდ, შაქრის წარმოების მეპატრონეების მიერ შედგენილი წარმოების ანგარიშები 43 წიგნად, რომლებიც სრულ წარმოდგენას მოგვცემდა საერთოდ შაქრის წარმოებაზე, დაკარგულად უნდა ჩათვალოს. ეს წიგნები („КОНТОРСКІЕ КНИГИ“) წარმოების მფლობელებმა წარადგინეს სააღმშენებლო კომისიის ხაზინადართან, ტიტ. სოვეტს. ამიროვთან. ამიროვმა ეს წიგნები წარუვცინა საქართველო-იმერეთის სამოქალაქო გუბერნატორს გენ. შაიორ ერმოლოვს 1846 წლის 17 ნოემბერს. შემდეგ ეს წიგნები გადაუციათ თბილისის საქალაქო პოლიციისათვის. 1854 წელს თბილისის საგუბერნიო სამმართველომ საქალაქო პოლიციას მოთხოვა აღნიშნული წიგნები შაქრის მრეწველებისათვის დაებრუნებინათ. ამის შემდეგ საქალაქო პოლიციამ ეს წიგნები დაუბრუნა ქარხნის ერთ-ერთი კომპანიონის — დაღუპულა ტერ-გუკასოვიც ასულს — ეკატერინე ვარლამოვას. ამის შემდეგ რა ბედი ეწია ამ წიგნებს არ ჩანს. წიგნება შეიცაჭადა შაქრის საწარმოს აგების, შაქრის წარმოების, შაქრის მიღებისათვის საჭირო მასალების ყიდვის, მუშებისა და მოსამსახურე პერსონალისათვის ხელფასის გაცემისა და შრავალ სხვა ანგარიშებს 1839—1846 წლებისას (საქ. ცსსა, ფონდი 26, აღწერა 2, საქმე 549, ფურც. 91—92, 100, 113—116, 147—150).

სხვა ფორმისა და ზომის ყალიბებში. მესამე ფაზის დროს ხდებოდა ყალიბებიდან თავი შაქრის გამოღება, მათი დახარისხება და შეფუთვა.

საწარმოში მუშაობა წარმოებდა ხელოსნური ტექნიკითა და გაუმჯობესებული ინსტრუმენტებით. როგორც აღინიშნა, საწარმოში მოწყობილი იყო 3 ქვაბი, 5 როფი (ყასრი), 2 ჰაერლუმელი, 6 ჰოლანდური ღუმელი, 25.000 ყალიბი. მანქანები არ გააჩნდათ¹. წარმოებისათვის საჭირო სპილენძის, რკინისა და თუჯის ნაკეთობანი მოჰქონდათ პეტერბურგიდან, რადგან იგი ადგილობრივ არ კეთდებოდა. ამრიგად, თავისი თვისებებით: დაქირავებული შრომის ფართო გამოყენებით, წარმოების იარაღებითა და შრომის დანაწილებით, თბილისის შაქრის საწარმო, მსხვილი კაპიტალისტური მანუფაქტურა იყო.

დამხადებული შაქარი მთელ ამიერკავკასიაში იყიდებოდა, მკაცრად კი თბილისში. როგორც აღვნიშნეთ ქარხანა უშვებდა შაქარათინადს (თავი-შაქარი), მელასას, შაქარ-ყინულს და ბადაგს. ამ უკანასკნელს ხშირად ვერ ასაღებდნენ და ამიტომ ზუბალაშვილმა შაქრის ქარხანასთან შაქრის ბადაგისა და სხვა ნარჩენების გამოსაყენებლად მოაწყო რომის ქარხანა. მიღებულ სასმელს თბილისში ყიდდნენ. თავდაპირველად არსებობდა ნიშნები შაქრის წარმოებისკიდევ უფრო გაფართოებისა. ფიქრობდნენ, რომ შაქრის წარმოების საქმე ამიერკავკასიაში უკვე მოწყობილი იყო.

საქართველოს სამოქალაქო გუბერნატორი გენ. მაიორი ახლესტიშვივი, რომელიც, თბილისის შაქრის წარმოების დიდ წარმატებას აღნიშნავდა, იმედს გამოთქვამდა, რომ შაქრის პლანტაციების გაშენებით, ამიერკავკასიაში ჭაობიანი ადგილები მდიდარ პლანტაციებად გადაიქცეოდა და აქაური შაქრის-ფხენილით (ნედლეულით) უხვად მომარაგდებოდა რუსეთში არსებული შაქრის ქარხნები, ხოლო თბილისის ქარხანაში რაფინირებული შაქარი განდევნიდა უცხოეთის შაქარს სპარსეთისა და თურქეთის ბაზრებიდან². წახალისების მიზნით მან მოითხოვა ზუბალაშვილის, თამაშშვილისა და ტერ-გუკასოვის ორდენებით დაჯილდოება. მათ საატესტაციო ფურცელზე შაქრის წარმოების შესახებ ვკითხულობთ: „ქარხანაში შაქრის გამოყვანა ხდება წარმატებითა და საკმაოდ სწრაფად, შაქარი კარგი ღირსებისაა და ამჟამად საღდება ამიერკავკასიაში დიდი რაოდენობით ფრიად ზომიერ ფასებში, საზღვარგარეთულ და რუსეთის შაქართან შედარ-

¹ საქ. ცსსა, ფონდი 16, საქმე 6105, ფურ. 35; საქმე 6351, ფურც. 26.

² საქ. ცსსა, ფონდი 2, აღწერა 1, საქმე 5539.

„აქებით“¹. ხოლო 1839 წლის ივნისში, იგივე გუბერნატორი შინაგან საქმეთა სამინისტროს მმართველს სწერდა, რომ თბილისური შაქარი ბაზარზე იყიდება ხელსაყრელ ფასებში, რომელმაც მნიშვნელოვნად დასწია შაქრის წინანდელი ფასებიო².

მიუხედავად ამისა, თბილისის შაქრის საწარმო შემდგომში წააწყდა დიდ დაბრკოლებებს, რომლებმაც საბოლოოდ წარმოების ჩაშლა გამოიწვიეს.

დიდ დაბრკოლებებს აწყდებოდა კომპანია უცხოეთიდან შაქრის-ფხვნილის მოტანის საქმეში, მიუხედავად იმისა, რომ მას ნება დართული ჰქონდა იგი უბაჟოდ შემოეტანა. ევროპიდან შაქრის ფხვნილი ჩვეულებრივად მოჰქონდათ ყუთებით, თითოეული მათგანი 12 ფუთზე მეტს იწონიდა. რედუტ-კალე მაშინ მოუწყობელი იყო. ამიტომ გემები მისგან 4 ვერსის დაშორებით ჩერდებოდნენ ზღვაში. შაქრის ფხვნილით სავსე ყუთები გემიდან ნავეებში გადაჰქონდათ, რის დროსაც ყუთები ხშირად ტყდებოდა და შაქრის ფხვნილის ნაწილი ზღვაში იკარგებოდა. რედუტ-კალეში გადმოზიდვის შემდეგ შაქრის ფხვნილი თბილისში მოჰქონდათ ურმებითა და ცხენებით, მაგრამ ყუთებით მოტანა თბილისში მათი საშუალებით შეუძლებელი იყო და ამიტომ ტომრებში გადმოსცილდნენ, რის დროსაც კვლავ იკარგებოდა ნაწილი. ასე რომ, ევროპიდან მისი მოტანა თბილისში, მიუხედავად იმისა, რომ ბაჟს არ იხდიდნენ, ძვირი უჯდებოდათ. ზუბალაშვილის განცხადებით ჰამბურგიდან თბილისში, ფუთი შაქრის ფხვნილის მოტანა ყოველწლიურად უჯდებოდათ 5 მანეთამდე³. ეს გადაჭარბებული ჩანს, მაგრამ ცხადია, რომ იგი ძვირი უჯდებოდათ. ამავე დროს, როგორც ვიცით, ვიდრე შაქრის ფხვნილს ქარხანაში გადაამუშავებდნენ კომპანიას წინდაწინვე შეჰქონდა საწინდრის სახით თითოეულ ფუთ შაქრის-ფხვნილზე 1 მან. და 40 კაპ.⁴, ე. ი. ჩვეულებრივად, შემოტანილ შაქარზე დაწესებული ბაჟის ოდენობა. ეს იმიტომ ხდებოდა, რომ შაქრის ფხვნილი გადაუმუშავებლად არ გაეყიდებოდა. საწინდრის შეტანა მნიშვნელოვან ფულად კაპიტალს ითხოვდა და იგი შაქრის გადამუშავებამდე ბრუნვის გარეშე რჩებოდა, რაც დიდი მონუსი იყო წარმოებისათვის.

მრავალი მიზეზების გამო კომპანიამ ვერც კი შეძლო ნებადართული 240.000 ფუთი შაქრის-ფხვნილის მთლიანად შემოტანა. რედუტკალეს საბაჟოს ცნობით, 1839—1844 წლებში, მათ შემოიტანეს

¹ იქვე, ფურც. 6.

² საქ. ცსსა, ფონდი 16, საქმე 5554, ფურც. 8.

³ საქ. ცსსა, ფონდი 2, აღწერა 1, საქმე 9113, ფურც. 100.

⁴ იქვე ფურც. 47.

მხოლოდ 56.243 ფუთი შაქარი¹ ფხენილი. 1838 წელს კი შემოიტანეს 8.235 ფუთი შაქარი² ფხენილი. სულ კომპანიონებმა შემოიტანეს 65.000-მდე ფუთი შაქრის ფხენილი. აქედან მეტი ნაწილი — 42.753 ფუთი შემოიტანილ იქნა 1838—1840 წლებში³.

როგორც ზემოთ აღინიშნა, ზუბალაშვილის ქარხანაში დამზადებული შაქარი კარგი ხარისხის იყო და ხელსაყრელ ფასებში იყიდებოდა. ამ მხრივ იგი კონკურენციას უწევდა უცხოეთისა და რუსეთის შაქარს და მათზე ფასს დაბლა სწევდა⁴. ამ გარემოებამ თბილისის შაქრის წარმოების არსებობის მიმართ საწინააღმდეგო ტენდენციები გამოიწვია. ამიერკავკასიის ბაზარზე „ქართული შაქრის“ კონკურენციამ, ბუნებრივია, საწინააღმდეგო რეაქცია გამოიწვია როგორც უცხოეთისა და რუსი შაქრის მეწარმეების. ასევე მათი შაქრის შემომტან ადგილობრივი ვაჭარი კომპრადორების მხრივ⁵. კომპრადორ ვაჭართა ინტერესები იმაში მდგომარეობდა, რომ მათ მიერ უცხოეთიდან შემოზიდული ნაწარმისათვის კონკურენცია არ გაეწია ადგილობრივ ნაწარმს. მათ დიდი რაოდენობით მოჰქონდათ უცხოეთიდან მზა საქონელი და პირველ რიგში შაქარი. ამიტომ კომპრადორ ვაჭრებმა ბრძოლა დაუწყეს ზუბალაშვილის „ქართულ შაქრის“ წარმოებას. 1839 წლის აგვისტოში კომპანიონებმა ინგლისის გემებით „ოტტერო“-თი და „ბერნარდო“-თი ევროპიდან რედუტ-კალეში მოიტანეს 1900 ყუთი ქვიშა შაქარი. რედუტ-კალეს საბაჟო კარანტინის კომისარ პიუკოვს, შაქრის კომპანიის ნოქარ თბილისელ ავეტიქ ბაბანოვისათვის ნება არ მიუცია შაქარი საწყობში გადაეტანა და იგი ღია ცის ქვეშ დარჩენილა. ამ დროს ძლიერი წვიმა მოსულა, შაქარი დასველდა და ზარალი კომპანიონების განცხადებით უდრიდა 6300 ფუთ ქვიშა-შაქარს⁶. ტერ-გუკასოვმა, რომელიც ამ დროს იქ იყო, ადგილობრივ უფროსებთან საჩივარი შეიტანა. ტერ-გუკასოვს ცნობა მისცეს დანაქარგის შესახებ⁷. კომპანია მოხსენებით ბარათში ითხოვდა ზარალის ანაზღაურებას, მაგრამ მათი თხოვნა არ დააკმაყოფილეს. შესაძლებელია, რომ რედუტ-კალეში

¹ საქ. ცსსა, ფონდი 26, აღწერა 2, საქმე 549, ფურც. 139.

² საქ. ცსსა, ფონდი 2, აღწერა 1, საქმე 9113, ფურც. 47—48.

³ ЦГИАЛ, ф. 1268, оп. 1, л. 280, а. 3.

⁴ ჩვენ შემდეგ დაინახავთ, რომ თბილისის შაქრის ქარხნის არსებობას პერიოდში უცხოეთიდან შაქრის შემოტანა ამიერკავკასიაში შემცირდა, ხოლო მისი დახურვის შემდეგ იგი სწრაფად გაიზარდა.

⁵ კომპრადორი ვაჭრები საქართველოში ვაჭართა მთელ ფენას როდი მოიცავდა. ისინი მხოლოდ შიქ ნაწილს შეადგენდა, რომელთაც დაგროვილი კარგადი წარმოებაში არასდროს დაუბანდებიათ და საერთოდ ხელს უშლიდნენ შიქ განვითარებას სამშობლოში.

⁶ საქ. ცსსა, ფონდი 2, აღწერა 1, საქმე 8290, ფურც. 2.

⁷ იქვე.

მიყენებული ზარალი კომპრადორი ვაჭრების მოქმედებით იყო გა-
წოწვეული¹. აქვე უნდა აღინიშნოს ერთი მნიშვნელოვანი ფაქტიც.
როგორც აღვნიშნეთ, იმ დროს რედუტ-კალეში იმყოფებოდა ერთ-
ერთი მთავარი კომპანიონთაგანი ტერ-გუკასოვი. რედუტ-კალედან
ჩვი აფხაზეთში წავიდა შაქრის პლანტაციებისათვის საჭირო მიწების
ძოსაძებნად. გზაში ტერ-გუკასოვი უგზო-უკვლოდ დაიკარგა². სავსე-
ბით დასაშვებია ამ ბნელ საქმეშიც ვაჭარი კომპრადორების ხელი
ეროს.

კომპრადორ ვაჭრებს, რომლებიც წარმოებას არ ჰკიდებდნენ
ხელს თავის ქვეყანაში. ყოველწლიურად შემოჰქონდათ უცხოეთი-
დან ათასობით ფუთი შაქარი. ეს გარემოება, რა თქმა უნდა, დიდად
უნებლა თბილისის შაქრის წარმოებას. ბორკავდა მის განვითარებას.
კომპანიონები ფინანსთა მინისტრს კანკარინს 1839 წ. სწერდნენ: „აღ-
ვილობრივ ვაჭრებს რედუტ-კალეში მოაქვთ დიდი რაოდენობით თა-
ვი შაქარი. 1839 წელს მხოლოდ თბილისისათვის შემოტანილია
9000 ფუთამდე, რომ არ ვილაპარაკოთ იმ შაქარზე, რომელიც
მოაქვთ ტრაპიზონიდან ამიერკავკასიის სხვა პროვინციებში და სპარ-
სეთში. რამდენადაც ამბობენ, ვაჭრები გაემგზავრნენ ჰამბურგში კი-
დეც უფრო დიდი რაოდენობის შაქრის სასყიდლად 1840 წლი-
სათვის“³. გარდა იმისა, რომ კომპრადორ ვაჭრებს საქართველოსა და
ამიერკავკასიაში დიდი რაოდენობით შემოჰქონდათ შაქარი, მათ
ხელი მიჰყევს თბილისის შაქრის ქარხნის დისკრეტიზაციას. მათ
ამიერკავკასიაში გაავრცელეს ხმები იმის შესახებ, რომ თითქოს ზუ-
ბალაშიელის თბილისის შაქრის ქარხანა შაქარს სხვაგვარად ამზა-
დებსო, რომ თბილისში შაქრის მიღებისას ურევენ ცხოველთა სი-
სხლსა და ძვლებს და, თითქოს ევროპაში ასე არ აწარმოებდ-
ნენ. ამის გამო შაქრის მრეწველები იძულებულნი იყვნენ თბილი-
სური შაქარი ევროპულთან შედარებით ხშირად დაბალ ფასებში,
2—3 მანეთით ნაკლებად გაეყიდათ, მიუხედავად იმისა, რომ მას
არაფრით ჩამოუვარდებოდა⁴.

1839 წელს, ფინანსთა მინისტრისადმი წარდგენილ ბარათში

¹ ზ. ანაბაძე. რედუტ-კალეში გამოწვეულ ზარალს უშუალოდ ვაჭარ-
კომპრადორებს მიაწერს (მისი სტატია: „К вопросу о роли торгово-рас-
твовщического капитала дореформенной Грузии“. მასალები საქართველოსა
და კავკასიის ისტორიისათვის, ნაკ. 30, 1954). სავსებით დასაშვებია ეს ასე ყოფი-
ლიყო, თუმცა საამისო პირდაპირი მითითება არა გვაქვს.

² საქ. ცსსა, ფონდი 2, აღწერა 1, საქმე 8290, ფურც. 2.

³ საქ. ცსსა, ფონდი 2, აღწერა 1, საქმე 9113, ფურც. 66.

⁴ ЦГИА.Т, ф. 1268, оп. 1, д. 280, л. 4.

კომპანიონები აღნიშნავდნენ, რომ უცხოეთის შაქრის დიდი რაოდენობით შემოზიდვა საქართველოში, ხელს უშლის თვით რუსეთიდან შემოტანილი შაქრის გასაღებას¹. ერთ-ერთმა კომპანიამ, რომელსაც სურდა მოეწყო შაქრის ქარხანა სამხრეთ რუსეთში (ოდესის საბაჟო ხაზს იქეთ) და შაქრით მოემარაგებინა ამიერკავკასია და სპარსეთი, უარი განაცხადა წარმოების გახსნაზე, რადგან გაიგო, რომ ეს მხარე მარაგდება უცხოეთის შაქრით². თბილისის შაქრის მრეწველები დაწმუნებულნი იყვნენ. თუ მათი წარმოება ჩაიშლებოდა, სხვა არცერთი არ მოკიდებდა ხელს ასეთი ქარხნის გამართვას. კარგად იცოდნენ, რომ საქმის დასაწყისში მათ გააჩნდათ უზარმაზარი ფულადი კაპიტალი, მოაწყვეს საქმაოდ დიდი და კარგი შაქრის ქარხანა, ჰყავდათ დაქირავებული მუშახელი, გააჩნდათ საჭირო ინსტრუმენტები, უშვებდნენ კარგი ხარისხის შაქარს, რომელიც ევროპულს არ ჩამოუვარდებოდა, და თუ მიუხედავად ამისა, ისინი უძლურნი აღმოჩნდებოდნენ დაბრკოლებებთან ბრძოლაში, სხვები, რომლებიც თითქმის ყველანი მათზე სუსტნი იყვნენ, ვერ შეძლებდნენ ასეთი წარმოების გამართვას³.

შაქრის მრეწველებმა დახმარებისათვის მიმართეს მთავრობას, მათ მთავრობას თხოვეს თბილისში შაქრის წარმოების განვითარების მიზნით გაედიდებინათ ბაჟი უცხოურ შაქარზე 2-ჯერ, ანდა სავსებით აეკრძალათ უცხოეთიდან შაქრის შემოტანა ამიერკავკასიაში⁴. თხოვნასთან ერთად შაქრის მრეწველებმა ფინანსთა მინისტრს წარუდგინეს თალიშის სახანოში მოყვანილი შაქრის ლერწმისა და თბილისის ქარხანაში მიღებული თავი-შაქრის ნიმუშები. საქართველოს სამოქალაქო გუბერნატორი ფინანსთა მინისტრს უმტკიცებდა რომ თბილისის შაქრის ქარხანას ყოველწლიურად შეუძლია გამოუშვას 34000 ფუთი შაქარი, რომელიც მთელ ამიერკავკასიას დააკმაყოფილებს⁵. მაგრამ მთავრობამ არ დააკმაყოფილა მრეწველთა დხოვნა⁶.

ორი წლის შემდეგ კომპანიამ კვლავ მიმართა მთავრობას დახმარებისათვის. 1842 წელს მათ მოხსენებითი ბარათი წარუდგინეს სტატსკი სეკრეტარ პოზენს, სადაც თითქმის უცვლელად იმეორებდნენ იმ ძირითად თხოვნას, რაც მთავრობას ორი წლის წინათ აცნობეს. კომპანია აღნიშნავდა, რომ გარდა შაქრისა ადგილობრივ

¹ საქ. ცსსა, ფონდი 2, აღწერა 1, საქმე 9113, ფურც. 66.

² იქვე.

³ იქვე.

⁴ იქვე, ფურც. 66—67.

⁵ იქვე.

⁶ იქვე, ფურც. 70.

ვაკრებს დიდი რაოდენობით შემოაქვთ ევროპიდან მთელი რიგი სხვა საქონელი და ამით ხელს უშლიან თვით რუსეთის საქონლის გასაღებას ამიერკავკასიასა და სპარსეთში¹. ცხადია, კომპანიონები რუსეთზე იმიტომ მიუთითებდნენ, რომ მთავრობაზე ზემოქმედება მოეხდინათ. კომპანიონები კვლავ მოითხოვდნენ უცხოეთიდან თავი-შაქრის შემოზიდვის აკრძალვას, ანდა მასზე და სხვა ნაწარმზე ბაჟების აწევას მაინც². ჩვენი თხოვნის მიღებით, აღნიშნავდნენ ისინი, დაეხმარებით ჩვენი შაქრის წარმოებას, წაახალისებთ სხვა წამოწყებებს, ხოლო მოსკოველ ფაბრიკანტებს შესაძლებლობას მისცემთ თავიანთი მანუფაქტურული ნაწარმი სპარსეთში გასაღონო³. მაგრამ მეფის მთავრობამ ამჯერადაც უარი უთხრა კომპანიას თხოვნის დაკმაყოფილებაზე იმ მოტივით, რომ ეს „მონოპოლიას“ შეუქმნის თბილისის შაქრის წარმოებას⁴. ამრიგად ცარიზმმა, რომელსაც არ აინტერესებდა საქართველოში, როგორც თავის კოლონიაში, მრეწველობა განვითარებულიყო, შაქრის კომპანიას უარი უთხრა მის მთავარ თხოვნაზე: დაეცვა და მფარველობა გაეწია უცხოეთის საქონლის კონკურენციისაგან. თბილისის შაქრის წარმოების განვითარების ერთ-ერთი მთავარი ხელშემშლელი პირობა ძალაში ღარჩა.

თბილისის შაქრის წარმოებისათვის მთავარი სასიცოცხლო პირობა შაქრის ლერწმის პლანტაციების გაშენება იყო. როდესაც შაქრის ქარხნის მოწყობაზე ფიქრობდნენ, კომპანიონებს ერთ-ერთ მთავარ ამოცანად პლანტაციების გაშენება მიაჩნდათ. როდესაც მრეწველებმა დაინახეს, რომ ისინი დიდ სიძნელებებს აწყდებოდნენ უცხოეთიდან ქვიშა-შაქრის (ნედლეულის) შემოტანის საქმეში, ზოლო მთავრობამ არა ერთხელ უთხრა უარი მათ დახმარება გაეწია წარმოებისათვის, ამ გარემოებამ კიდევ უფრო მეტად აიძულა მრეწველები, პლანტაციების გაშენებისათვის მოეკიდათ ხელი, რათა ქარხანა ნედლეულით მუდმივად უზრუნველყოფილი ჰქონოდათ.

1837 წელს პრივილეგიების დამტკიცებისთანავე მთავრობამ თანხმობა განუცხადა მრეწველებს მიწების გამოყოფაზე შაქრის პლანტაციების გასაშენებლად და შეეკითხა მათ, სად სურდათ მიეღოთ მიწის ნაკვეთები. 1838 წლის 12 მაისს „ამხანაგობამ“ განუცხადა მთავრობას, რომ მათ სურთ მიწები მიიღონ იმერეთში (ვარციხესთან) და თალიშის სახანოში, ხოლო თუ შეუძლებელი იქნებოდა.

¹ ЦГИАЛ, ф. 1268, оп. 1, д. 280, л. 5.

² იქვე.

³ იქვე, ფურც. 6.

⁴ იქვე, ფურც. 9.

ამ ადგილებში მიწების გამოყოფა, მაშინ მიწები მიეცათ ბორჩალო-ში, თბილისის მაზრაში. მიწების მიღებისათვის საჭირო იყო ადგილობრივ ხელისუფალთა დასტური. 1838 წლის სექტემბერში იმერეთის მმართველმა გენერალმა ესპეხომ საქართველოს მთავარ-მართებელს აცნობა, რომ ვარციხესთან 500 დესეტინა მიწის გამოყოფა კომპანიისათვის შეუძლებელია, რადგან მცხოვრებნი შევიწროვდებიან. ასევე გურიაშიც შეუძლებლად ჩათვალეს 500 დესეტინა მიწის მიცემა მათთვის¹. ამ საქმეზე დავა და მიწერ-მოწერა გაგრძელდა. ამ ამბავს 1839 წელს შეეწირა ერთ-ერთი მთავარი კომპანიონთაგანი ტერ-გუკასოვი, რომელიც რეტულ-კალედან აფხაზეთში წავიდა პლანტაციებისათვის ვარციხის მიწების მოსაძებნად და გზაშივე უგზო-უკვლოდ დაიკარგა. ბოლოს, როგორც იქნა. 1840 წელს კომპანიას პლანტაციების გასაშენებლად ვარციხეში (იმერეთში) მისცეს 55 დესეტინა სახაზინო მიწა, რომელიც კონტრაქტით ჰქონდა აღებული ჩინოვნიკ ივანე ბაქრაძეს. ვადა მას უთავდებოდა 1841 წლისათვის. იმავე წელს კომპანიამ ცდები ჩაატარა შაქრის ლერწმის გაშენებისათვის. მოსავალი კარგი მიიღეს, მაგრამ მალე ქუთაისის მაზრის სებეკას უბნის საზოგადოებამ გამოაცხადა თავისი უფლება ამ მიწაზე. საბოლოოდ, კომპანიამ დას. საქართველოში მიწები ვერ მიიღო.

ლენქორანთან, თალიშის მაზრაში შაქრის ლერწმის გასაშენებლად ცდები ჩატარებულ იქნა 1837 წლამდე. ცდებმა ძალიან კარგი შედეგი გამოიღო. ეს კარგად იცოდნენ კომპანიონებმა და აღნიშნავენ კიდევ 1837 წელს. დიდი დავის შემდეგ აქ კომპანიას მისცეს 20 დესეტინამდე სახაზინო მიწა², რომელზედაც ჩატარებულ იქნა ცდები. ცდებმა ამჯერადაც საუცხოო შედეგი გამოიღო. ამ საქმისათვის კომპანიამ გაიღო მნიშვნელოვანი თანხა. მაზანდერანიდან გამოიწერეს შაქრის ლერწმის გაშენების სპეციალისტები და კალამი (ლერწი) და შეუდგნენ პლანტაციის გაშენებას. შეიძინეს მიწის დასამუშავებელი სათანადო იარაღები, მუშა-პირუტყვი და სხვ. პლანტაციაში მუშაობა მხოლოდ დაქირავებული შრომით წარმოებდა, დაქირავებული იყო 20-მდე მუშა, თითოეულს თვეში აძლევდნენ 9 მანეთამდე. პლანტაციაში მეთვალყურე და ხელმძღვანელი იყო კომპანიის ერთ-ერთი წევრი ხანუმოვი, რომელიც წელიწადში ღებულობდა ხელფასს — 1000 მანეთს³. ამრიგად,

¹ საქ. ცსსა ფონდი 2, აღწერა 1, საქმე 9113, ფურც. 35.

² იქვე, ფურც. 100.

³ იქვე.

ოვგორც ქარხანაში. ისე აქაც, ექსპლოატაციის ახალი წესი იყო გაბატონებული. პლანტაციის — ფართო სამეურნეო დაწესებულების მოწყობა აქ, რომელსაც კომპანია ითვალისწინებდა, ზუბალაშვილის განცხადებით მხოლოდ დაქირავებულ შრომას უნდა დამყარებოდა¹.

პირველად, თალიშის მაზრაში, ამ პატარა პლანტაციიდან მოსავალი მიიღეს 1839 წელს. მოსავალი საუცხოო იყო, რამაც კომპანია დაარწმუნა ლენქორანში შაქრის ლერწმის პლანტაციების გაშენების სრულ შესაძლებლობაში. ამიტომ კომპანია დაქინებით ითხოვდა 500 დესეტინა მიწა თალიშის მაზრაში მიეცათ. მთავრობა რომ დაეთანხმებინათ, კომპანიონებმა 1840 წელს ფინანსთა მინისტრს წარუდგინეს თალიშში მოყვანილი შაქრის ლერწმის საუცხოო ნიმუში, დიდხანს წარმოებდა ამ საკითხზე მიწერ-მოწერა. ადგილობრივი ხელისუფლება უარს ამბობდა კომპანიისათვის მიეცა სახაზინო მიწები, რადგან მცხოვრებნი შევიწროვდებიანო. ნამდვილად კი მთავრობა ხაზინის ინტერესებიდან გამოდიოდა, რადგან სახაზინო გლეხები აღნიშნული მიწებით სახელმწიფო გადასახადებსა და ვალდებულებებს იხდიდნენ. ამაზე მიუთითა ივით სახელმწიფო ქონებათა მინისტრმა კისელიოვმა²; ამასვე აცხადებდა კასპიის ოლქის უფროსი. კომპანიას, წინათ მიღებული 20 დესეტინა მიწაც კი სადაც მან ცდები ჩაატარა, უკან უნდა დაებრუნებინა, რადგან სახაზინო გლეხებს ჭირდებათო. სამაგიეროდ კომპანიონ ხანუმოვს სხვა ადგილას შეთავაზეს 150 დესეტინა მიწა. ხანუმოვმა იგი არ მიიღო, რადგან უწყლო ადგილი იყო და პლანტაციისათვის გამოუსადეგი. ზუბალაშვილი, მთავრობა რომ დაეინტერესებინა, 1842 წელს უმტკიცებდა მას, რომ 500 დესეტინა მიწაზე გაშენებული პლანტაციიდან მიღებული ჭვიშა-შაქრის ნაწილს თბილისის ქარხანა მოიხმარს, ნაწილს კი რუსეთის შაქრის ქარხნებო. მთავრობამ მიმართა სამეგრელოს მთავარ დადიანს, რათა კომპანიაში შესულიყო და შაქრის პლანტაციებისათვის საჭირო მიწები მიეცა, მაგრამ დადიანისაგან უარყოფითი პასუხი მიიღო. ამის შემდეგ მთავარმართებელმა კვლავ მიმართა კასპიის ოლქის უფროსს, მაგრამ 1842 წლის დეკემბერში მოვიდა სახელმწიფო ქონებათა მინისტრის მომართვა, სადაც საბოლოოდ უარს ამბობდა კომპანიისათვის ლენქორანში მიწების მიცემასზე, რადგან სახელმწიფო გლეხებს სჭირდებათო³.

ამრიგად, შაქრის კომპანიამ ამიერკავკასიაში შაქრის პლანტა-

¹ იქვე.
² იქვე. ფურც. 114.
³ იქვე.

ციების გასაშენებლად მთავრობისაგან დაპირებული მიწები ვერ მიიღო, ხოლო თალიშის სახანოში და იმერეთში ჩატარებულმა წარმატებითაა ცდებმა. რომელიც კომპანიას 12000 მან. დაუქდა¹, ფუჭად ჩაიარა.

ცარიზმის მოხელეები შაქრის პლანტაციების გაშენების ჩაშლას თვით კომპანიონებს აბრალებდნენ, თითქოს მათ არ ისურვეს პლანტაციების გაშენება. მეფისნაცვალ ვორონცოვი გენ. რეალისადმი მიცემულ ინსტრუქციაში 1854 წელს წერდა: „კონდიციები შაქრის კომპანიის მხრივ არ იქნა შესრულებული და როდესაც პრივილეგიის ვადა შაქარ-ფხვნილზე გათავდა, მაშინ ყველაფერი შეჩერდა და კომპანია გაკოტრდა“². ასევე აბრალებდა კომპანიას მეფის თითქმის ყველა მოხელე იმ გარემოებას, რომ პლანტაციები არ იქნა გაშენებული. როგორც ზემოთ დავინახეთ, ნამდვილად ასე არ იყო. სინამდვილეში მეფის მოხელეებმა კომპანიას არ მისცეს სათანადო მიწები პლანტაციების გასაშენებლად და მით ხელი შეუწყვეს წარმოების ჩაშლას. იგივე ვორონცოვი იმავე ინსტრუქციაში, ცარიზმის კოლონიალურ-ეკონომიური პოლიტიკის გამო ეკვს გამოთქვამდა თბილისში ახლად მოწყობილი მაუდის ფაბრიკის წარმატებასა და არსებობაზე.

შაქრის წარმოების ჩაშლის ერთ-ერთ მთავარ მიზეზად, შემდეგაც თვლიდნენ პლანტაციების გაუშენებლობას. 1868 წელს, როგორც ჩანს პროფ. პედროლდტი, აღნიშნავდა რა შაქრის ქარხნის დახურვის მიზეზებს, ერთ-ერთ მიზეზად იგი თვლიდა იმას, რომ კომპანიას არ გამოუყვეს მიწები შაქრის ლერწმის პლანტაციების გასაშენებლად³.

წარმოების გაუმჯობესების მიზნით. ზუბალაშვილმა გადაწყვიტა მიეწვია შაქრის ლერწმიდან შაქრის-ფხვნილის მიღების ოსტატები, აგრეთვე ბადაგისა და რომის წარმოების ოსტატები. მას მიწერ-მოწერა პქონდა ლონდონში, ოსტატ ჯონსონთან, მაგრამ იმ ხანებში მთავრობამ კომპანიას საბოლოოდ უარი უთხრა პლანტაციებისათვის მიწების მიცემაზე ლენქორანში. ამის შემდეგ ზუბალაშვილმა უარი განაცხადა ჯონსონისა და სხვა ოსტატების მოწვევაზე. ბოლო წლებში შაქრის წარმოება შემცირდა. 1845 წელს მუშაობა ქარხანაში ტაქტიურად შეწყდა⁴, ხოლო 1846 წელს თბილისის შაქრის ქარხანა

1 ЦГИАЛ, ф. 1268, оп. 1, д. 280, л. 3.

2 Акты, т. I, стр. 97.

3 ЦГИАЛ, ф. 1268, оп. 13 (1868), д. 63, л. 84.

4 ЦГИАЛ, ф. 1268, оп. 1, д. 744, л. 287.

საბოლოოდ დაიხურა. ქარხნის ქონება წარმოების დახურვის შემდეგ კომპანიონებმა ურთიერთშორის გაინაწილეს¹.

ჩვენ ვრცლად აღვნიშნეთ ის მიზეზები, რამაც გამოიწვია შაქრის წარმოების მარცხი საქართველოში. მიუხედავად იმისა, რომ თბილისის შაქრის წარმოებას თვით ცარიზმის მოხელეები ერთ-ერთ „საუცხოო ქარხანად“² თვლიდნენ და მასზე დიდი მოთხოვნა იყო ამიერკავკასიაში, კოლონიური რევიმის ბატონობის პირობებში იგი ჩაშლილ იქნა.

მთავრობას ხელი უნდა შეეწყო თბილისის შაქრის წარმოებისათვის, რადგან ამიერკავკასიაში შაქარზე მოთხოვნილება წლითი-წლობით იზრდებოდა. უცხოეთიდან შემოტანილ საქონელთა შორის შაქარს თითქმის ყოველთვის პირველი ადგილი ეჭირა. ზუბალაშვილის შაქრის ქარხნის მუშაობის დროს შაქრის შემოტანა ინიშვნელოვნად შემცირდა. ხოლო მისი დახურვის შემდეგ იგი სწრაფად გაიზარდა და წლითი-წლობით მატულობდა. 1839 წელს საქართველოს გუბერნატორი აღნიშნავდა, რომ თბილისის შაქრის ქარხანას შეუძლია წლიურად გამოუშვას 34.000 ფუთი შაქარი, რაც 2-ჯერ და კიდევ მეტად აღემატება უცხოეთიდან ამიერკავკასიაში შემოტანილ შაქარს³, ე. ი. იმ წლებში უცხოეთიდან დაახლოებით შემოჰქონდათ 15—16 ათასი, მაქსიმუმ 17 ათასი ფუთი შაქარი. 1845 წელს კი, როდესაც თბილისის შაქრის ქარხანაში წარმოება თითქმის შეწყვეტილი იყო, უცხოეთიდან ამიერკავკასიაში იმპორტანეს 21577 ფუთი შაქარი — 153105 მან. ლირებულების⁴, ხოლო 1846 წელს, როდესაც თბილისის ქარხანა საბოლოოდ დაიხურა, უცხოეთიდან იმპორტანეს 28145 ფუთი შაქარი — 199797 მანეთისა⁵. 1847 წელს იგი კიდევ უფრო გაიზარდა. ამ წელს იმპორტანეს 33676 ფუთი შაქარი — 276021 მანეთისა⁶. ამიერკავკასიის საკარანტინო-საბაჟო ოლქის მმართველი გენ. ლეიტ. ეერებეცოვი, უცხოეთიდან შაქრის შემოზიდვის გაზრდის მთავარ მიზეზად აცხადებდა თბილისის შაქრის ქარხნის დახურვას: „შაქრის შემოზიდვის თანდათანობით გაძლიერება ხდება ნაწილობრივ ჩაის

¹ საქ. ცსსა, ფონდი 26, აღწერა 2, საქმე 549. აღსანიშნავია, რომ ქარხნის ქონების განაწილების წინ კომპანიონებს შორის დავა ატყდა. მეფის ზოგიერთი მოხელე ამ „უთანხმოებას“ თვლიდა ქარხნის დახურვის მიზეზად. (ЦГИАЛ, ფ. 1268, ოპ. 1, პ. 744, პ. 287) ნამდვილად კი დავა მათ შორის მაშინ დაიწყო, როდესაც წარმოება ფაქტიურად დახურული იყო.

² ЦГИАЛ, ფ. 1268, ოპ. 1, დ. 744, პ. 287.

³ საქ. ცსსა, ფონდი 2, აღწერა 1, საქმე 9113, ფურც. 67.

⁴ ЦГИАЛ, ფ. 1268, ოპ. 2, დ. 977, პ. 4.

⁵ იქვე.

⁶ იქვე.

მომხარების გავრცელებით მხარეში, ხოლო განსაკუთრებით თბილისის შაქრის ქარხნის დახურვის შედეგად¹.

შემდეგ წლებშიც შაქრის შემოზიდვა განუწყვეტლივ იზრდებოდა. 1849 წელს შაქარი შემოტანილ იქნა 40718 ფუთი 276.156 მანეთის²; 1850 წელს — 40940 ფუთი 281499 მანეთის³; 1851 წელს — 53.656 ფუთი 338273 მან.⁴; 1853 წელს — 57276 ფუთი 414151 მან.⁵; რუსეთ-თურქეთის ომის დროს შაქრის შემოზიდვა ამიერკავკასიაში, როგორც საერთოდ ყველა სხვა ნაწარმისა, შემცირდა. ომის შემდეგ კი იგი კვლავ დიდი სისწრაფით იზრდება: 1856 წელს შემოიტანეს 44009 ფუთი შაქარი 390.373 მანეთისა⁶; 1857 წელს — 64015 ფუთი 506998 მან.⁷; 1858 წელს კვ. შემოიტანეს 73553 ფუთი შაქარი 592623 მან.⁸ უცხოეთიდან ამიერკავკასიაში შემოტანილ საქონელთა შორის შაქარს ყოველ წელს პირველი ადგილი ეკავა⁹.

შაქრის მოხმარების ასეთი ზრდა ამიერკავკასიაში გამოწვეული იყო ევროპულ ჩვეულებათა გავრცელებით. შემოზიდული შაქრის დიდი ნაწილის მომხმარებელი საქართველო იყო, განსაკუთრებით თბილისი. ამიტომ თბილისის შაქრის ქარხნის არსებობასა და განვითარებას დიდი მნიშვნელობა ჰქონდა, რაზედაც არაერთხელ მიუთითებდა მთავრობას ზუბალაშვილი. ეს გარემოება სხვებსაც ესმოდათ და ბევრი მათგანი ცდილობდა ზუბალაშვილის დაწყებული საქმის გაგრძელებას. ამ მხრივ მოვიყვანთ ერთ მაგალითს. 1848 წლის ივლისში თბილისელმა მოქალაქე ალექსანდრე ანანოვმა მეფისნაცვალ ვორონცოვს წარუდგინა მოხსენებითი ბარათი. ანანოვი ითხოვდა მიეცათ მისთვის ის პრივილეგია, რომელიც ზუბალაშვილის კომპანიას მიანიჭეს¹⁰. ალექსანდრე ანანოვს ინგლისსა და საფრანგეთში ყოფნის დროს სპეციალურად შეუსწავლია შაქრის წარმოების საქმე¹¹. მას სურვილი ჰქონდა განეახლებინა შაქრის წარმოება ზუბალაშვილის ქარხანაში. ამ მხრივ ზუბალაშვილისაგან მან ნებართვა მიიღო. ამავე დროს ანანოვი მთავრობას პირდებოდა ჩაეტა-

¹ იქვე.

² ЦГИАЛ, ф. 1268, оп. 4, д. 245, л. 5.

³ ЦГИАЛ, ф. 1268, оп. 5, д. 338, л. 7.

⁴ ЦГИАЛ, ф. 1268, no. 6, д. 205, л. 5.

⁵ ЦГИАЛ, ф. 1268, оп. 8, (1854), д. 159, л. 6.

⁶ ЦГИАЛ, ф. 1268, оп. 9 (1857), д. 271, л. 7.

⁷ ЦГИАЛ, ф. 1268, оп. 9 (1858), д. 259, л. 6.

⁸ ЦГИАЛ, ф. 1268, оп. 10 (1859), д. 165, л. 6.

⁹ ЦГИАЛ, ф. 1268, оп. 4, д. 245, лл. 4—5; оп. 6, д. 205, л. 5.

¹⁰ საქ. სსსა, ფონდი 4, აღწერა 5, საქმე 124, ფურც. 1.

¹¹ იქვე.

რებინა შაქრის ქარხლის მოყვანის ცდები ამიერკავკასიაში¹. მაგრამ მთავრობამ ამ თაოსნობას მხარი არ დაუჭირა, ანანოვს პრივილეგიის მიცემაზე უარი უთხრა და საქმე ამით დამთავრდა.

იაკობ ზუბალაშვილი იმ დროის უკვე ჩამოყალიბებული კაპიტალისტი იყო. იგი ქვეიანი და დიდი ენერჯის კაცი ჩანდა. სავსებით სწორად მიუთითებდა „მშობლიური“ (ადგილობრივი) მრეწველობის განვითარების აუცილებლობაზე და სახელმწიფოს როლზე ამ საქმეში. იგი პირველი ქართველი მრეწველი იყო, რომელმაც საქართველოში მრეწველობის განვითარების მიზნით, ადგილობრივი (თუ შეიძლება ითქვას ეროვნული) ბაზრის დაცვა მოითხოვა მფარველობითი ბაჟებით. ამავ დროს იგი ტაბიური წარმომადგენელი იყო იმ კაპიტალისტური მეწარმეობის, რომელიც უსაზღვრო გაფართოებისაკენ მიისწრაფოდა. შაქრის გარდა, მან თბილისში (დიდუბეში) ამ წარმოების მახლობლად, შვედ ვატმანთან ერთად 1837 წელს მოაწყო რომისა და არყის ქარხანა². ქარხანა ამზადებდა არაყს, რომსა და სპირტს. არაყსა და სპირტს ლებულობდნენ პურისა და ხილისაგან, ხოლო რომს შაქრის ბადაგისაგან. ქარხანაში იდგა ერთი ორთქლის მანქანა³. წარმოება აქაც კაპიტალისტურ წესზე იყო მოწყობილი. იგი დაქირავებულ შრომას ემყარებოდა⁴. ასევე ზუბალაშვილს ტერ-გუკასოვთან ერთად ალექსანდრეპოლში გააჩნდა კირის ქარხანა, რომელიც 1837 წელს მოაწყვეს. ქარხანაში იყენებდნენ ქალაქის მცხოვრებთა ნებითდაქირავებულ შრომას⁵.

თბილისის შაქრის წარმოების დახურვის შემდეგ, მე-19 საუკუნის 50-იან წლებში, იაკობ ზუბალაშვილს ჩვენ ვხედავთ მოიჯარადრეობის ასპარეზზე.

ჩვენ შევეცადეთ მოგვეცა თბილისის შაქრის წარმოების ისტორია და დავახასიათეთ მისი სოციალ-ეკონომიური ბუნება. მასში აშკარად ჩანს რეფორმამდელი ხანის საქართველოში კაპიტალისტური წარმოების არსებობა მრეწველობაში, ქვეყნის ეკონომიური განვითარების შედეგად ბურჟუაზიულ თაოსნობათა საჭიროება, ნათლად ჩანს კოლონიალურ-ეკონომიური პოლიტიკაც.

მართალია, თბილისის შაქრის საწარმო დაიხურა, მაგრამ ასეთი მსხვილი კაპიტალისტური საწარმოს არსებობა რეფორმამდელ საქართველოში, კაპიტალისტური წარმოების არსებობაზე მიუთითებს.

¹ იქვე.

² საქ. ცსსა, ფონდი 16, საქმე 6105, ფურც. 35—37; საქმე 6351, ფურც. 26—28.

³ იქვე.

⁴ იქვე.

⁵ საქ. ცსსა, ფონდი 16, საქმე 6351, ფურც. 14.

საწარმოს დაცემა არ ნიშნავდა უნიადაგობას ბურჟუაზიული ურთიერთობისათვის და იგი არ უარყოფს ასეთი ურთიერთობის არსებობას. ამ შემთხვევაში მთავარია საწარმოს არა დაცემის, არამედ მისი არსებობის ფაქტი, ადამიანთა ურთიერთდამოკიდებულება საწარმოში, საზოგადოებრივი წყობა მასში, ექსპლოატაციის ფორმა საწარმოში. კაპიტალიზმის განვითარების პროცესში რიგი საწარმოები ეცემოდნენ, ზოგი ადრე და ზოგი გვიან, მაგრამ მათ ნაცელად გაცილებით მეტი კაპიტალისტური საწარმოები ჩნდებოდნენ და შესაბამისად იზრდებოდა დაქირავებული შრომა, საწარმოო პროდუქცია, იზრდებოდა ახალი ურთიერთობა. ასე იყო ყველა ქვეყანაში, მათ შორის რუსეთში, ასე იყო საქართველოშიც.

რა თქმა უნდა, ასეთ საწარმოებს მფარველობა და მხარდაჭერა ჰქირდებოდა. კოლონიალურ-ეკონომიური პოლიტიკა ამას გამოირიცხავდა.

მინის წარმოება

საქართველო მე-19 საუკუნეში, ისე როგორც ყოველთვის. ღვინით განთქმული და მდიდარი ქვეყანა იყო. საქართველოს უმაღლეს მთავრობის პროკურორის პერეოვის 1832 წლის ცნობით, თბილისში ითვლებოდა 30.000 მცხოვრები. რომლებიც ყოველდღიურად სვამდნენ 7.000-მდე თუნგ ღვინოს¹. ყოველწლიურად თბილისში იხარჯებოდა 700.000-მდე ვედრო ღვინო და 35000-მდე ვედრო ჰაკის არაყი. მთელ საქართველოში ყოველწლიურად იხარჯებოდა 2750000-მდე ვედრო ღვინო და 200000-მდე ვედრო არაყი. საქართველოში ყოველწლიურად ყიდდნენ დაახლოებით 1500000-მდე ვედრო ღვინოს და 150000-მდე ვედრო არაყს².

რუსეთს ღვინით უმთავრესად საფრანგეთი ამარაგებდა, რაც წლიურად მას 21 მილიონ ფრანკამდე უჯდებოდა. ამიტომ რუსეთის მთავრობა თავიდანვე სათანადო ზომებს იღებდა საქართველოში მეღვინეობის გაუმჯობესებისათვის, რათა იმპერიის ცენტრალური გუბერნიები ქართული ღვინით მოემარაგებინა. მაგრამ ამას ხელს უშლიდა ორი გარემოება: ცუდი სამიმოსელო გზები და სატრანსპორტო ქურჭლის უქონლობა. რუსეთიდან საქართველოში შუშის ნაწარმის ჩამოტანა კი ძნელდებოდა მისი მტკრეველობისა და ტრანსპორტის სიძვირის გამო. ადგილობრივი ტიკები რუსეთში ღვინის შესატანად უვარგისი იყო, რადგან ღვინოს ღირსე-

¹ 3 თუნგი უდრიდა 1 რუსულ ვედროს.

² საქ. ცსსა, ფონდი 2. აღწერა 1, საქმე 2716, ფურც. 5—14.

ბას უკარგავდა. ამიტომ მთავრობა დაინტერესებული იყო საქართველოში მინისა და საკასრო წარმოების განვითარებით, რის შედეგად ლეინოს რუსეთში კასრებითა და ბოთლებით შეიტანდნენ.

საქართველოში მინის ქურქელზე დიდი მოთხოვნილება იყო. მაშინ, როდესაც უბრალო ბოთლი რუსეთში ღირდა 6-8 კაპიკი სპილენძით. თბილისში იგი იყიდებოდა 10 კაპიკ ვერცხლად¹ და მისი უკმარობა დიდად იგრძნობოდა. გარდა ამისა მინის ქურქლეულს საჭიროებდა არმია და საბაზინო აფთიაქი, რომელთა მომარაგება რუსეთიდან ძნელი ხდებოდა.

საქართველოს მთავრობის მოხელეებმა აცნობეს რუსეთში, რომ აქ მინის საწარმოს მოწყობა სავსებით შესაძლებელი იყო.

1821 წ. გენ. მაიორ თავად ერისთავმა ქსნის ხეობაში მოაწყო მინის „ქარხანა“², გამოიწერა საამისო ოსტატი სათანადო მოწყობილობით. მაგრამ ეს საქმე მაშინ მარცხით დამთავრდა, რადგან მეწარმეებმა არ იცოდნენ წარმოების საქმე და თანაც მთავრობის მხრივ „მხარდაკერა ვერ ჰპოვეს“³.

1828 წელს საქართველოს სამოქალაქო გუბერნატორ ზავილეი-სკის თხოვნის თანახმად, პეტერბურგიდან თბილისში გამოგზავნეს მინის წარმოების სპეციალისტი ივანე ლევაშევი. მას იქ მისცეს ინსტრუქცია, სადაც აღნიშნულია, რომ პირველად საქართველოში უნდა მოეწყოს მინის ქარხანა, რომელმაც უნდა დაამზადოს: 1) თეთრი და ნახევრად თეთრი ქურქლები, 2) ბოთლები და 3) საფანჯრე მინა⁴.

თბილისიდან ლევაშევი გაგზავნილ იქნა სხვადასხვა რაიონებში. მან მოიარა ქართლი, კახეთი და იმერეთი, შემდეგ იგი იყო ბაქოს პროვინციაში. მთელ ამიერკავკასიაში მინის წარმოებისათვის ყველაზე უკეთეს ადგილად მიიჩნია ბორჯომის ხეობა, (ჯორის მაზრა)⁵. აქ მისი აზრით, მოიპოვებოდა საუცხოო ქვიშა და თიხა. აქვე იყო მდიდარი სახაზინო ტყე, რომელზედაც თუმცა თავადი ავალიშვილები და აბაშიძეები პრეტენზიას აცხადებდნენ. მაგრამ მთავრობა მას უარყოფდა, რადგან, მისი განცხადებით, ჯერ ერთი, ტყე რუსის ჯარის მიერ „ბრძოლით მოპოვებული“ იყო და, მეორე, ამ ტყით ყოველთვის ახალციხელები სარგებლობდნენ, ხოლო აღნიშნულ თავადებს არასდროს უსარგებ-

¹ ი ქ ვ ე. ფურც. 20.

² საქ. ცნსა. ფონდი 2, აღწერა 1, საქმე 932.

³ Акты. т. VII, гл. 163.

⁴ ЦГИАЛ, ф. 18, оп. 2, д. 560, л. 13.

⁵ ЦГИАЛ, ф. 18, оп. 2, д. 561, л. 2.

ლიათო¹. დაბოლოს, მთავრობა იმოწმებდა მეფე ვახტანგის კანონს, რომლის ძალითაც მიწისმფლობელი თუქი 30 წლის განმავლობაში არ ფლობდა მიწას, კარგავდა მასზე უფლებას².

ლევაშევს მინის ქარხნის მოსაწყობად გამოუგზავნეს მოადგილე და 6 ოსტატი³ და იგი საქმეს შეუდგა. მან შეადგინა ქარხნის მოწყობის ხარჯთაღრიცხვა, რომლის საფუძველზე ხაზინას თხოვა 28850 მანეთი⁴, მაგრამ ხაზინამ ხარჯთაღრიცხვა დიდად მიიჩნია და აღნიშნული თანხა ლევაშევს არ მისცა. ამავე დროს აღნიშნულ ტყეზე მიწისმფლობელები კვლავ დაობდნენ და ლევაშევს საქართველოში სახაზინო მინის ქარხანა ვერ მოუწყვია⁵. სამაგიეროდ იგი მიიწვია საქართველოს სამოქალაქო გუბერნატორმა ზავილეისკიმ და კერძო მინის ქარხანა მოაწყობინა⁶. საამისოდ ზავილეისკიმ 1831 წლის დასაწყისში, ახალციხის მაზრაში იყიდა საკმარისი დიდი ტყიანი ადგილი და იმავე წლის ბოლომდე მოწყობილი იქნა ქარხანა⁷. ქარხანა მოაწყვეს თავად ლევან აბაშიძის მამულში. მალე, ზავილეისკიმ ქარხანა გადაიტანა აწყურში, მტკერის ნაპირას. ქარხანა უშვებდა დაბალი ხარისხის შუშეულს.

1834 წელს ზავილეისკიმ რუსეთიდან ჩამოიყვანა ოსტატები: ჟუკოვი (1450 მან. ასიგნაციად წელიწადში), ბობიკოვი, ვესელოვსკი და პავლოვი (თითოეული 1000 მან. ასიგნაციად წელიწადში)⁸. პეტერბურგიდან მოიტანეს პოლანდიური მინის სადნობი ლუმელი. საწარმო ატარებდა „პეტროვსკის მინის ქარხნის“ სახელწოდებას. ქარხანა მოთავსებული იყო ქვის შენობაში. საქარხნო ნაგებობანი შეიცავდა: მინის სადნობ შენობას — 1, სამეთუნეოს — 1, სამკვდლოს — 1, საწყობს — 1, და ოსტატების საცხოვრებელ 2 ფლიგელს⁹.

ზავილეისკიმ საწარმოს ზედამხედველად დანიშნა თავისი ბიძაშვილი, გუბერნსკი სეკრეტარი ზავილეისკი. წარმოების ერთ-ერთი მთავარი მონაწილე იყო შტაბს კაპიტანი თავადი ლევან აბაშიძე.

¹ იქვე, ფურც. 5.

² იქვე.

³ იქვე, ფურც. 3.

⁴ იქვე.

⁵ იქვე, ფურც. 54. 71

⁶ იქვე, ფურც. 30. ჩვენ ხელთ არსებული საარქივო მასალებით, ლევაშევს საქართველოში ვხედავთ 1834 წლის ბოლომდე. საქართველოში იგი სამოქალაქო სასახურში შევიდა. იყო გუბერნსკი სეკრეტარი (ЦГИАЛ. ф. 18. оп. 2, л. 561. л. 71) ამის შემდეგ რა ბედი ეწია ჩვენ არ ვიცით.

⁷ იქვე, ფურც. 17, 30.

⁸ საქ. ცსსა, ფონდი 2, აღწერა 1, საქმე 3795, ფურც. 34.

⁹ საქ. ცსსა, ფონდი 16, საქმე 6105, ფურც. 17.

ძალე ცხადი გახდა, რომ როგორც მეწარმეებმა, ისე ოსტატებმა, ცუდად იცოდნენ მინის წარმოება. მინის ნაწარმი კვლავ ცუდი ხარისხის გამოდიოდა, რის გამო ბაზარზე მომხმარებელს ვერ პოულობდა. წარმოების არარენტაბელობის გამო ქარხნის მეპატრონე სათანადო ხელფასით ვერ აკმაყოფილებდა არა თუ მარტო მუშებს, არამედ ოსტატებსაც, რის გამო ხშირად საქმე ადგილობრივ ხელისუფლებამდე და სასამართლომდეც კი მიდიოდა.

დიდი ცდების შემდეგ, 1839 წელს საწარმომ გაცილებით უკეთეს შედეგს მიაღწია პროდუქციის ხარისხის მხრივ. ამ წლის ივლისში ქ. ბელევიდან (ტულის გუბერნია) გამოიწერეს ცეცხლგამძლე თიხა, რამაც დიდად შეუწყო ხელი წარმოების გაუმჯობესებას. მინის წარმოებისათვის ხმარობდნენ შემდეგ მასალებს: თიხას — მოჰქონდათ ქ. ბელევიდან, ქვიშას — მოჰქონდათ სურამიდან, ერეცნის სოდას — მოჰქონდათ თბილისიდან, მარილს — მოჰქონდათ კულპის ქარხნიდან, ნაცარსა და კირს, რომელთაც თვით ადგილზე, ქარხანასთან გამოსწვავდნენ. ქარხანა ამზადებდა სხვადასხვაგვარ ბოთლებს, ტოლჩებს, სხვადასხვა სიდიდის ჩაფებს, ბანკებს, შტოფებს, სხვადასხვა სიდიდის სააფთიაქო კურკლეულს, სამელნეებს, ტაშტებს, პირსაბნებს, ქილებს და სხვ. გამომუშავებული პროდუქცია ფასობდა 5 კაპიკიდან 40 კაპიკამდე. ასე, მაგალითად: „ფრანგული ბოთლი“ ღირდა 5 კაპიკი, „შამპანური ბოთლი“ — 7 კაპ., სხვადასხვა სიდიდის ჩაფები — 10-დან 40 კაპიკამდე, მეოთხედ ვედროიანი ბოთლი — 20 კაპ., ნახევარ ვედროიანი ბოთლი — 40 კაპ., და ა. შ.

ზავილეისკის მინის ქარხანა მანუფაქტურული ტიპის კაპიტალისტური საწარმო იყო. საწარმოში მხოლოდ და მხოლოდ დაქირავებული შრომა იყო გამოყენებული. დაქირავებულნი იყვნენ როგორც ოსტატები, ასევე მუშები. აქ იყვნენ: 9 ოსტატი¹, 16 მუშა, 1 ეკონომისტი და 1 ნოქარი². წარმოებაში გატარებული იყო შრომის სისტემატური დანაწილება. როგორც მინის მანუფაქტურებში, აქაც წარმოების პირველ, მოსამზადებელ სტადიაში ხდებოდა საშუაშე მასალის დამზადება; მეორე სტადიაში — თხევადი მინის მასის გადამუშავება: მინის კურკლის ჩამოსხმა, ჩაბერვა, გაკრიალება და სხვ., მესამე სტადიაში ხდებოდა საშრობი ლუმელიდან შუშეულის გამოტანა, დახარისხება და ყუთებში ჩალაგება. ქარხანაში მანქანები არ გააჩნდათ და წარმოების მთელი ეს პროცესი ხელით შრომას

¹ საქ. ცსსა, ფონდი 2, აღწერა 1, საქმე 3795, ფურც. 34.

² საქ. ცსსა, ფონდი 16, საქმე 6105, ფურც. 16,

ემყარებოდა. დამოკიდებულება ქარხნის მფლობელებსა და დაქირავებულ მუშა-ოსტატებს შორის ცუდი იყო, რაც ხშირად გამოიხატებოდა მეწარმეების მხრივ დაქირავებული შრომის ხელფასის აუნაზღაურებლობით, ხოლო დაქირავებულ მუშა-ოსტატთა მხრივ წარმოებიდან წასვლის მუქარით.

აღენიშნეთ, რომ საწარმომ ყველაზე უკეთესს შედეგს 1837 წელს მიაღწია. ამ წელს დამზადებულ იქნა 42000 სხვადასხვა მინის ქურქული — 20000 მან. ღირებულების¹. იმედი ჰქონდათ წარმოების უფრო გაუმჯობესებისა, მაგრამ 1840 წლის იანვრიდან მუშაობა საწარმოში შეწყდა, რადგან არ გააჩნდათ მინის დასამზადებელი სხვადასხვა საჭირო მასალა და თვით საქარხნო ნაგებობანი კაპიტალურ რემონტს ითხოვდა. ამიტომ 1840 წლის აგვისტოში საწარმოს მენეჯერებმა ზავილეისკიმ მთავარმართებელ გოლოვინს თხოვამისი მინის ქარხანა ხაზინას მიეღო, რადგან კერძო პირს გაუქირდება მისი მართვაო². სამაგიეროდ ზავილეისკი ხაზინისაგან ითხოვდა წარმოების მოწყობაზე მის მიერ გაღებული კაპიტალის ნახევარს — 20000 მანეთს³ (ე. ი. ზავილეისკის განცხადებით. ქარხნის მოწყობაზე მას გაუღია 40000 მან). ხაზინამ უარი განაცხადა მიეღო „საეაღალაო მდგომარეობაში“ მყოფი ზავილეისკის საწარმო⁴. მეწარმეებმა თავის მხრით შეუძლებლად ცნეს წარმოების გაგრძელება და აწყურის მინის ქარხანა 1840 წლის ბოლოს დაიხურა.

აწყურის მინის წარმოების დახურვის შემდეგ, მალე, 1841 წელს, ტიტულიარნი სოვეტნიცა ი მ ხ ნ ე ლ მ ა თბილისში მოაწყო მინის ქარხანა⁵. ქარხანაში მოწყობილი იყო 1 მანქანა და 2 ღუმელი. დაქირავებული ჰყავდა ერთი უცხოელი ოსტატი და ოთხი მუშა ადგილობრივ მცხოვრებთაგან. რა პროდუქციას უშვებდა ეს საწარმო და რა ბედი ეწია მას, ჩვენ ამის შესახებ სათანადო მასალები არ გვაქვს. ჩანს, რომ იგი მალე დახურულა ორი მიზეზით: ან ვერ მოუწყვიათ კარგად წარმოების საქმე, და ან, მას შემდეგ, რაც ელიზბარ ერისთავმა 1843 წელს მინის დიდი წარმოება გახსნა ოვარებში (გორის მაზრა), მისთვის კონკურენცია ვერ გაუწვია და მეწარმე იშხნელს წარმოებისათვის თავი გაუნებებია.

მინის წარმოების ამ რიგ წამოწყებათა შემდეგ, მას ხელი მოჰკიდა გორის მაზრის მემამულემ, თავად ე ლ ი ზ ბ ა რ ე რ ი ს თ ა ვ-

¹ საქ. ცსსა, ფონდი 16, საქმე 6105, ფურც. 17.

² საქ. ცსსა, ფონდი 2, აღწერა 1, საქმე 5806.

³ იქვე.

⁴ იქვე, ფურც. 7.

⁵ საქ. ცსსა, ფონდი 16, საქმე 6351, ფურც. 26—28.

⁶ იქვე.

შ. ა. მას. რა თქმა უნდა, გათვალისწინებული ჰქონდა წინამორბედ-
თაოსანთა მარცხის მიზეზები. ამავე დროს, მან კარგად იცოდა, რომ
ამიერკავკასიაში მინის ნაწარმზე მოთხოვნილება დიდი იყო.

ელოზბარ ერისთავმა მინის ქარხანა მოაწყო 1842 წელს თავის
მამულში, სოფელ ღვარებში (გორის მაზრა). მდ. მტკვრის მარჯვენა
ნაპირზე. ეს ადგილი მდიდარი იყო წყლითა და ტყით და ამ მხრივ
წარმოების ერთ მთავარ მოთხოვნილებას აკმაყოფილებდა. მისი
უშუალო თანაშემწე საწარმოს მოწყობის საქმეში თავადი დიმიტრი
ერისთავი იყო. ერისთავებს ამ საქმეში ტრადიციაჲ ჰქონიათ. გად-
პოცემით, სოფელ ღვარებში მათ წინაპრებსაც მოუწყევიათ მინის
წარმოება XVIII საუკუნეში. ელოზბარ ერისთავმა მინის ქარხანა
მოაწყო „მთავრობისაგან ყოველგვარი დახმარების გარეშე“¹. რო-
გორც ზავილეისკის, ასევე ერისთავის მინის ქარხანა „პეტროვსკის“
სახელს ატარებდა.

ქარხანამ მუშაობა დაიწყო 1843 წელს². ამ წელს ქარხანამ
დაიწყო ბოთლებისა და სხვა ქურკლუელის დამზადება³. ქარხნის
ამუშაების პირველ წლებში მინის ნაკეთობაზე ერისთავებს შეკვე-
თას აძლევდა საინჟინრო უწყება. 1842 წელს საინჟინრო უწყებამ
ქარხანას შეუკეთა 2514 მანეთის მინა⁴, 1843 წელს — 1130 მან.⁵,
სოლო 1844 წელს — 4047 მან. მინა⁶. 1844 წლიდან ერისთავებს
მისცეს თბილისის „სათადარიგო აფთიაქის“ შუშეულით მომარაგე-
ბის პრივილეგია⁷. ამავე წელს მეწარმეებმა ხაზინისაგან მიიღეს
დახმარების სახით 3000 მანეთის სესხი, ქარხნის გაუმჯობესე-
ბისათვის⁸. ამ დროიდან ქარხნის მდგომარეობა გაუმჯობესდა.
შემოსავალმა მნიშვნელოვნად გადააქარბა საწარმოო ხარჯებს.

ქარხანა პირველ წლებში ლებულობდა მწვანე მინის ქურკლებს
ღვინისა და სააფთიაქო საჭიროებისათვის. მართალია, გამომუშავე-
ბელი პროდუქცია დაბალი ხარისხისა იყო, მაგრამ ზავილეისკის
ქარხნის მიერ გამომუშაებულ პროდუქციას გაცილებით ჯობდა.
ქარხნის ამუშაებისთანავე. ერთდროულად ერისთავებმა ცდები
ჩაატარეს საფანჯრე მინის მიღებისათვის, მაგრამ მწვანე გამოსდო-
დათ. მაინც 1845 წელს მიაღწიეს საშუალო ხარისხის საფანჯრე
მინა მიეღოთ. შეკვეთის გარდა მინის პროდუქციას ჰყიდდნენ თბი-

¹ საქ. ცსსა, ფონდი 4, აღწერა 5, საქმე 18, ფურც. 1.

² საქ. ცსსა, ფონდი 10, საქმე 2786, ფურც. 2.

³ იქვე.

⁴ საქ. ცსსა, ფონდი 4, აღწერა 5, საქმე 18, ფურც. 4.

⁵ იქვე.

⁶ იქვე.

⁷ საქ. ცსსა, ფონდი 10, საქმე 2786, ფურც. 3.

⁸ საქ. ცსსა, ფონდი 4, აღწერა 5, საქმე 18, ფურც. 7.

ლისსა და გორის მაზრაში. 1843 წელს (პირველ წელს) ქარხანამ გამოუშვა 6000 მანეთის პროდუქცია¹. 1845 წელს ქარხნის მფლობელებმა მიიღეს 2050 მან. მოგება (წმინდა შემოსავალი). ლეარების მინის წარმოებამ თავიდანვე დიდი „ყურადღება მიიქცია“ მთავრობის მხრივ².

1845 წლის მაისში ელიზბარ და დიმიტრი ერისთავებმა მოხსენებითი ბარათი წარუდგინეს მეფისნაცვალ ვორონცოვს. რომელშიც აღნიშნავდნენ საქართველოს ყოფილი მთავარმართებლების ეროლოვისა და როზენის ცდებს, დაეფუძნებიათ საქართველოში მინის წარმოება; აგრეთვე მათი წინამორბედების — გენ. ერისთავისა (ქსნის ხეობაში) და ზავილეისკის (აწყურში) მოწყობილი მინის საწარმოთა მარცხს. მათ კი, აღნიშნავდნენ ისინი, შეძლეს მოეწყოთ მინის წარმოება „მთავრობის მხრივ ყოველგვარი დახმარების გარეშე“. ერისთავების განცხადებით, მათ საწარმოს დიდი სარგებლობა მოჰქონდა მთავრობისა და მხარისათვის, „ასეთი საწარმოს არსებობა აუცილებელი პირობაა მეღვინეობის გაუმჯობესებისა და ღვინოთ ვაჭრობისათვის“³-ო; ბოთლი, რომელიც ღირდა 15—20 კაპიკი, ქარხნის მოწყობის შემდეგ იყიდება 8 კაპიკად⁴; ამას გარდა „საფანჯრე მინებით სავსე ყუთს (200 ცალი მინით), რომელშიდაც ხშირად ნახევარი დამტვრეულია, ვაჭრები ყიდიან 30 მან. ჩვენ კი ასეთივე ყუთს მთელი მინებით ვყიდით 20 მანეთად“-ო⁵. მრეწველები ითხოვდნენ: თბილისის სახაზინო აფთიაქსა და საინჟინრო უწყებას მათთვის მიეცათ ის ორი წლის თანხა, რომელიც გადადებული ჰქონდათ რუსეთიდან სხვადასხვა მინეულის ჩამოტანისათვის. სამაგიეროდ ერისთავები ვალდებულებას იღებდნენ აფთიაქისა და საინჟინრო უწყებისათვის მინის ნაწარმი შედარებით ნაკლებ ფასებში მიეცათ, აქანდე თბილისის აფთიაქს მოსკოვიდან ამარაგებდნენ. ერისთავების თხოვნა დაკმაყოფილებული იქნა, რამაც დადებითი შედეგი მოიტანა ქარხნისათვის.

1846 წელს ელიზბარ ერისთავმა კვლავ მოითხოვა ხელშეკრულებას დადება 3 წლით, რომლის თანახმად მას თბილისის სახაზინო აფთიაქისათვის უნდა მიეწოდებია მინის ჭურჭლები, ხოლო ხაზინას ამ ხნის (3 წლის) მანძილზე გასაცემი თანხა ერთად უნდა მიეცა მრეწველისათვის, 2158 მან. რაოდენობით. ეს თხოვნაც დაკმაყოფი-

¹ ЦГИАЛ, ф. 1268, оп. 1, д. 744, л. 91.

² იქვე, ფურც. 267.

³ საქ. ცსსა, ფონდი 4, აღწერა 5, საქმე 18, ფურც. 2.

⁴ იქვე.

⁵ იქვე.

უბელ იქნა¹. ქარხანა აფთიაქს აწოდებდა სხვადასხვა სახისა და ჯარისხის მინის ჭურჭლეულს: თეთრ და მწვანე ცილინდრულ ბანკებს, ძაბრებს, მენზურებს (საწყვისი), ცილინდრულ შუშებს, ბოთლებს, ამბუქებს, კოლბებს, როდინებს და სხვა მრავალს².

1847 წელს თვით მთავრობამ სთხოვა ერისთავებს მინის ჭურჭლები დაემზადებინათ სტავროპოლის სახაზინო აფთიაქისათვისაც. ერისთავებმა თანხმობა განაცხადეს, მაგრამ მოითხოვეს წინდაწინ მიეცათ მათთვის ფული. 3750 მანეთი. ეკონომიკებმა თავისი მოხელეები გაგზავნა ქარხნის შესამოწმებლად, რომელიც „საკმაოდ კარგ მდგომარეობაში“ აღმოჩნდა. ამიტომ ეკონომიკები დათანხმდა, მიწარმეებისათვის მიეცათ აღნიშნული თანხა³. ამიერიდან სტავროპოლის სახაზინო აფთიაქს ერისთავის მინის ქარხანა ამარაგებდა.

ქარხნის წარმატებებმა, განსაკუთრებით მას შემდეგ, რაც მას 1844 წლიდან მიენიჭა თბილისის სახაზინო აფთიაქის მომარაგების პრივილეგია. დიდად წაახალისებ მიწარმეები. მათ განიზრახეს მინის ქარხნის გარდა მოეწყოთ ფაიფურის „ფაბრიკაც“⁴. 1846 წელს დიმიტრი ერისთავმა ფაიფურის „ფაბრიკის“ აგებისათვის გამოითხოვა 10 წლიანი პრივილეგია. საწარმოს მოწყობა მას სურდა იმავე სოცელ ლვარებში. ერისთავებს ასეთი საწარმოს მოწყობა საქართველოში საჭიროდ მიაჩნდათ, რადგან რუსეთიდან ყოველწლიურად იწერდნენ ფაიფურის ჭურჭლებს სხვადასხვა საჭიროებისათვის. მისი მოტანა კი თვით ჭურჭლის ფასი ჯდებოდა. მთავრობამ ნება კი დართო ფაიფურის „ფაბრიკა“ მოეწყოთ, მაგრამ პრივილეგიის მიცემასზე უარი უთხრა. დიმიტრი ერისთავმა კი პრივილეგიების გარეშე ვერ გაბედა ასეთი საწარმოს მოწყობისათვის მოეკიდა ხელი⁵.

1847—1848 წლებში ლვარების მინის ქარხანა ასეთ მდგომარეობაში იყო: ქარხანა მოწყობილი იყო ერთ დიდ ხის შენობაში. მასში იდგა 12 ლუმელი; მათ შორის სადნობი ლუმელი — 1, მინის გასაწმენდი — 1, დიდი საწრთობი ლუმელი — 4, პატარა საწრთობი ლუმელი — 2, გამოსაწვავი ლუმელი — 1, სამასალო — 1, მინის წარმოებისათვის იყენებდნენ შემდეგ მასალებს: თიხას, სოდას, პოტასიუმს (კალაქვა), სილას, ნაცარს, შაბს. ამ მასალათა ერთ ნაწილს ყიდულობდნენ თბილისში, ნაწილს კი გორის მაზრაში⁶. ქარხანაში

¹ საქ. ცსსა, ფონდი 4, აღწერა 5, საქმე 57, ფურც. 1—10.

² იქვე.

³ იქვე. ფურც. 32.

⁴ საქ. ცსსა, ფონდი 16, საქმე 9020, ფურც. 1—7.

⁵ იქვე.

⁶ საქ. ცსსა, ფონდი 26, აღწერა 2, საქმე 617, ფურც. 42.

დამზადებული კვადრატული არშინი მინა ღირდა 1 მან. და 40 კაპიკი¹. ბოთლები და ჰხვადასხვა სიდიდის ქურქლეული ბანარზე იყიდებოდა 10 კაპიკიდან 2 მანეთამდე². ამ წლებში საწარმო ამზადებდა 50000-მდე ცალ მინის ნაკეთობას³, რომლის ღირებულება საშუალოდ 7500 მანეთამდე აღწევდა. ქარხანაში მუშაობდა 21 კაცი⁴ ამათ შორის ოსტატი იყო — 6 (2 უცხოელი და 4 რუსი), შავი მუშა იყო 15 კაცი, ერისთავის ყმები⁵. ქარხნის მეპატრონე სარგებლობდა თავისი მებეგრე ყმების მუქთი შრომით, მაგრამ მათ შრომას იგი იყენებდა შეშის მოჭრასა და წარმოების მოსამზადებელ სტადიაში. ერისთავი ამისათვის იყენებდა 200 გლეხი ოჯახის შრომას⁶.

წარმოების გაუმჯობესების მიზნით ელიზ. ერისთავმა გამოიწერა ოსტატები და ქ. ბელევიდან მოიტანა ცეცხლგამძლე თიხა. წლიურად ქ. ბელევიდან მოჰქონდა 1000 ფუთი თიხა. ფუთი თიხის ჩამოტანა უჭდებოდა 3 მან. 1848 წლიდან კი თიხის მოტანა მან დაიწყო ყუბანის ნაპირებიდან, ხუშარიდან, რომელიც გაცილებით იაფი უჭდებოდათ: ფუთი 80 კაპიკად⁷. ამ გარემოებამ მნიშვნელოვნად გააუმჯობესა ქარხნის მდგომარეობა და იგი იმ დროის „ქარგად მოწყობილ“⁸ საწარმოდ იქცა და მთელ მხარეს ამარაგებდა. 1849 წელს გაზეთი „კავკაზ“-ი წერდა: „В селении Гвареби, на правом берегу Куры, действует с успехом стеклянный завод, который снабжает целый край бутылками, аптечною посудой и оконными стеклами. Завод этот принимает теперь обширные размеры“⁹. თბილისის გუბერნატორის 1850 წლის ანგარიშში ეს ქარხანა მიჩნეულია ერთ-ერთ „შესანიშნავ“ საწარმოდ: „В числе множества различных заводов замечательны стеклянный и лесопильный, состоящие в имени князей Эристовых в Горийском уезде“¹⁰.

აღვნიშნეთ, რომ ქარხანა 1845 წლიდან უშვებდა საშუალო ხა-

¹ საქ. ცსსა, ფონდი 4, აღწერა 5, საქმე 125, ფურც. 27—28.

² იქვე.

³ საქ. ცსსა, ფონდი 26, აღწერა 2, საქმე 617, ფურც. 51—56.

⁴ იქვე, ფურც. 42.

⁵ იქვე.

⁶ საქ. ცსსა, ფონდი 10, საქმე 2786, ფურც. 3.

⁷ იქვე.

⁸ ЦГИАЛ, ф. 1281, оп. 4, д. 134, л. 20.

⁹ «Кавказ», 1849, № 20.

¹⁰ ЦГИАЛ, ф. 1268, оп. 7, д. 25, л. 35.

რისხის საფანჯრე მინას. ერისთავმა მრავალრიცხოვანი ცდები ჩაატარა უკეთესი, „ბოჰემიური“, თეთრი საფანჯრე მინის მიღებისათვის¹. ამ მიზნით მან ქარხანაში მოიწვია ინჟინერ-ტექნოლოგი ბიხოლდტი². პოტასიუმის, ადგილობრივი სოდისა და გლაუბერის მარილის, ასევე პროფესორ აბიხის რჩევით სპარსეთიდან იგივე გლაუბერის მარილის გამოწერით, ბოლოს „მიღებული იქნა ძალიან კარგი საფანჯრე მინა“³ და მისი ნიმუშები 1853 წელს წარუდგინეს ეირონცოვს⁴. მაგრამ ამ დროს დაიწყო ყირიმის ომი (1853—1855 წწ). ელიზბარ ერისთავი გაწვეულ იქნა არბოაში. ამიტომ იგი იძულებული გახდა შეეწყვიტა მუშაობა საფანჯრე მინის წარმოებაზე და მხოლოდ მინის ქურქლები ეწარმოებინა.

1855 წელს, მოულოდნელად, უცნობი მიზეზების გამო ღვარების მინის ქარხანა დაიწვა, „ხანძრის მიზეზები“ გაუგებარი („ბნელი“) იყო თვით ელიზბარ ერისთავისათვის. ქარხნის გარდა დაიწვა მზა ნაწარმი 3.000 მანეთისა⁵. მიუხედავად ამ კატასტროფისა მეპატრონე დაულალავი ენერგიის კაცი აღმოჩნდა და ქარხანა კვლავ აღადგინა. 1856 წელს საწარმომ გამოუშვა 9500 მან. პროდუქცია⁶. 1857 წელს — 9750 მან. პროდუქცია⁷. 1858 წელს — 10000 მან. პროდუქცია⁸. დიმიტრი ყიფიანი ერისთავების ასეთი ენერგიული მოღვაწეობის შესახებ 1857 წელს აღნიშნავდა:

„...князья Элизбар и Димитрий Эристовы устроили в начале 40-х годов стеклянный завод в своем имении, руководствуясь тем непогрешительным расчетом, что при совершенном отсутствии в Закавказском крае стеклянного производства, предприятие их не могло не увенчаться успехом и делу этому они посвятили все свои средства; не щадили ни личных трудов, ни времени... Князья Эристовы выдержали упорную и продолжительную борьбу с препятствиями и затруднениями всякого рода, сколько в устройстве завода, столько в особенности, в сбыте его изделий“⁹.

¹ საქ. ცნსა, ფონდი 10, საქმე 2786, ფურც. 3.

² იქვე.

³ იქვე, ფურც. 4.

⁴ იქვე.

⁵ იქვე.

ЦГИАЛ, ф. 1268, оп. 9 (1858 г.), д. 101, л. 64.

⁷ ЦГИАЛ, ф. 1268, оп. 9, (1858 г.), д. 311, л. 27.

⁸ ЦГИАЛ, ф. 1268, оп. 9, (1860 г.), д. 170, л. 63.

⁹ ЗКОСХ, 1857 г., гл. 52—54.

ღვარების მინის ქარხანა აღდგენის შემდეგ კვლავ ამარაგებდა თბილისისა და სტავროპოლის სახაზინო აფთიაქებს¹. 60-იანი წლების დასაწყისში საწარმოო პროდუქცია გაიზარდა. მთელი კავკასიის აფთიაქებიდან, რომლებსაც ქარხანა ჭურჭლუღით ამარაგებდა. მეპატრონე წლიურად ლებულობდა 6-8 ათასს მანეთს; ამდენივე თანხას ლებულობდა კერძო პირებისაგან. ე. ი. წლიურად საწარმო, დაახლოებით 16000 მანეთის პროდუქციას უშვებდა. ელიზბარ ერისთავის განცხადებით ამ თანხის დიდი ნაწილი საწარმოო ხარჯებს უნდებოდა და, თუ ყმა-გლეხების შრომას არ მივიღებდით მსედგელობაში, წელიწადში მას რჩებოდა 4000 მან².

1864 წელს ქარხანა ასეთ მდგომარეობაში იყო: 1) ქარხნის მთავარ შენობაში (სიგრძე 11 საეენი, სიგანე 9 საეენი) მოწყობილი იყო 1 მინის სადნობი 6 ტიგელიანი (დერგიანი) ღუმელი, რომელთანაც შეერთებული იყო მასალის საშრობი ღუმელი. აქვე იყო 3 საშინდაკებული ღუმელი, 3 შუშის საშრობი ღუმელი და 1 გამოსაწვავი ტიგელი.

2) ქარხანა შეიცავდა სათუნე განყოფილებას (შენობის სიგრძე — 11 საეენი, სიგანე — 3 საეენი), სადაც ცეცხლგამძლე თიხისაგან აკეთებდნენ ტიგელებს, ქოთნებს, აგურს და შუშის სადნობი ღუმელის სხვადასხვა ნაწილებს. აქვე იყო საშრობი ღუმელი, თიხის შესანახი ხის ყუთები. ამ შენობასთან გარეთ იყო წყლის თვალი, რომელსაც მოძრაობაში მოჰყავდა თიხისა და სხვა მასალათა დასაფხვიერებელი 3 სანაყველი.

ამათ გარდა ქარხანა შეიცავდა წისქვილსა და სამკედლოს, საფთთაქო ჭურჭლუღობისათვის მინის თავსაცავთა საჩარხავ სახელოსნოს, ძველ შენობას საფანჯრე მინების დასამზადებლად, ბელელს მასალათა შესანახად, სახლებს მუშებისა და ოსტატების საცხოვრებლად, სამზარეულოს მუშებისათვის, გომურს კამეჩებისათვის და სხვ. საქარხნო ნაგებობანი გაკეთებული იყო მთლიანად ფიჭვისა და ნაძვის მასალისაგან³. იგი ინჟინერ-ტექნოლოგ ბიზოლდტის მიერ შეფასებულ იქნა 1000 მანეთამდე⁴.

¹ საქ. ცსსა, ფონდი 10, საქმე 2786, ფურც. 5.

² იქვე.

³ 1864 წელს ქარხანა აღწერა და დაწვრილებით შეაფასა ინჟინერ-ტექნოლოგმა ბიზოლდტმა (საქ. ცსსა, ფონდი 10, საქმე 2786, ფურც. 18—23).

⁴ იქვე, ფურც. 18.

⁵ იქვე, ფურც. 19.

ქარხანაში მინის ნაწარმს ლებულობდნენ 2 დღე-ღამეში. აქედან 36, საათი უნდებოდნენ მინის გამოდნობას, დანარჩენ დროს კი მინის მასის დამუშავებას. თვეში ამზადებდნენ 9—10 ათასამდე ბოთლს. ბოთლების დამზადება ხდებოდა 6—7 თვეს და ამ დროში საწარმო უშვებდა 60—70 ათასამდე ბოთლს, 6—7 ათასი მანეთი იანხისას. შემდეგი 5-6 თვის განმავლობაში ამზადებდნენ საათთაქო ჭურჭლელს 6-8 ათასი მანეთისას¹. ამრიგად, ბიხოლდტის გამოანგარიშებით ქარხნის წლიური შემოსავალი შეადგენდა 12—14 ათასს მანეთს². ნამდვილად კი იგი მეტს შეადგენდა, რადგან თვით ელიზბარ ერისთავის განცხადებით ქარხნის წლიური შემოსავალი, 16000-მდე მანეთს უდრიდა და გარდა ამისა ჩვენ გვაქვს უწყისები საქართველოში არსებული „ფაბრიკა-ქარხნების“ შესახებ, სადაც ღვარების მინის ქარხნის წლიური პროდუქცია 60-იან წლებში ნახევრებია 15—16 ათასი მანეთის რაოდენობით³. საწარმოო ხარჯები წლიურად კი შეადგენდა 10000-მდე მანეთს⁴. იგი გამოიხატებოდა ყოველ თვენახევარ — ორ თვეში სადნობი ტიგელების გამოცვლისა და წლიურად ღუმელის ორჯერ განახლებაში რასაც ქირდებოდა 1000-მდე ფული ცეცხლგამძლე თიხა, რომელიც ყუბანის ნაპირებიდან მოჰქონდათ, გორიდან სილის მოტანაში, თბილისის საპნის ქარხნებისაგან 7200 ფული ნაცროსა და ნარჩენების შექენაში, ღვარებიდან ქარხნის პროდუქციის წალემაში თბილისსა და სტავროპოლში, ქარხნის რემონტში, თბილისში მალაზიის ქირისა და ნოქრის ხელფასში, წარმოებაში დაქირავებული მუშებისა და ოსტატების ხელფასის გასტუმრებაში და სხვა⁵. ამრიგად, ყმების მუქთი შრომის მიუთვლელად საწარმოს წმინდა შემოსავალი, ანუ მოგება წლიურად შეადგენდა 5—6 ათასს მანეთს.

წარმოებას პროცესი ხელით შრომას ემყარებოდა და გატარებული იყო შრომის სისტემატური დანაწილება. ისე, როგორც საერთოდ, ბოთლების მანუფაქტურულ საწარმოებში, აქაც, ბოთლების წარმოება 3 სტადიას გაივლიდა. ბოთლების მანუფაქტურა „ნაწილდება სამ არსებითად განსხვავებულ ფაზად. ჯერ-ერთი, მოსამზადებელი ფაზა: სამინე ნაზავების დამზადება, — ქვიშის, კირის და სხე. ერთმანეთში არევა, — და ამ ნაზავების თხევად მინის მასად დად-

¹ იქვე.

² იქვე.

³ ЦГИАЛ, ф. 1268, оп. 10, 1865 г., д. 127, лл. 67—69; оп. 11: 1866 г., д. 142, лл. 70—72.

⁴ საქ. ცსსა, ფონდი 10, საქმე 2786, ფურც. 19, იქვე, ფურც. 19—20.

ნობა¹. მეორე ფაზაში ხდება „ბოთლების დამზადება ამ სიტყვის ნამდვილი მნიშვნელობით, ანუ თხევადი მინის მასის გადამუშავება ბოთლებად“². მესამე ფაზაში „წარმოებს საწრობი ლუმელიდან ბოთლების გამოღება, მათი დახარისხება. შეფუთვა და სხვა“³. მარქსის მიერ დახასიათებულ სამივე ამ ფაზას გაევიღა ბოთლების წარმოება ღვარების საწარმოში: სამინე ნაზავების (მასალების) დამზადებას (პირველი, მოსამზადებელი ფაზა), თხევადი მინის მასის გადამუშავებას ბოთლებად (მეორე ფაზა), და ლუმელიდან დამზადებული ბოთლების გამოტანას, მათ დახარისხებას და ყუთებში ჩალაგებას (მესამე ფაზა).

აღსანიშნავია, რომ ერისთავის მინის ქარხანაში ხდებოდა წარმოების საშუალებათა დამზადება, თვით მწარმოებლები ამზადებდნენ თიხისაგან ცეცხლგამძლე სადნობ ქოთნებს⁴, როგორც ინგლისში. სადაც „მინის მსხვილი მანუფაქტურები“ თვითონვე ამზადებდნენ „ცეცხლგამძლე სადნობ ქოთნებს, რადგან ამ უკანასკნელთა ღირსებაზეა არსებითად დამოკიდებული ვარგისი გამოვა პროდუქტი თუ უვარგისი“⁵.

ქარხანაში გამოყენებული იყო, როგორც დაქირავებული. ასევე ყმების შრომაც. ყმების შრომას იყენებდნენ მხოლოდ წარმოების მოსამზადებელ, ანუ პირველ ფაზაში. მინის წარმოების მეორე და მესამე ფაზაში გამოყენებული იყო დაქირავებული შრომა, განსაკუთრებით მეორე ფაზაში, სადაც ბოთლების ნამდვილი წარმოება ხდებოდა. ყმებს იყენებდნენ მხოლოდ შეშის მოტანასა და დაქრაში, ნაცრის დაწვაში და სილის მოტანაში⁶. საკუთრივ ქარხანაში კი მათგან რამოდენიმე შავი მუშა მუშაობდა რიგ-რიგობით. ელიზ. ერისთავი ამ ყმების შესახებ აღნიშნავდა, რომ ისინი „...взамен обычных повинностей занимаются исключительно почги подвозом и рубкою дров для завода, палат золу, подвозят песок и круглый год по известной очереди дают для завода по несколько человек чернорабочих“.

ამრიგად, ღვარების მინის მანუფაქტურაში ჩვენ ვხედავთ, როგორც კაპიტალისტურ, ისე ფეოდალური ექსპლოატაციის წესს, ხოლო 1864 წლიდან, როდესაც ყმური დამოკიდებულება გაუქმებულ იქნა, საწარმო წმინდა კაპიტალისტურ მანუფაქტურად იქცა.

¹ კ. მარქსი — კაპიტალი, ტ. I. თბ., 1954, გვ. 440—441.

² იქვე, გვ. 441.

³ იქვე.

⁴ საქ. ცსსა, ფონდი 10, საქმე 2786, ფურც. 18.

⁵ კ. მარქსი — კაპიტალი, ტ. I. 1954, გვ. 442.

⁶ საქ. ცსსა, ფონდი 10, საქმე 2786, ფურც. 5.

რუსეთში მინის ქარხნების მეტი ნაწილი გლეხების მფლობელებს ეკუთვნოდათ. ეს საწარმოები მათ მოწყობილი ჰქონდათ ტყით მდიდარ ადგილებში. გლეხებს საწარმოთა მებატრონენი იყენებდნენ მინის წარმოების როგორც დამხმარე, ისე მთავარ ოპერაციისათვის¹. ეს ქარხნები, როგორც ღვარების მინის ქარხანა სრულყოფილი არ იყვნენ. 60-იანი წლების დასაწყისიდან კი, როდესაც რუსეთში ბატონყმობა გაუქმდა, რუსეთის აღნიშნული მინის საწარმოები გაუმჯობესებულ იქნენ და ახალ საწყისებზე მოეწყვენენ². ეს კარგად იცოდა ელიზბარ ერისთავმა და საგლეხო რეფორმის წინ განიზრახა ქარხნის გაუმჯობესება. ინჟინერ-ტექნოლოგ ბიხოლდტს ასევე აუცილებლად მიაჩნდა ქარხნის გაუმჯობესება იმ დროის მოთხოვნილების შესაბამისად³, რუსეთში გაუმჯობესებული მინის ქარხნების მსგავსად: „С освобождением же крестьян для дальнейших действий этот завод, подобно многим Русским заводам, должен быть перестроен на более рациональных началах для получения выгод, или он должен будет прекратить свое действие в скором времени“⁴. განსაკუთრებით საკვიროდ მიაჩნდა მას ღუმელების გამოცლა⁵. ბიხოლდტი სავსებით შესაძლებლად თვლიდა საწარმოს გაუმჯობესებას, და მისგან წლიურად 30 ათასი მანეთის პროდუქციის მიღებას⁶. ქარხანას უკეთ მოწყობის შემთხვევაში, სრული შესაძლებლობა აქვს კონკურენცია გაუწიოს უცხოურ მინას⁷.

1864 წლის აგვისტოში ელიზბარ ერისთავმა ღვარების მინის ქარხნის გაუმჯობესების მიზნით მეფისნაცვალს 25000 მანეთი თხოვა სესხად, უპროცენტოდ⁸. მოხსენებით ბარათში ერისთავი აღნიშნავდა ქარხნის უდიდეს მნიშვნელობას ხაზინისათვის: „посуда стоит ей (ხაზინას — დ. გ.) только тех издержек, которых стоила прежде она лишь доставка из Москвы до Тифлиса стеклянной посуды.“⁹ და შემდეგ: «Самая же посуда, получаемая из моего завода, казне приходится теперь совершенно даром»¹⁰. ერისთავი წერდა, რომ მას სურს თავისი საწარმო გაუმჯობესოს რუსეთის სრულყო-

1 იქვე, ფურც. 22.

2 იქვე.

3 იქვე, ფურც. 20.

4 იქვე, ფურც. 22.

5 იქვე, ფურც. 19.

6 იქვე, ფურც. 21.

7 იქვე, ფურც. 5.

8 იქვე, ფურც. 7.

9 იქვე, ფურც. 4—5.

10 იქვე, ფურც. 5.

ფილი მინის ქარხნების დონემდგო¹. ამავე დროს მას სურდა მოეწყო მინის დიდი რაოდენობით გასაღება კახეთში და სხვა ადგილებში². განსაკუთრებით მას სურდა მოეწყო ბოთლების დიდი რაოდენობით გაყიდვა თელავში³, რადგან ღვინოს აქ დიდი რაოდენობით აყენებდნენ. ერისთავი რწმუნას გამოთქვამდა, რომ მისი ქარხანა არასდროს დაეცემოდა, რადგან მოთხოვნილება მინის ნაწარმზე თანდათან იზრდებოდა.

1865 წლის თებერვალში მისი თხოვნა დაკმაყოფილებულ იქნა. ერისთავს მისცეს 25.000 მანეთი სესხი 18 წლით⁴. ელიზბარ ერისთავმა გააუმჯობესა ღვარების მინის ქარხანა და კვლავ ამარაგებდა მინის ნაწარმით ამიერკავკასიას და მათ შორის თბილისისა და სტავროპოლის სახაზინო აფთიაქებს⁵, მაგრამ ეს ენერგიული შეთაოსნე გენ. მაიორი ელიზბარ ერისთავი 1872 წელს გარდაიცვალა. მისმა შემკვიდრებმა კი წარმოება თავი ვერ გაართვეს და იგი იმავე 1872 წელს უცხოელ ეპშტეინს გადასცეს. ეპშტეინს მინის წარმოება ბოქემიაში შეესწავლა. ამიტომ, ბუნებრივია, მან გაცილებით უკეთ იცოდა წარმოების საქმე და უფრო გამოცდილი იყო, ვინემ ერისთავი. ეპშტეინმა თვით სოფ. ღვარებში აღმოაჩინა შოთლის წარმოებისათვის „საუცხოო“ მასალები, იგი აცხადებდა, რომ „ეს მასალები... სათანადო გამოყენებისას მოგვეცემს საუკეთესო შედეგებს-ო“⁶.

ჩვენს მიზანს არ შეადგენს რეფორმის შემდგომი ხანის წარმოების განხილვა. აქ მხოლოდ აღვნიშნავთ, რომ მიუხედავად ეპშტეინის ხელში წარმოების გაუმჯობესებისა და უკეთესი ხარისხის პრაქტიკის გამოშვებისა, ღვარების მინის ქარხანა მალე დაიხურა. ღვარების მინის ქარხნის დახურვის შემდეგ მინის ნაწარმზე ფასები აიწია, რადგან მოთხოვნა მასზე თანდათან იზრდებოდა. ქვეყანა დიდად საჭიროებდა ასეთ საწარმოს. ამიტომ 1882 წელს ბარონ კუჩენბახმა ბორჩალოს მაზრაში „სავსებით ევროპულ ყაიდაზე“ მინის დიდი ქარხანა მოაწყო⁷.

¹ იქვე, ფურც. 7.

² იქვე.

³ იქვე, ფურც. 24.

⁴ იქვე, ფურც. 42.

⁵ იქვე, ფურც. 100.

⁶ С. Гулишамбапов, ОФНЗТГ, 1887, кз. 217.

⁷ იქვე, კვ. 219.

საპნის, ტყავის, ბამბის, თამბაქოსა და მათის წარმოება

საპნის კეთება ძველი დროიდანვე იცოდნენ საქართველოში XIX საუკუნეში საპნის წარმოება ჩვენში თანდათან გაუმჯობესდა.

პირველად, გაუმჯობესებული და შედარებით საკმაოდ მსხვილი საპნის საწარმო თბილისში მოაწყო იაგორ ლორის-მელიქოვმა 1834 წელს. საწარმოში იდგა 6 ქვაბი, 200 ჩაფი, 25 საპნის გასაცეხელი ყუთი¹. მანქანა „ქარხანაში“ არ გააჩნდათ. საწარმო ამზადებდა პირველი ხარისხის საპონს. რომლის თითოეული ფუთი ღირდა 2 მან. და 70 კაპ. და მეორე ხარისხის საპონს, რომლის თითოეული ფუთი ღირდა 1 მან. და 80 კაპ. წლიური პროდუქცია დაახლოებით შეადგენდა 2500 ფუთ საპონს. აქედან 1000 ფუთი პირველი ხარისხისა იყო, 1500 ფუთი კი მეორე ხარისხისა. წლიურად გამოშვებული პროდუქცია 4500 მანეთის ღირებულებას შეადგენდა². საწარმოო წელიწადი 7 თვით განისაზღვრებოდა — აპრილიდან ოქტომბრამდე. ცივ თვეებში მუშაობა არ წარმოებდა. წარმოება ნებითდაქირავებულ შრომას ემყარებოდა. საწარმოში იყო 1 ოსტატი და 18 ნებითდაქირავებული მუშა — ქართველები და სომხები³. გამოშვებული პროდუქციის გასაღება ხდებოდა მეტწილად თბილისში, ნაწილობრივ კი ამიერკავკასიის სხვადასხვა მხარეში.

1841 წელს ამ საწარმოს გვერდით თბილისელმა მოქალაქემ სტეფანე მელეინოვმა მოაწყო მეორე საპნის სარეწი. საწარმოში იდგა 4 ქვაბი, 100 ჩაფი, 7 საპნის საშრობი ყუთი. მანქანები არ გააჩნდათ⁴. წლიურად ამზადებდნენ 1300 ფუთ საპონს; აქედან ნახევარი პირველი ხარისხისა იყო, რომლის თითოეული ფუთი ღირდა 3-მანეთი; მეორე ხარისხისა კი 1 მან. და 50 კაპ. წლიური პროდუქციის ღირებულება 3.000-მდე მან. შეადგენდა. საწარმოში დაქირავებული ჰყავდათ 1 ოსტატი და 10 მუშა ადგილობრივ მცხოვრებთაგან⁵.

საპნის ეს საწარმოები თანდათან ზრდიდნენ გამოშვებული პროდუქციის ოდენობას. 1843 წელს მათ გამოუშვეს 27.000 მან. პროდუქცია⁶, 1844 წელს — 15000 მანეთისა⁷. წარმოების

¹ საქ. ცსსა, ფონდი 16, საქმე 6105, ფურც. 35—37.

² იქვე.

³ იქვე.

⁴ საქ. ცსსა, ფონდი 16, საქმე 6351, ფურც. 26—28.

⁵ იქვე.

⁶ ЦГИАЛ. ф. 1268, оп. 1, д. 744, л. 91.

⁷ საქ. ცსსა, ფონდი 16, საქმე 8093, ფურც. 10.

გაფართოებასთან ერთად იზრდებოდა დაქირავებული მუშების რიცხვი. 1847 წელს ამ სარეწებში იდგა 36 ქვაბი. დაქირავებული ჰყავდათ 35 კაცი. გამოშვებული პროდუქცია კი შეადგენდა 16590 მანეთს¹. წარმოებისათვის საჭირო მასალებს მეწარმეები იძენდნენ თბილისშივე ადგილობრივი მრეწველებისაგან და ვაჭრებისაგან.

1843 წელს უცხოელმა, პესენის დეპარტამენტის მცხოვრებ ფრანც შულცმა თბილისში მოაწყო საპნის „ქარხანა“ „ევროპულ ყაიდაზე“. გარდა საპნისა საწარმო კმზადებდა ქონისა და სტეარინის სანთლებს. მალე შულცმა განიზრახა მოეწყო უფრო დიდი და სრულყოფილი საპნისა და სანთლების საწარმო თბილისში. ამისათვის მან 1844 წელს ითხოვა სახაზინო მიწის ორი ნაკვეთი (500 კვ. საჟე-ნი) გარეუბან კუკიაში — ერთი მტკვრის ნაპირზე და მეორე — ზუბა-ლაშვილის შაქრის ქარხნის მახლობლად². შულცთან „ამხანაგობაში“ შევიდა თბილისელი მოქალაქე იაგორ ხატისოვი. 1844 წლის 24 ივლისს მათ შორის დაიდო კონტრაქტი 5 წლით საპნისა და სანთ-ლების საწარმოს ერთად მოწყობის შესახებ³. კონტრაქტის საფუძ-ველზე მათ ერთიმეორესთან შეთანხმებით უნდა დაექირავებინათ მუშები წარმოებისათვის, ნოქრები ნაწარმის გაყიდვისათვის და სხვ. ამ საწარმოთა მოწყობისათვის ხატისოვმა ვალდებულება აიღო გაე-ლო 5.000 მანეთი 5 წლით, უპროცენტოდ⁴. შულცმა მთავრობას სთხოვა 5-წლიანი პრივილეგია.

ადგილობრივმა ხელისუფლებამ შულცისა და ხატისოვის წა-მოწყება სასარგებლო საქმედ ცნო.⁵ 1845 წელს ფინანსთა მინისტ-რმა ნება დართო მიეცათ შულცისათვის 5-წლიანი პრივილეგია⁶. ხოლო 1846 წელს ვორონცოვის განკარგულებით შულცს წარმოე-ბის მოსაწყობად მისცეს მიწის ნაკვეთი დიდუბეში კასტელას ყოფი-ლი აბრეშუმსახვევი ფაბრიკის მახლობლად. აქ მალე შეუდგნენ საწარმოს მოწყობას, მაგრამ იმავე 1846 წელს, შულცი ჩამოცილდა ხატისოვს. სამაგიეროდ, ხატისოვთან „ამხანაგობაში“ შევიდა სტეფა-ნე ხატისოვი და მათ მოაწყვეს საპნის საწარმო. იაგორ ხატისოვს ამ საქმეში გამოცდილება ჰქონდა. მას აქამდე ჰქონდა საპნის სარეწი ავ-ლაბარში, რომელიც 3 წელიწადს მუშაობდა. 1848 წლის აკვის-ტოში ხატისოვების საწარმომ დაიწყო საპნისა და სანთლების წარ-

¹ საქ. ცსსა, ფონდი 4. აღწერა 5, საქმე 125. ფურც. 26—27.

² საქ. ცსსა, ფონდი 205. აღწერა 1, საქმე 220, ფურც. 3—4.

³ იქვე, ფურც. 31—32.

⁴ იქვე.

⁵ АКТЫ. т. X, гл. 835.

⁶ ЦГИАЛ, ф. 1268, оп. 1, д. 771, л. 13.

მოება¹. საწარმოს შენობა ქვისა იყო; საწარმოსთან მოაწყვეს ღუქანი ნაწარმის გაყიდვისათვის. 40-იან წლებში თბილისში არსებულ საპნის საწარმოებს შორის ხატისოვის საპნის ქარხანა ყველაზე უკეთესი იყო: „Мыло лучших сортов выделяется на заводе, устройном гражданином Степаном Хатисовым. На этом заводе, кроме мыла льются свечи и очищается масло для ламп“². რაც შეეხება შულცის მიერ 1843 წელს მოწყობილ საპნის ქარხანას, ჩანს, მას მალე შეუწყვეტია არსებობა.

40-იანი წლების დასაწყისში ახალციხის მაზრაში არსებობდა 5 საპნის საწარმო. თითოეული მათგანი წლიურად, საშუალოდ ამზადებდა 200 მანეთის პროდუქციას, თითო საწარმოზე საშუალოდ მოდიოდა 2 დაქირავებული მუშა და 1 ოსტატი. არსებობდა სანთლის საწარმოც³.

საპნის მკეთებელი საწარმოები ბევრი იყო თბილისისა და ქუთაისის გუბერნიაში და 50-იანი წლებიდან იზრდებოდა მათი რიცხვი. ასე მაგალითად: 1851 წელს თბილისში ითვლებოდა 3 საპნის საწარმო 24.050 მან. წლიური პროდუქციით⁴; 1857 წელს — 7 საპნის საწარმო⁵; 1858 წელს — 8 საპნის საწარმო 31250 მან. წლიური პროდუქციით⁶. 1860 წელს თბილისის გუბერნიაში ითვლებოდა 9 საპნის საწარმო, აქედან ერთი სიღნაღის მაზრაში (სოფ. ანაგაში). ამ უკანასკნელის წლიური პროდუქცია შეადგენდა 5000 მანეთს⁷; 1865 წელს კი თბილისის გუბერნიაში ითვლებოდა 11 საპნის საწარმო. აქედან 8 თბილისში 18000 მან. წლიური პროდუქციით, 1 თბილისის მაზრაში და 2 სიღნაღის მაზრაში 9.600 მან. წლიური პროდუქციით⁸. მიღებულ პროდუქციას მთელ ამიერკავკასიაში ყიდდნენ.

საპნის საწარმოებისა და მათი პროდუქციის ზრდასთან ერთად, ცხადია, იზრდებოდა დაქირავებული შრომის გამოყენება ამ საწარმოებში და ამდენად კაპიტალისტური წარმოების წესზე მათი მოწყობა. შედარებით მსხვილი, ზოგიერთი საპნის საწარმო კაპიტალისტურ მანუფაქტურას განეკუთვნებოდა.

¹ საქ. ცსსა, ფონდი 205, აღწერა 1, საქმე 220, ფურც. 72.

² ЦГИАЛ, ф. 1281, оп. 4, 1848, д. 134, л. 20.

³ საქ. ცსსა, ფონდი 16, საქმე 6105, ფურც. 13—15; საქმე 6351, ფურც. 20—21.

⁴ ЦГИАЛ, ф. 1268, оп. 8, 1854, д. 21, л. 114.

⁵ ЦГИАЛ, ф. 1268, оп. 9, 1858, л. 311, л. 27.

⁶ ЦГИАЛ, ф. 1268, оп. 10, 1860, д. 170, л. 63.

ЦГИАЛ, ф. 1268, оп. 10, 1861, д. 228, лл. 118—119.

⁸ ЦГИАЛ, ф. 1268, оп. 11, 1866, д. 142, лл. 70—72.

ასევე ვითარდება რეფორმამდელ ხანაში ტყავის წარმოება. მეტყავეთა ხელოსნური და ამქრული ორგანიზაციის გვერდით საქართველოში თანდათან გაჩნდნენ და განვითარდნენ ტყავის კაპიტალისტური საწარმოებიც. ასეთები იყვნენ 30-იან წლებში 3 ტყავის საწარმო¹, მათ შორის მიხეილ სარაჯიშვილისა და თამამშვივის ტყავის „ქარხნები“ თბილისში². 40-იანი წლების დასაწყისში ახალციხის მაზრაში არსებობდა 2 ტყავის საწარმო. საწარმოებში მუშაობდნენ დაქირავებული მუშები, ოსტატები და შეგირდები. ერთ მათგანში დაქირავებული იყო 25 კაცი ადგილობრივ მცხოვრებთაგან. საწარმო წელიწადში უშვებდა 1150 მანეთის პროდუქციას³.

1843 წელს თბილისში ითვლებოდა ერთი ტყავის საწარმო 5200 მან. წლიური პროდუქციით⁴. 1847 წელს ითვლებოდა 3 ტყავის საწარმო 14948 მან. წლიური პროდუქციით. საწარმოებში დაქირავებული იყო 108 მუშა და ოსტატ⁵. განსაკუთრებით გამოირჩეოდა ამ დროს სოფელ დრეს ტყავის ქარხანა.

1847 წელს დეისტვიტ. სტატსკი სოვეტნიკ ანდრეევსკიმ სოფ. დრეში (თბილისის გარეუბანი), თავის მამულში, მოაწყო ტყავის ქარხანა. ქარხანა მოთავსებული იყო ქვის შენობაში, რომლის სიგრძე უდრიდა 10 საყენს, სიგანე 7 საყენს. ქარხანაში მოწყობილი იყო 16 დაზგა, 18 როფი (რომელიც შემდეგ 28-მდე გაზარდეს), 2 სათელი და 1 სანაყველი მანქანა, რომელიც მოძრაობაში მოჰყავდა ცხენძრავას⁶. ქარხანაში მოთავსებული იყო წყალსადენი. წარმოებისათვის იყენებდნენ მუხის, ბზის, ვერხვის, ნაძვის და ტირიფის ქერქებს; კირს, რომელსაც ადგილზე იძენდნენ და თევზის ქონს, რომელსაც თბილისში ყიდულობდნენ⁷. საწარმო ამზადებდა იუხტინ (რუსული ტყავი) — შავსა და თეთრს, თალათინებს, საქოშე ტყავს, მოუქნელ ტყავს, დათრიმლულ ცხვრის ტყავს, საუნჯურე ტყავს და სხვ⁸. სულ წელიწადში ამზადებდნენ 6-დან 8 ათასამდე ცალ-

¹ Статист. опис. Зак. Кр., 1835, гл 144.

² საქ. ცსსა, ფონდი 16, საქმე № № 6249, 6601.

³ საქ. ცსსა, ფონდი 16, საქმე 6105, ფურც. 13—15; საქმე 6351, ფურც. 20—21.

⁴ ЦГИАЛ, ф. 1268, оп. 1, д. 744, л. 91.

⁵ საქ. ცსსა, ფონდი 26, აღწერა 2, საქმე 617, ფურც. 44—46; ფონდი 4, აღწერა 5, საქმე 125, ფურც. 26—27.

⁶ საქ. ცსსა, ფონდი 26, აღწერა 2, საქმე 617, ფურც. 67.

⁷ იქვე, ფურც. 36—37.

⁸ იქვე, ფურც. 67.

ტყავს. წლიური პროდუქციის ღირებულება აღწევდა 10000-დან 17000 მანეთამდე¹. პროდუქციას მეტწილად თბილისში ასალებდნენ.

წარმოებაში გამოყენებული იყო მხოლოდ დაქირავებული შრომა. დაქირავებული იყო 6 ოსტატი (2 გერმანელი, 3 რუსი და 1 სომეხი) და 16 მუშა ადგილობრივ მცხოვრებთაგან². ქარხანაში ვატარებული იყო შრომის დანაწილება: ნედლი ტყავისაგან ლეშის გაცლა. ტყავის დამარილება. ქატოში დაღობობა, ბეწვის გაცლა, ტყავის მოქნა, გაფხეკა და სხვ. ამრიგად, ღრეის ტყავის ქარხანა მთელ რიგ სხვა ასეთივე საწარმოებთან ერთად კაპიტალისტურ მანუფაქტურას წარმოადგენდა.

სხვა საწარმოებთან ერთად იზრდებოდა ტყავის წარმოება და გამომუშავებული პროდუქცია. ასევე შეიმჩნეოდა ტყავის საწარმოების გამსხვილება. ასე მაგალითად, 1860 წელს თბილისში არსებობდა 3 ტყავის საწარმო, 66700 მან. წლიური პროდუქციით³. მათი რიცხობრივი ზრდა შეიმჩნევა განსაკუთრებით 60-იანი წლებიდან. 1863 წელს თბილისში ითვლებოდა 10 ტყავის საწარმო 68200-მან. წლიური პროდუქციით⁴. 1865 წელს კი ითვლებოდა 11 საწარმო, 64000 მან. წლიური პროდუქციით⁵. თბილისის გარდა ტყავის საწარმოები არსებობდა გორში, სიღნაღში და თელავში. 1851—52 წლებში გორში ვხედავთ 2 ტყავის საწარმოს 250—300 მანეთის წლიური პროდუქციით⁶. 1856 წელს—ერთ ტყავის საწარმოს 458 მან წლიური პროდუქციით⁷, 1857 წელს 560 მან. წლიური პროდუქციით⁸, 1858 წ. 750 მან. წლიური პროდუქციით⁹ და ა. შ. სიღნაღში 1856 წელს არსებობდა 1 ტყავის საწარმო 1600 მან. წლიური პროდუქციით¹⁰, 1857 წელს კი 3 საწარმო 6000 მან. წლიური პროდუქციით¹¹, 1858 წელს სამივე ამ საწარმომ გამოუშვა 9000 მანეთის პროდუქცია¹². თელავში არსებობდა 2 ტყავის საწარმო. 1860 წელს მათ მოგვეცეს 882 მანეთის პროდუქცია¹³. სულ თბილისის გუ-

¹ იქვე ფურც. 36—37; საქ. ცსსა, ფონდი 4, აღწერა 5, საქმე 125, ფურც. 27—28.

² იქვე.

³ ЦГИАЛ, ф. 1268, оп. 10. (1861) д. 228, л. 118.

⁴ ЦГИАЛ, ф. 1268, оп. 10 (1864), д. 137, л. 64.

⁵ ЦГИАЛ, ф. 1268, оп. 11. (1866), д. 142, л. 70.

⁶ ЦГИАЛ, ф. 1268, оп. 8 (1854), д. 21, л. 4; ф. 1263, оп. 44 (1854), д. 2426, л. 173.

⁷ ЦГИАЛ, ф. 1268, оп. 9. (1858), д. 101, л. 64.

⁸ ЦГИАЛ, ф. 1268, оп. 9, д. 311, л. 27.

⁹ ЦГИАЛ, ф. 1268, оп. 10, (1860), д. 170, л. 63.

¹⁰ ЦГИАЛ, ф. 1268, оп. 9, (1858), д. 101, л. 64.

¹¹ ЦГИАЛ, ф. 1268, оп. 9, д. 311, л. 24.

¹² ЦГИАЛ, ф. 1268, оп. 9 (1860), д. 170, л. 63.

¹³ ЦГИАЛ, ф. 1268, оп. 10. (1861), д. 228, лл. 118—119.

ბერნიაში 1865 წელს ითვლებოდა 18 ტყავის საწარმო¹ 71850 მანეთი წლიური პროდუქციით². ტყავის ამ საწარმოების უმრავლესობა დაქირავებული შრომითა და შრომის დანაწილებით, მანუფაქტურული ტიპის კაპიტალისტურ სახელოსნოებს უნდა მივაკუთვნოთ.

მე-19 საუკუნის 30-იან წლებში საქართველოში ჩნდება ბამბის ძაფსართავი წარმოება. 1837 წელს სიღნაღის მოქალაქეებმა (სახაზინო გლეხებმა) ძმებმა შავერდოვებმა სიღნაღში მოაწყვეს ბამბის ძაფსართავი „ფაბრიკა“³, (მეორე ცნობით იგი მოუწყვიათ 1836 წელს)⁴. ფაბრიკა შეიკავედა 2-სართულიან ქვის შენობას და გააჩნდა სხვადასხვა საჭირო ნაგებობანი.

ფაბრიკის ქვედა სართულზე დადგმული იყო მანქანები: 4 მანქანა ბამბის დაშლისათვის და 2 მანქანა ბამბის რთვისათვის საჭირო ყველა მასალის მოსამზადებლად. აქვე იყო მოწყობილი თვალი (ბორბალი), რომელიც მოქმედებაში მოჰყავდა 2 უღელხარს. სატრიალებელ თვალს მოძრაობაში მოჰყავდა ფაბრიკის ქვედა და ზედა სართულის მანქანები⁵. ზედა სართულზე მოწყობილი იყო 4 დიდი და 5 პატარა ძაფსართავი მანქანა. ფაბრიკის შენობის სიგრძე უდრიდა 10 საყენზე მეტს, სიმაღლე კი 4 საყენს⁶. ფაბრიკის მთავარი შენობის წინ აშენებული იყო სახლი, სადაც ცხოვრობდნენ დაქირავებული ოსტატები და მუშები. ფაბრიკის მოწყობა დაჯდა 30000-მანეთამდე⁷. საწარმოს განაგებდა ჯუანშერ შავერდოვი.

ნორმალური მუშაობის დროს საწარმოში მუშაობდა 4 ოსტატი, 25 მუშა და გამწევი ძალა—4 უღელი ხარი, მანქანების მოძრაობაში მოსაყვანად. ჯუანშერ შავერდოვმა ოსტატები გამოიწერა მოსკოვიდან. მათ იგი მაღალ ხელფასს აძლევდა. ასევე მანქანები მოტანილიქნა მოსკოვიდან⁷.

საწარმოში ამუშავებდნენ მხოლოდ ბამბას, რომელსაც ყიდულობდნენ ამიერკავკასიის სხვადასხვა პროვინციებში. მიღებულ ბამბის ძაფს ყიდდნენ მოსკოვში, რაშიდაც მნიშვნელოვან მოგებას.

¹ საქ. ცსსა, ფონდი 416, აღწერა 3, საქმე 1077, ფურც. 1—2.

² საქ. ცსსა, ფონდი 414, აღწერა 1, საქმე 18, ფურც. 11—12.

³ საქ. ცსსა, ფონდი 16, საქმე 6105, ფურც. 41.

⁴ საქ. ცსსა, ფონდი 16, საქმე 5543, ფურც. 3.

⁵ საქ. ცსსა, ფონდი 16, საქმე 6105, ფურც. 41—42.

⁶ იქვე.

⁷ იქვე.

ოლებდნენ¹. სიღნაღის ბამბის საწარმომ რამდენიმე წელს იარსება: 1840 წელს რუსეთიდან მოყვანილი ოსტატები სამშობლოში წავიდნენ, რის გამოც ამ წლის მაისიდან მუშაობა შეჩერებულ იქნა საწარმოში და შემდეგ იგი არც განახლებულა, რადგან მეპატრონემ სათანადო მცოდნე ოსტატები ვერ იშოვა. ეს იყო ძირითადი მიზეზი სიღნაღის ბამბის ძაფსართავი „ფაბრიკის“ დახურვისა.

ეს საწარმო კაპიტალისტური მანუფაქტურა იყო. აქ გამოყენებული იყო მხოლოდ დაქირავებული შრომა (დაქირავებული ჰყავდათ 30-მდე კაცი) და არსებობდა შრომის დანაწილება.

1850 წელს იმერეთში, სოფელ სებეკაში, ცნობილმა მემამულე ნიკო ჩიჯავაძემ, აბრეშუმისა და თამბაქოს საწარმოთა გვერდით მოაწყო ბამბის საწარმოც. პირველ წლებში ბამბისა და თამბაქოს საწარმოები უშვებდნენ 400 მან. პროდუქციას. მიღებულ ნაწარმს ყიდდნენ ქუთაისის გუბერნიაში². რუსეთ-თურქეთის ომის დროს (1853—1855 წწ.), როგორც აბრეშუმისა და თამბაქოს, ასევე ბამბის წლიური საწარმოო პროდუქცია შემცირდა³ ხოლო 1855 წელს იგი შეწყდა⁴. ომის დამთავრების შემდეგ ნ. ჩიჯავაძემ აღნიშნული საწარმოები აღადგინა. 1856 წელს აბრეშუმსახვევ და ბამბის საწარმოებმა გამოუშვეს 800 მან. პროდუქცია⁵, ხოლო შემდეგ წლებში პროდუქცია გაიზარდა. 1860 წელს სამივე საწარმომ გამოუშვა 2.500 მან. პროდუქცია⁶. ნ. ჩიჯავაძემ თავის მამულ სებეკაში გააშენა საუცხოო ბამბა, მას ბამბის საუცხოო ნაწარმისათვის არაერთხელ მიუღია ჯილდო⁷. მისი ბამბის ნაწარმი მალალ შეფასებას ღებულობდა თბილისის, რუსეთისა და ლონდონის გამოფენებზე⁸.

1857 წელს გრ. მიკირტუმოვმა ბამბის მნიშვნელოვანი ფაბრიკა მოაწყო თბილისში (ავლაბარში)⁹. იგი იყო პირველი მანქანური ბამბის საწარმო.

XIX საუკუნის 40-იანი წლებიდან მეთამბაქოეობა საქართველოში თანდათან ვითარდებოდა. მთავრობა დიდ ყურადღებას აქცევდა მის განვითარებას, რადგან იცოდა, რომ ჩვენში საამისოდ საუცხოო პირობები იყო. თამბაქოს მოსავლიანობა განსაკუთრებით იზრდება

¹ იქვე.

² საქ. ცსსა, ფონდი 4. აღწერა 5. საქმე 125. ტურც. 56, 82, 94, 101.

ЦГИАЛ, ф. 1268, оп. 8 (1855), д. 335, л. 21.

⁴ ЦГИАЛ, ф. 1281, оп. 6, д. 165, л. 24.

⁵ ЦГИАЛ, ф. 1268, оп. 9 (1858), д. 101, л. 244.

⁶ ЦГИАЛ, ф. 1268, оп. 10 (1861), д. 228, л. 149.

⁷ ЦГИАЛ, ф. 1268, оп. 9 (1858), д. 101, л. 175. ЗКОСХ, 1861,

№ 1—2 გვ. 65; ЗКОСХ, 1864, გვ. 47.

⁸ იქვე.

⁹ «Кавказ» 1858, № 77; 1862, № 69.

50-იანი წლებიდან. ამ წლებიდანვე იწყება ჩვენში თამბაქოს გადამ-
მუშავებელი საწარმოების მოწყობა.

თამბაქოს პირველი გადამმუშავებელი საწარმო („ფაბრიკა“) სა-
ქართველოში მოაწყო მემამულე ნიკო ჩიჯავაძემ 1850 წელს, თავის
მამულში, ქუთაისის გუბერნიის სოფელ სებეკაში¹. ბაშბის საწარ-
მოსთან ერთად, როგორც ზემოთ აღვნიშნეთ, იგი წლიურად უშვებ-
და 400 მან. პროდუქციას, რომელსაც ქუთაისის გუბერნიაში ყიდდ-
ნენ. ყირიმის ომის დროს თამბაქოს საწარმოო პროდუქცია, როგორც
სხვებისა, შემცირდა, ხოლო 1855 წელს შეწყდა. ომის შემდეგ იგი
კვლავ აღდგენილ იქნა. აღდგენის შემდეგ ეს საწარმო მეტ პრო-
დუქციას უშვებდა. ნ. ჩიჯავაძეს თავის მამულში მთელ რიგ კულ-
ტურებთან ერთად მოჰყავდა თამბაქოც. 1863 წელს თბილისის გა-
მოფენაზე წარდგენილი ბაშბის, აბრეშუმისა და თამბაქოს საუცხოო
ნაწარმისათვის დაჯილდოებულ იქნა ოქროს მედლით².

50-იან წლებში გაცილებით მსხვილი საწარმოები ეწყობა თბი-
ლისში.

ნიკო ჩიჯავაძის შემდეგ თამბაქოს. გადამმუშავებელი საწარმო
მოაწყო ამბარტუმ ენფიანჯიანცმა 1852 წელს ქ. თბილისში. ამავე
1852 წელს მეორე ასეთივე საწარმო მოაწყო მისმა ძმამ ბენიამინ
ენფიანჯიანცმა³. 1858 წელს ნ. ბოზარჯიანცმა მოაწყო მესამე თამ-
ბაქოს საწარმო თბილისში⁴. ენფიანჯიანცმა და ბოზარჯიანცმა აიტა-
ნეს მთელი რიგი სიძნელეები და საწარმოებმა არსებობა შეინარჩუ-
ნეს, ხოლო საგლეხო რეფორმის შემდეგ, მექანიკური დაზგების
შემოღებით მათი თამბაქოს მანუფაქტურული საწარმოები ფაბრი-
კებად იქცნენ.

თბილისში თამბაქოს საწარმოები, მიუხედავად იმისა, რომ ზო-
გი მათგანი მალე იხურებოდა, რიცხოვრივად იზრდებოდა. ამავე
დროს იზრდებოდა გამომუშავებული პროდუქციის ოდენობა: 1860
წელს თბილისში 6 თამბაქოს საწარმო ითვლებოდა⁵; 1863 წელს
7 საწარმო 21000 მან. წლიური პროდუქციით⁶. 1864 წელს — 8 სა-
წარმო 24000 მან. წლიური პროდუქციით⁷. 1865 წელს კი — 10
თამბაქოს საწარმო 30000 მან. წლიური პროდუქციით⁸. მასასადაპე,

¹ საქ. ცსსა, ფონდი 4, აღწერა 5, საქმე 125, ფურც. 56, 82, 94, 101.

² ЗКОСХ, 1864, № 1—2, გვ. 65.

³ საქ. ცსსა, ფონდი 10, საქმე 740.

⁴ С. Гулишамбагов, ОФЗТГ, 1887, გვ. 26.

⁵ საქ. ცსსა, ფონდი 255, საქმე 1467, ფურც. 18.

⁶ ЦГИАЛ, ფ. 1268, оп. 10 (1864), д. 137, л. 64.

⁷ ЦГИАЛ, ფ. 1268, оп. 10 (1865), д. 127, л. 67.

⁸ ЦГИАЛ, ფ. 1268, оп. 11 (1866), д. 142, л. 70.

აითოველ საწარმოზე. საშუალოდ მოდიოდა 3000 მანეთის პროდუქტია.

საწარმოებში გამოყენებული იყო მხოლოდ დაქირავებული შრომა. ბევრ საწარმოში 15-ზე მეტი დაქირავებული მუშა ითვლებოდა. დაქირავებულნი იყვნენ, როგორც მოზარდები ასევე მცირეწლოვანებიც. 1864 წელს თბილისის თამბაქოს „ფაბრიკები“ — კარაპეტ და ბენაშინ ენფიანჯიანებისა, აღწერა ინჟინერ-ტექნოლოგმა ბიბლოდტმა, რომელიც წერდა, რომ ამ საწარმოებში „მუშაობენ 10-დან 15 კაცამდე მცირეწლოვანი მუშები და არ მინახავს არავითარი განმასხვავებელი რამ სხვა ამგვარი საწარმოებისაგან!“

თამბაქოს საწარმოებში მანქანები არ გააჩნდათ, წარმოების მთელი ოპერაციები ხელით წარმოებდა და გატარებული იყო შრომის სისტემატური დანაწილება: თამბაქოს ფოთლის დახარისხება, დაკრა, აწონა და კოლოფებში ჩაწყობა, პაპიროსად მისი გაკეთება, პაპიროსისათვის ქაღალდის მუნდშტუეის (სატუჩეს) გაკეთება, გარკვეულ რაოდენობის პაპიროსის ქაღალდის კოლოფში ჩაწყობა და ბოლოს მისთვის ბანდეროლის* გაკეთება, — ყველაფერი ეს ცალკეულ დამოუკიდებელ ოპერაციებად წარმოებდა¹.

ამრიგად, რეფორმამდელი ხანის თბილისის თამბაქოს საწარმოები თავისი ტექნიკური მხარითა და წარმოების ორგანიზაციით კაპიტალისტური მანუფაქტურები იყვნენ. საგლებო რეფორმის შემდეგ ზოგიერთი მათგანი (ენფიანჯიანცისა და ბოზარჯიანცის) მანქანების შემოღებით, კაპიტალისტურ ფაბრიკებად იქცნენ. მუშებს შრომა თამბაქოს საწარმოებში მეტად ანტიჰიგიენურ და ცუდ პირობებში უხდებოდათ, რის გამო, მათ და მებატონე კაპიტალისტებს შორის ცუდი დამოკიდებულება იყო.

გადავდივართ რა მათდის წარმოებაზე, აქვე უნდა აღვნიშნოთ, რომ მრეწველობის ამ დარგის განვითარებას საქართველოში განსაკუთრებით უშლიდა ხელს ცარიზმის კოლონიალურ-ეკონომიური პოლიტიკა. ეს ამკარად გამოიხატა დრეში მოწყობილი მათდის წარმოების მიმართ.

საქართველოში და საერთოდ კავკასიაში მეცხვარეობის ფართოდ განვითარება და ადგილობრივი ცხვრის მატყლის საუცხოო ღირსება, მდიდარ საფუძველს წარმოადგენდა აქ მათდის მრეწველობის განვითარებისათვის. ჯერ კიდევ იმპერიასთან საქართველოს

¹ საქ. ცსსა, ფონდი 10, საქმე 740, ფურც. 74.

² С. Гулишамбаров, ОФЗТГ 1887, გვ. 30.

შეერთების პირველ წლებშივე, სახელდობრ 1803 წელს, საქართველოს მთავარმართებელმა გენ. ციციანოვმა (რომელსაც რუსულმა ოფიციალურმა ისტორიოგრაფიამ „გენიალურია“ უწოდ.) აღძრა საკითხი მეფის მთავრობის წინაშე საქართველოში ადგილობრივი ნედლეულის ბაზაზე მაუდის ფაბრიკის მოწყობის შესახებ. მაგრამ მთავრობამ, რომელიც მეტროპოლისის მრეწველობის (ამ შემთხვევაში მაუდის მრეწველობის) ინტერესებს იცავდა, ციციანოვის თხოვნას უარით უპასუხა, ამ საქმის „ნაადრევად“ მიჩნევის მომიზეზებით. ასევე უნაყოფოდ რჩებოდა შემდეგშიაც სხვა მთავარმართებლების (ტორმასოვი და სხვ.) შუამდგომლობა. ცარიზმი თვლიდა, რომ მაუდის მრეწველობის განვითარება საქართველოში, კონკურენციის გაწევით ზიანს მიაყენებდა რუსეთის იმპერიის შიდა გუბერნიებში არსებულ მაუდის ფაბრიკებს.

რაც დრო გადიოდა, მეცხვარეობის განვითარებასთან ერთად იზრდებოდა ამიერკავკასიაში დამზადებული მატყლის რაოდენობა. XIX — საუკუნის 40-იანი წლების ბოლოს ამიერკავკასიაში დამზადებული მატყლი გაგზავნილ იქნა ოდესაში, მოსკოვსა და ლონდონში. იქაურ ბაზრებზე იგი შეფასებულ იქნა 3-ჯერ და 4-ჯერ მეტად, ვიდრე ადგილზე იყო შესყიდული.

მეფისნაცვალ ვორონცოვი, რომელიც უთუოდ ყველა დანარჩენ მეფის მოხელეებზე გაცილებით მაღლა იდგა, კარგად ხედავდა აქ, საქართველოში მაუდის წარმოებისათვის უტყუარ საფუძველს და შეეცადა მის დანერგვას ჩვენში.

1852 წლის იანვარში პრუსიელმა კარლ მაიციერმა, მეფისნაცვალ ვორონცოვს წარუდგინა კონდიცია თბილისში მაუდის ფაბრიკის მოწყობის შესახებ. ფაბრიკა უნდა მოწყობილიყო სოფელ დრეში (თბილისის რაიონი) მდინარე ვერაზე. ეს სოფელი ეკუთვნოდა დეისტ. სტ. სოვეტ. ანდრეევსკის. ამიტომ ვორონცოვთან კონდიციის წარდგენამდე, მაიციერმა მასთან სათანადო ხელშეკრულება გააფორმა. მიწის მფლობელთან დადებული ხელშეკრულებით, ფაბრიკისათვის საჭირო მიწით მაიციერს უნდა ესარგებლა 12 წლით, ანდრეევსკისათვის 150 მანეთის გადახდით წელიწადში. 12 წლის გასვლის შემდეგ საფაბრიკო ნაგებობანი წყლის თვალით უნდა გადასულიყო მიწისმფლობელის ხელში, თუ ახალი ხელშეკრულება არ გაფორმდებოდა, ხოლო მანქანები, ინსტრუმენტები, მასალები და სხვა ნივთები მაიციერის საკუთრებაში რჩებოდა.

მთავრობასთან დადებული ხელშეკრულებით მაიციერი ვალდებული იყო იღებდა ფაბრიკა მოეწყო ერთ წელიწადში. ფაბრიკას უნდა ეწარმოებინა საარმიო მაუდი კავკასიის ჯარისა და ჰოსპიტლები-

სათვის¹. ფაბრიკა ხაზინას არშინ მაუღს მისცემდა 2 კაპიკით ნა-
ლებად² საერთო ფასთან შედარებით. ხაზინის მიერ ამ ფაბრიკის,
მაუღის მისაღებ რაოდენობას მთავრობა დაამტკიცებდა. ეს იქნებო-
და წარმოების არსებობის საწინდარი.

ფაბრიკაში მოწყობილ მანქანებს მოძრაობაში მოიყვანდა ზღ.
ვერის წყლის ენერგია. ფაბრიკასთან მოეწყობოდა ცხერის გაკრეჭა,
მატყლის სარეცხი, საპენტი, საშრობი და დამახარისხებელი საწარ-
მოები. მიღებულ კარგ ხარისხის მატყლს გააგზავნიდნენ რუსეთისა
და უცხოეთის ბაზრებზე, ხოლო მეორე ხარისხის მატყლს ფაბრიკა
საარშმო მაუღად გადაამუშავებდა. პროექტით წარმოებისათვის უნ-
და აეგოთ 2 სართულიანი შენობა. ფაბრიკას ექნებოდა სამი განყო-
ფილება: სააპარატო, საფეიქრო და მაუღის გამომყვანი. ამ განყო-
ფილებებში (საამქროებში) მოწყობილი იქნებოდა: მატყლის საპე-
ნტი, საჩეჩი, სართავი მანქანები; ნართის სახვევი, ძაფის გამომყვანი,
სუფთად მრთველი, მაუღის საშრობი მანქანები; ხელისა და მექანი-
კური დაზგები, სამღებრო ქვაბები და სხვა³.

მაიცნერმა ფაბრიკის მოწყობისათვის მოითხოვა 15000 მანეთი
სესხი უპროცენტოდ⁴. სესხის გადახდას იგი დაიწყებდა საწარმოს
ამუშავების პირველი წლიდანვე. ვორონცოვმა კონდიცია მაშინვე
დაამტკიცა და ბრძანება გასცა მიეცათ, მისთვის 15000 მანეთი სეს-
ხი⁵. ამავე, 1852 წლის თებერვალში მაიცნერი მოსკოვში წავიდა
მანქანების საყიდლად. თბილისიდან მოსკოვში მანქანების საყიდ-
ლად ხაზინამ გაგზავნა 5000 მანეთი⁶. 1852 წლის მაისში განსაკუთ-
რებულ მინდობილობათა მონღლე ილიაშევიჩის დაევალა თვალყური
ედევნებინა ფაბრიკის მოწყობის საქმისათვის⁷. მაიცნერი მოსკოვი-
დან დაბრუნდა ივლისში, ჩამოიტანა სათანადო მანქანები, ჩამოიყვა-
ნა ოსტატები და შეუდგა ფაბრიკის მოწყობას. მან ხაზინას დამატე-
ბით თხოვა 8600 მანეთი⁸. ხაზინამ ფული მისცა, მაგრამ ეჭვი შეი-
ტანა მაიცნერის პატიოსნებაში და მაუღის ფაბრიკის დამთავრების
საქმე მიანდო ილიაშევიჩის, მაიცნერი კი წარმოებას ჩამოაცილეს.
ილიაშევიჩის ფაბრიკის საბოლოო მოწყობისათვის მისცეს 13500⁹:

¹ ЦГИАЛ, ф. 1268, оп. 7, д. 215, л. 15.

² იქვე.

³ Акты, т. XI, გვ. 769.

⁴ იქვე, გვ. 768.

იქვე, გვ. 772.

⁶ იქვე, გვ. 769.

⁷ იქვე, გვ. 772.

⁸ იქვე, გვ. 770.

მანეთი. ამრიგად, ფაბრიკის მოწყობა სულ დაჯდა 37100 მანეთი. და იგი სახაზინო წარმოებად იქცა.

1853 წლის ბოლოსათვის მაუდის ფაბრიკის მოწყობა თბილისში საბოლოოდ დამთავრდა. ახლა საჭირო იყო ხაზინას მიეღო ფაბრიკის მიერ გამოშვებული მაუდი, რადგან საარმიო მაუდის ფაბრიკა მხოლოდ იმ შემთხვევაში იარსებებდა, თუ ხაზინა მისგან მაუდს მიიღებდა არმიისათვის. ამიტომ, ვორონცოვმა 1853 სექტემბერში მთავრობისაგან გამოითხოვა ნებართვა — დრეის მაუდის ფაბრიკისათვის მიეცათ ნება, 10 წლის განმავლობაში, ყოველწლიურად 90000 არშინი მუქი, მწვანე და შავი მაუდი მიეწოდებინა ხაზინისათვის არმიის შესამოსად¹. იმავე წლის ნოემბერში კი ვორონცოვი მთავრობას სწერდა: „...я никогда не решился бы приступить к учреждению здесь сукошной фабрики без крайней осмотрительности, без предварительного подробного и самого отчетливого обсуждения всех условий, могущих упрочить существование фабрики, не взвесив с математическою точностью все выгоды от оной произойти могущия“².

მიუხედავად ამისა, ფინანსთა მინისტრმა უარი განაცხადა დაზმარებოდნენ დრეის მაუდის ფაბრიკას, რადგან იგი ზიანს მიაყენებს რუსეთის მაუდის მრეწველებს. იგი იმავე ნოემბრის თვეში წერდა: „...Я несколько не оспариваю изъяснения князя Воронцова, что дарование испрашиваемых им особых для Дрейской фабрики преимуществ будет способствовать развитию овцеводства и суконоделия в Закавказском крае; но... по мнению моему едва ли удобно допустить, чтобы промышленности означенного края было оказываемо поощрение в ущерб промышленности внутренних губерний“³. 1853 წლის დეკემბერში ფაბრიკას უარი უთხრეს 1854 წლისათვის დაემზადებინა მაუდი არმიისათვის, რადგან ხაზინის მიერ დრეის ფაბრიკის მაუდის მიღება ზიანს მიაყენებს რუსეთის შიდა გუბერნიებში არსებულ მაუდის ფაბრიკებს, რომლებიც თვით ამარაგებენ მაუდით არმიას⁴. სამაგიეროდ, თბილისის მაუდის ფაბრიკას დაპირდნენ, რომ 1855 წლისათვის შეიტანდნენ არმიისათვის მაუდის მიწოდებელ ფაბრიკათა რიცხვში. მაგრამ

¹ იქვე.

² ЦГИАЛ, ф. 1268, оп. 7, д. 350, л. 12.

³ იქვე, ფურც. 25.

⁴ Акты, т. XI, стр. 770.

შემდეგ წლებშიც უარი უთხარს და მაუდის წარმოება თბილისში დასაწყემად განწირული აღმოჩნდა. 1854 წელს ვორონცოვმა დატოვა კავკასია. მან შ.ში გამოთქვა, რომ რუსეთის იმპერიის კოლონიური პოლიტიკა არსებობის საშუალებას არ მისცემდა თბილისის მაუდის ფაბრიკას. იგი გენ. რეალისადმი მიცემულ ინსტრუქციაში წერდა: „ამჟამად ჩვენ... კავკასიის კორპუსისათვის ჯარისკაცის მაუდის დაწამსადებელი ფაბრიკის წარმატების იმედი გვაქვს... მაგრამ რუსეთში ჯარისკაცის მაუდის ფაბრიკისათვის დამტკიცებული წესების მიხედვით, ფინანსთა მინისტრი სიძნელედ თვლის დიდი რაოდენობით აქაური მაუდის მიღებას და ვშიშობ, რომ ეს სასარგებლო საქმე, ესოდენ ხელსაყრელი როგორც ხაზინისათვის, ისე აქაური უზარმაზარი მეცხვარეობისათვის. რომელიც თითქმის ყოველგვარი გასაღების გარეშე რჩება, სავსებით შეჩერდება“¹. მართლაც ასე მოხდა. ხაზინამ არცერთ წელს არ დართო ნება თბილისის მაუდის ფაბრიკას. არმიისათვის მაუდი დაემზადებინა. ფაბრიკა შეკვეთების უქონლობის გამო არ მოქმედებდა. მუშების მეტი ნაწილი დათხოვილ იქნა.

1856 წელს ფაბრიკა დაათვალიერა მეფისნაცვალმა მურავიოვმა. ფაბრიკა წესიერ მდგომარეობაში აღმოჩნდა. მურავიოვმა მოითხოვა ფაბრიკა რომელიმე კერძო პირს, კაპიტალისტს, მიეღო, მაგრამ ასეთი არავინ გამოჩნდა. ამიტომ ფაბრიკა იმავე წელს შესთავაზეს თვით სოფ. დრეს მფლობელ ანდრეევსკის, რომლის მიწაზე იგი მოწყობილი იყო, მაგრამ მან უარი განაცხადა მიეღო, რადგან „პირადად მე არ გამაჩნია სათანადო პრაქტიკული ცოდნა ამგვარი საწარმოს მართვისათვის-ო“². 1856 წელს, დრეის მაუდის ფაბრიკა კონტრაქტით გადაეცა ფრანგ რიშონჩეს 1865 წლამდე³. მაგრამ მან შეუძლებლად მიიჩნია საწარმოს არსებობა და მალე იგი საბოლოოდ დაიხურა. მანქანები კი 1860 წელს გადმოტანილ იქნა თბილისში.

დრეის მაუდის ფაბრიკის ისტორიას განსაკუთრებული ადგილი უკირავს რეფორმამდელი ხანის საწარმოთა შორის. მის მიმართ აშკარად გამოჩნდა ცარიზმის კოლონიურ-ეკონომიური პოლიტიკა. იგი იმპერიის მაუდის მრეწველობამ უკანონო შობილად სცნო, და ზემოთ აღნიშნული პოლიტიკა იყო მხოლოდ ის ერთადერთი მიზეზი, რომელმაც ბოლო მოუღო მის არსებობას.

¹ Акты. т. X. стр. 97.

² Акты. т. XI. стр. 773.

³ ЦГИАЛ, ф. 1268. оп. 9, (1858 г.), д. 101, л. 9.

სამთამაღნო და სამთო-საქარხნო, მექანიკური, აგურისა
და სხვათა წარმოებანი

მრეწველობის ერთ-ერთ მნიშვნელოვან დარგს საქართველოში სამთამაღნო და სამთო-საქარხნო წარმოება შეადგენდა.

XVIII ს. მეორე ნახევრისა და XIX ს. პირველი ნახევრის სამთო-საქარხნო წარმოების შესწავლას დიდი მნიშვნელობა აქვს. იგი ჩვენ გვებმარება კაპიტალიზმის გენეზისის შესწავლის საკითხში, რადგან ამ ურთიერთობის ფონზე მას თავისი გარკვეული ადგილი ეკირა.

სამთო-საქარხნო წარმოების საქმეს, ისე როგორც საერთოდ მრეწველობის განვითარებას საქართველოში. შედარებით მყარი საფუძველი ჩაეყარა XVIII ს. მეორე ნახევარში. ერეკლეს დროინდელ საქართველოს მრეწველობაში ყველაზე დიდი ხვედრითი წონა სამთო წარმოებას ეკირა. მხედველობაშია ახტალის ვერცხლისა და ალავერდის სპილენძის საბადოების დამუშავება XVIII ს. 60-იანი წლებიდან. ახტალის ვერცხლის საბადოების დამუშავება წარმოებდა გაცილებით ადრეც, ერეკლე მეორემდე. ერეკლემ ალაღინა და გააფართოვა იგი.

ახტალისა და ალავერდის ვერცხლისა და სპილენძის საბადოების დამუშავება ერეკლემ დაიწყო ანატოლიელი ბერძნების სამუშაოებით. მან 60-იანი წლების დასაწყისში დიდი საჩუქრებისა და დაპირებების შედეგად მოახერხა გიუმშიშხანეს პროვინციიდან (თურქეთშია) ბერძენ ოსტატთა 800 ოჯახის (2000-მდე სულის რაოდენობით ორივე სქესისა) ჩამოყვანა საქართველოში¹. პირველად განახლდა ახტალის ვერცხლის სადნობი წარმოება 1763 წელს². ხოლო 1770 წელს ალავერდის სპილენძსადნობი ქარხანა. ახტალის ვერცხლის ქარხნები მდებარეობდა მემამულე მელიქიშვილების მიწებზე, ალავერდის სპილენძსადნობი ქარხნები კი არლუთინ-დოლგორუკოვების მიწებზე.

ერეკლე მეცესა და ბერძნებს შორის საბადოების ექსპლოატაციის გამო ასეთი კონდიცია იყო დადებული: ახტალის ქარხნებში მიღებული ოქრო მთლიანად მიჰქონდა მეფეს, ხოლო წარმოებული ვერცხლიდან კი 25 % ნატურით. დანარჩენ 75 % ვერცხლს, მეფე უბრუნებდა ბერძნებს ფულის სახით. — ვერცხლის აბაზებით³.

¹ С. Эсадзе, Очерк истории горного дела на Кавказе, Тиф., 1903, გვ. 15.

² С. Гулншамбаров, ОФЗТГ, Тиф., 1888, გვ. 175.

³ С. Эсадзе, Очерк., გვ. 15.

ალავერდის ქარხნებში მყოფი ბერძნები, რომლებიც სპილენძს საკუთარი სახსრებით აწარმოებდნენ, მეფეს აძლევდნენ მიღებული სპილენძის 10% (მეათედს). ამას გარდა, მეფეს დამატებით ეძლეოდა ლითონის 2%, სამეფო ხელისუფლების მიერ ქარხნების მუშა ხელით უზრუნველყოფისათვის¹.

ახტალის მფლობელი მემამულე მელიქიშვილები, რომელთა მიწებზე იყო ვერცხლის საბადოები და ქარხნები, წლიურად, მიწისა და ტყისათვის იღებდნენ 300 მანეთს, ხელფასს — 300 მანეთს, ქარხნების ზედამხედველობისათვის. 600 მანეთის გარდა, წლიურად ისინი ღებულობდნენ ტყვიისა და ვერცხლის ნაწილს ნატურით². ალავერდის მფლობელი მემამულე არლუთინ-დოლგორუკოვები წლიურად იღებდნენ ასევე — 600 მანეთს და სპილენძის მეათედ ნაწილს ნატურით.

ქარხნების მუშახელით უზრუნველყოფის მიზნით, სამეფო ხელისუფლებამ ქარხნებს მიაწერა ბორჩალოსა და ყაზახის სოფლები და დაავალდებულა ისინი ქარხნებისათვის მიეცათ განსაზღვრული რაოდენობა გლეხებისა — ფეხოსანი და ცხენოსანი. ყოველთვიურად სამუშაოზე გამოდიოდა 200—250 კაცამდე მიწერილი ყმა-გლეხი. ქარხნებზე მიწერილი ყმა-გლეხები მუშაობდნენ წარმოების დამხმარე სამუშაოებზე. ისინი ჭრიდნენ ხე-ტყეს, წვავდნენ ნახშირს და ეზიდებოდნენ ქარხნებში. რისთვისაც ბერძენი ოსტატებისაგან ღებულობდნენ გარკვეულ საზღაურს³.

საქარხნო სამუშაოებზე — მალარობსა და ქარხნებში ბერძენი ოსტატებისა და მათი თანამემამულეების გარდა, მუშაობდნენ ნებითდაქირავებული მუშები, რომლებიც საქართველოს სხვადასხვა კუთხიდან მოდიოდნენ, განსაკუთრებით იმერეთიდან. მათ ქირაობდნენ როგორც ბერძენი ოსტატები, ასევე სამეფო ხელისუფლება.

წარმოებზე ნათელი წარმოდგენა რომ ვიქონიოთ, მოკლედ განვიხილოთ ახტალისა და ალავერდის ქარხნების მუშაობა ცალ-ცალკე.

ახტალის ქარხანაში ბერძენი ოსტატები ვერცხლის მადანს იღებდნენ წერაქვებითა და ბურღვის საშუალებით. ბერძნები ამ სამუშაოს ასრულებდნენ ორ-ორი, ან სამ-სამი, ხოლო ხანდახან 10 კაცამდე ერთად მუშაობით. ზოგიერთი მათგანი კი ამ სამუშაოს დაქირავებული მუშებით ასრულებდა⁴.

¹ იქვე, გვ. 15—16.

² История горной промышленности Закавказья в документах т. I, Грузия, Тб., 1936, საბუთი № 45 გვ. 85.

³ იქვე, საბუთი № 68, გვ. 140.

⁴ იქვე, საბუთი № 45, გვ. 86.

მადნის ამოტანა მაღაროდან ხდებოდა ადგილობრივ დაქირავე-
ბული მუშებით¹. ზედაპირზე მადანს გაარჩევდნენ, რის შემდეგ იგი
მიჰქონდათ მაღაროებთან ახლო მოწყობილ ქარხნებში. აქ ცილინდ-
რისმაგვარ ღუმელებში ხდებოდა მისი გამოწვა. მადნის გამოწვას
აწარმოებდნენ ბერძნები და მათ მიერ ადგილობრივ დაქირავებული
მუშები². შემდეგ ხდებოდა გამომწვარი მადნის გამოდნობა სათანა-
დო სადნობ ღუმელებში. გამოდნობის პროცესის შედეგად ლებუ-
ლობდნენ ტყვიასა და ვერცხლს³.

ხე-ტყის მოჭრაზე, მის დაწვასა და ნახშირის ქარხანაში გადა-
ტანაზე ყოველთვიურად მუშაობდა 100 მიწერილი გლეხი. ამას გარ-
და, მეფე ყოველთვიურად ქირაობდა 120—150 შეიარაღებულ კაცს
ქარხნებში საბერველთა ბერვისათვის და სხვა საქარხნო სამუშაო-
სათვის⁴. წარმოებისათვის საჭირო ყველა მასალა: რკინა, ფოლადი,
წამალი, სანთელი, გოგირდი და სხვა მეფის ხარჯზე მოჰქონდათ⁵.

წარმოების მეთვალყურეობისათვის მეფე ნიშნავდა „მინბაშს“,
რომელიც საქარხნო მიწების მფლობელი მემამულე იყო. მინბაშებდ
იყვნენ ავთანდილ მელიქიშვილი, ხოლო შემდეგ მისი მემკვიდრე
სოლომონ მელიქიშვილი. მინბაშს უნდა განეწესებინა მიწერილი
გლეხები სამუშაოზე, ასევე მეფის მიერ დაქირავებული 120—150
კაცი საბერველთა ბერვისათვის ქარხნებში; თვალი უნდა ედევ-
ნებინა წარმოებაში წესრიგისათვის, ბერძნებს მუშებისათვის
საზღაურის დროულად ეძლიათ და წარმოებიდან ლითონი არ
მოეტაცათ. ამას გარდა, სურსათისა და წარმოებისათვის საჭირო
ყველა მასალის მოტანა მას ევალებოდა⁶.

ახტალის ვერცხლისადნობი ქარხანა ამუშავების დროიდან წე-
ლიწადში იძლეოდა 150, 200, 300 და მეტ ლიტრა ვერცხლს, ხოლო
„ერთ წელიწადს“ მიღებულ იქნა 408 ლიტრა, ანუ 91 ფუთი და 23
გირვანქა ვერცხლი. უფრო ხშირად წლიურად ლებულობდნენ 200
ლიტრა ვერცხლს⁷.

სამეფო შემოსავალი ახტალის წარმოებიდან წლიურად შეად-
გენდა 77574 მანეთს, ხარჯები 29.293 მანეთს, ე. ი. მეფის სუფთა
შემოსავალი უდრიდა 48281 მანეთს.

ბერძნების შემოსავალი კი შეადგენდა 69 920 მანეთს, ხარჯე-

¹ იქვე, გვ. 86—87.

² იქვე, გვ. 87.

³ იქვე, გვ. 88.

⁴ იქვე, გვ. 84.

⁵ იქვე, გვ. 85.

⁶ იქვე, გვ. 86.

⁷ С. Эсаадзе, Очерк., გვ. 14.

ბი — 25000 მანეთს, ე. ი. ბერძნების სუფთა შემოსავალი უდრიდა 44920 მანეთს¹.

ახტალის ვერცხლისადნობი ქარხანა XVIII ს. 60-იანი წლებიდან 1785 წლამდე, ვიდრე მას ომარ-ხანი ააოხრებდა, საუცხოონდგომარეობაში იყო და, როგორც ზემოთ დავინახეთ, იმ დროისათვის მნიშვნელოვან პროდუქციას იძლეოდა.

ალავერდის ქარხანაში ბერძენი ოსტატები შეადგენდნენ „ამხანაგობას“, რომელშიც გაერთიანებული იყო 10-15-მდე ოსტატი. თითოეული ოსტატი თავისთვის ქირაობდა მუშებს. XVIII ს. მიწურულს და XIX ს. დამდეგს, როდესაც ქარხანა მოიპარადრეების ხელში იყო ვადასული აქ ჩანს 3 „ამხანაგობა“ 46 ბერძენი ოსტატით. რომელთაც დაქირავებული ჰყავდათ 170 კაცი². ზოგიერთ ბერძენ ოსტატს დაქირავებული ჰყავდა 8-16 მუშამდე³. ეს დაქირავებული მუშები „ჩვეულებრივ მოდიოდნენ“ ქართლიდან, ყაზახიდან, იმერეთიდან და ჭავჭავთიდან. დაქირავებული მუშების ნაწილს ბერძნებიც შეადგენდნენ⁴. დაქირავებული მუშები წელიწადში მუშაობდნენ 8 თვეს და თავიანთ პატრონებს — ბერძენ ოსტატებს ამარაგებდნენ მადნით მთელი წლისათვის⁵.

სპილენძის მადნის ამოღება უმეტესად ხდებოდა ამობურღვით-მაღაროდან მადანი ზედაპირზე ამოჰქონდათ დაქირავებულ მუშებს. შემდეგ ხდებოდა მადნის გამოწვა ცილინდრისებრ საწვავ ღუმელებში. გამოწვის შემდეგ ხდებოდა სპილენძის მადნის გამოდნობა სათანადო სადნობ ღუმელებში, რის შედეგად ლებულობდნენ შავ სპილენძს. შავ სპილენძს შემდეგ წმენდნენ ბრძმელებში. მთელი ეს საწარმოო პროცესები წარმოებდა სათანადო ოსტატებითა და ნებით-დაქირავებული მუშებით⁶. (არსებობს ახტალისა და ალავერდის ქარხნების მუშაობის პროცესის დაწვრილებითი აღწერა, რომლის აქ მოტანა საჭირო არაა).

ისე როგორც ახტალაში, ალავერდის ქარხნებზეც მეფის ბრძანებით მიწერილნი იყვნენ ყმა-გლეხები, რომლებიც დაძმარე საქარხნო სამუშაოებს ასრულებდნენ, როგორიც იყო ხე-ტყის მოჭრა, დაწვა, ნახშირის გადაზიდვა და სხვ.

აქაც საქარხნო მიწების მფლობელი მემამულე (არღუთინ-

¹ იქვე, საბ. № 45, გვ. 89—90.

² იქვე, გვ. 96—97.

³ იქვე.

⁴ იქვე, გვ. 97.

⁵ იქვე.

⁶ იქვე, გვ. 98—99.

დოლოგორუკოვი) მეფის მიერ წარმოების მეთვალყურედ. მიწაში აღინიშნებოდა, რომლის მოვალეობაზე ზემოთ არის ნათქვამი.

1785 წლამდე, ვიდრე ომარ-ხანი ააოხრებდა წარმოებას, ალავერდის სპილენძის მალარობებიდან ამოჰქონდათ 200000-მდე ფუთი მადანი, რომლისაგანაც ღებულობდნენ 12000 ფუთ სუფთა სპილენძს. ფუთი სპილენძის საშუალო ფასი იყო 8—10 მანეთი. მაშასადამე, ქარხნის წლიური პროდუქცია უდრიდა 100 ათას მანეთზე მეტს. აქედან მეფეს ეძლეოდა 12 %, ე. ი. მეფის წლიური შემოსავალი ალავერდის სპილენძის წარმდებიდან შეადგენდა 12 ათასს მანეთზე მეტს.

საერთოდ სამთო-საქარხნო წარმოების შემოსავალს ქართველი მეფეების ბიუჯეტში დიდი ადგილი ეკავა. კაპიტან იაზიკოვის ცნობით, რომელიც 1770 წელს იმყოფებოდა საქართველოში. მეფის 150000 მანეთის შემოსავალში მარტო ახტალის ქარხნის შემოსავალს ეკირა 50000-მდე მანეთი ვერცხლით. ერთად აღებული, ალავერდისა და ახტალის ქარხნებიდან კი, მეფის წლიური შემოსავალი, როგორც ვხედავთ 60 ათას მანეთზე მეტი იყო. გვიან, როდესაც ახტალის საბადოები გამოფიტულ იქნა, შემოსავალი სამთო წარმოებიდან შემცირდა, მაგრამ ბიუჯეტში მაინც ინარჩუნებდა მნიშვნელოვან წილს. საქართველოს ანექსიის წინ, მეფის შემოსავლის 89.350 მანეთში, ალავერდის სპილენძის წარმოებიდან შემოსავალი შეადგენდა 10050 მანეთს¹.

საქართველოს რუსეთთან შეერთების შემდეგ, სამთო საქმის წარმოებას ხელი მოჰკიდა რუსეთის მთავრობამ. შეიქმნა „საქართველოს სამთო ექსპედიცია“. 1803 წლიდან ახტალისა და ალავერდის ქარხნები გადავიდა ხაზინის ხელში. სამთო წარმოების „ღებულებით“, ხაზინა, ფუთი სპილენძის მადნის ამოღებისათვის ბერძენ მადნის მრეწველებს უხდიდა 7,5 კაპიკს. ფუთი მადნის გამოწვისათვის 6,5 კაპ., ხოლო ფუთი შავი სპილენძის გამოდნობისათვის 12 კაპიკს². გამოდნობილი შავი სპილენძის $\frac{1}{3}$ ნაწილი ხაზინას მიჰქონდა უფასოდ, როგორც გადასახადი და ბერძნებს საზღაურს მისი $\frac{1}{3}$ ნაწილისათვის უხდიდა. ახტალის ქარხანაში ბერძენი მადნის-მრეწველების მიერ ამოღებული და მოტანილი ვერცხლის მადნის $\frac{1}{10}$ ნაწილს ხაზინა ღებულობდა უფასოდ. როგორც გადასახადს. $\frac{2}{10}$ ნაწილისათვის კი ბერძენ ოსტატებს ყოველ გამოდნობილ მის-

¹ Акты, т. I, гл., 197.

² История горной... საბუთი № 73, გვ. 157; С. Эсадзе, Очерк., გვ. 94—95.

ხალ ვერცხლზე უხდიდა 5 კაპიკს¹. მემამულეები, რომელთა მიწებზე იყო საბადოები და ქარხნები მოწყობილი, ხაზინის მიერ წარმოების მეთვალყურეებად ინიშნებოდნენ და ამისათვის ხელფასს ღებულობდნენ. ამის გარდა, მათ ეკუთვნოდათ გამოდნობილი სპილენძის²,³ ნაწილი⁴. ქარხნების მუშახელით უზრუნველყოფის მიზნით, საქართველოს სამთო ექსპედიციამ, ქარხნებს მიაწერა გლეხები იმავე სოფლებიდან, როგორც ეს იყო ქართველი მეფეების დროს (ყაზახი, შულავერი. შინისი და სხვ.)⁵. ქარხნებზე მიწერილ სოფლებს უნდა გამოეგზავნათ ნახევარი ფეხოსანი და ნახევარი ცხენოსანი. პირველნი მოჭრიდნენ ხე-ტყეს, დაწვავდნენ ნახშირს და სხვ. ხოლო მეორენი ქარხნებში მოზიდავდნენ ხე-ტყეს, ნახშირს, მადანს და სხვა მასალებს⁶, რისთვისაც ისინი გარკვეულ სახლათურს იღებდნენ⁷. საწარმოო პროცესები — მადნის ამოღება, გამოწვა, გამოდნობა და დაწმენდა XIX ს. რეფორმამდელ ხანაში ისევე და ისეთივე ხელოსნური ტექნიკით წარმოებდა, როგორც XVIII საუკუნეში და ამიტომ მას აქ ჩვენ აღარ გავიმეორებთ.

იმისათვის რომ გამოდნობილი სპილენძი არ დაგროვილიყო ხაზინაში, 1804 წელს დაარსდა 2 სახაზინო კანტორა სპილენძის გასაყიდად — თბილისში და ელისავეტპოლში⁸. თბილისში ფუთ სპილენძს ყიდდნენ 11 მანეთად, ელისავეტპოლში კი 11,5 მანეთად. ამას გარდა მიმართავდნენ სხვა რიგ ღონისძიებებს, რათა სპილენძის გასაღებისათვის ფართო ბაზარი შეექმნათ.

მიუხედავად ამისა, XIX ს. რეფორმამდელ ხანაში ალავერდის სპილენძის წარმოება ვერ იძლეოდა იმდენ პროდუქციას, რამდენსაც იგი XVIII ს. მეორე ნახევარში, ვიდრე ქარხნებს ააოხრებდნენ. 1803 წლიდან 1810 წლამდე, ალავერდის ქარხანაში მიღებულ იქნა 28000 ფუთი დაწმენდილი სპილენძი⁹. რაც შეეხება ახტალის ვერცხლის წარმოებას, აქ მალაროები გამოფიტული აღმოჩნდნენ და სრულიად უმნიშვნელო ოდენობის ვერცხლს ღებულობდნენ. 1803 წლიდან 1813 წლამდე აქ მიღებულ იქნა მხოლოდ 9 ფუთზე ცოტა მეტი ვერცხლი, რომელიც პეტერბურგის ზარაფხანაში გაგზავნეს¹⁰.

¹ იქვე.

² История горной...: საბუთი, № 78, გვ. 165—171, С. Эсадае, Очерк... გვ. 82—85.

³ იქვე, საბუთი № 68, გვ. 140.

⁴ იქვე, გვ. 141.

⁵ იქვე, საბუთი № 76, გვ. 162—163.

⁶ იქვე, საბუთი № 375, გვ. 480.

⁷ იქვე, საბუთი № 272, გვ. 340.

⁸ იქვე, საბუთი № 322, გვ. 413.

1816 წელს ხაზინამ ალავერდისა და ასტალის საწარმოები გადასცა ბერძნებს. ახალი დებულებით ბერძნები ხაზინას უხდიდნენ გამოდნობილი სპილენძის $\frac{1}{10}$ ნაწილს უფასოდ და ასევე ლითონის 2% ქარხნებზე მიწერილი სახაზინო გლეხებისათვის¹. საქარხნო ნიჭების მფლობელებს მიჰქონდათ წარმოებული სპილენძის $\frac{1}{10}$ ნაწილი. რაც შეეხება ასტალის ქარხანას, ამ დროს მისი ვერცხლის მალაროები საბოლოოდ გამოფიტულად სცენეს და ამიტომ ბერძენ მრეწველთა ნაწილი ალავერდისა და შამბლულის სპილენძსადნობ ქარხნებში გადავიდა.

1818 წელს ბერძნებმა სახაზინო მიწაზე. შამბლულში მოაწყვეს სპილენძის სადნობი ქარხანა (ალავერდიდან 12 ვერსზე). მაგრამ პროდუქციას უმნიშვნელოს იძლეოდა². 1820 წლის ცნობით ალავერდის ქარხანაში იდგა მადნის გამოსაწვავი ლუმელი — 45, სადნობი ლუმელი — 7. ბრძმელი შავი სპილენძის დაწმენდისათვის — 6³. შამბლულის ქარხანაში იდგა 13 ლუმელი მადნის გამოწვისათვის და 1 სადნობი ლუმელი შავი სპილენძის მისაღებად. შავი სპილენძი დასაწმენდად მიჰქონდათ ალავერდის ქარხანაში⁴. ქარხნების ბერძნების ხელში გადასვლის შემდეგ პროდუქციის გამოშვების ოდენობის მხრივ მნიშვნელოვანი ცვლილება არ მომხდარა. წლიური საქარხნო პროდუქციის ოდენობაზე ჩვენ გვაქვს რიგი წლების ცნობები, რომლებიც წარმოდგენას გვაძლევენ წარმოების მასშტაბზე. ალავერდის ქარხანაში სპილენძი გამოადნეს 1819 წელს 1715 ფუთი⁵, 1820 წ. — 2084 ფუთი. 1847 წელს ალავერდისა და შამბლულის ქარხანაში ერთად — 5400 ფუთი⁶. 1858 წ. ალავერდის ქარხანაში — 7299 ფუთი⁷, 1859 წ. — 8360 ფუთი⁸, 1861 წ. — 4807 ფუთი, 1862 წ. — 5.893 ფუთი, 1865 წ. — 7268 ფუთი⁹. შამბლულის ქარხანაში სპილენძის წარმოება გაცილებით ნაკლები იყო. ასე მაგალითად, 1820 წელს აქ გამოადნეს 266 ფუთი შავი სპილენძი, 1861 წელს — 817 ფუთი, 1862 წელს — 1997 ფუთი¹⁰. წარმოე-

¹ ი. ქ. ვ. ე. საბუთი № 414, გვ. 543.

² ი. ქ. ვ. ე. საბუთი № 408, გვ. 534.

³ ი. ქ. ვ. ე.

⁴ ი. ქ. ვ. ე. საბუთი № 442, გვ. 573.

⁵ ი. ქ. ვ. ე. საბუთი № 413, გვ. 125.

⁶ საქ. ცსსა, ფონდი 10, საქმე 125. ფურც. 3. 6.

⁷ საქ. ცსსა, ფონდი 264, საქმე 39. ფურც. 97—98:

⁸ საქ. ცსსა, ფონდი 10, საქმე 1519, ფურც. 6.

⁹ საქ. ცსსა, ფონდი 264, საქმე 159, ფურც. 7.

¹⁰ ი. ქ. ვ. ე.

ბულ პროდუქციას ჰყიდდნენ ამიერკავკასიაში და საზღვარგარეთაც გაჰქონდათ.

როგორც ვიცით, ხაზინა წარმოებისაგან იღებდა წარმოებული ლითონის მეათედს (საგადასახადო სპილენძს). იგი მას ჰყიდდა საჯარო ვაჭრობით¹. სპილენძის შემსყიდველებად გამოდიოდნენ უმთავრესად თბილისელი მოქალაქეები და ვაჭრები: ავთანდილ კვეზერელი, დავით ბიბილური, თომა შადინოვი, გიორგი ქართველიშვილი და სხვები². ფუთი სპილენძი იყიდებოდა 10—12 მანეთად.

1846 წლამდე სპილენძის ქარხნებზე მიწერილი იყო 34 სოფელი³. მეფისნაცვალ მიხ. ვორონცოვს ამ სოფლების მოსახლეობამ სთხოვა გაეთავისუფლებინათ ისინი საქარხნო სამუშაოებისაგან⁴. ვორონცოვმა მხედველობაში მიიღო მათი თხოვნა და 1849 წლის 23 ნოემბრის ბრძანებით, 1850 წლის 1-ლი იანვრიდან ალავერდის ქარხნებზე მიწერილი გლეხები განთავისუფლებულნი იქნენ დამხმარე საქარხნო სამუშაოებისაგან. როგორც იყო შეშის მოჭრა, ნახშირის დამზადება და ქარხნებში მიზიდვა. სამაგიეროდ, ბერძენი მადნისმრეწველები განთავისუფლებულნი იქნენ 2 %-იანი გადასახადისაგან. ქარხნებზე მიწერილი გლეხების შრომის სარგებლობისათვის რომ იხდიდნენ⁵. წარმოებული სპილენძის 10 % კი კლავინდებურად უნდა ეხადათ ბერძნებს ხაზინის სასარგებლოდ⁶. ამიერიდან ალავერდის ქარხნებში იძულებითი შრომის ჩამოცილების შედეგად, წარმოების დამხმარე სამუშაოებზეც ნებითდაქირავებულ შრომას იყენებდნენ.

1850 წელს ალავერდის ქარხანაში ითვლებოდა ოსტატები („მადნისმრეწველები“) და მუშები 137 კაცი⁷, შამბლულის ქარხანაში — 29 კაცი⁸. სამთო-საქარხნო სამუშაოებზე სხვადასხვა სოფლებიდან მოსული მუშების რიცხვი აღწევდა 157 კაცს⁹. როგორც ვხედავთ, ამ წელს ორივე ქარხანაში მუშაობდა 300-ზე მეტი ოსტატი, სამთო-საქარხნო და დამხმარე მუშა.

1854 წელს ალავერდისა და შამბლულის ქარხანაში ითვლებოდა 45 ოსტატი და 91 მუშა, სულ 140 კაცი¹⁰. საქარხნო ტერიტორიაზე,

¹ საქ. ცსსა, ფონდი 264, საქ. 39.

² საქ. ცსსა, ფონდი 264, საქმე № № 33, 245, 293.

³ ЦГИАЛ, ф. 37. оп. 65. д. 2193, л. 1.

⁴ იქვე.

⁵ იქვე. ფურც. 25.

⁶ იქვე.

⁷ საქ. ცსსა, ფონდი 264, საქმე 11, ფურც. 63—65.

⁸ იქვე. ფურც. 65—66.

⁹ იქვე.

¹⁰ საქ. ცსსა, ფონდი. 264, საქმე 20, ფურც. 105—106.

მოწყობილი იყო ღუქნები და პურსაცხოვები. რომელიც საჯირო იყო წარმოების პერსონალისათვის. ამ წელს აქ ითვლებოდა 11 ღუქნე და 61 მეპურე¹.

1865 წლის ცნობით ალავერდის სპილენძის წარმოებაში დღემდე მალაროებში სამუშაოდ გამოდიოდა 120 კაციმდე, მადნის გამოწვაზე მუშაობდა 60 კაცი. მადნის შავ სპილენძად გადადნობაზე — 55 კაცი, შავი სპილენძის სუფთა სპილენძად დაწმენდაზე — 20 კაცი². მუშის ხელფასი დღეში იყო 40 კაპ. ოსტატისა კი 80 კაპიკიდან 1 მან. და 60 კაპიკამდე³. როგორც ვხედავთ, სპილენძის წარმოებაში მუშაობდა ოსტატებისა და დაქირავებული მუშების მნიშვნელოვანი კონტინგენტი. როგორც ჩანს, წარმოებაში დამხმარე სამუშაოებზე მომუშავეთა რიცხვი გაცილებით ნაკლები იყო ოსტატების და საქარხნო მუშების რიცხვთან. ასე მაგალითად, 1866 წელს ალავერდის ქარხანაში მუშების რიცხვი შეადგენდა 250 კაცს. აქედან დამხმარე სამუშაოებზე მუშაობდა მხოლოდ 25 კაცი. შამბლულის ქარხანაში ითვლებოდა 48 კაცი. აქედან საქარხნო სამუშაოებზე მუშაობდა 40, დამხმარე სამუშაოებზე — 8⁴. ამ წელს ალავერდის ქარხანაში მადნის გამოწვისათვის მოწყობილი იყო 120 ცილინდრული ახური, შავი სპილენძის გამოდნობისათვის 4 ღუმელი. შავი სპილენძის დაწმენდისათვის 3 ბრძმელი. შამბლულის ქარხანაში მადნის გამოწვისათვის მოწყობილი იყო 15 ცილინდრული ახური, შავი სპილენძის გამოდნობისათვის 1 ღუმელი⁵.

სამთო-საქარხნო წარმოება, ისე როგორც XVIII საუკუნეში, დაბალ ტექნიკურ ბაზაზე იყო მოწყობილი. წარმოების ყველა სტადია — დაზვერვითი სამუშაო, მადნის ამოღება და გამოდნობა, დაბალი ხელოსნური ტექნიკით წარმოებდა. როგორც წარმოების პროცესიდან დავინახეთ საწარმოებში არსებობდა შრომის სისტემატური დანაწილება. ქარხნებში არ იყენებდნენ არც წყლის ძალას და არც ცხენძრავას. ასევე, ცხადია, ქარხნებს მით უფრო არ გააჩნდათ ორთქლის მანქანები. ამიტომ ეს საწარმოები ფაბრიკები არ ყოფილან. ტექნიკური დონითა და შრომის ორგანიზაციით ახტალისა და ალავერდის ბრძმელიანი ქარხნები მსხვილი სამთო მანუფაქტურები იყვნენ.

რეფორმამდელ ხანაში საქართველო დიდ ნაკლებობას განიცდიდა თუჯისა და რკინის მხრივ, ადგილობრივ მოპოვებულ რკინა,

¹ იქვე.

² საქ. ცსსა. თონი 264. საქმე 159, ფურც. 112.

³ იქვე, ფურც. 7.

⁴ „Исторический календарь“, 1869, отд. II, гл. 165.

⁵ იქვე.

ქასზე მოთხოვნის უმნიშვნელო ნაწილს აკმაყოფილებდა, დიდი ნაწილი კი რუსეთიდან შემოჰქონდათ დარიალის ხეობით, შავი და კასპიის სანჯვარო გზებით.

მე-19 საუკუნის 50-იან წლებში რუსეთიდან ამიერკავკასიაში შე-
მოჰქონდათ 150000 ფუთი რკინა და მისი ნაკეთობანი, აქედან მარ-
ტო თბილისი, ყოველწლიურად ხმარობდა 35.000 ფუთამდე რკინასა
და მის ნაკეთობას¹. რუსეთიდან რკინის მოტანა დიდ სატრანსპორტო
ხარჯებს ითხოვდა. ამიტომ იგი ამიერკავკასიაში და განსაკუთრებით
აბილისში ძვირი იყო. 1852 წელს ფუთი რკინა საშუალოდ ფა-
სობდა: ბაქოში 1,64 მანეთი, ხოლო თბილისში 2,97 მანეთი.
ფუთი ფოლადი ბაქოში ღირდა 2,35 მანეთი, თბილისში კი — 4,16
მანეთი². ქვეყნის ეკონომიური განვითარება უფრო და უფრო ით-
ხოვდა ლითონს. დაიწყო ადგილობრივი რკინის სამადნეების აღმოჩენა
და შესწავლა. გეოლოგების ყურადღება მიიპყრო ბოლნისის რკინის
სამადნოებმა. აკადემიკოს აბიხმა და სამთო საქმის მმართველმა ივა-
ნიცკიმ ბოლნისის რკინა მალახარისხოვნად მიიჩნიეს, მაგრამ შე-
დარებით გვიან დაიწყო აქ თუჯისა და რკინის ჩამომსხმელი ქარხ-
ნის აგება.

1860 წელს ბადენის ოდესელმა კონსულმა ერნსტ ლიბმა თავს
იღო ბოლნისის ხეობაში (ბორჩალოს უბანი), სოფელ ჩათახში, მოე-
წყო რკინისა და თუჯის ქარხანა. ამ წლის 26 ივნისს დაიდო ხელშეკ-
რულება მთავრობასა და ლიბს შორის, რომლის თანახმად, ლიბს
ქარხნის მოწყობისათვის მიეცა 20000 მანეთი სესხი 10 წლით³. ლიბს
უნდა დაემუშავებინა ბოლნისის სამადნოები და ქარხანა მოეწყო
ზრდმედებით ან ლუმელებით თუჯისა და რკინის მისაღებად. საწვა-
ვისათვის ლიბს იქ მიეცა სახაზინო ტყე. ტყეს ექირა. 2.069 დესეტინ-
ა, მაგრამ ლიბმა იგი არასაკმარისად ცნო და 1861—62 წლების კონტ-
რაქტებით მან შემამულე შანშიაშვილისაგან მიიღო 1500 დესეტინა
ტყე⁴. შანშიაშვილისაგან მიღებულ მიწაზე გაყვანილ იქნა საკმაროდ
ფართო არხი. იგი საკმარის წყალს აწვდიდა ქარხნის ჰაერსაბერ მანქა-
ნას მოძრაობისათვის.

ლიბი მოტყუვდა თავის პირვანდელ ანგარიშებში და ხაზინა
იძულებული შეიქნა კვლავ ეძლია დამატებითი სესხი. ამავე დროს,
ლიბმა მნიშვნელოვანი სესხი აიღო კერძო პირებისაგან. 1862 წელს

¹ პ. გუგუშვილი, კაბიტალიზმის წარმოშობა და განვითარება საქარ. და
ანეროკ-ში. გვ. 242.

² იქვე.

³ საქ. ცსსა, ფონდი 10, საქმე 1251, ფურც. 2.

⁴ საქ. ცსსა, ფონდი 10, საქმე 1457, ფურც. 45—55.

ლობი გარდაიცვალა. ქარხანა დაუმთავრებელი დარჩა, ხოლო სენსი შეადგენდა 182086 მანეთს; აქედან 88019 მანეთი ხაზინისა იყო, 94067 მანეთი კი კერძო პირებისა. ლობის ქვრივმა მარია ლობმა კავკასიის მეფისნაცვლის მთავარ სამმართველოს უფროსს — კრუზენშტერნს 5.000 მანეთი სთხოვა სილეზიიდან მოსატანი ცეცხლგამძლე თიხისაგან ბრძმედის მოსაწყობად¹. თხოვნა დაკმაყოფილებული იქნა. ამავე წელს ქარხანა გადავიდა ვიტესა და პრუსიელ ბერნელის ხელში. მათ დაამთავრეს ქარხნის მოწყობა. სულ ქარხნის აგებისათვის დაიხარჯა 217076 მანეთი (ხაზინისა 108009 მანეთი; კერძო პირებისა — 109076 მანეთი)².

ქარხანა შეიკავდა: ბრძმედს. სამსხმელო საამქროს. ჰაერსაბერი მანქანას (ეს მანქანა სილეზიიდან მიიღეს და შედგებოდა ორ საბერიანი თუჯის ცილინდრისაგან. ჰაერსაბერი მანქანა მოძრაობაში მოჰყავდა წყლის თვალს, ამ თუჯანსკნელს კი შანშიაშვილის მიწაზე გაყვანილი არხის წყალი ამოძრავებდა), სადურგლოს, სამკვდლოს, ფურნეს, საჯინბოს, ფარდულს — მუშა ხარებისათვის, ფარდულს — აგურისა და კრამიტის გამოწვისათვის, მრავალ სახლსა და ყაზარმას მუშების, ოსტატებისა და სხვა მომსახურე პერსონალისათვის და სხვა³.

მალე წარმოება გაფართოებულ იქნა: სამსხმელო განყოფილებაში თუჯის გადასადნობად მოწყობილ იქნა 2 ბრძმედი. მოეწყობა აგრეთვე მექანიკური და კრიცის ფაბრიკა, 6 სამკვდლო ქურა, შეშის საშრობი ლუმელები; რკინის მოპოვების გაუმჯობესებისა და გაფართოების მიზნით დაიწყეს საპულდინგო ფაბრიკის მშენებლობა. რისთვისაც 2 ორთქლის მანქანა შეუკვეთეს. რკინის საბადო, ქარხნიდან მდებარეობდა 6 ვერსზე.

ქარხანა ამუშავებულ იქნა 1862 წლის ბოლოს (28 დეკემბერს)⁴. ადგილობრივი ხელისუფლება დიდ იმედებს ამყარებდა მასზე. 1863 წელს ქარხანაში მიღებულ იქნა 29839 ფუთი თუჯი, 30000 მანეთი ღირებულების⁵. 1864 წელს — 31789 ფუთი თუჯი, ამ წელს ქარხანამ გამოიმუშავა 40000 მანეთის პროდუქცია⁶. ამდენივე პროდუქცია გამოიმუშავა 1865 წელს⁷. ქარხანაში ამზადდებდნენ თუჯის სხვადა-

¹ იქვე. ფურც. 41.

² პ. გუგუშვილი — კაპიტ. განვითარება... გვ. 244:

³ იქვე.

⁴ საქ. ცსსა, ფონდი 17, საქმე 8962, ფურც. 77.

⁵ ЦГИАЛ, ф. 1268, оп. 10, 1864, д. 137, л. л. 64—63.

⁶ ЦГИАЛ, ф. 1268, оп. 10, 1865, д. 127, л. л. 67—69; ф. 37, оп. 15, д. 1988, л. 30.

⁷ ЦГИАЛ, ф. 1268, оп. 11, 1866, д. 142, л. л. 70—72.

სხვა ნაკეთობებს. ასე მაგალითად, ქარხანაში დამზადებულ იქნა თბილისში 60-იან წლებში მოწყობილი საავ.დმყოფოსათვის ყველა საჭირო ხელსაწყო¹. 1863 წ. ქარხანაში დაამზადეს 12199 ფუთი თუჯის ნაკეთობა. 1864 წ. — 16.685 ფუთი თუჯისა². აღსანიშნავია, რომ ამიერკავკასიაში პირველად ამ ქარხანაში იქნა გაკეთებული ორთქლის მანქანა³. წარმოებული პროდუქცია იზავებოდა ამიერკავკასიაში. დაქირავებული მუშების რიცხვი ქარხანაში დღეში საშუალოდ იყო 150 კაცამდე. 1866 წელს კი მუშების რიცხვი 200 კაცამდე ასულა. მუშათა კონტინგენტი შედგებოდა ქართველების, რუსების, სომხებისა და სხვებისაგან⁴. მიუხედავად იმისა, რომ რკინისა და თუჯსახმელ ქარხანას საქართველო და ამიერკავკასია ძლიერ საჭიროებდა. ჩათახის წარმოება მყარ საფუძველზე ვერ დადგა და 1875 წელს რიგი მიზეზების გამო მუშაობა შეწყვიტა. როგორც ჩანს, ბოლნისის რკინის საბადოები საქმარისი არ აღმოჩნდა ისეთი დიდი წარმოებისათვის, როგორც ჩათახის რკინისა და თუჯსახმელი ქარხანა იყო და ეს უკანასკნელი საჭირო რაოდენობით ვერ უზრუნველბოდა ნედლეულს. XIX ს. 70—80-იან წლებში კი სატრანსპორტო გზების გაუმჯობესების შედეგად რუსეთიდან ამიერკავკასიაში დიდი რაოდენობით შემოდის რკინა.

რეფორმამდელ ხანაში უნდა აღინიშნოს სახაზინო საწახნაგო ფაბრიკის (Гравильная фабрика) მოწყობა თბილისში, რომელიც ამუშავებდა კავკასიის ძვირფასს ქვებს — იასპებს, მეწამულ ქვას, მარმარილოს, ობსიდიანს და სხვ. ფაბრიკა მოეწყო 1849 წელს⁵. 1850 წელს კი მოეწყო კარტონის ქვის ფაბრიკა. რომელიც ამზადებდა სხვადასხვა სამოქალაქო და საეკლესიო არქიტექტურულ ნაკეთობას. ეს ფაბრიკა 1855 წელს დაიხურა შეკვეთების უქონლობის გამო. მაგრამ იგი კვლავ აღდგენილ იქნა 1856 წელს და შეუერთდა საწახნაგო ფაბრიკას⁶. ფაბრიკა მეტწილად ამუშავებდა ალგეთის ქვას. ადგილობრივ და საზღვარგარეთის მარმარილოს, ობსიდიანს და სხვას. იგი აკეთებდა საეკლესიო და მეტწილად სამოქალაქო არქიტექტურის ნაკეთობებს. შენობებისათვის, თეატრისათვის და სხვ. საწარმოში მუშაობდნენ დაქირავებული მუშები და ოსტატები, ასევე სამხედრო უწყებოსა და სამთო უწყების ხალხი. ფაბრიკა სახაზინო

¹ «Кавказский календарь» 1869 г., отд. II-ое, кв. 177.

² ЦГИА.Т. ф. 37, оп. 65, д. 1988, л. 30.

³ «Кавказский календарь», 1869 г., отд. II-ое, кв. 177.

⁴ იქვე.

⁵ საქ. ცსსა, ფონდი 10, საქმე 1835, ფურც. 13.

⁶ იქვე.

იყო. დრო და დრო მას განაგებდნენ; ინჟინერი ლემკელი, ივანიცკი, აკადემიკოსი-არქიტექტორი სიმონსონი და სხვ. ფაბრიკას ჰყავდა ტექნიკური ზედამხედველები.

წარმოების გაუმჯობესებისა და გაფართოების მიზნით, ეკატერინბურგის მექანიკურ ქარხანას შეუყვებოდა ოთხი ორთქლის მანქანა. 1854 წელს ეკატერინბურგის ქარხანამ თბილისის საწარმოთა ფაბრიკისათვის დამზადა ოთხი ძლიერი ორთქლის მანქანა, რომელიც დაჯდა 1700 მანეთამდე¹. ეს მანქანები თბილისში მოიტანეს 1857 წელს². ფაბრიკაში მათი საბოლოო მოწყობა დაჯდა 1000 მანეთამდე³. მანქანებს შეშით ამუშავებდნენ. ფაბრიკაში მანქანების შეკეთებას აწარმოებდა მექანიკოსი ზომმერი, ხოლო თუჯის საკირო ნაკეთობანი მოჰქონდათ შტიუსეს მექანიკური ქარხნიდან⁴. ფაბრიკაში თანდათან მეტად იყენებდნენ დაქირავებულ შრომას და ბოლოს იგი გაბატონდა. 1863 წელს აქ მხოლოდ ნებითდაქირავებული შრომა იყო გამოყენებული. საწარმოში ჰყავდათ მოწაფეები და ქარგლები.

ფაბრიკამ გამოიმუშავა პროდუქცია (მანეთებში):

| | | | |
|-----------|---|---------------------------|----|
| 1858 წელს | — | 3400 მანეთის ⁵ | |
| 1860 | — | 3000 | 6 |
| 1861 | — | 3020 | |
| 1862 | — | 7500 | 8 |
| 1863 | — | 12000 | 9 |
| 1864 | — | 12000 | 10 |
| 1865 | — | 15000 | 11 |

გამომუშავებულ პროდუქციას, ადგილობრივი მოხმარების გარდა, აგზავნიდნენ პეტერბურგს, იმპერატორის სასახლეში.¹² საგლეხო რეფორმის შემდეგ მრავალი ასეთი კერძო საწარმოები წარმოიშვა

¹ საქ. ცსსა, ფონდი 10, საქმე 1823, ფურც. 1—2.

² იქვე.

³ საქ. ცსსა, ფონდი 10, საქმე 1835, ფურც. 13.

⁴ საქ. ცსსა, ფონდი 10, საქმე 810, ფურც. 97.

ЦГИАЛ, ф. 1268, оп. 10, 1860, д. 170, л. 63.

ЦГИАЛ, ф. 1268, оп. 10, 1861, д. 228, л. 118.

ЦГИАЛ, ф. 1268, оп. 10, 1862, д. 134, л. 93.

ЦГИАЛ, ф. 1268, оп. 10, 1863, д. 108, л. 110.

ЦГИАЛ, ф. 1268, оп. 10, 1864, д. 137, л. 64.

ЦГИАЛ, ф. 1268, оп. 10, 1865, д. 127, л. 67.

ЦГИАЛ, ф. 1268, оп. 11, 1866, д. 142, л. 70.

ЦГИАЛ, ф. 1268, оп. 10, 1860, д. 170, л. 63.

თბილისში, და ამიტომ, 1868 წელს ეს საწახნაგო ფაბრიკაც კერძო პირს გადაეცა¹.

რეფორმამდელ საქართველოში აწარმოებდნენ ნავთობის ამოღებას. ნავთობს იღებდნენ ნავთლულში, შირაქში, მირზაანში და ელდარის ველზე. საბადოები ეკუთვნოდა ხაზინას. 1847 წელს მიხ. ვორონცოვმა ნავთლულის საბადოები გადასცა ქ. თბილისს საკუთრებაში. ქ. თბილისი კი ამ საბადოებს სცემდა იჯარით და წლიურად ღებულობდა დაახლოებით 5.500 მანეთ შემოსავალს². შირაქის, მირზაანის და ელდარის ნავთის საბადოები იყო ამიერკავკასიის სახაზინო პალატის განკარგულებაში და მის მიერ იცემოდა საიჯარო მფლობელობაში³. 1848 წლიდან დაიწყო ამ საბადოთა იჯარით გაცემა. 1848—1854 წლებში 1.050 მანეთად წელიწადში, 1854—1858 წლებში 1.660 მანეთად, 1858—1864 წლებში 2.800 მანეთად წელიწადში⁴. მოიჯარადრეებად გამოდიოდნენ მოქალაქეები და ვაჭრები. ასე მაგალითად, 60-იან წლებში საბადოები იჯარით ჰქონდათ აღებული თბილისელ მოქალაქეებს სოლომონ კიტოევსა და სოლომონ ვარდანოვს⁵. წლიური პროდუქციის ოდენობა სხვადასხვა წელს სხვადასხვა იყო. ასე მაგალითად, 1863 წელს შირაქსა და ნავთლულში მოპოვებულ იქნა 11000 ვედრო ნავთი, 1864 წელს კი 6.500 ვედრო. 1866 წელს, მარტო შირაქში ამოიღეს 5339 ვედრო ნავთი⁶. რეფორმის შემდგომ ხანაში ნავთობის მოპოვება საქართველოში შედარებით იზრდება, მაგრამ წარმოების მოცულობა მაინც უმნიშვნელო რჩებოდა, რადგან ამ პერიოდში გიგანტური ნაბიჯებით მიიწედა წინ ბაქოში ნავთის ამოღება და რკინიგზების გაყვანის შემდეგ საქართველოში დიდი რაოდენობით შემოდოდა იაფი ნავთი.

რეფორმამდელ საქართველოში იწყება ქვანახშირის დამუშავებაც. ტყიბულის ქვანახშირის საბადო ცნობილი გახდა XIX ს. 20-იანი წლების მიწურულს. 1830 წელს მასზე მიუთითა სამთო ინჟინერმა კრიჟანოვსკიმ⁷. 1846 წელს ვორონცოვმა ბრძანება გასცა ამოეღოთ ტყიბულში 2000 ფუთი ქვანახშირი და მიეტანათ იგი რედუტ-კალეში სამხედრო გემზე მისი გამოცდისათვის⁸. ქვანახშირი ვარგისად ცნეს. ამიტომ ვორონცოვმა მას დიდი ყურადღება მიაქცია და განიზრახა შავი ზღვის ფლოტის სამხედრო გემები მოემარა-

¹ С. Гулишамбаров, ОФЗТГ, 1887, т., гв. 205.

² იქვე, გვ. 188.

³ «Кавказский календарь», 1869, отд. II, гв. 174.

⁴ С. Гулишамбаров, ОФЗТГ, гв. 189.

⁵ საქ. ცსს, ფონდი 264, საქმე 768, ფურც. 29.

⁶ Статист. статист. св. о Кавк., т. I, 1869, гв. 88, 93.

⁷ «Кавказский вестник», 1901, № 11 гв. 94.

⁸ იქვე.

გებინა ტყიბულის ქვანახშირით. ტყიბულის ქვანახშირის საბადო იმყოფებოდა მემამულეთა მიწებზე. ამიტომ 1846 წელს მთავრობამ მათთან დადო შეთანხმება 36 წლით, რის თანახმად ხაზინას უფლება ეძლეოდა ამოეღო და გაეზიდა ქვანახშირი, ხოლო მიწისმფლობელებისათვის უნდა ესადა $\frac{3}{4}$ კაპიკი ყოველი ამოღებული და გატანილი ფუთისათვის¹. 1847 წელს ტყიბულში ამოღებულ იქნა 23000 ფუთი ქვანახშირი². 1848 წელს — 60000-მდე ფუთი³, შემდეგში საბადო უმთავრესად კერძო დამუშავებას განიცდის.

ტყიბულის ქვანახშირის დამუშავება განუწყვეტლივ წარმოებდა 1854 წლამდე, მაგრამ უმნიშვნელო ოდენობით. რადგან ცუდი გზების გამო მისი გაზიდვა ძნელი იყო და ძვირი ჯდებოდა. თურქეთთან ომის დროს, 1854 წლიდან მუშაობა შეწყდა. შემდეგ წლებში კვლავ ხდებოდა ტყიბულის ქვანახშირის მეცნიერული შესწავლა აკადემიკოს აბიხის, სამთო ინჟინრების: ანტიპოვის, ბაცევიჩის, სოროკინის, პერნოლეს, გეოლოგ სიმონოვიჩის და სხვათა მიერ. მაგრამ ტყიბულის ქვანახშირის მნიშვნელოვანი დამუშავება დაიწყო გაცილებით გვიან, XIX ს. 80-იან წლებში.

1845 წელს მეცნიერ გეოლოგ აბიხის მიერ კიათურაში აღმოჩენილ იქნა მარგანეცი. მისი დამუშავება კი როგორც ცნობილია დაიწყო გაცილებით გვიან, XIX ს. 70-იან წლებში. საერთოდ, სამთამადნო და სამთო-საქარხნო წარმოება განსაკუთრებით ვითარდება საქართველოში რეფორმის შემდგომ ხანაში.

მრეწველობისა და სოფლის მეურნეობის განვითარება საქართველოში და ასევე საქალაქო ცხოვრების ზრდა მოითხოვდა შრომის საშუალებათა მკეთებელი წარმოების მოწყობას. განსაკუთრებით ეს იგრძნობოდა 50-იანი წლებიდან.

1850 წელს, თბილისში მცხოვრებ შვეიცარიელმა შტიუსემ შედისნაცვალ ვორონცოვს სთხოვა 2 დესეტინა მიწა თბილისში მექანიკური საწარმოს მოსაწყობად⁴. იმავე წელს, ვორონცოვის განკარგულებით მას მისცეს 4819 კვადრატული საყენი მიწის ნაკვეთი თბილისსა და ნავთლულს შორის — მირზაბათში, აღნიშნული საწარმოს მოსაწყობად⁵. 1851 წლის იანვარში, შტიუსემ ვორონცოვს სესხად სთხოვა 10000 მანეთი, მექანიკურ-სამსხმელო ქარხნის მოსაწყობად, რომელიც ამიერკავკასიას, მისი აზრით, მეტად ესაჭიროებოდა⁶.

¹ საქ. ცსსა, ფონდი 264, საქმე 208, ფურც. 23.

² «Кавказский вестник», 1901, № 11 გვ. 94.

³ АИГБ, т. X გვ. 867.

⁴ საქ. ცსსა, ფონდი 205, აღწერა 1, საქმე 484, ფურც. 11.

⁵ იქვე, ფურც. 14.

⁶ საქ. ცსსა, ფონდი 241, აღწერა 3, საქმე 39, ფურც. 1.

იგი ვალდებულებას იღებდა საწარმო 1 წელიწადში მოეწყო. ევრონაცივი დადებითად გამოეხმაურა შტიუსეს თხოვნას. ასევე კავკასიის სოფლის მეურნეობის საზოგადოებამ სავსებით მოიწონა შტიუსეს წინადადება და თავისი წევრების — ანდრეევსკის, მაქსიმოვიჩისა და ივანიცკის შემადგენლობით შექმნა კომისია, რომელსაც უნდა განეხილა შტიუსეს პროექტი და მეთვალყურეობა გაეწია ქარხნის მოწყობისათვის. შტიუსემ კომისიასთან დადო კონდიცია, რომლის თანახმად: 1) იგი ვალდებულებას იღებდა ხელშეკრულების დამტკიცებიდან 1 წელიწადში მოეწყო მექანიკური-სამსხმელო საწარმო. 2) შტიუსე ითხოვდა 10000 მანეთს უპროცენტოდ 5 წლის ვადით, რის შემდეგ დაიწყებდა გადახდას და დაფარავდა 10 წლის მანძილზე. 3) ქარხნის მთელი მოწყობილობა — მანქანები, ინსტრუმენტები, აპარატები, საქარხნო ნაგებობანი მიწით და საჭირო მასალები ხაზინის სესხის საწინდრად ითვლებოდა. 4) ფული შტიუსეს უნდა მიეღო საჭიროებისდა მიხედვით. 5) ქარხნისათვის საჭირო მანქანები და ინსტრუმენტები შტიუსეს საზღვარგარეთიდან უნდა შემოეტანა უბაჟოდ. 6) თუ შტიუსე სიკვდილის ან ავადმყოფობის შემთხვევაში ვერ მოაწყობდა ქარხანას, მაშინ ამ საქმეში პასუხისმგებელი იქნებოდა მისი ნათესავი შვეიცარიელი ლიუდვიგ ლეიტციგერნი. 7) რადგან კომისიამ მოითხოვა საწარმოს უფრო ფართო მასშტაბით მოწყობა, ამიტომ შტიუსესთვის დამატებით უნდა ნიეცათ სესხათ 5.000 მან.¹

კონდიცია დამტკიცებულ იქნა და შტიუსე შეუდგა ქარხნის მოწყობას. მან ვენიდან (ავსტრია) გამოიწერა სათანადო ოსტატები და მანქანა-ინსტრუმენტები, რომელიც 1852 წლის დასაწყისში მიღებულ იქნა თბილისში. 1852 წლის დასაწყისში საწარმოს მოწყობა ძირითადად დამთავრებული იყო. მას აკლდა მხოლოდ სამსხმელო ლუმელი და ცხენძრავა.

ქარხანა შედგებოდა ორი ძირითადი შენობისაგან: სამსხმელო და მექანიკური. მათ ასაგებად დაიხარჯა 7404 მან.; ვენაში მანქანა-ინსტრუმენტების საყიდლად დაიხარჯა 2069 მანეთი, თბილისში მათი მოტანისათვის — 1775 მანეთი, და სხვა საჭიროებისათვის სულ დაიხარჯა 11935 მანეთი². ამის შემდეგ შტიუსემ ფული მიიღო თუჯის, რკინის, ნახშირისა და სხვათა საყიდლად; 1852 წლის 15 აგვისტოს თბილისის მექანიკურმა ქარხანამ მუშაობა დაიწყო³.

¹ საქ. ცსსა. ფონდი 10, საქმე 39, ფურც. 10—13.

² იქვე, ფურც. 49—50.

³ იქვე, ფურც. 63.

1853 წლის მაისში საწარმო აღწერეს თბილისის გუბერნიის არქიტექტორმა ბელოიმ, ნადვორნი სოვეტნიკმა ბლომბერგმა და ინჟინერ-ტექნოლოგმა ლემკულიმ. ქარხანა შედგებოდა 1) კრამიტით დახურული ორსართულიანი ქვის სახლისაგან (სიგრძე 12 $\frac{3}{4}$ საყენი, სიგანე 5 $\frac{3}{4}$ საყენი). ამ შენობაში იყო მექანიკური განყოფილება. ამ განყოფილებას ქვედა სართულზე თუჯის ნაკეთობათაგან მოწყობილი იყო სადურგლო, საზეინკლო და სახარატო. აქ იდგა ერთი რუსული ლუმელი. ზედა სართულზე მოთავსებული იყო სამზარეულო და სხვ.¹ 2) მექანიკური განყოფილების გვერდით, ქვის ერთსართულიან ფლაგელში (სიგრძე 24 საყენი, სიგანე — 4 საყენი) მოთავსებულ იყო სამსხმელო განყოფილება. გარდა ამისა, აქ იყო სარდაფი, საჩინბო, 1 ცხენძრავა მანქანების მოძრაობაში მოსაყვანად, სამქედლო და სხვ. სამსხმელო განყოფილებაში იყო 2 სამსხმელო ლუმელი — ერთი დიდი და მეორე პატარა².

ვენის ტაბორის ფაბრიკიდან გამოწერილ მანქანებისა და ინსტრუმენტებს შორის სახარატო ნაწილში იყო 1 დიდი თვითხარატება (СОМОТОЧКА) თუჯის დაზგით (რომლის სიგრძე 18 ფუტს შეადგენდა, ხოლო სიგანე 19 დიუმს) და სახარატო დაზგა³. სამსხმელო ბრძმელებს შეეძლოთ ჩამოესხათ წელიწადში 4.000-მდე ფუთი თუჯი⁴. ქარხანა (ნაგებობანი, მანქანები, ინსტრუმენტები და სხვ.) მთლიანად შეფასებულ იქნა 21243 მანეთად⁵. თბილისის ეს სამსხმელო მექანიკური წარმოება მოწყობილი იყო უცხოეთიდან მოტანილი რემტად ზუსტი ნაკეთობის მანქანებზე⁶.

როგორც ვიცით საწარმომ მუშაობა დაიწყო 1852 წლის 15 აგვისტოდან. ამ წელს ქარხანამ გამოიმუშავა: სახაზინო დაკვეთით — 1355 მანეთის პროდუქცია. კერძო დაკვეთით 4.320 მანეთის პროდუქცია; სულ 1852 წელს საწარმომ გამოიმუშავა 5.675 მანეთის პროდუქცია⁷. სხვა ცნობით ამ წელს საწარმომ გამოიმუშავა 10000 მანეთის პროდუქცია⁸. ამ წელს საწარმოში ჩამოსახეს 633 ფუთი თუჯი⁹. 1853 წელს ქარხანამ გამოიმუშავა: სახაზინო დაკვეთით 7199 მანეთის პროდუქცია. კერძო დაკვეთით 3.959 მანეთის პროდუქცია. სულ — 11158 მანეთის პროდუქცია. ამ წელს ჩამოსხმულ

¹ იქვე, ფურც. 90.

² იქვე.

³ იქვე, ფურც. 105.

⁴ იქვე.

⁵ იქვე, ფურც. 112—117.

⁶ АИОН. Т. X, გვ. 887.

⁷ საქ. ცსსა, ფონდი 10, საქმე 39, ფურც. 105.

⁸ ЦГИАЛ, ф. 1268, оп. 44 (1854 г.), д. 2426, л. 173.

⁹ საქ. ცსსა, ფონდი 10, საქმე 39, ფურც. 106.

ქნა 1297 ფუთი თუჯი. 1854 წელს ქარხანამ გამოიმუშავა: საბაზინო დაკვეთით — 11837 მანეთის პროდუქცია, კერძო დაკვეთით 4267 მანეთის პროდუქცია, სულ — 16164 მანეთის პროდუქცია. ამ წელს ჩამოსხმულ იქნა 2176 ფუთი თუჯი¹.

ეს ციფრები ქარხნის მნიშვნელოვან წარმატებას მოწმობდნენ. ქარხანა შეკვეთებს ღებულობდა მთელი ამიერკავკასიიდან: „На оном (ქარხანაში — დ. გ.) не успевают совершать заказы в огромном количестве, со всех концов Закавказья делаемыя“². საწარმო ამზადებდა სამრეწველო და სასოფლო-სამეურნეო იარაღებს და აწარმოებდა მათ შეკეთებას. რკინა და თუჯი, რომელთაც ეს საწარმო ამუშავებდა მეტად ძვირი უჯდებოდათ, რადგან რუსეთიდან მოჰქონდათ. საჭირო იყო ადგილობრივ მათი მოძებნა და დამუშავება. 1852 წელს გერმანელთა კოლონიის — კატერინენფელდის ახლოს, საბაზინო მიწაზე აღმოჩენილ იქნა რკინის მადნის „უზარმაზარი ფენები“. რადგან საწარმოს საკმაოდ არ გააჩნდა ნედლეული, ამიტომ შტიუსემ შეეცადა დაემუშავებია იგი, ბრძმედის მოწყობით, მაგრამ ვერ შეძლო. შტიუსემ მადანი მოიტანა ქარხანაში და მისი ღირსება შეამოწმა. გამოდნობის დროს მიღებულ იქნა „60% ძალიან კარგი თუჯი“, მაგრამ მისი მოტანა ქარხანაში ღიდ ხარჯებს ითხოვდა, გამოდნობა მოითხოვდა ნახშირის ღიდ რაოდენობას, რის გამოც შტიუსემ მიატოვა იგი. ამავე დროს, ქარხნის წარმატებებს ხელი შეუშალა ყირიმის ომმა. ომის დროს გაძვირდა შორეული ადგილებიდან თუჯის, რკინისა და ნახშირის მოტანა, თანაც შეკვეთები მცირდებოდა. 1855 წელს ქარხანამ გამოიმუშავა: საბაზინო დაკვეთით — 3191 მანეთის პროდუქცია, კერძო დაკვეთით — 3460 მანეთის პროდუქცია, სულ 6651 მანეთის პროდუქცია³. კიდევ უფრო შემცირდა გამოიმუშავებული პროდუქცია 1856 წელს. ამის გამო, მეპატრონე იძულებული გახდა დაქირავებული მუშების ნაწილი გაეშვა და საერთოდ წარმოება შეემცირებინა⁴. საწარმოო ხარჯების შემცირების მიზნით შტიუსემ განიზრახა მანქანების მოძრაობაში მოყვანით, ცხენძრავა შეეცვალა წყლის თვალთ, რომელიც მტკვარზე უნდა მოეწყო. ამით, მისი აზრით, საწარმოს ხარჯები „ყოველწლიურად შემცირდებოდა 3.000 მანეთამდე“, ხოლო ბრძმედის მოქმედება კი გაორკეცდებოდა⁵. მოაწყო თუ არა შტიუსემ

¹ იქვე.

² ЦГИАЛ, ф. 1268, оп. 7, д. 215, л. 19.

³ იქვე, ფურც. 112—113.

⁴ იქვე, ფურც. 114—117.

⁵ იქვე.

წყლის თვალი მდ. მტკვარზე, ჩვენ ამის შესახებ სათანადო ცნობა არა გვაქვს.

1856 წლიდან შტიუსეს უნდა დაეწყო ხაზინიდან მიღებული 15.000 მანეთი სესხის გადახდა. მან რამდენჯერმე ითხოვა გადახდის ვადის გადადება. მთავრობა აკმაყოფილებდა მის თხოვნას. 1860 წელს შტიუსემ თბილისში, მდ. მტკვარზე, მოაწყო დიდი ზომის ამერიკული სისტემის საფქვავეი წისქვილი¹. მის მოსაწყობად მან სასურსათო უწყებიდან მიიღო 40.000 მანეთი სესხი. ამრიგად, სესხის სახით მას მიღებული ჰქონდა 55.000 მანეთი. საფქვავეი წისქვილი სისტემატურად და კარგად მუშაობდა. ამ საწარმოში შემოსული თანხით იგი იხდიდა 55000 მან. სესხს. 1868 წლისათვის მას გადახდილი ჰქონდა 23898 მანეთი². ამავე წელს შტიუსე გარდაიცვალა და წისქვილი გადავიდა კოლეესკი ასესორის შმიდტის ხელში და დარჩენილ ვალს ის იხდიდა.

რაც შეეხება მექანიკურ თუქსასხმელ საწარმოს, ჩანს რომ იგი არ დაცემულა რეფორმამდელ ხანაში. თბილისის გუბერნიაში არსებული „ფაბრიკა-ქარხნების“ 1861 წლის უწყისში. თუქსასხმელი და საფქვავეი წისქვილის (რომელიც შტიუსეს ეკუთვნოდა) მიერ გამოშუშავებული პროდუქცია ერთადაა აღნიშნული³. ამავე დროს თუქსასხმელ და საფქვავე წისქვილს ერთ საწარმოო დაწესებულებად თვლიან იმავე უწყისში („Чугунно-литейный завод с мукомольной мельницей“⁴). ცხადია, შტიუსეს საწარმოები იგულისხმება. 1857 წელს თბილისის თუქსასხმელმა საწარმომ გამოუშვა 21000 მანეთის პროდუქცია⁵. 1858 — წელს 10000 მანეთის პროდუქცია⁶. 1860 წელს გამოუშვა 10679 მანეთის პროდუქცია⁷, 1861 წელს — საფქვავე წისქვილთან ერთად გამოიმუშავა 16679 მანეთის პროდუქცია⁸. 1862 წელს თუქსასხმელმა საწარმომ გამოიმუშავა 2.000 მანეთის პროდუქცია, საფქვავემა წისქვილმა კი 39.000 მანეთის პროდუქცია⁹. 1864 წელს თბილისის მექანიკურ-საზეინკლო სახელოსნომ გამოუშვა 6.000 მანეთის პროდუქცია¹⁰, 1865 წელს კი 10.000 მანე-

¹ ЦГИАЛ, ф. 1268, оп. 10 (1862), д. 134, л. 10.

² საქ. ცსსა, ფონდი 10, საქმე 39, ფურც. 168.

³ ЦГИАЛ, ф. 1268, оп. 10 (1862 г.), д. 134, л. 93

⁴ იქვე.

⁵ ЦГИАЛ, ф. 1268, оп. 9 (1858), д. 311, л. 27.

⁶ ЦГИАЛ, ф. 1268, оп. 10 (1860), д. 170, л. 63.

⁷ ЦГИАЛ, ф. 1268, оп. 10 (1861), д. 228, л. 118.

⁸ ЦГИАЛ, ф. 1268, оп. 10 (1862), д. 134, л. 93.

⁹ ЦГИАЛ, ф. 1268, оп. 10 (1863), д. 108, л. 110.

¹⁰ ЦГИАЛ, ф. 1268, оп. 10 (1865), д. 127, л. 67.

თს¹. შტიუსეს გარდა, „თუჯის ქარხანა“ თბილისში ჰქონდა პოლ-კონიკ ყორღანოვს².

მექანიკური სახელოსნოების გაჩენას საქართველოში დიდი მნიშვნელობა ჰქონდა. ამ სახელოსნოებში ამზადდებდნენ სამრეწველო და სასოფლო-სამეურნეო იარაღებს. წარმოების საშუალებათა მწარმოებელი სახელოსნოები კი, საერთოდ, სრულ მანუფაქტურულ საწარმოებს წარმოადგენდნენ. მარქსი წერს, რომ „მანუფაქტურის ერთ-ერთ ყველაზე სრულ კმნილებას შეადგენდა ის სახელოსნო, სადაც თვით შრომის იარაღები იწარმოებოდა“³. ასეთ სახელოსნოებში და ამ შემთხვევაში შტიუსეს საწარმოშიც შრომის დანაწილების მთელი საფეხური იყო. ბურღს, საკრელს, სახარატო დაზგას თათავისი მუშები ჰყავდა, იერარქიულად დანაწილებულნი მათი დახელოვნების ხარისხის მიხედვით. თბილისის მექანიკური თუჯსახმელი სახელოსნო დაქირავებული შრომითა და შრომის ასეთი დანაწილებით სრული მანუფაქტურული საწარმო იყო.

XIX საუკუნის მეორე მესამედში და განსაკუთრებით 40-იანი წლებიდან, ყველაზე სწრაფად ვითარდება ჩვენში აგურის წარმოება. აგურს იყენებდნენ სხვადასხვა აღმშენებლობასა და საწარმოო დაწესებულებებში. რაც მეტად იზრდებოდა საქართველოში სამრეწველო დაწესებულებები და საქალაქო ცხოვრება, იმდენად მოთხოვნა აგურზე მატულობდა. აგურის წარმოება ყველა სხვა წარმოებაზე სწრაფად იზრდებოდა და ასევე მის მიერ გამოიმუშავებული პროდუქციის რაოდენობა. აგურის წარმოება ვითარდებოდა როგორც აღმოსავლეთ, ისე დასავლეთ საქართველოში, უფრო მეტად კი აღმოსავლეთ საქართველოში და განსაკუთრებით თბილისში.

XIX ს. 30-იან წლებში თბილისში 30 აგურის საწარმო იყო⁴. 40-იანი წლების დასაწყისში თბილისში არსებობდა 14 აგურის საწარმო⁵; 1843 წელს — 40 საწარმო, რომლებმაც გამოუშვა 8.900 მანეთის პროდუქცია⁶. 1847 წელს — 44 აგურის საწარმო (58 ღუმელით). ამ საწარმოებში მუშაობდა 74 ოსტატი და 114 დაქირავებული მუშა, ე. ი. თითო საწარმოზე დაახლოებით მოდიოდა 4,3 კაცი. ამ წელს მათ გამოიმუშავეს 33.948 მან. პროდუქცია⁷.

¹ ЦГИАЛ, ф. 1268, оп. 11 (1866), л. 142. პ. 70.

² Акты, т. X, გვ. 887.

³ ვ. მარქსი — კაპიტალი, ტ. I 1954 წ., გვ. 468.

⁴ Статист. опис. Зак. кр., 1835, გვ. 144:

⁵ საქ. ცსსა, ფონდი 16, საქმე 8093, ფურც. 10.

⁶ ЦГИАЛ, ф. 1268, оп. 1, л. 744. პ. 91.

⁷ საქ. ცსსა, ფონდი 26, აღწერა 2, საქმე 617, ფურც. 44—46; ფონდი 4, აღწერა 5, საქმე 125, ფურც. 26—27.

ქუთაისში 1847 წელს არსებობდა 2 აგურის საწარმო — 1000 მანეთის პროდუქციით¹; 1848 წელს — 3 აგურის საწარმო 1200 მანეთის პროდუქციით². 1860 წელს ქუთაისში უკვე ითვლებოდა 6 აგურის საწარმო („ქარხანა“) 5680 მანეთის პროდუქციით³. აგურის საწარმოები ეკუთვნოდათ: ერთი — გაბაეცს, 800 მანეთის პროდუქციით, 1 ოსტატითა და 4 დაქირავებული მუშით (ადგილობრივ მცხოვრებთაგან); მეორე — მღვდელ ნაცვალავს 1600 მანეთის პროდუქციით, 2 ოსტატითა და 8 დაქირავებული მუშით; მესამე — აზნაურ აბულაძესა და გლეხ დადუნაშვილს, 1.600 მანეთის პროდუქციით, 4 ოსტატითა და 10 დაქირავებული მუშით, (ადგილობრივ მცხოვრებთაგან); მეოთხე — აზნაურ ფირან ვარდანეიშვილს 320 მანეთის პროდუქციით, 1 ოსტატითა და 8 დაქირავებული მუშით⁴. ასეთივე აგურის საწარმოები მოაწყვეს აქ დროს ქუთაისში გლეხმა ივანე გურულმა, იურკევიჩმა, ფირანოვმა, სტეფანე აკოფოვმა და სხვ. მათ საშუალოდ დაქირავებული ჰყავდათ 2—3 მუშა და წლიურად ამზადებდნენ 200—300 მანეთის პროდუქციას⁵. აგურის საწარმოები 50-იანი წლებიდან არსებობდა გორში, ახალციხეში, სიღნაღში, თელავში და სხვაგან.

50-იანი წლებიდან კვლავ იზრდებოდა აგურის წარმოება თბილისის გუბერნიაში. 1851 წელს თბილისში ითვლებოდა 80 აგურის საწარმო 71000 მანეთის წლიური პროდუქციით⁶. მთელ გუბერნიაში კი 87 აგურის საწარმო ითვლებოდა⁷. ჩვენ ხელთ გვაქვს აგურის წარმოების შესახებ თითქმის ყველა წლის ცნობა. ამ ცნობებით აგურის საწარმოების რაოდენობა და მათ მიერ გამოიმუშავებული პროდუქცია ხან გაზრდილი და ხან შემცირებული ჩანს, მაგრამ მიუხედავად ამისა, გარკვეულ დროის მონაკვეთების გავლის შემდეგ იგი იზრდება. თანაც, ხშირად ხდებოდა ამ საწარმოების გამსხვილება. 1860 წელს თბილისში ითვლებოდა 45 აგურის საწარმო, რომლებმაც მოკემულ წელს გამოიმუშავეს 93.200 მანეთის პროდუქცია⁸. ამავე წელს გორში ითვლებოდა 4 აგურის საწარმო 1500 მანეთის პროდუქციით, დუშეთის უბანში — 4 აგურის საწარმო 2500 მანეთის პროდუქციით, თელავში — 17 აგურის საწარმო 2832 მანეთის პროდუქციით, სიღნაღში — 13 აგურის საწარმო 2644 მან.

¹ ЦГИАЛ, ф. 1281, оп. 4, д. 132, л. 55.

² ЦГИАЛ, ф. 1281, оп. 4, д. 148, л. 48.

³ ЦГИАЛ, ф. 1281, оп. 5, д. 99, л. 56.

⁴ საქ. ცსსა, ფონდი 4, აღწერა 5, საქმე 125, ფურც. 47—48.

⁵ იქვე, საქმე 125.

⁶ ЦГИАЛ, ф. 1268, оп. 8, 1854, д. 21, л. 114.

⁷ იქვე, ფურც. 40.

⁸ ЦГИАЛ, ф. 1268, оп. 10 (1861), д. 228, л. 118.

პროდუქტ. კარდანახში — 2 საწარმო 400 მან. პროდუქტ., ანა-
გაში — 2 საწარმო 400 მან. პროდუქტ., ჯულაანში — 3 საწარმო
600 მან. პროდუქტ., ქვედა მაჩხაანში — 1 საწარმო 200 მან.
პროდუქტ., ზედა მაჩხაანში — 2 საწარმო 400 მან. პროდუქტ., ვე-
ლისციხეში — 3 აგურის საწარმო 2000 მანეთის წლიური პროდუქ-
ციით¹ და სხვა. სულ, 1860 წელს თბილისის გუბერნიაში ითვლე-
ბოდა 101 აგურის საწარმო, რომელთაც გამოიმუშავეს 107176 მა-
ნეთის პროდუქცია². 1863 წელს თბილისში ითვლებოდა 60 აგურის
საწარმო, მათ ამ წელს გამოიმუშავეს 227750 მანეთის პროდუქცია³.
1864 წელს კი თბილისში ითვლებოდა 93 აგურის საწარმო, რომელ-
თაც გამოიმუშავეს 372.000 მანეთის პროდუქცია⁴; 1865 წელს
თბილისში ითვლებოდა 95 აგურის საწარმო, რომლებ-
მაც მოგვცეს 380.000 მანეთის პროდუქცია⁵. ამავე წელს თბილისის
გუბერნიის აგურის საწარმოებმა (თბილისის ჩათვლით) მოგვცეს
400000-მდე მანეთის პროდუქცია⁶. საშუალოდ თითო საწარმოზე მო-
დიოდა 4.000 მან. პროდუქცია. 60-იან წლებში უმჯობესდება აგუ-
რის წარმოება, მასში შემოაქვთ მანქანები. 1861 წელს თბილისში
ეწყობა ორი აგურის საწარმო, რომლებშიც დადგეს მანქანები და
აგურს მანქანების საშუალებით აწარმოებდნენ. ერთი ეკუთვნოდა
ბრიტანეთის ქვეშევრდომ რაისს, მეორე ჰანოვერელ ტანნერს⁷. ასე-
თივე აგურის ქარხანა მოაწყო სამიმოსელო გზათა უწყებამ დუშეთ-
თან⁸. აგურის ეს ქარხნები სრულიად ახალი მოწყობილობით იყვნენ
აღჭურვილნი. რაც შეეხება ქუთაისის გუბერნიას, 50-იანი წლები-
დან ვიდრე საგლეხო რეფორმამდე, იქ 8—10 აგურის საწარმო
(„ქარხნები“) არსებობდა. 1863 წელს კი ქუთაისში მოეწყო აგურის
მანქანური წარმოება. აქ ორთქლის მანქანის საშუალებით აწარმოე-
ბდნენ აგურს, ორთქლის მანქანას ჰქონდა 10 ცხენის ძალა, ქარხანა-
ნი იდგა 5 დაზგა. დაქირავებული მუშები და ოსტატები 13 კაცს
შეადგენდა⁹. რეფორმამდელი ხანის აგურის საწარმოები („ქარხნე-
ბი“), კაპიტალისტური ხასიათის საწარმოო დაწესებულებანი იყვნენ.
წარმოებაში გამოყენებული იყო დაქირავებული შრომა და შრომის
ღანაწილება. საწარმოთა მნიშვნელოვანი ნაწილი განეკუთვნებოდა

¹ იქვე, ფურც. 118—119.

² ЦГИАЛ, ф. 1268, оп. 10, 1864, д. 137, л. 64.

³ ЦГИАЛ, ф. 1268, оп. 10, 1865, д. 127, л. 67.

⁴ საქ. ცსსა, ფონდი 416. აღწერა 3, საქმე 1078, ფურც. 29.

⁵ იქვე, ფურც. 29—31.

ЦГИАЛ, ф. 1268, оп. 10, 1862, д. 134, л. 10.

⁶ იქვე.

ЦГИАЛ, ф. 1268, оп. 10, 1864, д. 137, л. 225.

კაპიტალისტურ მანუფაქტურას. 60-იანი წლებიდან კი, როგორც და-
ვინასეთ საქართველოში აქა-იქ ჩნდება აგურის მანქანური წარმოება.

ყველა ზემოთ ჩამოთვლილი სამრეწველო საწარმოებს გარდა,
საქართველოში, რეფორმამდელ პერიოდში არსებობდნენ მთელი
რიგი სხვა კაპიტალისტური საწარმოები. ასეთები იყო: არაყისა და
რომის, სამღებრო¹, ზეთსახდელი, სამეთუნეო, კრამიტის, სპილენძის
საქებაე, ლუდის, სადურგლო, სპილენძის ჭურჭლეულის, სანთლის,
სახეონი, საფქვაავი, საზეინკლო, ეტლის, სასაარაჯო, პურის საცხობი,
მეაქრონის, კირის საწარმოები („ქარხნები“) და მრავალი სხვა.

40-იანი წლების დასაწყისში თბილისში, შაქრის, საპნის, ტყა-
ვის, აგურის და სხვა საწარმოების გარდა არსებობდა არყისა და
რომის, საქებაე, სამღებრო, ლუდისა და სხვა ქარხნები. არყისა და
რომის საწარმო ეკუთვნოდა იაკობ ზუბალაშვილს. ქარხანაში მოწ-
ეობილი ჰქონდათ ორთქლის მანქანა. საშუალოდ საწარმო ამზადებ-
და წლიურად 6.000 მანეთის პროდუქციას. მასში მუშაობდა 1 ოს-
ტატი და 6 მუშა ნებიოთდაქირავებულნი, ადგილობრივ მცხოვრებთა-
გან². საქებაე „ქარხანა“ ეკუთვნოდა ზავრიევს. საწარმო ამზადებდა
სტედასხვა სპილენძის ჭურჭლებს. წლიურად უშვებდა 2.000 მანეთის
პროდუქციას. საწარმოში მუშაობდა 14 ოსტატი, 14 შეგიირდი და 26
მუშა. ყველა ესენი ნებიოთდაქირავებულნი იყენენ ადგილობრივ
მცხოვრებთაგან³. სამღებრო სარეწები ჩვენში XIX საუკუნემდეც
არსებობდა. XVIII საუკუნის მეორე ნახევარში, ქართლ-კახეთში
სულ 50—60-მდის სამღებრო უნდა ყოფილიყო⁴. XIX საუკუნის
დასაწყისიდან სამღებროები კერძო სარეწებად იქცენენ⁵. 1827 წელს
ქართლ-კახეთში 85 სამღებრო იყო; აქედან თბილისში 18 სამღებრო
არსებობდა⁶. 40-იან წლებში თბილისში მოეწყო შედარებით მსხვი-
ლი სამღებრო, რომელიც კაპიტალისტურ საწარმოს წარმოადგენდა.
ეს სამღებრო საწარმო ეკუთვნოდა ვინმე ყორჩიბაშს. საწარმოში
მუშაობდა 7 ოსტატი, 12 შეგიირდი და 14 შავი მუშა. ყველა ისინი
ნებიოთდაქირავებულნი იყენენ ადგილობრივ მცხოვრებთაგან⁷. ამათ

¹ სამღებროთა შესახებ დაწვრილებით იხილეთ ნ. ბერძენიშვილი — სამღე-
ბროთა შესახებ XVIII ს. საქართველოში. (მასალები საქ. და კავკ. ისტ.,
ნაკ. 6, თბ., 1937).

² საქ. ცსსა, ფონდი 16, საქმე 6105, ფურც. 35—37; საქმე 6351, ფურც-
26—28.

³ იქვე.

⁴ ნ. ბერძენიშვილი, სამღებროთა შესახებ XVIII ს. საქართველოში,
მსკი. ნაკ. 6, თბ. 1937, გვ. 445.

⁵ იქვე, გვ. 438.

⁶ საქ. ცსსა, ფონდი 16, საქმე 3503, ფურც. 5—6.

⁷ საქ. ცსსა, ფონდი 16, საქმე 6105, ფურც. 35—37; საქმე 6351, ფურც-
26—28.

გარდა, არსებობდა ლუდის 5 საწარმო¹. სოფ. დიდ ენაგეთში (თბილისთან ახლოს), ყორღანოვს ჰქონდა ზეთსახდელი საწარმო. წელიწადში ლებულობდნენ 430 ვედრო ზეთს — 860 მანეთისა. აქ მუშაობდა 2 ოსტატი და 5 მუშა ნებითდაქირავებულნი². 1847 წელს თბილისში რიგ საწარმოებთან ერთად, არსებობდა 12 სამეთუნეო საწარმო, 2 კრამიტის საწარმო. კრამიტის საწარმოში იდგა 4 ღუმელი. ამ წელს კრამიტის საწარმოებმა გამოუშვეს 7070 მანეთის პროდუქცია. კრამიტის საწარმოებში მუშაობდა 72 დაქირავებული მუშა და ოსტატი (26 ოსტატი და 46 მუშა). სპილენძ-საქვავე საწარმომ ამ წელს გამოუშვა 18.592 მანეთის პროდუქცია; საწარმოში მუშაობდა 44 დაქირავებული მუშა და ოსტატი ადგილობრივ მცხოვრებთაგან³. ლუდის ხუთმა საწარმომ, ამავე წელს გამოუშვა 3.905 მანეთის პროდუქცია; საწარმოებში მუშაობდა 5 ოსტატი და 12 დაქირავებული მუშა⁴. ამ დროს, ქ. გორში არსებობდა სახერხი საწარმო 300 მანეთის წლიური პროდუქციით, კარაქის საწარმო (ეკუთვნოდა იაკობ გულიშამბაროვს) 3240 მანეთის წლიური პროდუქციით და სხვა საწარმოები. საწარმოებში გამოყენებული იყო ნებითდაქირავებული შრომა.

1863 წელს ქუთაისის გუბერნიის სოფელ კოსნატში მოწყობილ იქნა არაყის ქარხანა. იგი მოაწყო კუზმინსკიმ საკუთარ მიწაზე. ქარხანაში იდგა ორთქლის მანქანა და სპილენძის აპარატები. საწარმოში მუშაობდნენ: 1 არაყის გამომხდელი (უცხოელი), 1 მემანქანე (რუსი), 4 მეკასრე (რუსები), 1 მეწისქვილე, 27 მუშა — იმერლები, ყველანი ნებითდაქირავებულნი. ქარხნის შენობა აგურისა იყო. ნელელულად იყენებდნენ სიმინდს, რომელსაც ადგილზე იძენდნენ, და რუსეთიდან მოტანილ ქერსა და ტუხტს. მიღებულ სპირტს აწვდიდნენ ქუთაისის გუბერნიაში დაბანაკებულ არმიას, ვედრო სპირტს 3 მან. და 75 კაპიკად⁵.

აქ, ჩვენ შევეხეთ ზოგიერთ კაპიტალისტურ საწარმოს, რადგან სათანადო „საფაბრიკო-საქარხნო“ უწყისებში უშუალოდ მითითებულია ამ საწარმოებში დაქირავებული შრომის გამოყენების შესა-

¹ საქ. ცსსა, ფონდი 16, საქმე 8093, ფურც. 10.

² საქ. ცსსა, ფონდი 16, საქმე 6351, ფურც. 33.

³ საქ. ცსსა, ფონდი 26, აღწერა 2, საქმე 617, ფურც. 44—46; ფონდი 4, აღწერა 5, საქმე 125, ფურც. 26—27.

⁴ იქვე.

საქ. ცსსა, ფონდი 4, აღწერა 5, საქმე 125, ფურც. 39—41.

ЦГИАЛ. ф. 1268. оп. 10, 1864. д. 137 л. 225; оп. 10, 1865. д. 127, л. 207; საქ. ცსსა, ფონდი 416, აღწერა 3, საქმე 1078, ფურც. 98.

ხებ. ეს გარემოება კი საერთოდ, წარმოდგენას გვაძლევს XIX საუკუნის მეორე მესამედში, საქართველოში არსებული მრავალი სხვა საწარმოებისა და მათში დაქირავებული შრომის გამოყენების შესახებ.

სამრეწველო საწარმოების სოციალ-ეკონომიური ბუნება

ამჟამად, ჩვენ უნდა განვიხილოთ რეფორმამდელი ხანის საქართველოს სამრეწველო საწარმოების სოციალური ბუნება, უნდა გავარკვიოთ მათი ეკონომიური წყობა. კაპიტალისტური ურთიერთობის არსებობის დადასტურებისათვის, აუცილებელია დავამტკიცოთ წარმოების კაპიტალისტური წესის არსებობა, უნდა დავამტკიცოთ სამრეწველო საწარმოთა კაპიტალისტური ხასიათი. წინააღმდეგ შემთხვევაში, მსჯელობა, რეფორმამდელ საქართველოში კაპიტალისტური ურთიერთობის ჩასახვისა და განვითარების შესახებ, ზოგადი და დაუსაბუთებელი იქნებოდა.

როგორც დავინახეთ, ჩვენს მიერ განხილულ სამრეწველო საწარმოებში — აბრეშუმის, შაქრის, მინის, ტყავის, საპნის, ბამბის, თამბაქოს, სამთამადნო და სამთო-საქარხნო, მექანიკურ, აგურის, კრამიტის, სამეთუნეო ქურქლეულის და მთელ რიგ სხვა საწარმოებში გამოყენებული იყო ნებითდაქირავებული შრომა. ნებითდაქირავებულნი იყვნენ როგორც წარმოების ოსტატები, ასევე მუშები.

თუ ვინ იყვნენ ნებითდაქირავებულნი — მემამულეების ნებართვით გაშვებულნი; ბატონყმური დამოკიდებულებისაგან თავდახსნილნი, გაქცეული ყმა-გლეხები, საწარმოო საშუალებებს (შიწას, წარმოების იარაღებს) მოწყვეტილნი თუ თავისუფალი ხელოსნები, საბუთებში ამის შესახებ არაფერია აღნიშნული. მაგრამ ცხადია, რომ დაქირავებულ მუშათა პერსონალი აღნიშნულ კატეგორიათა ადამიანებისაგან შედგებოდა, რომლებიც აქ ფულის შოვნის მიზნით მუშაობდნენ და მაწერილნი კი არ იყვნენ ქარხნებზე, არამედ მეწარმეებთან თავისუფალი გარიგების საფუძველზე — ნებითდაქირავებული მუშები. დაქირავებულ მუშათა რიცხვის რა ნაწილს შეადგენდა ცალ-ცალკე აღნიშნულ კატეგორიათა ადამიანები ესეც არაა ცნობილი. მნიშვნელოვანი ნაწილი დაქირავებული მუშებისა, უნდა ვიფიქროთ, ყმა-გლეხთა კატეგორიას ეკუთვნოდა.

წარმოება, სადაც ყმა-გლეხების ნებითდაქირავებული შრომა გამოყენებული ჩაითვლება თუ არა კაპიტალისტურად? რიგი მკვლევრები, რომლებიც ასეთ საწარმოებს არაკაპიტალისტურად აცხადებენ, მიზეზად მოაქვთ მარქსის ის დებულება, რომ კაპიტალიზმი

თავიდანვე იურიდიულად ბატონყმური დამოკიდებულებისაგან განთავისუფლებულ, საწარმოო საშუალებისაგან მოწყვეტილ, „ჩიტივით თავისუფალ“ მუშას ჰაჰირობეს. ამ დებულების ასეთი გაგება სწორი არ არის, რადგან საწარმოო საშუალებისაგან მოწყვეტილი, „ჩიტივით თავისუფალი“ მუშა, ანუ ნამდვილი პროლეტარი კაპიტალიზმის ძირითადი ტენდენციაა მისი განვითარების პროცესში და იგი მისი განვითარების უმაღლეს სტადიაზე გვხვდება. საწარმოთა (მანუფაქტურა, ფაბრიკა) სოციალური ბუნების გამოსწარკვევად, პირველყოფლისა საჰირთა შეეისწავლოთ ადამიანთა ურთიერთდამოკიდებულება წარმოებაში, საზოგადოებრივი წყობა საწარმოში. როგორც აღენიშნეთ „ნებითდაქირავებული მუშების“ კატეგორიაში ნაწილი ყმა-გლეხი იგულისხმება, მაგრამ მათი დაქირავება და მუშაობა წარმოებაში, ასევე მათი სახელწოდება „ყმა-გლეხი“. ჩვენ აქ, მიგვითითებს არა ფეოდალური ექსპლოატაციის ფორმაზე, არამედ მათ წოდებრივ კუთვნილებაზე. ამიტომ, სამრეწველო საწარმოთა ეკონომიური ბუნების (წყობის) დახასიათებისას მთავარი არის დაქირავებული მუშების და ასევე ოსტატების არა წოდებრივი კუთვნილება (ამ შემთხვევაში „ყმა-გლეხი“), არა ის, თუ რა იურიდიული საფუძველი აქვთ მათ სოფელში მიწისა და ბატონის მიმართ, არამედ ექსპლოატაციის ფორმა წარმოებაში რაც ზემოთ განხილულ საწარმოებში ნებითდაქირავებულ შრომაში გამოიხატებოდა; მთავარია მუშების დამოკიდებულება მეწარმეებთან, ე. ი. საზოგადოებრივი წყობა წარმოებაში. ამ შემთხვევაში კი ექსპლოატაციის ფორმა განხილულ საწარმოებში ახალია, კაპიტალისტურია და იგი ფეოდალური ექსპლოატაციისაგან არსებითად განსხვავდება. საწარმოთა მეპატრონეებთან თავიანთ დამოკიდებულებაში დაქირავებული ყმა-გლეხები გამოდიოდნენ სამუშაო ძალის თავისუფალ გამყიდველებად. იურიდიულად ისინი ყმურ დამოკიდებულებაში იმყოფებოდნენ, ფაქტიურად კი დროის მოკლე ან ხანგრძლივ მონაკვეთში თავიანთ სამუშაო ძალას ყიდდნენ. საწარმოები, ასეთი დაქირავებული შრომით, ახალი ტიპი იყო ფეოდალურ საზოგადოებაში და თავისი სოციალური სტრუქტურით მკვეთრად განსხვავდებოდა ფეოდალური სახელოსნო-საწარმოებისაგან.

ჩვენს მიერ განხილულ საწარმოებში, თავისუფალი შრომის წარმომადგენლების გვერდით (ასეთები იყვნენ თავისუფალი ოსტატ-ხელოსნები და მუშები) ყმა-გლეხების დაქირავებული შრომის გამოყენება მიგვითითებს კაპიტალისტური ექსპლოატაციის სფეროს გაფართოებაზე, რაც გამოიხატება ამ სფეროში ყმური შრომის წარმომადგენლების მოქცევაში. მანუფაქტურაში ნებითდაქირავებული

ყმა-გლეხი, მრეწველი-მეპატრონისათვის ყმა კი არ არის, არამედ ს:მრეწველო მუშაა.

ისე, როგორც ფეოდალიზაციის პროცესში ფეოდალი იმორჩილებდა, აყმევებდა და მიწაზე ამაგრებდა თავისუფალ მხენელ-მთესველს, ასევე ახლაც, კაპიტალი იმორჩილებდა და თავისი გავლენის სფეროში აქცევდა არა მარტო თავისუფალ მუშებსა და ხელოსნებს, არამედ მიწაზე მიმაგრებულ ყმა-გლეხებსაც. ახლა, პირუტყუ პროცესია ამ მხრივ. ფეოდალიზმი მიწაზე ამაგრებდა უშუალო მწარმოებელს, კაპიტალი კი მიწიდან წყვეტს მას. რა თქმაუნდა, ეს პირუტყუ-პროცესები ერთბაშად არ ხდება არც ფეოდალიზმის და არც კაპიტალიზმის დროს. იგი ხდება თანდათანობით და სხვადასხვა ფორმებში (გამონაკლისს შეადგენს ინგლისი, სადაც ეს გარემოება — უშუალო მწარმოებლის ექსპროპრიაცია ერთბაშად მოხდა ე წ. „კლასიკურ“ ფორმაში).

სამრეწველო საწარმოებში — მანუფაქტურებსა და ფაბრიკებში ყმა-გლეხების შრომა იმის ნიშანი იყო, რომ კაპიტალი იჭრებოდა ბატონყმური ერთიერთობის სფეროში და არღვევდა მას, გაჰყავდა ამ ურთიერთობის სფეროდან უშუალო მწარმოებელი — ყმა-გლეხი, ხან დროებით (საწარმოებში დაქირავებული ყმა-გლეხების ნაწილი საქართველოში წლის გარკვეულ დროის განმავლობაში იყვნენ მოწყვეტილი მიწას, და ბატონყმურ ურთიერთობას). ხან მუდმივად (ბატონყმური დამოკიდებულებისაგან გლეხთა თავდახსნის პროცესი, გლეხთა გაქცევა და კაპიტალის მიერ მოწყობილ წარმოებაში თავის შეფარება, გლეხთა მიერ მიწის ნაკვეთის დაკარგვა-ექსპროპრიაცია და სხვ.).

სამრეწველო საწარმოს სოციალური ბუნების დახასიათებისათვის, გადამწყვეტი მნიშვნელობა არა აქვს კაპიტალმა ყმა მოწყვეტა მიწას დროებით თუ მუდმივად, მთავარი ისაა, რომ იგი მოწყვეტა მიწას გარკვეულ დროში და საკუთარ წარმოებაში ჩააბა.

სამრეწველო საწარმოების ნებითდაქირავებული მუშების დიდი ნაწილი (ყმა-გლეხები, ასევე ყმური დამოკიდებულებისაგან თავისუფალნი, ხელოსნები და სხვები) მოწყვეტილი არ იყო საწარმოო საშუალებებს — მიწას, წარმოების იარაღებს და სხვ. მათ გააჩნდათ თავიანთი მეურნეობა სოფელში, დაკავშირებულნი იყვნენ მიწათმოქმედებასთან. მაგრამ, ასევე, ეს გარემოება სამრეწველო საწარმოებს არ უკარგავდა კაპიტალისტურ ხასიათს. ცნობილია, რომ კაპიტალიზმის მანუფაქტურულმა პერიოდმა ევროპაშიც კი ვერ შეძლო მოეხდინა სამრეწველო მუშების სრული გამოყოფა მიწათ-

მოქმედებისაგან¹, საცესებით ვერ მოწყვეტა მრეწველი მიწათმოქმედებას. მანუფაქტურაში მომუშავე კავშირს ინარჩუნებდა მიწასთან. კ. მარქსი წერს, რომ მხოლოდ „განვითარებული კაპიტალისტური წარმოების წესის არსებობისას მუშას არ ეკუთვნის მისი წარმოების პირობები — მინდორი, რომელზედაც იგი ხვანა-თესვას ეწევა, ნედლი მასალა, რომელსაც დაამუშავენ და სხვ.“² ამრიგად, „ჩიტივით თავისუფალი“ პროლეტარი — ყოველგვარი საწარმოო საშუალებებისაგან მოწყვეტილი, მხოლოდ განვითარებული, მომწიფებული კაპიტალიზმის დროს გვხვდება. ასეთი პროლეტარი კაპიტალიზმის განვითარების ხანგრძლივი პროცესის შედეგია, და ეს — გლეხისა და ხელოსნის მიწისა და სხვა საწარმოო საშუალებებისაგან მოწყვეტა ამ პროცესში ხდება თანდათანობით, დროთა განმავლობაში. მისი სიჩქარის დონე კაპიტალიზმის განვითარების სიჩქარეზე დამოკიდებული. ამიტომ, ლენინი საცესებით სამართლიანად შენიშნავდა შემდეგს: „ჩვენს ლიტერატურაში ხშირად ძალიან შაბლონურად ესმით თეორიის ის დებულება, რომ კაპიტალიზმი თავისუფალ უმიწაწყო მუშას საკუროებს. ეს საცესებით მართალია, როგორც ძირითადი ტენდენცია, მაგრამ მიწათმოქმედებაში კაპიტალიზმი განსაკუთრებით ნელა და ფორმების უალრესი სხვადასხვაობით იჭრება“ და რომ „ნადელიანი სოფლელი მუშის ტიპი ყველა კაპიტალისტური ქვეყნის თვისებას წარმოადგენს“³. ლენინი ასეთ გლეხებს პროლეტარიატის ტიპებად თვლიდა, რომლებიც სოფლის მეურნეობასა და მრეწველობაში დაქირავებულ შრომას ეწეოდა⁴. მანუფაქტურა „არ არღვევს დაქირავებული მუშის კავშირს მიწასთან“, წერს ლენინი, „მხოლოდ უკანასკნელი, უმაღლესი სტადია (ე. ი. მანქანური ინდუსტრია — დ. გ.) წარმოადგენს კაპიტალიზმის განვითარების მწვერვალს, მხოლოდ იგი ქმნის საცესებით ექსპროპრიირებულ, ფრინველივით თავისუფალ მუშას“⁵. აკრიტიკებს რა ნაროდნიკებს ლენინი შენიშნავს, რომ უმიწაწყო მუშა აუცილებელი პირობა არაა საერთოდ კაპიტალიზმისათვის, იგი მხოლოდ მანქანური ინდუსტრიისათვის არის აუცილებელი პირობა⁶. მაშასადამე, უშუალო მწარმოებლის მიწისაგან საცესებით მოწყვეტა ხდება კაპიტალიზმის განვითარების უმაღლესი სტადიის — მანქანური ინდუ-

¹ იხ. კ. მარქსი, კაპიტალი, ტ. I, 1954, გვ. 937—939. ვ. ი. ლენინი, თხზ. ტ. 3, გვ. 510, 520.

² კ. მარქსი, კაპიტალი, ტ. III, ნაწ. 2, გვ. 127.

³ ვ. ი. ლენინი, თხზ. ტ. 3, გვ. 193.

⁴ იქვე.

⁵ ვ. ი. ლენინი, თხზ. ტ. 1, გვ. 529.

⁶ იქვე.

სტრუქტურის დროს. ლენინმა სასტიკად გააკრიტიკა კაპიტალიზმის აბსტრაქტული თეორია, რომლისთვისაც „არსებობს მხოლოდ განვითარებული და სავსებით ჩამოყალიბებული კაპიტალიზმი, ხოლო მისი წარმოშობის საკითხი განზე რჩება“¹.

რეფორმადელი ხანის საქართველოს ზოგიერთ სამრეწველო საწარმოებში ნებითდაქირავებულ შრომის გარდა გამოყენებული იყო იძულებითი შრომა. ასეთები ცოტა. მაგრამ საქმოდ მსხვილი საწარმოები იყო: იძულებითი შრომა გამოყენებული იყო, როგორც დავინახეთ, თბილისის აბრეშუმსახვევ, ღვარების მიწის, ალავერდის, ახტალის და შამბლულის სამთო მანუფაქტურებში და თბილისის საწახნაგო ფაბრიკაში. აღნიშნულ საწარმოთა ეკონომიური ბუნების გარკვევისას ჩვენ მას გვერდს ვერ ავუვლით. იძულებით შრომას, ალავერდის, ახტალის და შამბლულის სამთო მანუფაქტურებში ეწეოდნენ მათზე მიწერილი სახაზინო ყმა-გლეხები. რომლებსაც იყენებდნენ დამხმარე სამუშაოებზე, როგორც იყო შეშის მოჭრა, მისი დაწვა და ნახშირის ქარხნებში გადაზიდვა. თვით ქარხნებში კი — ლითონის წარმოებაზე მათ არ იყენებდნენ. ღვარების მიწის მანუფაქტურაში იძულებით შრომას ეწეოდნენ წარმოებაზე მიწერილი მემამულე ელიზ. ერისთავის ყმები, რომლებსაც ასევე დამხმარე სამუშაოზე იყენებდნენ. საბატონო ვალდებულებათა მაგივრად ისინი ჰკრიდნენ ხე-ტყეს და დამზადებული შეშა მიჰქონდათ ქარხანაში, წვავდნენ ნაცარს, ეზიდებოდნენ ქარხანაში სილას და ამას გარდა რიგრიგობით რამდენიმე კაცი შავ მუშად მუშაობდა წარმოებაში. თვით მიწის წარმოებისათვის საკირო კვალიფიციურ სამუშაოებზე კი მათ არ იყენებდნენ. აქ მუშაობდნენ დაქირავებული ოსტატები. თბილისის აბრეშუმსახვევ მანუფაქტურაში იძულებითი შრომის კონტინგენტს შეადგენდნენ პატიმარი ქალები. ისინიც ძირითადად დამხმარე სამუშაოებზე მუშაობდნენ, როგორც იყო აბრეშუმის პარკების შერჩევა-დანარისხება, წყლის მოზიდვა წარმოებაში და სხვ. მათი რიცხვი დიდი იყო, მაგრამ, როგორც დავინახეთ, უმრავლესობა უქმად იჯდა ყაზარმაში. შემდეგში, ნაწილი პატიმარი ქალებისა შეაჩვიეს აბრეშუმის ამოხვევას, მაგრამ ამ საქმეში მათი გამოყენება პერიოდულად ხდებოდა. უმთავრესად კი წლების მანძილზე წარმოების ძირითად კვალიფიციურ სამუშაოებზე — აბრეშუმის ამოხვევასა და ძახვაზე — ნებითდაქირავებული შრომა იყო გამოყენებული. თბილისის საწახნაგო ფაბრიკაში არათავისუფალ შრომას ეწეოდა სამხედრო უწყების ხალხი.

¹ ვ. ი. ლენინი, თხზ. ტ. 3, გვ. 730.

წარმოებაში გამოყენებული მიწერილ ყმა-გლეხთა იძულებითი შრომა, რა თქმა უნდა, ბატონყმური ელემენტი იყო. მაგრამ ეს გარემოება წარმოებას არ უკარგავდა კაპიტალისტურ ხასიათს, რადგან კაპიტალისტური წარმოება არ გამოირიცხავდა იძულებითი შრომის გამოყენებას. კაპიტალისტური ურთიერთობის ჩასახვა და განვითარება სხვადასხვა ქვეყანაში სხვადასხვა სახეს იღებდა და სხვადასხვა ისტორიულ ხანაში სხვადასხვა ფაზებს გადიოდა, ე. ი. კაპიტალიზმის ფორმირების პროცესი ფეოდალიზმის წიაღში სხვადასხვა ქვეყანაში სხვადასხვანაირად ხდებოდა. რიგ ქვეყნებში (აღმოსავლეთ ევროპა, რუსეთი და სხვ.) და მათ შორის საქართველოშიც, კაპიტალიზმის ჩასახვა და განვითარება ხდებოდა ფეოდალიზმის ბატონობის დროს. ამიტომ აქ, ბატონყმური მეურნეობის ბატონობის პირობებში, კაპიტალი იმორჩილებდა არა მარტო თავისუფალ, არამედ იძულებით შრომასაც, რადგან ხშირ შემთხვევაში თავისუფალი შრომა ვერ აკმაყოფილებდა კაპიტალის მოთხოვნილების დონეს ამ მხრივ, ვინაიდან თავისუფალი შრომის მუშახელი შედარებით ცოტა იყო ქვეყანაში.

იძულებითი შრომის გამოყენებისაგან კაპიტალიზმი თავისუფალი არ ყოფილა მის ერთადერთ კლასიკურ ქვეყანაში — ინგლისშიც კი. მარქსი აღნიშნავს, რომ ინგლისში, ჰენრიხ VII-ესა და ჰენრიხ VIII-ის დროს (ეს დრო ინგლისში კაპიტალიზმის მანუფაქტურის პერიოდია — დ. გ.) მიწიდან აყრილმა ადამიანებმა პირველად სცადეს მათხოვრობა, მაწანწალობა, ყაჩაღობა და სხვა ამგვარი, მაგრამ ისინი შრომის ბაზარზე გარეკილნი იქნენ მათრახებით, სამარცხვინო ბოძებითა და სახრჩობელებით¹. ასე შეუქმნეს კაპიტალს არსებობის პირობები პირველ ხანებში.

შემდეგაც, მსხვილი კაპიტალისტური მრეწველობის „ყმაწვილობის პერიოდში“, იმავე ინგლისში, როგორც მარქსი წერს „ფაბრიკებიც ძალდატანებით“ აგროვებდნენ „თავიანთ მუშებს“².

იძულებით შრომას მანუფაქტურულ პერიოდში, XVII—XVIII საუკუნეებში ფართოდ იყენებდნენ აგრეთვე საფრანგეთში, გერმანიაში, რუსეთში (XIX საუკუნეშიც) და სხვა ქვეყნებში.

საფრანგეთში ყმა-გლეხების იძულებითი შრომის გამოყენებაზე ი. კუჩინსკი აღნიშნავს, რომ 1715 წელს, იქ, მანუფაქტურებში მუშათა უმრავლესობა იურიდიულად იმყოფებოდა ფეოდალურ ბატონყმურ დამოკიდებულებაში, და რომ რეგლამენტაცია ეწეოდა

¹ კ. მარქსი, „კაპიტალისტური წარმოების წინამორბედი ფორმები“, 1952 წ., გვ. 59—60.

² კ. მარქსი, „კაპიტალი“, ტ. 1, გვ. 949.

არა მარტო მათ სამუშაო დღეს, არამედ მთელ მათ ცხოვრებას: საჯ-
მელის მიღებას, რელიგიურ ცხოვრებას, ძილის დროს, ტანსაცმელს,
ხელფასს და ა. შ.¹

გერმანიაში, ბრანდერბურგის დიდი კიურფიურსტის 1686 წლის
განსაკუთრებული ედიქტით „გამოსასწორებელ“, „სართავ“ და
„მანუფაქტურულ“ დაწესებულებებში თუ საკირო იქნებოდა ძალით
უნდა მოეთავსებინათ უმუშევრები და მათი შვილები². როგორც
გერმანელი მკვლევრები მიუთითებენ, იმ დროს გერმანიის მანუ-
ფაქტურებში უმთავრესად მუშაობდნენ სხვადასხვა არათავისუფალი
ხალხი — „მათხოვრები“, „მამწანწალები“, „დამწამავეები“, „უპატ-
რონოები“ და ა. შ.³ პროფ. ტუგან-ბარანოვსკი წერს, რომ დასავლეთ
ევროპაში „მანუფაქტურები ხშირად ჩნდებოდნენ იძულებით შრო-
მაზე დამყარებული“. ხელისუფლება იყენებდა ციხეებში, უპატრო-
ნოთა სახლებში, გამოსასწორებელ და სხვ. დაწესებულებებში მყოფ
არათავისუფალი მოსახლეობის ფართო კონტინგენტს, უფლებას აძ-
ლევდა კერძო მეწარმეებს მე-17-18 საუკუნეებში ესარგებლად მათი
შრომით, შრომის განსაზღვრული ანაზღაურებით და ზემოთ აღნიშ-
ნულ დაწესებულებებში აარსებდნენ მანუფაქტურებს. ამრიგად,
კერძო მეწარმეები ღებულობდნენ საკირო რაოდენობით იაფ მუშა-
ხელს⁴. რუსეთში XVIII—XIX საუკუნეებში სამთო კაპიტალისტურ
მანუფაქტურებში იძულებითი შრომის გამოყენება მეტად დიდი
მასშტაბით საერთოდ ცნობილია საისტორიო ლიტერატურაში და
მასზე აქ შეჩერება ზედმეტად მიგვაჩნია.

ისე როგორც ყმა-გლეხთა დაქირავებული შრომა, ასევე მიწე-
რილ ყმა-გლეხთა შრომის გამოყენება ალავერდის და ახტალის სა-
წარმოებში, ნიშნავდა კაპიტალის ექსპლოატაციის სფეროს გაფარ-
თობას, მასში არათავისუფალი შრომის წარმომადგენლების მოქ-
ცევას. ამ შემთხვევაშიც კაპიტალი იჭრებოდა ბატონყმური ურთი-
ერთობის სფეროში და არღვევდა მას, აკლიდა რა ამ ურთიერთობას
უშუალო მწარმოებელს დროებით თუ მუდმივად, საკუთარ წარმო-
ბაში აბამდა. ის გარემოება, რომ ქარხნებზე ყმა-გლეხების მიწერა სა-
ხელმწიფო ხელისუფლების განკარგულებით ხდებოდა იმის მაჩვენ-
ებელიცაა, რომ კაპიტალი აიძულებდა მას სამსახური გაეწია, მისი
არსებობისათვის სათანადო პირობები შეექმნა.

¹ Ю. Кучинский, «История условий труда во Франции», 1950, Москва, стр. 14.

² Проф. М. И. Туган-Барановский, «Крепостная фабрика», стр. 140—141. («Великая реформа» т. III, СПб. 1911):

³ იქვე.

⁴ იქვე.

ამა თუ იმ საწარმოს კაპიტალისტური ბუნებისათვის სავალდებულო არ იყო მასში ოსტატები და მუშები უკლებლივ, ყველა ნებითდაქირავებულნი ყოფილიყვნენ. „იქ, სადაც სასაქონლო წარმოება ბატონობს — წერს ლენინი — და დაქირავებულ შრომას იყენებენ არა შემთხვევით, არამედ სისტემატურად, უკვე არსებობს კაპიტალიზმის ყველა ნიშანდობლივი თვისება. შეიძლება ვილაპარაკოთ მის განუვითარებლობაზე, ჩანასახ მდგომარეობაზე, მის განსაკუთრებულ ფორმებზე“¹. თბილისის აბრეშუმსახვევი, ღვარების მინის, ალავერდისა და ახტალის მანუფაქტურებში ნებითდაქირავებულ შრომას იყენებდნენ არა პერიოდულად, არამედ სისტემატურად, წარმოების ძირითად, კვალიფიციურ სამუშაოებზე: ლითონის, აბრეშუმისა და შუშის წარმოებაზე. შრომის ანაზღაურება ხდებოდა ფულით. ქარხნებში მიწერილი ყმა-გლეხთა იძულებით შრომას, რომლებიც ფეოდალურ ვალდებულებას იხდიდნენ და ასევე პატიმარი ქალების შრომას, როგორც ვიცით, იყენებდნენ დამხმარე სამუშაოებზე. ამიტომ, იძულებითი შრომის გამოყენება წარმოების დამხმარე სამუშაოებზე არ უკარგავდა ამ საწარმოებს კაპიტალისტურ ხასიათს, რადგან იძულებითი შრომის გამოყენება, როგორც დავინახეთ საერთოდ უცნობი არ ყოფილა კაპიტალიზმისათვის.

ამასთან დაკავშირებით, საეცებით შესაძლებელია, ხე-ტყის დამუშავებისათვის ღვარების, ალავერდის, ახტალის და შამბლულის ქარხნებზე მიწერილ ყმა-გლეხთა შრომა არასაქარხნო სამუშაოებად ჩავთვალოთ. ეს ყმები, რომლებიც ფეოდალურ გადასახადს იხდიდნენ სამრეწველო მუშები არ არიან. თვით ქარხნებში მომუშავენი კი სამრეწველო მუშები იყვნენ და ზედმეტ ღირებულებას ქმნიდნენ. თუ ეს ასეა და ხე-ტყის დამუშავებისათვის, ქარხნებზე მიწერილ ყმა-გლეხთა არათავისუფალ შრომას არასაქარხნო სამუშაოებად ჩავთვლით, ხოლო ასეთ მიწერილ ყმა-გლეხებს არასაქარხნო მუშებად, ე. ი. ქარხნების ეკონომიური ბუნების დახასიათებისას მათ საქარხნო პერსონალიდან ამოვიღებთ, მაშინ კიდევ უფრო გაიზრდება ღვარების მინის მანუფაქტურის, ალავერდისა და ახტალის სამთო მანუფაქტურების ეკონომიური ბუნების კაპიტალისტური ხარისხი. ასეთი მოსაზრება, მიწერილ ყმა-გლეხთა დამხმარე სამუშაოთა შესახებ ჩვენ უსაფუძვლოდ არ მიგვაჩნია. თუმცა, როგორც ზემოთ ითქვა, მათი მხედველობაში მიღებაც არ უკარგავს ქარხნებს კაპიტალისტურ ხასიათს, იგი მხოლოდ ამცირებს მის დონეს.

კაპიტალიზმის განვითარების პროცესში კაპიტალისტური სა-

¹ ვ. ი. ლენინი, თხზ. ტ. 2, გვ. 450.

წარმოების განვითარების დონე ერთნაირი როდი იყო. სამუშაო ძალის „სასაქონლო ფორმის“ განვითარებით ვითარდებოდა კაპიტალიზმი. სამუშაო ძალის სასაქონლო ფორმას კი, განვითარების პროცესში გააჩნდა სხვადასხვა საფეხური და ხარისხი. ამის მიხედვით განსხვავდებოდნენ ერთმანეთისაგან კაპიტალისტური საწარმოები. ამ საფეხურებისა და ხარისხის სიმრავლეს განსაზღვრავდა კაპიტალისტურ საწარმოებში ჩაბმული მუშასელის სხვადასხვა სოციალ-ეკონომიური მდგომარეობა. საწარმოები, თავისი განვითარების დონით განსხვავდებოდნენ ერთმანეთისაგან იმის მიხედვით, თუ ვინ წარმოადგენდა მათ სამუშაო ძალას: მიწერილი ყმა-გლეხი, ბატონისაგან გაქცეული ნებითდაქირავებული ყმა-გლეხი, ბატონის ნებართვით წასული დაქირავებული ყმა-გლეხი, ყმური დამოკიდებულებისაგან თავდახსნილი დაქირავებული გლეხი, რომელიც ჯერ კიდევ არაა მოწყვეტილი საკუთარ მეურნეობას, თუ სავსებით ექსპროპრირებული, „ჩიტივით თავისუფალი“ ნებითდაქირავებული მუშა. ეს უკანასკნელი — ყოველგვარ საწარმოო საშუალებებს მოწყვეტილი, ე. წ. „ჩიტივით თავისუფალი“ მუშის დაქირავებული შრომა, სამუშაო ძალის სასაქონლო ფორმის უმაღლესი ხარისხია. „სამუშაო ძალის სასაქონლო ფორმის განვითარების დონე — წერს ლენინი — ახასიათებს კაპიტალიზმის განვითარების დონეს“¹ აქ იგულისხმება დაქირავებული შრომის როგორც ხარისხი, ასევე მისი გავრცელების მასშტაბი.

ისე როგორც სამუშაო ძალის სასაქონლო ფორმას, დაქირავებულ შრომას გააჩნდა განვითარების სხვადასხვა დონე და ხარისხი. ასევე კაპიტალისტურ საწარმოებს გააჩნდათ განვითარების სხვადასხვა ხარისხი. საწარმოს (მანუფაქტურის, ფაბრიკის) კაპიტალისტური ხარისხი, ამ მხრივ მისი განვითარების დონე დამოკიდებული იყო სამუშაო ძალის სასაქონლო ფორმის, დაქირავებული შრომის ხარისხზე. ასე მაგალითად, ბატონყმური დამოკიდებულებისაგან თავდახსნილი, თავისუფალი გლეხებისა და ხელოსნების ნებითდაქირავებულ შრომაზე დამყარებული საწარმოს კაპიტალისტური ხარისხი უფრო მაღალი იყო, ვიდრე ყმა-გლეხების ნებითდაქირავებულ შრომაზე დაფუძნებული საწარმოსი, ან კიდევ, ყოველგვარ საწარმოო საშუალებებს მოკლებული მუშების ნებითდაქირავებულ შრომაზე დამყარებული კაპიტალისტური საწარმოს ხარისხი მაღალი იყო, შედარებით იმ კაპიტალისტურ საწარმოსთან, რომელიც ეყრდნობოდა ისეთი თავისუფალი ნებითდაქირავებული მუშების შრომას,

¹ ვ. ი. ლენინი, თხზ. ტ. 1, გვ. 528.

რომელთაც მიწის ნაკვეთები და მეურნეობა გააჩნდათ სოფელში. ასე მაგალითად, თბილისში მოწყობილი ზუბალაშვილის შაქრის ქარხნის კაპიტალისტური ხარისხი შედარებით მაღალი იყო, ვიდრე თბილისის აბრეშუმსახვევი საწარმოსი ან იგივე ალავერდის, ახტალის და შამბლულას სამთო ქარხნების, რადგან ზუბალაშვილის ქარხანაში მხოლოდ ნებითდაქირავებული შრომა იყო გამოყენებული, ხოლო აბრეშუმსახვევსა, ალავერდის, ახტალის და შამბლულის ქარხნებში კი ნებითდაქირავებულ შრომასთან ერთად იძულებითი შრომაც. საამისოდ უამრავი მაგალითების მოტანა შეიძლება რეფორმამდელი საქართველოს სამრეწველო საწარმოებიდან.

კ. მარქსი, კაპიტალიზმის განვითარების პროცესში უშვებდა წარმოების წესის განუვითარებელ ფორმებს, არასრულყოფილ კაპიტალისტურ საწარმოებს, რომლებიც კაპიტალიზმის განვითარების პროცესში იცვლებოდნენ კაპიტალისტური წარმოების წმინდა ფორმით, წმინდა, ადეკვატური კაპიტალისტური საწარმოებით¹. ასევე ლენინი არასრულყოფილ კაპიტალისტურ საწარმოებს უპირისპირებდა „წმინდა კაპიტალისტურ“ საწარმოებს². არასრულყოფილ კაპიტალისტურ საწარმოებს ლენინი უწოდებდა „დაბალ“, „განუვითარებელ“, „ჩანასახ მდგომარეობაში“ მყოფ, კაპიტალიზმს³. მაშასადამე, კაპიტალიზმის ჩასახვისა და მისი განვითარების პირველ პერიოდში არსებობდნენ განუვითარებელი, დაბალი, არასრულყოფილი კაპიტალისტური საწარმოები, მაგრამ მაინც კაპიტალისტური საწარმოები. ასეთ საწარმოთა რიცხვს მიეკუთვნება რეფორმამდელი საქართველოს ალავერდის, ახტალის და შამბლულის სამთო მანუფაქტურები, თბილისის აბრეშუმსახვევისა და ღვარების მინის მანუფაქტურული საწარმოები და თბილისის საწახნაგო ფაბრიკა. ისინი არასრულყოფილი, არაწმინდა, განუვითარებელი კაპიტალისტური საწარმოებია, მაგრამ მაინც კაპიტალისტური. განვითარების პროცესში რიგი არასრულყოფილი, განუვითარებელი კაპიტალისტური საწარმოები სრულყოფილ კაპიტალისტურ საწარმოებად იქცეოდნენ. ასე მაგალითად, იგივე ალავერდისა და შამბლულის საწარმოებს, როგორც დავინახეთ, 1850 წლიდან ჩამოცილდა მიწერილ ყმა-გლეხთა იძულებითი შრომა, რითაც წარმოების კაპიტალისტური ხარისხი ამალდა, ხოლო 1864 წლის საგლეხო რეფორმის შემდეგ წარმოება მთლიანად ემყარებო-

¹ კ. მარქსი, „კაპიტალისტური წარმოების წინამორბედი ფორმები“, 1952, გვ. 67—68.

² ვ. ი. ლენინი, თხზ., ტ. 3, გვ. 554—555, 577—578.

³ ვ. ი. ლენინი, თხზ., ტ. 1, გვ. 528, ტ. 2, გვ. 450.

და ყმური დამოკიდებულებისაგან განთავისუფლებული მეშების ნებითდაქირავებულ შრომას. ეს, რა თქმა უნდა, წარმოების კაპიტალისტური დონის კიდევ მეტ გაზრდაზე მიუთითებს. როგორც ვიცით, XIX ს. 40-იანი წლებიდან თბილისში არსებობდა საწახნაგო (მარმარილოსა და სხვა ძვირფასი ქვების დამამუშავებელი) ფაბრიკა. პირველ ხანებში მასში მუშაობდა სახაზინო, სამთო და სამხედრო უწყების ხალხი. მათ გვერდით მუშაობდნენ ნებითდაქირავებულნიც, მაგრამ მცირე რაოდენობით. თანდათან, წლების მანძილზე, ფაბრიკაში ნებითდაქირავებული შრომა იზრდებოდა და ბოლოს იგი გაბატონდა და ფაბრიკა წმინდა, სრულყოფილ კაპიტალისტურ საწარმოდ იქცა. საამისო მაგალითები შორს წაგვიყვანდა.

რეფორმამდელ საქართველოში მანუფაქტურების წარმოშობა, წარმოების კაპიტალისტური წესის ჩასახვისა და მისი არსებობის მაჩვენებელი იყო. მანუფაქტურა ფეოდალიზმის დამახასიათებელი და მისი ნიშანი არ არის. წარმოების / ფეოდალური წესი განვითარების პროცესში მას არ შეიცავს. მანუფაქტურული წარმოება კაპიტალისტური მრეწველობის ერთ-ერთი საფეხურია (წვრილი სასაქონლო წარმოება — მანუფაქტურა — მანქანური ინდუსტრია). განვითარების პროცესში იგი მრავალფეროვანი იყო, მაგრამ კაპიტალისტური ბუნების. მარქსი აღნიშნავს, რომ მანუფაქტურა არის „სახოგადობრივი წარმოებითი პროცესის“ „სპეციფიკურად კაპიტალისტური ფორმა“ და იგი შეიძლება განვითარდეს მხოლოდ „კაპიტალისტური ფორმით“¹.

აღნიშნულ ხანაში, როგორც ცნობილია, ალავერდისა და აბტალის ქარხნები, თბილისის აბრეშუმსახევეი და საწახნაგო საწარმოებში, ჩათახის რკინისა და თუქსასხმელი ქარხანა მოწყობილი იყო სახელმწიფოს მიერ და სახაზინო საწარმოებად ითვლებოდნენ. ეს გარემოება სრულებით არ უკარგავდა მათ კაპიტალისტურ ხასიათს, რადგან სახელმწიფო და კერძო საწარმოებს შორის ის განსხვავება იყო, რომ ერთში მოქმედებდა სახელმწიფო კაპიტალი, მეორეში კი — კერძო კაპიტალი. არც ის იყო სავალდებულო, რომ კაპიტალისტური საწარმო მაინცდამაინც ვაჭარს მოეწყო. ხშირად წარმოების მომწყობი და მებატრონე მემამულე იყო, რომელიც ერთდროულად მემამულეც იყო და მექარხნე-მეფაბრიკე კაპიტალისტი (ელიზ. ერისთავი, ნ. ჩიჯავაძე და სხვ.). საამისო მაგალითები ჩვენ უამრავი გვაქვს საქართველოში, როგორც რეფორმამდელ, ისე მის

¹ კ. მარქსი, კაპიტალი, ტ. I, 1954, გვ. 462—463.

შემდგომ ხანაშიც. ასე რომ, მრეწველ-მეპატრონეთა წოდებრივო ნომენკლატურა არ ცვლიდა წარმოების სოციალურ არსს.

ამრიგად, შრომაში განხილული რეფორმამდელი ხანის საქართველოს სამრეწველო საწარმოები, კაპიტალისტური საწარმოები იყვნენ, რომლებსაც გააჩნდათ კაპიტალისტური განვითარების სხვადასხვა დონე.

რეფორმამდელ საქართველოში ადგილი ჰქონდა კაპიტალისტური საწარმოებისა და მათ მიერ გამომუშავებული პროდუქციის ზრდას, დაქირავებული შრომისა და სავაჭრო-სამრეწველო მოსახლეობის ზრდას, რასაც ახლა შეეხებით.

კაპიტალისტური საწარმოებისა და მათ მიერ გამომუშავებული

პროდუქციის ზრდა. სამრეწველო მოსახლეობის ზრდა.

კაპიტალიზმის განვითარების გზები მრეწველობაში

XIX საუკუნის 30-იანი და განსაკუთრებით 40-იანი წლებიდან, საქართველოში იზრდებოდა სამრეწველო საწარმოების რიცხვი და მათ მიერ გამომუშავებული პროდუქცია. მართალია, განვითარების პროცესში მრავალი სამრეწველო საწარმო ეცემოდა, მაგრამ მათ ნაცვლად გაცილებით მეტი საწარმოები ჩნდებოდნენ. ზრდის ეს პროცესი შეიმჩნეოდა არა მარტო თბილისის, არამედ ქუთაისის გუბერნიაშიც, თუმცა ამ უკანასკნელში იგი შედარებით სუსტად მიმდინარეობდა. გაცილებით სწრაფად ვითარდებოდა მრეწველობა თბილისის გუბერნიაში და უპირველეს ყოვლისა მის ცენტრ თბილისში. ჩვენ ხელთ გვაქვს თბილისის და ქუთაისის გუბერნიის „ფაბრიკა-ქარხნების“ უწყისები: 40-იანი წლებიდან ზოგიერთი, ხოლო 50-იანი წლებიდან — თითქმის ყველა. უწყისები შედგენილია ცარიზმის მოხელეების მიერ, ისინი შეიცავენ მთელ რიგ ნაკლოვანებებს, ცნობები ხშირად არასწორადაა მოცემული, ასევე: ხშირად უწყისებში გამორჩენილია მთელი რიგი საწარმოები. მიუხედავად ამისა, ამ უწყისებში კარგად ჩანს მრეწველობის ყოველწლიური ზრდა რეფორმამდელი ხანის საქართველოში.

1843 წელს მთელ საქართველოში ითვლებოდა 116 სამრეწველო საწარმო. ამ წელს მათ გამომუშავეს 146575 მანეთის პროდუქცია¹.

¹ ЦГИАЛ, ф. 1268, оп. 1, д. 744, л. 91.

შედარებით მსხვილმა საწარმოებმა მოგვეცეს პროდუქცია
(მანეთებში)

თბილისის საწარმოებმა

| | |
|--------|----------------------------|
| შაქრის | — 66.905 მანეთის პროდუქცია |
| ლუდის | — 2.550 " |
| ტყავის | — 5.200 |
| საპნის | — 27.000 |
| აგურის | — 8.900 |

გორის მაზრის ხე-ტყის სახერხმა საწარმომ გამოუშვა 3000 მან. პროდუქცია, ღვარების მინის ქარხანამ — 6000 მანეთისა; ქუთაისის მაზრის, სოფელ ტობანიერის არყის საწარმომ — 700 მანეთისა, გურიის მაზრის სოფელ აკეთის თიხის ქურქკლის საწარმოებმა 1200 მანეთის პროდუქცია¹. და სხვა.

1844 წელს საქართველოში არსებულმა საწარმოებმა გამოუშვეს 200.000 მანეთის პროდუქცია². მრეწველობა თავმოყრილი იყო ქალაქებში, განსაკუთრებით კი თბილისში. თბილისის გუბერნატორის 1847 წლის ანგარიშში ამის შესახებ ვკითხულობთ: „Промыслы губернии преимущественно сосредоточиваются в городах. В Тифлисе число промышленников с каждым годом возрастает“³.

1851 წელს თბილისის გუბერნიაში ითვლებოდა 131 საწარმო — 178.323 მანეთი წლიური პროდუქციით⁴. ამათ შორის თბილისში ითვლებოდა:

| საწარმოები | საწ. რიცხვი | წლიური პროდუქცია |
|-----------------|-------------|--------------------|
| აგურის | 80 | 71000 მან. |
| სამეთუნეო | 9 | 2250 |
| კირის | 2 | 3700 |
| საპნის | 3 | 24050 |
| ტყავის | 2 | 12000 |
| სპილენძსასხმელი | 1 | 3200 |
| ქურქკლეულის | 1 | 20000 ⁵ |

თბილისის მაზრის სოფელ ღრეს ტყავის ქარხანამ, ამ წელს გამოიმუშავა 10.000 მანეთის პროდუქცია. ამ უწყისით ღვარების

¹ იქვე.

² იქვე, ფურც. 190.

³ ЦГИАЛ, ф. 1281, оп. 4, 1848, д. 134, л. 19.

⁴ ЦГИАЛ, ф. 1268, оп. 8, 1854, д. 21, л. 114.

⁵ იქვე.

მინის ქარხანამ გამოუშვა 4000 მანეთის პროდუქცია¹, მაგრამ ეს სწორი არ არის, რადგან ჩვენ უკვე ვიცით, რომ ეს ქარხანა გაცილებით მეტ პროდუქციას უშვებდა ყოველწლიურად.

თბილისის სამხედრო გუბერნატორის 1851 წლის ანგარიშის თანახმად, თბილისში. ადგილობრივ მოსახლეთაგან ითვლებოდა 5—6 ვაჭარი კაპიტალისტი, რომელთაც, საშუალოდ, თითოეულს 100000 მანეთი ჰქონია. ასევე სიღნაღში, ვაჭრებს. შორის ითვლებოდა 4 ვაჭარი კაპიტალისტი, რომელთაც ერთად გააჩნდათ 100000 მანეთი. აქვე გუბერნატორი შენიშნავს: „Как сюда, так и в других местах не входят капиталисты-промышленники, коих в одном Сигнахе с его уездом можно насчитать до 8 или 9 человек с 300.000 р. серебром“². გუბერნატორის ეს განცხადება მნიშვნელოვანია. იგი განასხვავებს მრეწველ კაპიტალისტებს ვაჭრებისაგან და, რაც მთავარია, მრეწველი კაპიტალისტების ხელში უკვე ჩანს დიდი კაპიტალი ტრიალებს; მათ დიდი თანხა აქვთ დაბანდებული წარმოებაში. თუ კი მარტო სიღნაღში ასეთი მრეწველი კაპიტალისტი 8—9 კაცი იყო 300.000 მანეთით, ცხადია, თბილისში მათი რიცხვი გაცილებით მეტი იქნებოდა და მათ საგრძნობლად მეტი კაპიტალიც ექნებოდათ. მთლიანად საქართველოში კი, უნდა ვიფიქროთ, მრეწველ კაპიტალისტების ხელში ბევრჯერ მეტი კაპიტალი იყო, ვიდრე იგი „ფაბრიკა-ქარხნების“ უწყისებშია მოცემული.

1852 წელს თბილისის გუბერნიაში ითვლებოდა 154 საწარმო 211820 მანეთი წლიური პროდუქციით³. თბილისის საწარმოებიდან აღსანიშნავი იყო: აგურის, სახერხი, კრამიტის, სამეთუნეო, საპნის, ტყავის, კურკლის, ჭანთლის, თუქსასხმელი და სხვა საწარმოები; თბილისის მაზრაში — დრეს ტყავის ქარხანა, გორის მაზრაში — მინის, სახერხი, ზეთსახდელი და სხვა საწარმოები.

1856 წელს თბილისის გუბერნიაში ითვლებოდა 172 საწარმო. მათ მიერ გამოიმუშავებული წლიური პროდუქცია კი 1852 წელთან შედარებით შემცირებული ჩანს. იგი უწყისით 112.126 მანეთს უდრიდა⁴. მაგრამ ეს სწორი არ არის, რადგან თბილისის გუბერნატორის იმავე წლის ანგარიშში (სადაც ეს უწყისია მოთავსებული) „სა-

¹ იქვე.

² იქვე.

³ ЦГИАЛ, ф. 1263, оп. 44, 1854, д. 2426, лл. 107, 173.

⁴ ЦГИАЛ, ф. 1268, оп. 9, 1858, д. 101, л. 64.

ქარხნო“ პროდუქციის ღირებულება 150000 მანეთითაა განსაზღვრული,¹ თუმცა ეს უკანასკნელიც სრული არაა და კვლავ შემცირებულია. თვით უწყისში აღნიშნულია, რომ მთელი რიგი საწარმოებში წესახებ ცნობები არ მიგვიღია.² გარდა ამისა, უწყისით ნაჩვენებ „საქარხნო“ პროდუქციაში არ შედის შტიუსეს თუქსასხმელი ქარხნისა და თბილისის სპილენძსასხმელი 2 საწარმოს მიერ გამოშვებული პროდუქციის ღირებულება. შტიუსეს ქარხანამ ამ წელს გამოუშვა 10700 მანეთის პროდუქცია, სპილენძსასხმელმა საწარმოებმა კი 16645 მანეთისა.³ ასევეა 1857 წელს. ამ წლის უწყისით თბილისის გუბერნიაში ითვლებოდა 195 სამრეწველო საწარმო 157529 მანეთი წლიური პროდუქციით.⁴ ე. ი. 1852 წლის პროდუქციასთან შედარებით მაინც ნაკლები. უწყისში კვლავ არ შედის თბილისის თუქსასხმელი და სპილენძსასხმელი საწარმოების პროდუქცია. შტიუსეს თუქსასხმელმა საწარმომ ამ წელს გამოუშვა 21000 მანეთის პროდუქცია, ხოლო სპილენძსასხმელებმა — 16700 მანეთისა.⁵ ცხადია როგორც 1856 წლის, ისე 1857 წლის ზემოთ მოცემული ცნობები სრული არაა და ამ წლებში საწარმოების მიერ გამოშვებული პროდუქცია გაცილებით მეტი იყო, ვიდრე იგი უწყისებშია მოცემული.

1858 წელს თბილისის გუბერნიაში ირიცხებოდა 239 საწარმო. ამ წელს მათ გამოიმუშავეს 512321 მანეთის პროდუქცია.⁶ (ელისავეტპოლის მაზრაში ითვლებოდა 36 სამრეწველო საწარმო 69500 მანეთის წლიური პროდუქციით). თბილისში აღსანიშნავი იყო შემდეგი საწარმოები:

| | საწ. რიცხვი | წლიური პროდუქცია |
|-------------------|-------------|------------------|
| საწახნაგო | 1 | 3400 მან. |
| აბრეშუმსახვევი | 1 | 4800 " |
| თუქსასხმელი | 1 | 10000 |
| ბამბის | 1 | 1500 |
| სპილენძის კურკლის | 1 | 4200 |
| არყის | 1 | 100000 |
| ლუდის | 2 | 4050 |
| ტყავის | 1 | 66150 |

¹ იქვე, ფურც. 10.

² იქვე, ფურც. 64.

³ იქვე.

⁴ ЦГИАЛ, ф. 1268, оп. 9, 1858, д. 311, л. 27.

⁵ იქვე.

⁶ ЦГИАЛ, ф. 1268, оп. 10, 1860, д. 170, л. 63.

| | | |
|----------|----|----------------------|
| საპნის | 8 | 31250 |
| სახერხი | 2 | 3000 |
| სანთლის | 4 | 13990 |
| კრამიტის | 1 | 11000 „ |
| აგურის | 48 | 58000 „ ¹ |

გორისა და მის მაზრაში აღსანიშნავი იყო ტყავის, აგურის, არყის სახდელი, სახერხი, მინისა და სხვა საწარმოები. ამათ შორის აგურის ოთხმა საწარმომ ამ წელს გამოუშვა 5000 მანეთის პროდუქცია, სახერხმა — 2750 მანეთისა, მინისამ — 10.000 მანეთისა და სხვ. სიღნაღში ითვლებოდა 10 აგურის საწარმო 6000 მან. წლიური პროდუქციით, 3 ტყავის საწარმო 9000 მან. წლიური პროდუქციით, არყის სახდელი — 40, 13176 მან. წლიური პროდუქციით, 1 საპნის — 11000 მან. წლიური პროდუქციით² და სხვა.

1860 წელს თბილისის გუბერნიაში 306 სამრეწველო საწარმოა აღრიცხული. მათ ამ წელს გამოიმუშავეს 387058 მანეთის პროდუქცია³.

1861 წელს თბილისის გუბერნიაში „ფაბრიკა-ქარხნების უწყისის“ თანახმად ითვლებოდა 386 საწარმო, მათ ამ წელს გამოიმუშავეს 453897 მანეთის პროდუქცია⁴.

1862 წელს თბილისის გუბერნიაში ირიცხებოდა 378 საწარმო, რომლებმაც აღნიშნულ წელს გამოიმუშავეს 707360 მანეთის პროდუქცია⁵. მათ შორის თბილისის საწარმოებმა მოგვცეს 545190 მანეთის პროდუქცია, ხოლო გუბერნიის დანარჩენმა საწარმოებმა 162170 მანეთის პროდუქცია.

თბილისის საწარმოებიდან აღსანიშნავი იყო:

| | საწ. რიცხვი | წლიური პროდუქცია |
|----------------------|-------------|------------------|
| საწახნაგო ფაბრიკა | 1 | 7500 მან. |
| სადურგლო | 1 | 14000 |
| თუჯსასხმელი | 1 | 2000 |
| საფქვაავი | 1 | 39000 |
| ბამბის | 1 | 24000 |
| სპილენძის კურკლეულის | 1 | 4200 |

¹ იქვე.

² იქვე.

³ ЦГИАЛ, ф. 1268, оп. 10, 1861, д. 228, лл. 118—119.

⁴ ЦГИАЛ, ф. 1268, оп. 10, 1862, д. 134, лл. 93—94.

⁵ ЦГИАЛ, ф. 1268, оп. 10, 1863, д. 108, лл. 110—113.

| | | |
|------------------------------|----|----------------------|
| ლუდის | 2 | 2915 |
| საზეინკლო | 1 | 10000 |
| ტყავის | 6 | 66000 |
| საპნის | 6 | 22000 |
| სანთლის | 3 | 6500 |
| აგურისა და კრამიტის | 71 | 283000 |
| აგურის (მანქანური წარმოების) | 1 | 25000 „ |
| ეტლის | 4 | 16750 „ ¹ |

1863 წელს თბილისის გუბერნიაში ითვლებოდა 417 საწარმო, რომლებმაც ამ წელს გამოიმუშავეს 688708 მანეთის პროდუქცია².

თბილისის შედარებით მსხვილმა საწარმოებმა ამ წელს გამოიმუშავეს:

| | საწ. რიცხვი | წლიური პროდუქცია |
|-------------------------------------|-------------|----------------------|
| საწახნავო | 1 | 12000 მან. |
| თუჯსასხმელი | 1 | 3000 |
| სადურგლო | 1 | 15200 |
| სპილენძის კურკლის | 1 | 4020 |
| ბამბის | 1 | 24500 |
| პურსაცხოზი (მანქანური წარმოების) | 1 | 3000 |
| ლუდის | 1 | 3000 |
| სანთლის | 2 | 2000 |
| სახერხი | 19 | 26950 |
| საზეინკლო | 1 | 11000 |
| ტყავის | 10 | 68200 |
| საპნის | 8 | 16820 |
| სამეთუნეო | 5 | 2000 |
| აგურის | 60 | 227750 |
| კრამიტის | 11 | 10870 |
| კირის | 1 | 1000 |
| პაპიროსისა და თამბაქოს | 17 | 21000 „ |
| ეტლის | 4 | 17100 „ ³ |

ჩათახის თუჯსასხმელ და რკინის ქარხანამ გამოიმუშავა 30000 მანეთის პროდუქცია, ალავერდისა და შამბლულის სპილენძის საწარმოებმა — 73000 მანეთისა, დუშეთის უბნის სოფელ საშაბუროს

¹ ი. ქ. ე. ე. შუკო 110.

² ЦГИАЛ, ф. 1268, оп. 10, 1864, л. 137, лл. 64—66.

³ ი. ქ. ე. ე.

აგურის საწარმომ — 15000 მანეთის, ატენის (გორის მაზრა) სახერხმა საწარმომ 4000 მან., ღვარების მინის ქარხანამ 10000 მან., სიღნაღის აგურის საწარმოებმა (13 საწარმო) 3680 მან., ტყავის (2 საწარმო) — 3828 მან., სოფელ ანაგის (სიღნაღის უბანი) საპნის საწარმომ 10000 მანეთის პროდუქცია¹ და სხვ.

1864 წელს თბილისის გუბერნიაში გუბერნატორის ანგარიშის თანახმად იყო 479 საწარმო, რომლებმაც აღნიშნულ წელს მოგვცეს 319913 მანეთის პროდუქცია².

თბილისის შედარებით მსხვილმა საწარმოებმა გამოიმუშავეს:

| | საწ. რიცხვი | წლიური პროდუქცია |
|--|-------------|----------------------|
| საწახნაგო ფაბრიკა | 1 | 12000 მან. |
| საწეინკლო-მექანიკური | 1 | 6000 |
| სპილენძის ქურქლის | 1 | 4500 |
| პურსაცხობის და მაკარონის (მანქანური წარმოების) | 1 | 2000 |
| ლუღის | 4 | 3000 |
| სანთლის | 2 | 2000 |
| სახერხი | 33 | 49000 |
| ტყავის | 10 | 60000 |
| საპნის | 8 | 17000 |
| აგურის | 93 | 370000 |
| კრამიტის | 11 | 14000 |
| პაპიროსისა და თამბაქოს | 8 | 24000 „ |
| ეტლის | 5 | 21000 „ ³ |

ჩათახის რკინისა და თუჯის ქარხანამ გამოიმუშავა 40000 მანეთის პროდუქცია, ბარონ კუჩენბახის ყველის მკეთებელმა საწარმომ 5000 მანეთისა. ღუშეთის უბნის სოფელ საშაბუროს აგურის საწარმომ 1000 მანეთის, ატენის სახერხმა საწარმომ 4000 მან., ღვარების მინის ქარხანამ 16000 მან., სიღნაღის ტყავის საწარმოებმა (2 საწარმო) — 4000 მან., ანაგის საპნის საწარმომ — 12000 მან., უკანააურის აგურის საწარმომ 5000 მანეთის პროდუქცია⁴ და სხვ.

1865 წელს თბილისის გუბერნიაში ითვლებოდა 461 საწარმო⁵. აგედან 236 საწარმო ითვლებოდა ქ. თბილისში, თბილისის მაზრაში

¹ ი. ქ. ვ.

² ЦГИАЛ. ф. 1268, оп. 10, 1865, д. 127, лл. 67—69.

³ ი. ქ. ვ.

⁴ ი. ქ. ვ.

⁵ საქ. ცსსა, ფონდი 414, აღწერა 1, საქმე 18, ფურც. 11—12.

30 საწარმო, ქ. გორში — 31 საწარმო, გორის მაზრაში — 4 საწარ-
 მო, ქ. სიღნაღში — 10 საწარმო, სიღნაღის მაზრაში — 40 საწარმო,
 ქ. თელავში — 36 საწარმო, მთიულეთის ოკრუგში — 1 საწარმო,
 თიანეთის ოკრუგში — 11 საწარმო, ელისავეტპოლსა და მის მაზრა-
 ში — 62 საწარმო¹. 1865 წელს ყველა ამ სამრეწველო საწარმომ
 გამოიმუშავა 1199550 მანეთის პროდუქცია². მათ შორის სპილენძის
 საწარმოებმა — 400000 მანეთის პროდუქცია, აგურის — 394.000
 მანეთისა, საპნის — 27850 მანეთის, თამბაქოს — 30000 მან., ტყა-
 ჯის — 71850 მან., არყის — 10400 მან., თუქსასხმელი — 40000
 მან., სამეთუნეო — 29850 მან., მინის — 15000 მან., ეტლის —
 25000 მან., სახერხმა საწარმოებმა — 60000 მანეთის პროდუქცია³.
 საწახანაგო საწარმომ — 15000 მანეთის, მექანიკური-საზეინკლო-
 საწარმომ 10000 მანეთის პროდუქცია⁴ და სხვ.

ზემოთ აღნიშნული „ფაბრიკა-ქარხნების“ უწყისების მონაცე-
 მები ნათლად გვიჩვენებს კაპიტალისტური საწარმოებისა და მათ
 მიერ გამოიმუშავებული პროდუქციის ზრდას რეფორმამდელი ხანის
 საქართველოში. თუ 1851 წელს თბილისის გუბერნიამი ითვლებოდა
 131 საწარმო 178.323 მანეთი წლიური პროდუქციით, 1865 წელს
 მათ რიცხვმა 461 მიაღწია, რომლის წლიური პროდუქცია
 1199550 მანეთს შეადგენდა. „ფაბრიკა-ქარხნების“ ეს უწყი-
 სები, რომელთაც მაზრის უფროსები, ქალაქის პოლიციებისტე-
 რები თუ სხვა მოხელეები ადგენდნენ და მანუფაქტურისა
 და ვაჭრობის დეპარტამენტს წარუდგენდნენ, როგორც აღნიშ-
 ნეთ, შეიცავენ მთელ რიგ ნაკლოვანებებს. უწყისებში სრულად არ
 არის აღნუსხული ყველა საწარმო, ხშირად მნიშვნელოვანი
 საწარმოებიც. ასე მაგალითად, მთელი რიგი წლების უწყისებში
 გამოტოვებულია თბილისის პაპიროსისა და თამბაქოს საწარმოები,
 რომლებიც 50-იანი წლებიდან არსებობდნენ და მნიშვნელოვანი
 რაოდენობის პროდუქციას ამზადებდნენ. ასევე ხშირად გამოტოვე-
 ბულია თბილისის საინსტრუმენტო და სამღებრო საწარმოები, ალა-
 ვერდისა და შამბლულის სპილენძის საწარმოები და სხვა. ამავ
 დროს უწყისებში ხშირად არასწორად არის მოცემული მთელ რიგ
 საწარმოთა მიერ გამოიმუშავებული პროდუქციის ოდენობა მანეთებ-
 ში. იგი თითქმის ყოველთვის შემცირებულად არის ნაჩვენები.
 ამის მიზეზი თვით საწარმოების მეპატრონეები იყვნენ, რომლებიც

¹ ი ქ ვ ე .

² ი ქ ვ ე .

³ ი ქ ვ ე .

⁴ ЦГИАЛ, ф. 1268, оп. 11, 1866, д. 142, л. 70.

ენობებს ხშირად არასწორად აწვდიდნენ. ისინი ყოველთვის გამო-
მუშავებული პროდუქციის ნაკლებ რაოდენობაზე მიუთითებდნენ,
ვიდრე სინამდვილეში იყო. ყველა ამ გარემოებას თუ გავითვალის-
წინებთ დავინახავთ, რომ საქართველოში მეტი სამრეწველო საწარ-
მო არსებობდა და მათ მიერ გამომუშავებული პროდუქცია გაცი-
ლებით მეტი იყო, ვიდრე იგი „ფაბრიკა-ქარხნების“ უწყისებშია
მოცემული. მაშასადამე, სამრეწველო საწარმოთა და მათ მიერ გა-
ნომუშავებული პროდუქცია რეფორმამდელ საქართველოში ასე
იზრდება:

თ ბ ი ლ ი ს ი ს გ უ ბ ე რ ნ ი ა

| წლები | საწ. რიცხვი | პროდუქცია |
|-------|-------------|------------|
| 1835 | 48 | 50000 მან. |
| 1851 | 131 | 178323 |
| 1852 | 154 | 211820 |
| 1858 | 239 | 512321 |
| 1862 | 378 | 707360 |
| 1864 | 479 | 819913 |
| 1865 | 461 | 1199550 |

ქუთაისის გუბერნიაში მრეწველობა, თბილისის გუბერნიასთან
შედარებით, გაცილებით სუსტად იყო განვითარებული, მაგრამ სა-
წარმოებისა და მათი პროდუქციის ზრდა აქაც შეიმჩნეოდა.

ქ უ თ ა ი ს ი ს გ უ ბ ე რ ნ ი ა

| წლები | საწ. რიცხვი | პროდუქცია |
|-------|-------------|------------------------|
| 1847 | 12 | 6735 მან. ¹ |
| 1850 | 17 | 11780 „ ² |
| 1855 | 22 | 21540 „ ³ |
| 1861 | 42 | 23398 „ ⁴ |

აქ ეს საწარმოები იყო: ტყაეის, სპანის, აბრეშუმის, ბამბის,
თამბაქოს, არყის, აგურისა და სხვ.

ამრიგად, საგლეხო რეფორმის წინ საქართველოში არსებობდა
500-ზე მეტი შედარებით მსხვილი და წვრილი სამრეწველო საწარ-
მო, ე. ი. 1835 წელთან შედარებით მათი რიცხვი გაიზარდა 10 ჯერ,

¹ ЦГИАЛ, ф. 1281, оп. 4, д. 132, л. 55.

² ЦГИАЛ, ф. 1281, оп. 5, д. 99, л. 56.

³ ЦГИАЛ, ф. 1281, оп. 6, д. 165, л. 24.

⁴ ЦГИАЛ, ф. 1268, оп. 10, 1862, д. 134, л. 126.

ბოლო პროდუქცია 30-ჯერ და მეტად. ამასთან, როგორც ზემოთ აღვნიშნეთ, მხედველობაში უნდა მივიღოთ ის გარემოება, რომ საწარმოთა ოფიციალურ უწყისებში შემეცირებულია როგორც საწარმოთა რიცხვი, ასევე განსაკუთრებით მათი წლიური პროდუქცია. აქ უნდა აღინიშნოს, რომ, საერთოდ ცარიზმის მოხელეებს „ფაბრიკა-ქარხნების უწყისებში“ ფაბრიკებისა და მანუფაქტურების გვერდით შექპონდათ რიგი შედარებით მსხვილი ხელოსნური და შინამრეწველური სარეწებიც, რადგან ისინი არ ანსხვავებდნენ მათ ერთიმეორისაგან. ამიტომ რეფორმამდელ ხანაში არსებული 500-ზე მეტი სამრეწველო საწარმო უკლებლივ ყველა მანუფაქტურა და ფაბრიკა არ ყოფილა. ნაწილი საწარმოებისა ხელოსნური და შინამრეწველური იყო.

XIX საუკუნის 30-იანი წლებიდან დაწყებული ვიდრე საგლებო რეფორმამდე, საქართველოში კაპიტალისტური საწარმოების ზრდით თანდათან ფართოვდებოდა ბურჟუაზიული ურთიერთობა და მასში მოსახლეობის უფრო და უფრო მეტი რაოდენობა ექცეოდა.

კაპიტალისტური მეურნეობის განვითარება რეფორმამდელ ხანაში, განსაკუთრებით 40-იანი წლებიდან იწვევდა სავაჭრო-სამრეწველო მოსახლეობის ზრდას, ქალაქების მოსახლეობის ზრდას, ე. ი. თანდათან ხდებოდა სოფლის „მოსახლეობის მიზიდვა მიწათმოქმედებიდან სავაჭრო—სამრეწველო მოსაქმეობისაკენ“ (ლენინი). ლენინი აღნიშნავს, რომ „იმ ქალაქთა მოსახლეობა, რომელნიც მსხვილ ინდუსტრიულ და სავაჭრო ცენტრებს წარმოადგენენ, გაცილებით უფრო სწრაფად იზრდება, ვიდრე, საზოგადოდ ქალაქთა მოსახლეობა“¹.

რეფორმამდელ ხანაში (განსაკუთრებით 30-იანი წლებიდან) იზრდებოდა საქართველოს მოსახლეობა. 1835 წელს აღმოსავლეთ საქართველოში ითვლებოდა 450.000 სული მოსახლეობა², 1856 წელს — 483035 სული³. 1865 წელს კი მოსახლეობის რიცხვი უდრიდა 602954 სულს⁴.

1835 წელს დასავლეთ საქართველოს (იმერეთი, გურია, სამეგრელო, სვანეთი, აფხაზეთი) მოსახლეობა უდრიდა 289.000 სულს⁵. 1865 წელს კი მარტო ქუთაისის გუბერნიაში იგი შეადგენდა 430000 სულს⁶. რეფორმამდელ პერიოდში მოსახლეობის საერთო ზრდასთან

¹ ე. ი. ლენინი, ტ. 3, გვ. 663.

² Статист. опис., გვ. 130, 179.

³ ЦГИАЛ, ф. 1268, оп. 9. (1858), д. 101, л. 2.

⁴ ЦГИАЛ, ф. 1268, оп. 11 (1866), д. 142, л. 2.

⁵ Статист. опис., გვ. 157, 164, 168, 169, 172.

⁶ ЦГИАЛ, ф. 1268, оп. 11 (1866), д. 142, л. 127.

შედარებით მეტად იზრდებოდა ქალაქების — თბილისის, გორის, ქუთაისის, სიღნაღის და თელავის მოსახლეობა.

გორის მოსახლეობა 1835 წელს უდრიდა 3000 სულს¹, 1865 წელს კი 5054 სულს² შეადგენდა.

სიღნაღის მოსახლეობა 1835 წელს უდრიდა 3500 სულს³. 1865 წელს კი 9687 სულს⁴.

თელავის მოსახლეობა 1835 წელს უდრიდა 2680 სულს⁵, 1865 წელს კი 7300 სულს⁶.

ქუთაისის მოსახლეობა 1835 წელს უდრიდა 2.000 სულს⁷. 1865 წელს კი 11807 სულს შეადგენდა⁸.

განსაკუთრებით მნიშვნელოვნად იზრდებოდა თბილისი და მისი მოსახლეობა. თბილისის მოსახლეობა შეადგენდა:

| | |
|-----------|---------------------------|
| 1835 წელს | — 25290 სულს ⁹ |
| 1843 | — 33790 „ ¹⁰ |
| 1850 | — 34891 „ ¹¹ |
| 1852 | — 35196 „ ¹² |
| 1856 | — 37534 „ ¹³ |
| 1860 | — 44421 „ ¹⁴ |
| 1861 | — 49404 „ ¹⁵ |
| 1862 | — 60776 „ ¹⁶ |
| 1863 | — 62116 „ ¹⁷ |
| 1865 | — 67253 „ ¹⁸ |

¹ Статист. опис. Закавказ. края, Спб., 1835, გვ. 148.

² Сборн. стат. свед. о Кавказе, Тиф., 1869, отд. II, გვ. 64.

³ Статист. опис... გვ. 148.

⁴ Сборн. статис... გვ. 64.

⁵ Статист. опис... გვ. 148.

⁶ Сборн. статис... გვ. 44.

⁷ Статист. опис... გვ. 161.

⁸ Сборн: статис... გვ. 65.

⁹ Статист, опис... გვ. 142:

¹⁰ ЦГИАЛ, ф. 1268, оп. 1, д. 744, л. 97.

¹¹ ЦГИАЛ, ф. 1268, оп. 7, д. 25, л. 92.

¹² ЦГИАЛ, ф. 1263, оп. 44, 1854, д. 2426, л. 178.

¹³ ЦГИАЛ, ф. 1268, оп. 9, 1858, д. 101, л. 62.

¹⁴ ЦГИАЛ, ф. 1268, оп. 10, 1861, д. 228, л. 123.

¹⁵ ЦГИАЛ, ф. 1268, оп. 10, 1862, д. 134, л. 98.

¹⁶ ЦГИАЛ, ф. 1268, оп. 10, 1863, д. 108, л. 122.

¹⁷ ЦГИАЛ, ф. 1268, оп. 10, 1864, д. 137, л. 70.

¹⁸ ЦГИАЛ, ф. 1268, оп. 11, 1866, д. 142, л. 76.

გარდა მკვიდრი მოსახლეობისა, თბილისში დიდი რაოდენობით იმყოფებოდა დროებით მოსულნი ამიერკავკასიიდან, სპარსეთიდან და სხვა ადგილებიდან. ასე მაგალითად, 1863 წელს თბილისში ღროებით მოსული მოსახლეობა 48—50 ათასს სულს უდრიდა, ე. ი. მკვიდრი და დროებით მცხოვრებთა რიცხვი აღნიშნულ წელს თბილისში 100000 სულს აღემატებოდა¹.

60-იანი წლების დასაწყისში თბილისი უკვე მნიშვნელოვანი სავაჭრო-სამრეწველო ცენტრი ხდება. ვითარდება მრეწველობა და შესაბამისად სამრეწველო მუშათა რიცხვი. თბილისის სამხედრო გუბერნატორი 1847 წელს გუბერნიის ანგარიშში აღნიშნავდა: „В Тифлисе число промышленников с каждым годом возрастает“². ქ. თბილისის პოლიცემისტერის 1862 წლის ანგარიშში ვკითხულობთ: „Против прошлого года устройство заводов увеличивается, по случаю предстоящей потребности от народонаселения и расширения города“³. ქალაქის მოსახლეობა თანდათან ჰკიდებდა ხელს სავაჭრო-სამრეწველო საქმიანობას. „Коренных крестьян, которых можно признать сельскими обывателями города всего: казенных 27451, церковных 3207, помещичьих 3079, дворовых людей 1472, итого 35209 душ. Немногие из них занимаются сельским хозяйством, прочие же промыслами и ремеслами, нанимаются сидельцами в лавки и питейные заведения, а другие, имея порядочное состояние, сами ведут торговлю... Сельское хозяйство в полном значении этого слова в городе вовсе нет. Жители занимаются извозами, другими промыслами и хозяйством“⁴ რეფორმამდელ ხანაში თბილისი ხდება მთელი ამიერკავკასიის სავაჭრო ცენტრი: „Тифлис есть центр всей закавказской торговли, обороты которой сравнительно с потребностями края довольно значительны, хотя определить их положительными цифрами невозможно по необъявлению торгующими своих капиталов“⁵. 1846 წელს თბილისში არსებული სავაჭრო კაპიტალის რაოდენობას, როგორც აღნიშნული გვაქვს, ვარაუდობდნენ 5 მილიონ მანეთამდე⁶. 1862 წელს თბილისის სავაჭრო ბრუნვა უდრიდა 2 მილიონ მანეთამდე (1988200 მან.)⁷ თბილისში საქონელი მოჰქონდათ ყველა მხრიდან და შემდეგ აქედან ასევე გაჰქონდათ კავკასიის ყველა მხარეში.

¹ Сборн. статист., отд. II გვ. 83—84.

² ЦГИАЛ, ф. 1281, оп. 4, 1848, д. 134, л. 19.

³ საქ. ცსსა, ფონდი 17, საქმე 8957, ფურც. 145—146.

⁴ საქ. ცსსა, ფონდი 17, საქ. 8957, ფურც. 146.

⁵ ЦГИАЛ, ф. 1268, оп. 2, д. 775, л. 14.

⁶ ЦГИАЛ, ф. 1268, оп. 10, 1862 г. д. 134, л. 6.

⁷ საქ. ცსსა, ფონდი 17, საქმე 8957, ფურც. 214.

კაპიტალიზმის განვითარების საკითხში ყველაზე დიდი მნიშვნელობა აქვს დაქირავებული შრომის გამოყენებისა და გავრცელების მასშტაბს, რადგან „კაპიტალიზმი სასაქონლო წარმოების განვითარების ის სტადია არის, როდესაც თვით სამუშაო ძალაც იქცევა საქონლად“¹. სტალინი წერს, რომ „კაპიტალისტური წარმოება არის სასაქონლო წარმოების უმაღლესი ფორმა“². საქართველოში, რეფორმამდელ ხანაში, დაქირავებული შრომის გამოყენება მრეწველობაში თანდათან ფართოვდება. იგი იზრდებოდა სამრეწველო საწარმოების ზრდასთან ერთად. რეფორმამდელი საქართველოს მრეწველობაში აშკარად ჩანს დაქირავებული შრომის სულ უფრო მეტად გამოყენებისა და უფრო მსხვილი კაპიტალისტური სახელოსნოების შექმნის ტენდენცია. როგორც საერთოდ, საქართველოშიც კაპიტალის ყოველ დაგროვებასთან ერთად იზრდებოდა დაქირავებული შრომის მოთხოვნა. კაპიტალისტური წარმოების მიზანი ზედმეტი ღირებულების წარმოებაა, ხოლო ამ უკანასკნელის წყაროს დაქირავებული შრომა წარმოადგენს. რაც მეტად იზრდება დაქირავებული მუშების რიცხვი საწარმოებში, იმდენად იზრდება ზედმეტი ღირებულებაც, რადგან კაპიტალისტი, ვთქვათ 10 მუშას იმდენს ვერ ამოსწოვს, რამდენსაც 20 მუშას. მარქსი წერს: „ზედმეტი ღირებულებას მხოლოდ კაპიტალის ცვალებადი ნაწილი (დაქირავებული მუშები — დ. გ.) წარმოშობს, და... ზედმეტი ღირებულების მასა ორი ფაქტორით განისაზღვრება: ზედმეტი ღირებულების ნორმით და იმავდროულად დასაქმებულ მუშათა რიცხვით“³. „კაპიტალის ზრდა გულისხმობს მისი ცვალებადი, ანუ სამუშაო ძალად გადაქცეული. შემადგენელი ნაწილის ზრდას“⁴.

XIX ს. 30-იან წლებში თბილისის გუბერნიაში არსებულ სამრეწველო საწარმოებში ირიცხებოდა დაახლოებით 250—300 დაქირავებული მუშა. 1865 წელს კი აქ სამრეწველო საწარმოებში მუშები, ოსტატები და შეგირდები შეადგენდა 6809 კაცს⁵ (ამ რიცხვში რა თქმა უნდა არ შედიან ამქრები). დაქირავებული შრომის გამოყენება იზრდებოდა აგრეთვე დასავლეთ საქართველოში. უნდა ვიფიქროთ, რომ საგლეხო რეფორმის წინ მთელ საქართველოში, სხვადასხვა სამრეწველო საწარმოებში ითვლებოდა 5—6 ათასამდე დაქირავებული მუშა. სამრეწველო საწარმოებში დასაქმებული

¹ ვ. ი. ლენინი, ტ. 3, გვ. 688.

² ი. ბ. სტალინი, სოციალიზმის ეკონომიკური პრობლემები სსრ კავშირში, 1952 წ., გვ. 16.

³ კ. მარქსი, კაპიტალი ტ. I, გვ. 515.

⁴ იქვე, გვ. 773.

⁵ საქ. ცსსა, ფონ. 414, აღწერა 1, საქმე 18, ფურცელი 11—12.

დაქირავებული მუშების გარდა იყვნენ აგრეთვე სასოფლო-სამეურნეო დაქირავებული მუშები, მშენებელი დაქირავებული მუშები, მტვირთავეები და სხვ. საგლახო რეფორმის წინ ნებითდაქირავებულ შრომას უკვე მნიშვნელოვანი ადგილი ეკირა ქვეყნის ეკონომიკაში.

წარმოებაში ჩაბმულ მომუშავეთა რიცხვის ზრდის დროს ჯერ მეპატრონე ფიზიკური მუშაობისაგან ითავისუფლებს თავს. ეს ხდება მარტივი კაპიტალისტური კოოპერაციის დროს. ხოლო, როდესაც „დაქირავებული მუშების რიცხვი აღწევს 10-ს ან გადაამეტებს ამ ციფრს“. მეპატრონე, ფიზიკური მუშაობის გარდა, თავს ანებებს მუშებზე პირად ზედამხედველობასაც და ზედამხედველად ოსტატს ნიშნავს. აქ უკვე იგი პატარა კაპიტალისტი ხდება. მუშებზე მეთვალყურეობის ფუნქციას იგი გადასცემს დაქირავებულ მმართველებსა და ოსტატებს. რომლებიც მეპატრონე კაპიტალისტის სახელით მართავენ საწარმოს. „როგორც ჯარი საჭიროებს სამხედრო უფროსებს, — წერს მარქსი — სწორედ ასევე მუშების მასაც. რომელიც ერთისა და იმავე კაპიტალის მბრძანებლობის ქვეშ ერთად მოქმედებს, საჭიროებს სამრეწველო ობერ-ოფიცრებს (გამგებებს...) და უნტერ-ოფიცრებს (შრომის ზედამხედველებს...). რომელნიც შრომის პროცესის განმავლობაში კაპიტალის სახელით მბრძანებლობენ“¹. ჩვენ უამრავი მაგალითები გვაქვს რეფორმამდელი ხანის კაპიტალისტური საწარმოებისა, სადაც მუშების მეთვალყურეები და საწარმოთა მმართველები დაქირავებული ოსტატები იყვნენ (შაქრის, ტყავის, რომის, საპნის და სხვა საწარმოები). მთელ რიგ საწარმოებში, როგორც დაინახეთ, თავმოყრილი იყო 15 და მეტი დაქირავებული მუშა და ამრიგად, როგორც ლენინი აღნიშნავს, ასეთი საწარმოების მეპატრონეები „ნამდვილი“ კაპიტალისტები იყვნენ. დაქირავებული მუშების მეტი რიცხვის გამოყენებას დიდი მნიშვნელობა აქვს. რადგან კაპიტალისტური სახელოსნოს განსწავება წერილი მრეწველის სახელოსნოსაგან თავდაპირველად, მხოლოდ ერთდროულად მომუშავე მუშების რიცხვში მდგომარეობს. „მუშათა უფრო დიდი რიცხვის მოქმედება ერთსა და იმავე დროს, ერთსა და იმავე ადგილზე (ან, თუ გნებავთ, შრომის ერთსა და იმავე ასპარეზზე), ერთი და იმავე სახის საქონლის საწარმოებლად, ერთი და იმავე კაპიტალისტის მბრძანებლობით, ისტორიულად და ლოგიკურად კაპიტალისტური წარმოების ამოსავალ პუნქტს შეადგენს“².

¹ კ. მარქსი, კაპიტალი, ტ. I, გვ. 422.

² იქვე, გვ. 409.

რეფორმამდელი ხანის სამრეწველო საწარმოები საქართველოში ძირითადად განეკუთვნებოდნენ მარტივი კაპიტალისტური კოოპერაციის ტიპის წვრილ კაპიტალისტურ სახელოსნოებს (სადაც მუშაობდნენ ცოტად თუ ბევრად დაქირავებული მუშები, რომლებიც წარმოებაში შრომის დანაწილების გარეშე ერთნაირ სამუშაოს ასრულებდნენ) და მანუფაქტურულ საწარმოებს. მანუფაქტურული საწარმოების დიდი ნაწილი თავმოყრილი იყო თბილისში.

40—50-იან და განსაკუთრებით 60-იან წლებში, ზოგიერთ საწარმოში შემოღებულ იქნა ორთქლის მანქანები. როგორც დაინახეთ, ასეთი საწარმოები იყო: თბილისში — რომიარაყის, საწახნაგო, ზეტცერის საავეჯო, მაკარონის, პურსაცხობისა და აგურის (ერთი) საწარმოები, ჩათახის თუქსასხმელი საწარმო, ღუშეთის აგურის საწარმო, სოფ. კოსნატის (იმერეთი) არყის საწარმო, ზუგდიდისა და ორპირის აბრეშუმსასავევა საწარმოები და სხვ. ეს საწარმოები იმ დროის ფაბრიკებს წარმოადგენდნენ. ორთქლის მანქანების შემოღებას დიდი მნიშვნელობა ჰქონდა, რადგან კაპიტალიზმის მანქანური პერიოდი იწვევს ნამდვილ გადატრიალებას წარმოების წესში. მაგრამ ორთქლის მანქანების გამოყენება ზოგიერთ საწარმოებში სრულებით არ წარმოადგენდა საერთო დამახასიათებელ მოვლენას და იგი წარმოების ტექნიკური ბაზისის საერთო მდგომარეობას სრულებით ვერ სცვლიდა რეფორმამდელ საქართველოში.

ჩვენს მიერ განხილულ საწარმოებში ტექნიკურ საფუძველს ხელით წარმოება შეადგენდა. უფრო მსხვილი კაპიტალისტური საწარმოები, რომლებიც მანუფაქტურები იყვნენ. მიმართავდნენ შრომის სისტემატურ დანაწილებას. ასეთებს წარმოადგენდნენ ტყავის, თამბაქოს, აბრეშუმის, შაქრის, აგურის, მექანიკური და მთელი რიგი სხვა საწარმოები. მანუფაქტურული სარეწების საერთო ნიშანი ხელით წარმოების შენარჩუნება და შრომის სისტემატური დანაწილება არის. წარმოების პროცესის სხვადასხვა სადეტალო ოპერაციებს სხვადასხვა სპეციალისტი-ხელოსნები ასრულებენ. ასეთი სპეციალისტების მომზადება კი სწავლას ითხოვდა. ამიტომ „მანუფაქტურის ბუნებრივი თანამგზავრია შეგირდობა“¹. შეგირდობა მანქანური ინდუსტრიის დროს ჰქრება, „როცა მანქანები მიიქმნება — ამდენ ამცირებენ სწავლების პერიოდს, ან როცა ისეთი მარტივი სადეტალო ოპერაციები ჩნდება, რომ მათი შესრულება ბავშვებსაც კი შეუძლიათ“². რეფორმამდელი ხანის კაპიტალისტურ სარეწებში

¹ ვ. ი. ლენინი. ტ. 3, მეოთხე გამოც. გვ: 502.

² იქვე, გვ. 503.

ჩვენ უხვად შევხვდით შეგირდებს (მოწაფეებს), კაპიტალისტური მანუფაქტურის ამ ფრიად დამახასიათებელ ნიშანსა და „ბუნებრივ თანამგზავრს“.

ახლა საინტერესოა გავარკვიოთ საკითხი: რომელი გზით განვითარდა კაპიტალიზმი საქართველოს მრეწველობაში? მარქსი წერს, რომ „ფეოდალური წარმოების წესიდან გადასვლა სრულდება ორგვარად... მწარმოებელი იქცევა ვაჭრად და კაპიტალისტად. ეს არის ნამდვილი რევოლუციის მომხდენი გზა. ანდა ვაჭარი დაეუფლება უშუალოდ წარმოებას“¹. ამ შემთხვევაში წარმოების ძველი წესი შედარებით კონსერვირდება და ინახება, აღნიშნავს მარქსი. მარქსის მიერ აღნიშნული წარმოების კაპიტალისტურ წესზე გადასვლის მეორე გზა — ვაჭრის მიერ წარმოების დამორჩილება, როგორც ლენინი განმარტავს, გულისხმობს შემდეგს: ვაჭარი-შემსყიდველი თანდათან იმორჩილებს წვრილ მრეწველს. ჯერ ვაჭარი წვრილი მრეწველისაგან ყიდულობს საქონელს და ბაზარზე ყიდის. შემდეგ წვრილი მრეწველი ხელმოკლეობის გამო, ვაჭარ-შემსყიდველისაგან სესხულობს ფულს, და, შემდეგ ვალში აძლევს თავის საქონელს. აქ შემსყიდველი მეექვსე ხდება, წვრილი მრეწველი კი თანდათანობით კაბალაში ექცევა. შემდეგში, ვაჭარი-შემსყიდველი წვრილ მრეწველს აძლევს საქონელს იმ ნაწარმის ფასში, რომელიც მან უნდა წაიღოს წვრილი მრეწველისაგან. აქ, ვაჭარი „შინამრეწველს“ სწყვეტს მზა ნაწარმის ბაზარს. დაბოლოს, ვაჭარი-შემსყიდველი წვრილ მრეწველს აძლევს ისეთ ნედლეულს ან დამხმარე მასალებს, რომელნიც მას სჭირდება წარმოებისათვის. აქ უკვე ვაჭარი შემსყიდველი. საბოლოოდ იმორჩილებს „შინამრეწველს“, რადგან იგი მან ჯერ მოსწყვიტა მზა ნაწარმის ბაზარს, ახლა კი — ნედლეულის ბაზარს. ამის შემდეგ ვაჭარი-შემსყიდველი მის მიერ მიცემულ ნედლეულს განსაზღვრულ ფასებში ამუშავებინებს. შინამრეწველი ფაქტიურად ხდება დაქირავებულ მუშად, რომელიც მუშაობს კაპიტალისტისათვის თავის სახლში; აქ შემსყიდველის საჭაპრო კაპიტალი იქცევა სამრეწველო კაპიტალად². შემდგომი განვითარება იწვევს კაპიტალისტური მანუფაქტურის წარმოშობას: წარმოებაში შემოაქვთ შრომის სისტემატური დანაწილება. ვაჭარი-შემსყიდველი გამოყოფს ზოგიერთ დეტალობრივ ოპერაციას და დაქირავებული მუშების საშუალებით აწარმოებს მას თავის სახელოსნოში შინ სა-მუშაოს დარჩევბასთან ერთად და მასთან კავშირში. იქმნება შრომის

¹ კ. მარქსი, კაპიტალი, ტ. III, ნაწ. 1, 1932, გვ. 291.

² ვ. ი. ლენინი, ტ. 3, მეოთხე გამოც. გვ. 428—430.

დანაწილებაზე დამყარებული მსხვილი სახელოსნოები, რომლებიც ხშირად ამავე შემსყიდველებს ეკუთვნით¹. ეს არის წარმოების კაპიტალისტურ წესზე გადასვლის ის გზა, როდესაც ვაჭარი იმორჩილებს წარმოებას. რეფორმამდელ საქართველოს მრეწველობაში, წარმოების კაპიტალისტურ წესზე გადასვლა და მანუფაქტურის ამ გზით წარმოშობას არ ჰქონია ადგილი². რა თქმა უნდა, ვაჭარი-შემსყიდველები რეფორმამდელი ხანის საქართველოში მრავლად იყვნენ, მაგრამ მათ სავაჭრო კაპიტალს წვრილ სარეწებში არ გაუვლია განვითარების ის სტადიები. რომლებიც ზემოთ აღვნიშნეთ. ვაჭარი-შემსყიდველების მოქმედება ამ მხრივ პირველი ნაბიჯებით მთავრდებოდა და არ ხდებოდა მათ მიერ წარმოების დაპყრობა. მაგრამ, როგორც აღნიშნულია, არსებობს კაპიტალისტურ წარმოებაზე გადასვლისა და მანუფაქტურის წარმოშობის მეორე გზაც — როდესაც თვით „მწარმოებელი იქცევა ვაჭრად და კაპიტალისტად“, ანდა როდესაც ვაჭრები უშუალოდ ხელს ჰკიდებენ საწარმოთა მოწყობას, აბანდებენ წარმოებაში ფულად კაპიტალს, და, ამრიგად მრეწველი კაპიტალისტები ხდებიან³. რეფორმამდელ საქართველოში კაპიტალისტური მრეწველობის განვითარება ამ გზით წარმოებდა. რიგ შემთხვევაში წვრილ საქონელმწარმოებელთა დაშლის შედეგად მათგან გამოდიოდნენ კაპიტალისტური მეწარმეები, რიგ შემთხვევაში კი მსხვილი ვაჭრები უშუალოდ აწყობდნენ სამრეწველო საწარმოებს — მეტწილად მანუფაქტურებს და მრეწველი კაპიტალისტები ხდებოდნენ (ზუბალაშვილები, სარაჯიშვილი, თამამშვივიშავერდოვი და მრავალი სხვ.). სამრეწველო საწარმოებს — მანუფაქტურებს რეფორმამდელ ხანაში აარსებდნენ პრივილეგირებული წოდების წარმომადგენლებიც (თავადი ნ. ჩიჯავაძე, თავ. ელიზ. ერისთავი და სხვ.) და ბოლოს, აღსანიშნავია, რომ ამავე პერიოდში საქართველოში, ზოგჯერ სამრეწველო საწარმოების (მანუფაქტურების) მოწყობა ხდებოდა სახელმწიფოს მხარდაჭერითა და ხელშეწყობით. ამიტომ რიგი მათგანი სახაზინო საწარმოები იყვნენ. ყველა ზემოთ ჩამოთვლილ შემთხვევაში კაპიტალისტური საწარმოების

¹ იქვე. გვ. 450.

² მოსაზრება, იმის შესახებ, რომ საქართველოში სავაჭრო კაპიტალს წვრილ სარეწებში არ გაუვლია განვითარების ის სტადიები, რომლებიც ბოლოს კაპიტალისტური მანუფაქტურების წარმოშობას იწვევდა, ეკუთვნის პროფ. ა. კიკვიძეს (იხ. მისი შრომა: საქართველოს ისტორია, XIX საუკუნე, თბ. 1955, გვ. 226—227) ჩვენ არ ვიცით ამ მხრივ როგორაა საქმე რეფორმისშემდგომ ხანაში, რადგან ეს პერიოდი ამჟამად ჩვენი კვლევის ობიექტი არაა. რაც შეეხება ამ მოსაზრებას რეფორმამდელ საქართველოს მრეწველობის მიმართ, ჩვენ იგი სწორად შევაჩინა

³ კ. შ ა რ ქ ი, კაპიტალი, ტ. III, ნაწ. 1, 1932, გვ. 291; 292, 293.

ძირითადად მანუფაქტურების წარმოშობა და განვითარება ქვეყნის ეკონომიური განვითარების შედეგად ხდებოდა. მანუფაქტურული წარმოება საქართველოში არსებობდა რეთორმის შემდგომ ხანაშიც. მართალია, ყველა საწარმოს არ გაუვლია კაპიტალისტური მრეწველობის ყველა საფეხური, დაწყებული მარტივი კაპიტალისტური კოოპერაციიდან დამთავრებული მანქანური წარმოებით — ფაბრიკით. კიდევ მეტი, კაპიტალიზმის განვითარების პროცესში რიგი კაპიტალისტური საწარმოები, მათ შორის მანუფაქტურები ეცემოდნენ, ე. ი. ყველა წვრილი კაპიტალისტური სახელოსნო არ გადაზრდილა მანუფაქტურულ წარმოებად, ხოლო ყველა მანუფაქტურული საწარმო — ფაბრიკად, მაგრამ ეს გარემოება სრულყოფილ არ იყო სავალდებულო და იგი არ უარყოფდა მანუფაქტურული საფეხურის არსებობას. კაპიტალისტურმა მრეწველობამ საქართველოში განვლო მანუფაქტურული საფეხური და იგი წინ უსწრებდა მანქანური წარმოების შემოსვლას.

ჩვენ განვიხილეთ სასაქონლო წარმოების, ბურჟუაზიულ მეურნეობათა და კაპიტალისტური მრეწველობის განვითარება საქართველოში XIX საუკუნის 30-იანი წლებიდან, ვიდრე საგლეხო რეფორმამდე. იგი ცხადპყფს, რომ 30-იანი წლებიდან, მას შემდეგ რაც ომები ამიერკავკასიაში რუსეთის გამარჯვებით დამთავრდა და მშვიდობიანობა დამყარდა, ქვეყანა ეკონომიურად სწრაფად დაწინაურდა. საქართველოს საზღვრების დაცვა და უშიშროება ერთ-ერთი მთავარი ფაქტორი იყო მისი სოციალ-ეკონომიური განვითარებისათვის. ამავე დროს უდიდესი მნიშვნელობა ჰქონდა იმ გარემოებას, რომ XIX ს. დასაწყისიდან საქართველო გაცილებით მეტად იქნა ჩაბმული მსოფლიო საქონელბრუნვაში. შედარებით მოკლე დროში, საქართველოს ესოდენ სწრაფი დაწინაურება იმის მაჩვენებელი იყო, რომ აქ აქამდე არსებობდა სათანადო საფუძვლები სოფლის მეურნეობისა და მრეწველობის განვითარებისათვის, ახალი მწარმოებლური ძალების განვითარებისათვის, თუ საგარეო მტრების ალაგმვით ქვეყანაში მშვიდობა დამყარდებოდა. ეს ჯერ კიდევ XVIII საუკუნის მეორე ნახევარში, კერძოდ ერეკლე II სამრეწველო წამოწყებებში კარგად ჩანდა¹. შემთხვევითი არ იყო, რომ რუსეთის იმპერიაში შემავალ მრავალ ოლქებს შორის საგლეხო რეფორმის წინ, ერთ-ერთი. სოციალ-ეკონომიურად დაწინაურებული ქვეყანა საქართველო იყო.

XIX საუკუნის 30-იანი და განსაკუთრებით 40-იანი წლებიდან საქართველოში, წინა პერიოდთან შედარებით სწრაფად ვითარდება სასაქონლო წარმოება, საშინაო და საგარეო ვაჭრობა, ირღვევა ნატურალურ კარჩაკეტილი მეურნეობა. გლეხური და მემამულური მეურნეობანი სულ უფრო და უფრო ებმებოდნენ საქონელგაცვლაში.

აღნიშნულ პერიოდში სოფლის მეურნეობის განვითარებაში მნიშვნელოვანი ძეგები ხდება. იზრდება მარცვლეულის მოყვანა, ვითარდება მევენახეობა-მელვინეობა, მეაბრეშუმეობა, მეთამბაქოეობა. მებამბეობა და სხვა. საქართველოს ცალკეულ რაიონებში ვითარდებოდა სოფლის მეურნეობის ესა თუ ის დარგი, ესა თუ ის კულტურა (მარცვლეული მეურნეობა, მევენახეობა, მეაბრეშუმეობა, მებამბეობა, მეთამბაქოეობა, მესაქონლეობა თუ სხვ.), რაც იწვევ-

¹ იხ. ნ. ბერძენიშვილი. სამღებროთა შესახებ XVIII ს. საქართველოშია მასალები: საქ. და კავ. ისტორიისათვის. ნაკ. 6, თბ. 1937, გვ. 446. საქართველოს ისტორია, ნაწ. 1, თბ. 1950, გვ. 404; საქართველოს ისტორია, 1958, გვ. 207—208:

და მათ სპეციალიზაციასა და სავაჭრო მიწათმოქმედების განვითარებას. ამ რაიონებს შორის სულ უფრო მეტად ვითარდებოდა საქონელ გაცვლა და მტკიცდებოდა მათ შორის ეკონომიური კავშირი. სოფლის მეურნეობის პროდუქციის სულ უფრო მეტი ნაწილი გამოდიოდა ბაზარზე, ასევე იზრდებოდა მისი გატანა საზღვარგარეთ. შრომის საზოგადოებრივი დანაწილებისა და სასაქონლო წარმოების განვითარებამ რეფორმამდელ ხანაში, ნიადაგი მოამზადა ბურჟუაზიული ურთიერთობის ჩასახვისა და განვითარებისათვის, რაც გამოიხატა ბურჟუაზიულ მეურნეობათა და კაპიტალისტური მრეწველობის წარმოშობაში.

ბურჟუაზიულ მეურნეობებში განვითარებული იყო სავაჭრო მიწათმოქმედება. წარმოებდა სოფლის მეურნეობის პროდუქტთა ტექნიკური გადამუშავება. ფართოდ იყენებდნენ ექსპლუატაციის კაპიტალისტურ წესს — ნებით დაქირავებულ შრომას, ზოგიერთ ბურჟუაზიულ მეურნეობაში ახერხებდნენ საზღვარგარეთული სასოფლო-სამეურნეო მანქანა-იარაღების გამოყენებას. სოფლად ბურჟუაზიულ ურთიერთობის შექრის შედეგად ზოგი საბატონო მეურნეობანი ადგება ბურჟუაზიული ევოლუციის გზას, და არსებითად ასეთი მეურნეობანი კაპიტალისტური მეურნეობის ხასიათს ატარებდნენ. რეფორმამდელ ხანაში ბურჟუაზიული ურთიერთობა სოფლად შეიქრა აგრეთვე გლეხურ მეურნეობაში, რის შედეგად გლეხობა დიფერენცირდებოდა. წარმოიშვა შეძლებულ გლეხთა ფენა, რომელთაც მსხვილი მეურნეობანი გააჩნდათ, სადაც ღარიბ და უმიწაწყლო გლეხთა დაქირავებულ შრომას იყენებდნენ. შეძლებული გლეხები ახდენდნენ ყმური დამოკიდებულებისაგან თავის გამოსყიდვას და ეწეოდნენ თავისუფალ მეწარმოებას. სასაქონლო წარმოების განვითარებამ კაპიტალისტური განვითარების გზას დააყენა საბატონო მეურნეობათა მეტად უმნიშვნელო ნაწილი, უმრავლესობა კი დალუპვის პირას მიიყვანა. ბურჟუაზიული ურთიერთობის განვითარების შედეგად ფულზე გაზრდილმა მოთხოვნებამ რეფორმამდელ ხანაში არნახულად გაზარდა მემამულეთა დავალიანება. მემამულეები კარგავდნენ მამულებსა და ყმებს. ბატონყმობის გაუქმების წინ ქართველ თავადაზნაურობას სახელმწიფო და კერძო ვალებში დაგირავებული ჰქონდა მამულების (ყმებითურთ) მეტად მნიშვნელოვანი ნაწილი (მარტო თბილისის გუბერნიაში თითქმის მესამედი), რაც ფეოდალური მეურნეობის კრიზისისა და მისი მოშლის მაჩვენებელი იყო.

რეფორმამდელ საქართველოში კაპიტალისტური ურთიერთობა ვითარდება მრეწველობაშიც. წვრილი სასაქონლო წარმოების გვერ-

დით ჩნდებიან მანუფაქტურები, ხოლო აქა-იქ მანქანური წარმოების საწარმოები — ფაბრიკები. ქვეყნის ეკონომიური განვითარების შედეგად იზრდებოდა კაპიტალისტური, საწარმოების რიცხვი და მათ მიერ გამოიმუშავებული პროდუქცია. იზრდებოდა სავაჭრო-სამრეწველო მოსახლეობა მიწათმოქმედი მოსახლეობის ხარჯზე. სავაჭრო და სამრეწველო საქმიანობაში ებმებოდა მოსახლეობის სულ უფრო მეტი ნაწილი. იზრდებოდა ქალაქების — თბილისის, გორის, სიღნაღის, ქუთაისის მოსახლეობა. კაპიტალისტური მრეწველობა უმთავრესად ვითარდებოდა ქ. თბილისში. კაპიტალისტური მრეწველობის განვითარების შედეგად საქართველოში იზრდებოდა დაქირავებული შრომის გამოყენება. საგლეხო რეფორმის წინ დაქირავებულ შრომას უკვე მნიშვნელოვანი ადგილი ეჭირა ქვეყნის ეკონომიკაში.

კაპიტალისტური ურთიერთობის ჩასახვამ და განვითარებამ რეფორმამდელ საქართველოში ბატონყმური ურთიერთობის რღვევა და კრიზისი გამოიწვია, მაგრამ ეს ურთიერთობა ჯერ კიდევ გაბატონებულ ძალას წარმოადგენდა ქვეყანაში და იგი ხელს უშლიდა ახალი მწარმოებლური ძალების განვითარებას. ამიტომ ახალი საწარმოო ძალების განვითარებამ დღის წესრიგში დააყენა ბატონყმობის მოსპობა. ბატონყმობის გაუქმების შემდეგ კაპიტალიზმის განვითარება საქართველოში სწრაფად წავიდა წინ.

გამოუყენებელი ლიტერატურა და წყაროები

- კ. მარქსი, კაპიტალი, ტ. I, თბ., 1954.
- კ. მარქსი, კაპიტალი, ტ. III, ნაწ. 1, 2, თბ., 1932.
- კ. მარქსი, კაპიტალისტური წარმოების წინამორბედი ფორმები, თბ., 1952.
- კ. მარქსი, დაქირავებული შრომა და კაპიტალი, რჩეული ნაწერები, ტ. I, თბ., 1950.
- ვ. ი. ლენინი, ნაროდნიკობის ეკონომიური შინაარსი, თხზ. ტ. I, IV გამოც.
- ვ. ი. ლენინი, შინამრეწველობის აღწერა პერმის გუბერნიისში, თხზ. ტ. 2, IV გამოც.
- ვ. ი. ლენინი, კაპიტალიზმის განვითარება რუსეთში, თხზ. ტ. 3, IV გამოც.
- ვ. ი. ლენინი, ჩვენი საფაბრიკო-საქარხნო სტატისტიკის საკითხისათვის, თხზ., ტ. 4, IV გამოც.
- ი. ბ. სტალინი, მარქსიზმი და ნაციონალური საკითხი, თხზ., ტ. 2.
- ი. ბ. სტალინი, დიალექტიკური და ისტორიული მატერიალიზმის შესახებ, თბ., 1954.
- ი. ბ. სტალინი, სოციალიზმის ეკონომიკური პრობლემები სსრ კავშირში, თბ., 1952.
- პოლიტიკური ეკონომია. სახელმძღვანელო, თბ., 1955.

* * *

ნ. ბერძენიშვილი, ივ. ჯავახიშვილი, ს. ჯანაშია — საქართველოს ისტორია, ნაწ. 1, თბ., 1950; საქართველოს ისტორია, სახელმძღვანელო, 1958 წ.

ნ. ბერძენიშვილი, საქართველოს რუსეთთან შეერთების ისტორიული მნიშვნელობის შესახებ. მნათობი, 1954 № 6.

ნ. ბერძენიშვილი, სამღებროთა შესახებ XVIII ს. საქართველოში (მსკი, ნაკვ. VI, 1937).

პ. გუგუშვილი, კაპიტალიზმის წარმოშობა და განვითარება საქართველოსა და ამიერ-კავკასიაში. თბ., 1941.

პ. გუგუშვილი, მანუფაქტურული წარმოების ისტორიისათვის ამიერკავკასიაში (მსკი, ნაკვ. III, თბ., 1939).

ალ. გრიბოედოვი, ზავილეისკი, რუსეთის ამიერკავკასიური კომპანიის დაფუძნების პროექტი (რუსი მწერლები საქართველოს შესახებ, თბ., 1949).

მ. დუმბაძე, დასავლეთ საქართველო XIX საუკუნის პირველ ნახევარში, თბ., 1957.

ა. კიკვიძე, საქართველოს ისტორია (XIX საუკუნე) თბ., 1954.

შ. მესხია, საქართველოს ქალაქები XIX ს. პირველ ნახევარში (ხელნაწერი), 1949.

ე. ხოშტარია, დაქირავებული შრომა საქართველოში XVIII საუკუნის მეორე ნახევარში და XIX საუკუნის პირველ ნახევარში (საქანდიდატო დისერტაცია), თსუ, 1955.

შ. ჩხეტია, დ. ყიფიანი და საგლებო რეფორმა საქართველოში (საგლებო რეფორმის ისტორიისათვის საქართველოში, თბ., 1950).

ალ. ქავკავაძე, საქართველოს მოკლე ისტორიული ნარკვევი და მდგომარეობა 1801 წლიდან 1831 წლამდე, თხზულებანი, თბ., 1940

И. Антелава, Государственные крестьяне Грузии в первой половине XIX века (до крестьянской реформы 1864 года), Сухуми, Акад. наук Гр. ССР, 1955.

И. Антелава, К вопросу о характере экономического развития Грузии в предреформенный период. (Труды абхазского института, 1956 г.).

З. Анчабадзе, К вопросу о роли торгово-ростовщического капитала в дореформенной Грузии (Матер. по ист. Грузии и Кавк. вып. 30, Тб., 1954).

П. Гугушвили, Развитие промышленности в Грузии и Закавказье в XIX-XX вв, т. I, Тб., 1957.

С. Гулишамбаров, Обзор фабрик и заводов Тифлисской губернии, Тиф., 1888.

С. Гулишамбаров, Обзор фабрик и заводов Закавказского края, Тиф., 1894.

Ю. Кучинский, История условия труда во Франции, Москва, 1950.

Ф. Махарадзе, Грузия в XIX столетии, Тб., 1933.

М. Туган-Барановский. Крепостная фабрика («Великая реформа», т. III, СПб., 1911).

С. Эсадзе, Очерк истории горного дела на Кавказе, Тиф., 1903.

Некоторые замечания на книгу «Обозрение российских владений За-Кавказом», Спб., 1840.

История СССР, т. II, под ред. М. Ц. Нечкиной, М., 1954.

დოკუმენტების კრებულები და სტატისტიკური ცნობარი

ბ. ბერძენიშვილი, მასალები საქართველოს ეკონომიური ისტორიისათვის, ნაწ. II, თბ., 1953.

შ. ჩხეტია, სავლესო რეფორმის ისტორიისათვის საქართველოში, თბ., 1950.

П. Гугушвили, Сельское хозяйство и аграрные отношения, т. I, Тб., 1938.

Акты Кавказской археографической комиссии. т. I—XII.

Колониальная политика российского царизма в Азербайджане в 20—60-х гг. XIX в., ч. I, М.-Л., 1936.

История горной промышленности Закавказья в документах т. I, Грузия, Тб., 1936.

Обозрение российских владений за Кавказом, ч. I, II, Спб., 1838.

Статистическое описание Закавказского края, Спб., 1835.

Статистическое описание губерний и областей Российской империи, т. XVI, ч. 5, Спб. 1858.

Сборник статистических сведений о Кавказе, Тиф., 1869.

Сборник материалов для описания Тифлисской губернии, т. I, вып. I, Тиф., 1870.

ПСЗРИ, т. II, Спб., 1827 г., т. IV, Спб., 1830. (Собрание второе).

პერიოდიკა

„გუთნის დედა“.

„საქართველოს მოამბე“.

„ცისკარი“.

«Кавказский вестник»

«Кавказский календарь».

«Кавказ“.

ЗКОСХ.

საქართველოს ცენტრალური სახელმწიფო საისტორიო არქივი

ფონდი 2, აღწ. 1, საქმე № № 932, 2605, 2716, 2727, 2900, 3109, 3229, 3286, 3795, 4076, 4493, 4526, 4576, 4787,

4803, 5075, 5116, 5539, 5806, 6402, 8290, 8287,
9003, 9113, 9258.

აღწ. 2, საქმე № № 1565, 1737, 3232.

აღწ. 3, საქმე № 323.

ფონდი 4, აღწ. 5, საქმე № № 11, 18, 57, 87, 124, 125, 456.

ფონდი 10, საქმე № № 125, 325, 374, 496, 507, 740, 810, 1103,
1251, 1457, 1519, 1690, 1815, 1835, 2083, 2212, 2786,
2859, 4439, 4478, 9024.

ფონდი 16, საქმე № № 3503, 3956, 4925, 5532, 5543, 5554, 6105,
6244, 6351, 6774, 6885, 7395, 8093, 8888, 9020.

ფონდი 17, საქმე № № 89546, 8957a, 89576, 8962.

ფონდი 26, აღწ. 2, საქმე № № 459, 617, 706.

აღწ. 6, საქმე № 119ა

ფონდი 48, საქმე № № 304, 387.

ფონდი 205, აღწ. 1, საქმე № № 220, 484.

ფონდი 211, საქმე № № 42, 93.

ფონდი 238, საქმე № № 17, 755, 141, 180, 181.

ფონდი 241, აღწ. 3, საქმე № № 11, 12, 13, 15, 39.

ფონდი 254, აღწ. 1, საქმე № 608, 609, 19023, 19055.

ფონდი 255, საქმე № 1467.

ფონდი 264, საქმე № № 11, 20, 33, 39, 159, 208, 245, 293, 768.

ფონდი 270, საქმე № 1, 2, 3.

ფონდი 272, საქმე № № 1, 2, 3, 4, 5, 8, 11, 12, 13, 15, 16, 24, 26,
29, 32, 39, 44, 46, 49.

ფონდი 414, აღწ. 1, საქმე № 18.

ფონდი 416, აღწ. საქმე № № 900, 1074, 1077, 1078.

ფონდი 1105, საქმე № № 44, 562.

განსაკუთრებული საქმეთა ფონდი, საქმე № № 51, 52, 54, 55, 56,
57, 58, 59, 60.

Центр. Гос. Исторический Архив Ленинграда

Фонд 18, оп. 2, д. №№ 15, 395, 396, 397, 398, 399, 400, 535;
560, 561, 586.

Фонд 37, оп. 65, д. № 1988, 2193.

Фонд 1263, оп. 41, 1851 г. д. № 2203,
оп. 44 1854 г. д. № 2426.

Фонд 1268, оп. 1, д. №№ 235, 242, 245, 250, 258, 280, 744, 771.

- оп. 2, д. №№ 775, 977, 1035.
оп. 4, д. № 245.
оп. 5, д. № 316, 338.
оп. 6, д. № 205, 359.
оп. 7, д. №№ 25, 27,, 215, 221. 350, 370.
оп. 8, 1854, д. №№ 21, 159, 340,
1855, д. №№ 138, 335.
оп. 9, 1857, д. № 271,
1858, д. №№ 101, 259, 311.
оп. 10, 1859, д. № 226,
1860, д. № 170,
1861, д. № 228,
1862, д. № 134,
1863, д. № 103,
1864, д. № 137,
1865, д. № 110, 127,
оп. 11, 1866, д. № 142,
оп. 13, 1868, д. № 63.
Фонд 1281, оп. 4, д. №№ 132, 134, 148.
оп. 5, д. №№ 99, 117, 166, 177.
оп. 6, д. № 165.
-

ზ ი ნ ა ა რ ს ი

წინასიტყვაობა 3

თავი პირველი

რუსეთის ცარიზმის კოლონიალურ-ეკონომიური პოლიტიკისა და საქართველოში 6

თავი მეორე

სასაქონლო მეურნეობისა და ვაჭრობის განვითარება. ნატურალური მეურნეობის რღვევა 20

თავი მესამე

საბატონო მეურნეობათა ბურჟუაზიული ევოლუცია და ბურჟუაზიულ მეურნეობათა წარმოშობა 52

სოლომონ გურგენიძის, ალექსანდრე ჭავჭავაძის და დიმიტრი აფხაზის მეურნეობანი 52

ბარონ ნიკოლარს ბურჟუაზიული მეურნეობა ლოკინოში 56

კუჩენბახის ბურჟუაზიული მეურნეობა 64

ანანოვის ბურჟუაზიული მეურნეობა ვარციხეში 66

ივ. მუხრანბატონის მეურნეობა 68

სოლომონ ანდრონიკაშვილის მეურნეობა 72

ნიკო ჩიჭავაძის მეურნეობა 74

ბურჟუაზიულ მეურნეობათა განვითარების შემადგერბეელი მიზეზები 83

ბურჟუაზიული ურთიერთობის შექრა გლეხურ მეურნეობაში. ბატონყმობის მოსპობის აუცილებლობა 91

თავი მეოთხე

კაპიტალისტური სამრეწველო საწარმოები საქართველოში რეფორმამდელ ხანაში 108

აბრეშუმის წარმოება 108

აბრეშუმსახევეი საწარმოები დასავლეთ საქართველოში 123

შაქრის წარმოება 131

მინის წარმოება 151

საპნის, ტყავის, ბამბის, თამბაქოსა და მულის წარმოება 166

სამთამადნო და სამთო-საქარხნო, მექანიკური, აგურისა და სხვათა წარმოებანი 179

სამრეწველო საწარმოების სოციალ-ეკონომიური ბუნება 203

კაპიტალისტური საწარმოებისა და მათ მიერ გამომუშავებული პროდუქციის ზრდა. სამრეწველო მოსახლეობის ზრდა. კაპიტალიზმის განვითარების გზები მრეწველობაში 214

მოკლე დასკვნები 232

გამოყენებული ლიტერატურა და წყაროები 235

ДЕРМИША АНДРЕЕВИЧ ГОГОЛАДЗЕ
КАПИТАЛИСТИЧЕСКИЕ ПРЕДПРИЯТИЯ В СЕЛЬСКОМ
ХОЗЯЙСТВЕ И ПРОМЫШЛЕННОСТИ
ДОРЕФОРМЕННОЙ ГРУЗИИ
(1830—1864 гг.)

(на грузинском языке)

Издательство Академии наук Грузинской ССР

Тбилиси — 1959

• • •

დაიბედა საქართველოს სსრ მეცნიერებათა აკადემიის
სარედ.-საგამომც. საბჭოს დადგენილებით

• • •

რედაქტორი ი. ანთელავა
გამომცემლობის რედაქტორი თ. ბოკუჩავა
ტექნიკური რედაქტორი ნ. ქაფარიძე
კორექტორი თ. ლონდარიძე

გადეცა წარმოებას 21.7.59; ანაწილების ზომა 8 X 10; ხელმოწერილია
დასაბეჭდად 18.12.59; ქაღალდის ზომა 60 X 92¹/₁₆;
ქაღალდის ფურცელი 7,50; საბეჭდი ფურცელი 16,12; საავტორო
ფურცელი 13,8; საადრიცხვო-საგამომცემლო ფურცელი 14,0;
შკეუთა 1002; უე 03400; ტირაჟი 1000
ფასი 10 მან. 25 კაპ.

სტამბა „ლენინსკოე ზნამია“, ქ. თბილისი, ძნელაძის ქ. № 21
Тип. «Ленинское знамя», г. Тбилиси, ул. Дзnelадзе, 21.